

ଲୁକ୍ ଲିଖିତ ସୁସମାଚାର ଲୁକ୍ ଗୁଆରକ୍ଲେ ନିମାଣ୍ଡା ସାମୁଆଁ ଲୁକ୍ ବଇ ବିସୟରେ ଉଠିକ୍ଲିଗ୍ ସାମୁଆଁ

ଲୁକ୍ ଗୁଆର ବକ୍ଲେ ବ୍ଲାଲିର୍ ତିଙ୍ଗକେ ଜିସୁ କ୍ରିଷ୍ଟନେ ଜିବନ୍‌କେ ବର୍ଣ୍ଣନା ତିଙ୍ଗକ୍ଲେ ମିନେ ନିଅମ୍ ଅକ୍ଲିଗ୍ ବଇଇଂବାନ୍ ମୁଇଙ୍ଗ୍ । ଆତେନ୍‌ଇଂ ବାନ୍ ସାପାକେ “ବ୍ଲାଲିର୍” ବାସଙ୍ଗ୍ ମ୍ୟାକେ ଜାନେ ଅରତ “ନିମାଣ୍ଡା ବ୍ଲାଲିର୍ ।” ଆତେନ୍‌ଇଂ ଜିସୁନେ ଗୁଏକ୍ଲେ ଇଡିଙ୍ଗ୍ ମାଡିଡି ମାରକ୍ ଲୁକ୍ ଆରି ଜହନ୍‌ବାନ୍ ଗୁଆର ବକେ । ଲୁକ୍ ଜିସୁନେ ଜିବନ୍ ଗଟ୍‌ନା ଗୁଆରକ୍ଲେ ଏଡେ ଜିସୁନେ ଗୁଏକ୍ଲେ ଆରି ମ୍ପୁକ୍ଲେ ଇଡିଂ ମେଈଙ୍ଗ୍‌ନେ ସିସ୍‌ଇଂ ଆଣ୍ଡିନେ ବିସୟ ସାପା ତିଙ୍ଗ୍‌ଆରକେ ଆତେନ୍ ଡିଗ୍ ଗୁଆର ବକେ ଆତେନ୍ ବଇକେ ଜିସୁ ବେବକ୍ଲେ ସିସ୍‌ଇଂ‌ନେ ସ୍ଲେନେ ବର୍ଣ୍ଣନା ତାର୍‌ତେ ବାସଙ୍ଗ୍ ମ୍ୟାକେ । ଲୁକ୍ ବଇ ଉଡିବେଲା ଆରି ଆଣ୍ଡିଅରିଆ ଗୁଆର ବକେ ଆତେନ୍ ବିସୟରେ ଟିକନା ଜାଣ୍ଡେ ଡିଗ୍ ଆମ୍ୟା ଶ୍ଟ୍ରୁମାତର୍ ଉଡିରୁଆ ପଣ୍ଡିଡିଇଂ ରାଜି ତିଙ୍ଗ୍‌ମ୍ୟାକେ ଜେ ଆକେନ୍ ତିଂଲେଃଏ ଜିସୁ କିସ୍‌ଟନେ ଜନମ୍‌ନେ ଞ୍ଜିକ୍ଲୁଡି ଗୁଆ ମୁଆଁ ଇଡିଙ୍ଗ୍ ଗୁଆର ବକେ ।

ଗୁଆରଣ୍ଡେ ତିଙ୍ଗ୍‌ତିଙ୍ଗ୍‌କେ ଲୁକ୍ ଜାଣ୍ଡେ କି ମେଁ ଗଦାର୍ ଲେଃଗେ । ମେଁନେ ଗୁଆରକ୍ଲେ ସେଲି ଆରି ବାସା ବେବଆର୍ ଦର୍‌ସେ ଜେ ମେଁ ମୁଇଙ୍ଗ୍ ଞ୍ଜାନ୍ ରେମୁଆଁ ଲେଃଗେ । ଜିସୁନେ ଜିବନ୍‌ନେ ଗଟ୍‌ନାଇଂ ଗଟେଃଝେକ୍ଲେ ସଜେତେ ଆଃଜାର୍‌ତେ ଟିକ୍ ବର୍ଣ୍ଣନା ତିଙ୍ଗ୍‌ନେ ଚାଏଁମ୍ୟାକେ ଜେଡିକି ବିନ୍‌ରେଇଂ ଆତେନ୍ ପଡେତେ ବୁଦି ବଆରଏ ୧:୧-୩ । ମେଁ ମୁଇଙ୍ଗ୍ ଜିହୁଦି ଜାତି ଆଲେଃଗେ ଶ୍ଟ୍ରୁକୁଲସିୟ ୪:୧୦-୧୪ ଆରି ମେଁ ଦେକ୍‌ରକମ୍ ସୁଗୁଆ ଗୁଆର ବଗେ ।

ଯିଉଦି ଶ୍ଟ୍ରୁଣ୍ଡେ ବୁଜେ ଯାଆରକେ । ଆତେନ୍ ଯିଉଦି ନିୟମ୍‌ଇଂ ବର୍ଣ୍ଣନା ତିଙ୍ଗ୍‌ନେବାନ୍ ଆକେନ୍ ନେନେ ନିମାଣ୍ଡା କିକେ ନେଡିଙ୍ଗ୍‌କେ ୧:୮ ।

ଲୁକ୍ ଗୁଆରକ୍ଲେ ବ୍ଲାଲିର୍ ମାଡିଉ ଆରି ମାରକ ବଇ ଏଡେ ପାକା ପାକି ସମାନ୍ ଲେଖକେ ଡାଗ୍ଲା ମେଇଂ ସମାନ୍ ବିସୟ ବାବ୍ରେ ବର୍ଣ୍ଣନା ଡିଙ୍ଗମ୍ୟାକେ । ଙ୍ଵିଲ୍ଲିଗ୍ ବଇବାନ୍ ଲୁକ୍ ଦୁବନ୍‌ଶ୍ଟ୍ରେ ଜହନ୍‌ନେ ଜନମ୍ ବିସୟରେ ନିମାଣ୍ଡା ବାବେ ଆଃସୁଏ ଡିଙ୍ଗକେ । ଆରି ଲୁକ୍ ପାରତନା ଆଡାଡ୍ରା ଜାବର୍ ଦିଆନ୍ ବିମ୍ୟାକେ ୩:୨୧; ୫:୧୭; ୬:୧୨; ୧୧:୧-୧୨; ୨୨:୩୨ ଆରି ମେଁ ଦୟା ଆଡାଡ୍ରା ଡିଗ୍ ଦିଆନ୍ ବିମ୍ୟାକେ ୩:୩; ୧୧:୪; ୧୭:୩-୪; ୨୩:୩୪; ୨୪:୪୭ ।

ସାସ୍ତ୍ର ବିତ୍ରେ ଲେଖକେ ସାମୁଆଁଇଂ

- ୧. ଲୁକ୍ ବ୍ଲାଲିର୍‌ନେ ମୁଲ୍ ଆରି ଗୁଆରକ୍ଲେ ଇକଟା ବର୍ଣ୍ଣନା ଡିଙ୍ଗମ୍ୟାକେ । ୧:୧-୪
- ୨. ଜିସୁନେ ଜନମ୍ ଆରି ମେଁ ଡିରକମ୍ ସେବାକାମ୍ ଡିଙ୍ଗନ୍‌ସା ଡିଆର୍ ଡିଙ୍ଗକେ । ୧:୫; ୨:୧୩
- ୩. ଜିସୁ ସ୍ନେକ୍ଲେ ସାପା ସଡ୍ ବାବ୍ରେ ମେଁ ଡିଙ୍ଗବକ୍ଲେ ଇରିଆଡୁଗ୍ କାମ୍ ଆରି ମେଁନେ ଜ୍ଞାନ୍ ବିସୟରେ ବାସଙ୍ଗ୍ ମ୍ୟାକେ ଏନ୍ ଡିଙ୍ଗଡିଙ୍ଗକେ ବ୍ଲାଲିର୍‌ନେ ମ୍ଲା ବଇ । ୪:୧୪; ୨୧:୩୮
- ୪. ସାରାସାରି ଇଡିଙ୍ଗ୍ ମ୍ଲାକ୍ଲିଗ୍ ଅଦ୍ୟାୟନ୍ନିଆ ଜିସୁ ଡିରକମ୍ ଗୁଏକେ ଆମେକେ ଡିରକମ୍ ଆଡି ଆରକେ ଆରି ଗୁଏକ୍ଲେ ବାନ୍ ଡଡିଆକେ ଅଦ୍ୟାୟ । ୨୨:୨୩-୨୪

ଜିସୁନେ ଜିବନ୍ ବିସୟରେ ଲୁକ୍ ଗୁଆରବକେ

୧ ମ୍ଲାରେ ଥୁୟୋଫିଲସ୍ ।

ନେନେ ବାନ୍ ମେଃନେ ମେଃନେ ଗଟେ ଲେଖକେ ମେଁନେ ଗଟ୍‌ନାଇଂ ଗୁଆରନ୍‌ସା ବ୍ଲୁଏ ଜିଆ ଜିଆ ଚେସଟା ଡିଙ୍ଗ୍ ଡିଙ୍ଗକେ ।

୨ ଆରାମ୍ ବାନ୍ ଆକେନ୍ ସାପା ଗଟ୍‌ନା କେଲେଖକ୍ଲେ ରେମୁଆଁଇଂ ଡିରକମ୍ ନିମାଣ୍ଡା ସାମୁଆଁ ବାସଙ୍ଗ୍ ଅଲେଙ୍ଗ୍ ଆରଗେ ଆଡେନ୍ ଇସାବ୍ରେ ଗୁଆର୍ ବଆରକେ ।

୩ ତେସା ଅ ମାପୁ ଥୁୟୋଫିଲସ୍, ନେଙ୍ଗ୍ ଜତନ୍ ବାବ୍ରେ ପର୍ଡୁମ୍ ବାନ୍ ଏନ୍ ସାପା ବିସୟ ଦ୍ୟାନ୍ ଡିଂମ୍‌ଲା ପେନେ ଡାଗ୍ଲା ଏନ୍ ମୁଇଂ ନିୟମ୍ ବାବ୍ରେ ଗୁଆର୍ ନ୍‌ସା ଟିକ୍ ମନେ ଶ୍ରିଙ୍ଗକେ ।

୪ ଆକେନ୍ ସମ୍ପର୍କରେ ନାନେ ଆଣ୍ଡିନେ ସାପା ସାମୁଆଁ ଗିଆନ୍ ବାଚେ । ମେଁନେ ସର୍ତ୍ତେ ସତ୍ ଡିରକମ୍ ବାୟାଏ ଆତେନ୍‌ସା ନେଙ୍ଗ୍ ଆକେନ୍ ଗୁଆର୍ ଶ୍ରିଙ୍ଗକେ ।

ଜିଖରିୟ ଆରି ଏଲିଶାବେଥ୍

୫ ଜିଉଦା ଦେସ୍‌ନେ ଇଃସାଙ୍ଗ୍ ହେରୋଦ ଲେଃଠେ ବେଲା ଅବିୟ ଦଲ୍‌ନେ ଜିଖରୀୟ ମ୍ରିଙ୍ଗେ ମୁଇଁ ପୁଜାରି ଲେଃଠେ ମେଁନେ କୁନେଣ୍ଡେ ହାରୋଣ କୁଲ୍‌ନେ ସେଲାମୁଏ ମେଁନେ ମ୍ରି ଏଲିଶାବେଥ୍ ।

୬ ମେଇଁ ମ୍ୟାୟା ପର୍ମେସର୍ ଡାଗ୍ରା ନିମାଣ୍ଡା ରେମୁଆଁ ଲେଃଠେ ମେଇଁ ମ୍ୟାୟା ମାପୁନେ ସାପା ଆଦେସ୍ ପାଲନ୍ ଡିଙ୍ଗ୍‌ଆର୍ଡିଂଗେ । ମାପୁ ରେମୁଆଁକେ ପାଲେନ୍‌ସା ବାସଙ୍ଗ୍‌ବକ୍ସେ ସାପା ସାମୁଆଁ ମେଇଁ ମ୍ୟାୟା ପାଲେଡିଙ୍ଗ୍‌ଗେ ।

୭ ମାତର୍ ମେଁଇଙ୍ଗ୍‌ନେ ମେଃଡିଗ୍ ଗୋ ଗିସିଆ ଆଲେଃଠେ ଶ୍ରି । ଏଲିଶାବେଥ୍ ବାଞ୍ଜିବଏଃ ଲେଃଠେ ମ୍ୟାୟାନ୍‌ନେ ବୟସ୍ ଜବର୍ ଡିଙ୍ଗ୍‌ଝେଲେଃଠେ ।

୮ ମେସୁଆ ଜିଖରିୟ ମନ୍ଦିର୍‌ନ୍ନିଆ ଇସ୍‌ପର୍‌ନେ ଡାଗ୍ରା ପାର୍ତନା କାମ୍ ଡିଂଡିଂଗେ, ଡାଗ୍ଲା ଆତାନ୍ ଦିନା ପୁଜାରି କାମ୍ ନ୍‌ସା ମେଁନେ ପାଲି ଲେଃଠେ ।

୯ ଦୁପ୍ ଆଃମଃ ନ୍‌ସା ପୁଜାରିଇଁ ସାପାବେଲା ମୁଇଙ୍ଗ୍ ପୁଜାରିକେ ବାଚେ ଡିଙ୍ଗ୍‌ଗେ । ଆତେନ୍‌ସା ଜିଖରୀୟକେ ବାଚେ ଆର୍‌କେ । ତେଲା ଜିଖରିୟ ମାପୁନେ ମନ୍ଦିର୍ ବିଡ୍ରେ ଦୁପ୍ ଆଃମଃ ନ୍‌ସା ଝେକେ ।

୧୦ ଆତେନ୍ ଦିନା ମେଁ ମନ୍ଦିର୍ ବିଡ୍ରେ ଗାଚେ ଦୁପ୍ ବିନେ ବେଲା ବାଏରେ ମୁଇଁ ମାଲେ ରେମୁଆଁ ରିସିଂଚେ ମେଇଁ ପାର୍ତନା ଡିଙ୍ଗ୍‌ଆର୍ଡିଙ୍ଗ୍‌ଗେ ।

୧୧ ଆତେନ୍ ବେଲା ଜିଖରିୟନେ ସେନୁଗ୍ ମାପୁନେ ମୁଇଙ୍ଗ୍ କିତଂ ଦୁଡ୍ ଦର୍ସନ୍ ବିକେ । ମେଁ ଦୁପ୍ ବେଦିନେ ଞ୍ଜିଡି ପାକା ତୁଆଁ ଲେଃଠେ ।

୧୨ ଜିଖରୀୟ କିତଙ୍ଗ୍ ଇନି ଦୁଡ୍‌କେ କେକ୍ସେ ଦାପ୍ରେ ତେରେପେତେ ଆରି ଜବର୍ ବୁଟକେ ।

୧୩ ମାତର୍ କିତଂ ଦୁଡ୍ ଆମେକେ ବାସଙ୍ଗ୍‌କେ “ଜିଖରୀୟ ! ଆବ୍‌ଗେ ନାମଃ ନାନେ ପାର୍ତନା ପର୍ମେସର୍ ଆଁ ଲେଃଠେ । ନାନେ

ନାକୁନେ ଏଲିଶାବେଥ୍ ମୁଇଙ୍ଗ୍ ଲିଋବଏଥ ଶ୍ରିଆ କୁମାଏ । ପେଇଁ
ମୈନେ ମ୍ରି ଜହନ୍ ପେବଏ ।

୧୪ ନାନେ ଜାବର୍ ସାର୍ଦା ନାଡ଼ିଙ୍ଗଏ । ମୈନେ ଜନମ୍ ନସା ଗୁଲେ
ରେମୁଆଁ ସାର୍ଦା ଡ଼ିଙ୍ଗଏ ।

୧୫ ମାପୁନ୍‌ସା ଜହନ୍ ମ୍ଲା ଡ଼ିଗ୍ ଏ । ମୈ ଅଃନା ଡ଼ିଙ୍ଗ୍ ଅଙ୍ଗୁର୍ ରସ୍
ଆରି ସାଗ୍ରା ଆଉଗ୍ ଶୁ ଦେକ୍‌ରକମ୍ କି ଜନମ୍ ବେଲା ମୈ ପବିତ୍ର
ଆମ୍‌ରେ ବର୍ତ୍ତି ଡ଼ିଙ୍ଗଏ ।

୧୬ ଜହନ୍ ଗୁଲେ ଇଶ୍ରାୟେଲ ରେମୁଆଁଙ୍କେ ମାପୁନେ ଡାଗ୍ରା
ଆଶ୍ରେ ପାଙ୍ଗନ୍‌ସା ସାଇଜ ଡ଼ିଙ୍ଗଏ । ମାପୁ ମୈଇଙ୍ଗ୍‌ନେ ପର୍‌ମେସର୍
।

୧୭ ଜହନ୍ ନିଜେ ମାପୁନେ ସେନ୍‌ଗ୍ ଝେଏ । ମୈ ଏଲୀୟ ରକମ୍
ବପୁ ଡ଼ିଙ୍ଗଏ । ମୈ ଏଲୀୟନେ ଆମ୍‌ା ବାଏ । ମୈ ଆବାଡ଼େଇଁ
ଆରି ଗଡ଼େଇଁନିଆବାନ୍ ସାନ୍ତି ଆଃଡ଼ିଙ୍ଗ୍ । ପର୍‌ମେସର୍‌କେ ଆମାନେ
ମ୍ୟାକ୍‌େ ଗୁଲେ ରେମୁଆଁଙ୍କେ ଦର୍ମ ରେମୁଆଁଙ୍କେ ମୁଆଃ ଟିକ୍
ଗାଲିପାକା ମୈ ଡୁଙ୍ଗ୍‌ପାଙ୍ଗଏ । ଆରି ମାପୁନେ ପାଙ୍ଗନ୍‌ସା ମୈ
ରେମୁଆଁଙ୍କେ ଡ଼ିଆର୍ ଆଡ଼ିଙ୍ଗଏ ।”

୧୮ ଜିଖରୀୟ କିତଙ୍ଗ୍‌ଇନିନେ ଦୁଡ଼କେ ବାଲିରକେ “ନାନେ
ମେଃମେଃ ବାସଙ୍ଗ୍‌ନାଡ଼ିଂକେ, ଆଡେନ୍ ସଡ଼ ଡାଗ୍‌ରେ ନେଙ୍ଗ୍ ଡ଼ିରକମ୍
ମ୍ୟାଏ ? ନେଙ୍ଗ୍ ମୁଇଙ୍ଗ୍ ଡକ୍ରା ରେମୁଆଁ ଆରି ନେଙ୍ଗ୍‌ନେ ନେକୁନେଃ
ଡ଼ିଗ୍ ଡକ୍ରି ଡ଼ିଙ୍ଗ୍ ଝେଗେ ।”

୧୯ କିତଙ୍ଗ୍‌ଇନିନେ ଦୁଡ଼ ଉଡର୍ ବିକେ “ନେଙ୍ଗ୍ ଗାବ୍ରିଏଲ୍ ।
ନେଙ୍ଗ୍ ପର୍‌ମେସର୍‌ନେ ସାମ୍‌ନେ ତୁଆଁ ଲେଃମ୍ୟାକେ । ନାନେ
ଏଡେ ବାଲିରବାତା ଡ଼ିଙ୍ଗ୍‌ସା ଆରି ଏନ୍ ନିମାଶ୍ରା ସାମୁଆଁ ବିଃନ୍‌ସା
ପର୍‌ମେସର୍ ଆନେଙ୍ଗ୍‌କେ ବେବକେ ।

୨୦ ଏବେ ଅଁପା ! ନାନେ ନେଙ୍ଗ୍ ସାମୁଆଁରେ ବିସ୍‌ବାସ୍ ପେଡ଼ିଙ୍ଗ୍‌କେ
ଶୁ ମାଡର୍ ଡ଼ିଲାଡ଼ିଗ୍ ବେଲା ପାଙ୍ଗ୍‌ଲା ଏନ୍ ସଡ଼ ଡାଗ୍‌ରେ ପାର୍‌ମାନ୍
ଡ଼ିଙ୍ଗଏ । ଏବେ ପେଇଁ କନ୍ଦା ଡ଼ିଙ୍ଗ୍‌ପେଝେଏ । ଉଡ଼ି ଜାକ ଏନ୍
ନ୍‌ସା ଆଗଟେକେ ଆଡେନ୍ ଜାକ ପେଇଁ ବାସଙ୍ଗ୍‌ନେ ବପୁ ଆଃରେଡେ
ପେକେ ।”

୨୧ ଆଡେନ୍ ବେଲା ରେମୁଆଁଇଙ୍ଗ୍ ଜିଖରୀୟକେ ବାଏରେ ଉର୍‌ଲେ

ଆରଗେ । ମେଇଁ ଇରିଆଡୁଗ୍ ଆରଗେ ଜେ ଅଃକେନ୍ ବେଲା ଜାକ ଜିଖରିୟ ମନ୍ଦିର ବିତ୍ତେ ମେନ୍‌ସା ଅଟ୍‌କେ ଝେଲେଗେ !

୨୭ ଉଡ଼ିବେଲା ଜିଖରିୟ ବାଏରେ ପାଙ୍ଗ୍‌କେ ଆତେନ୍ ବେଲା ମେଁ ମେଃଡ଼ିଗ୍ ସାମୁଆଁ ବାସଙ୍ଗ୍ ଯାଆଡ଼ିଂଗେ ଶୁ । ଆତେନ୍‌ସା ମେଇଁ ବୁଜେ ଯାଆରକେ ଜେ ମେଁ ମନ୍ଦିର ବିତ୍ତେ ମେଃଡ଼ିଗ୍ ଦର୍ସନ୍ ବାଲେକେ । ମେଁ କନ୍ଦାଗୁଲା ଡିଗ୍ ଝେଲେଃଗେ ଆରି ମେଁ ବାଆଃ ମାଝେଚେ ବାସଙ୍ଗ୍ ଡିଙ୍ଗ୍‌ଗେ ।

୨୮ ଜିଖରୀୟନେ ଜତନ୍ ସ୍ତେନେ ବେଲା ଡାକ୍ତେ ଇଡ଼ିଙ୍ଗ୍ ମେଁ ତୁଆ ଆଣ୍ଡେ ଝେଗେ ।

୨୯ ତେନ୍ ଇଡ଼ିଂ ଜିଖରୀୟନେ କୁନେଡେ ଏଲିଶାବେଥ୍ ସର୍ତେ ଡଂକେ ତେସା ଏଲିଶାବେଥ୍ ତୁଆ ବାଏରେ ମାଲ୍ ଆକେ ଜାକ ଆଡାରକେ ଶୁ ।

୩୦ ଏଲିଶାବେଥ୍ ବାସଙ୍ଗ୍‌କେ “କେଲା ସାରାସାରିବେଲା ପର୍‌ମେସର୍ ଆନେଙ୍ଗ୍‌କେ ସାଇଜ ଡିଙ୍ଗ୍‌ବକେ । ରେମୁଆଁଇଁନେ ବାନ୍ ନେଙ୍ଗ୍‌ନେ ଗିଆସ ଆଃଡିଙ୍ଗ୍ ନ୍‌ସା ମାପୁ ନେଙ୍ଗ୍ ଆଡାଡା ସାଃଡିଙ୍ଗ୍‌କେ ।”

ସେଲା ମରିୟମ୍

୩୧ ଏଲିଶାବେଥ୍‌କେ ଗାଗ୍‌ଡେନେ ତୁର୍ ଆରକେ କେଲା ଗାବ୍ରିଏଲ୍ ଦୁଡ୍ ଇସ୍‌ପରନେ ବାନ୍ ଗାଲିଲୀନେ ନାଜରିତ ମ୍ରିକ୍ଟେ ଇନିନ୍‌ସିଆ ମ୍ରିକ୍ଟେ ସେଲା ଡାଗ୍ରା ବେକେ;

୩୨ ଦାଉଦ୍ ବଂସନେ ଯୋସେଫ୍ ମ୍ରିକ୍ଟେ ମୁଇଁ ଙ୍ଗିରେ ଏଡେ ମେଁନେ ବିଏ ଡିଙ୍ଗ୍‌ନେ ସାଲିଆ ବଗେ ! ଆତେନ୍ ସେଲାନେ ମ୍ରି ମରିୟମ୍ ।

୩୩ କିତଂ ଦୁଡ୍ ଆତେନ୍ ସେଲା ଡାଗ୍ରା ପାଙ୍ଗ୍‌ଚେ ବାସଙ୍ଗ୍‌କେ, “ନାନେ ସାନ୍ତି ତିଂଲେଃ । ମାପୁ ଆନାକେ ଲିବିସଃ ତିଂବକେ । ମେଁ ନାଁ ଏଡେ ଲେଃକେ ।”

୩୪ ମରିୟମ୍ କିତଂ ଦୁଡ୍‌ନେ ସାମୁଆଁ ଅଁଚେ ଚମ୍‌କେ ଝେକେ । ମେଁନେ ଅର୍ତ୍ତ ମେଁନେ ଡିଙ୍ଗ୍‌ୟାଏ ଆତେନ୍ ସାମୁଆଁ ବାବେଚେ ମେଁ ଚିନ୍ତାଡିଙ୍ଗ୍‌କେ ।

୩୫ କିତଂ ଦୁଡ୍ ଆମେକେ ବାସଙ୍ଗ୍‌କେ “ମରିୟମ୍ ! ଆବ୍‌ଚଗେ ନାମଃ । ଡାଗ୍ରା ପର୍‌ମେସର୍ ନାନେ ଆଡାଡା ଲିବିସ ଡିଙ୍ଗ୍‌ବକେ ।

୩୧ ☆ଆରି କେଲା ନା ଗାଗଡ଼େ ସାଚେ ମୁଇଙ୍ଗ ଗଡ଼େଅ ଜନମ୍ ନାଡ଼ିଙ୍ଗ୍ ଆରି ମେଁନେ ମ୍ମି ଜିସୁ ନାବିଏ ।

୩୨ ମେଁ ମ୍ମାରେ ଡିଙ୍ଗ୍ ଆରି ପରମେସର୍‌ରେ ଉଙ୍ଗଡ଼େ ତାଗ୍‌ରେ ଉଡ୍ରା ଡିଙ୍ଗ୍; ମାପୁ ଇସପର୍ ଆମେକେ ମେଁଇଙ୍ଗ୍‌ନେ ଛା ଜ୍ଞାନେ ଦାଉଦ୍‌ନେ ସିଂଆସନ ବିଏ

୩୩ ମେଁ ଜାକୁର୍‌ନେ କୁଲ୍ ଆଡ଼ାତ୍ରା ମାତାନେ ଜୁଗ୍ ଜାକ ସାସନ୍ ଡିଙ୍ଗ୍ ଆରି ମେଁନେ ରାଇଜ୍ ଆଃଡ଼ା ଶୁ ।

୩୪ ତେଲା ମରିୟମ୍ ଦୁଡ଼କେ ବାସଙ୍ଗ୍‌କେ ଏନ୍ ତିରକମ୍ ଡିଙ୍ଗ୍ ? ନେଙ୍ଗ୍ ତ ଜିରବଏ ଏଡେ ନ୍ନାମିସୁକେ ଶୁ ।

୩୫ ଦୁଡ଼ ଆମେକେ ଉତର୍ ବିକେ ପବିତ୍ର ଆମ୍ମା ନାଁ ଆଡ଼ାତ୍ରା ପାଙ୍ଗ୍ ଆରି ପରମେସର୍‌ନେ ବପୁ ଆନାକେ ତାତୁଂପାଙ୍ଗ୍ ଆଡେନ୍‌ସା ଜାଣ୍ଟେ ଜନମ୍ ଡିଙ୍ଗ୍ ମେଁ ପବିତ୍ର ଆରି ଇସପର୍‌ନେ ଉଙ୍ଗଡ଼େ ତାଗ୍‌ରେ ଉଡ୍ରା ଡିଙ୍ଗ୍ ।

୩୬ ଆରି କେଲା ନାନେ ନିଜର୍ ରେମୁଆଁ ଏଲିଶାବେଥ୍ ତିଗ୍ ଡକ୍ରିବେଲା ମୁଇଙ୍ଗ୍ ଗଡ଼େଅ ସୁଲୁଏ ବିଡ଼େ ସାଃଲେଃକେ । ଜେ ବାଞ୍ଜିବଏଃ ତାଗ୍‌ରେ ବାସଙ୍ଗ୍ ମ୍ୟାଃଆରକେ ମେଁନେ ଏକ୍ତେ ତୁର୍ ଆରକେ ଡିଙ୍ଗ୍‌ଡିଙ୍ଗ୍‌କେ;

୩୭ ତାଗ୍ଲା ଇସପର୍‌ନେ ବାନ୍ ତାରକ୍ଲେ ମେଃଡିଗ୍ ସାମୁଆଁ ବପୁଇନ୍ ଆଡିଙ୍ଗ୍ ଶୁ ।”

୩୮ ମରିୟମ୍ ବାସଙ୍ଗ୍‌କେ “କେଲାପା ନେଙ୍ଗ୍ ମାପୁନେ ଦାସୀ ନାନେ ଆନେଙ୍ଗ୍‌କେ ମେଁନେ ନାବାସଙ୍ଗ୍‌କେ ନେଙ୍ଗ୍‌ସା ଆଡେନ୍ ଅଁ ଡିଙ୍ଗ୍‌ଲେ ।” ତେନ୍ ଇଡ଼ିଂ କିଡ଼ଂ ଦୁଡ଼ ମେବାନ୍ ତାରକ୍‌ରେ ।

ମରିୟମ୍ ଆରି ଜିଖରିୟ୍ ଏଲିଶାବେଥନିଆ ଝେ ଆରକେ

୩୯ ଏନ୍ ବେଲା ମରିୟମ୍ ତଡ଼ିଆଚେ କଣ୍ଟା ରାଜିନେ ଏରିଆ ଜିଉଦା ଦେସନେ ମୁଇଙ୍ଗ୍ ଇନିନ୍‌ନିଆ ଗାପ୍‌ନା ଝେକେ ।

୪୦ ଆରି ଜିଖରିୟ୍‌ନେ ତୁଆ ଗାଚେ ଏଲିଶାବେଥ୍‌କେ ସାଲ୍ ଆରକେ ।

☆ ୧:୩୧ ମାଡିଉ ୧:୨୧.

୪୧ ଆରି ଏଲିଶାବେଥ୍ ନମସ୍କାର ଅଁ ନେନେ ଦାପ୍ରେ ଆତେନ୍ ତାଆଁ ଗଡ଼େଅ ମରିୟମ୍‌ନେ ସୁଲୁଏ ବିଡ୍ରେ ଝାଡ଼େଙ୍ଗ୍ ଝାଚେ ତଡ଼ିଆକେ ଆରି ଏଲିଶାବେଥ୍ ପବିତ୍ର ଆମ୍ବା ବାଚେ ତଡ଼ିଆକେ

୪୨ ଆରି ଏଲିଶାବେଥ୍ କିରଚେ ବାସଙ୍ଗକେ “ନାନେ ସାପା ସେଲ୍ଲାନୁସୁବାନ୍ ଜବର୍ ଦନ୍ୟ । ଦନ୍ୟ ନାନେ ଗର୍ବେନେ ଗଡ଼େଅ ।

୪୩ ଆରି ନେଙ୍ଗ୍ ମାପୁନେ ଇୟାଙ୍ଗ୍ ଜେ ନେଙ୍ଗ୍ ତାଗ୍ରା ପାଙ୍ଗ୍ଏ ନେଙ୍ଗ୍‌ନେ ଏନ୍ ନିମାଣ୍ଡା ବେଲ୍ଲା ଆଣ୍ଡିବାନ୍ ପାଙ୍ଗ୍‌କେ ?

୪୪ ନେଙ୍ଗ୍ ନାନେ ବାଲିର୍‌ବାତାନେ ସାମୁଆଁ ଅଁନେ ଦାପ୍ରେ ନେଙ୍ଗ୍‌ନେ ଗର୍ବେନେ ଗଡ଼େଅ ସାର୍ଦାରେ ଝାଡ଼େଙ୍ଗ୍ ଝାଚେ ତଡ଼ିଆକେ ।

୪୫ ନାନେ ଦନ୍ୟ । ତାଗ୍ଲା ମାପୁ ଆନାକେ ମେଁନେ ବାସଙ୍ଗବଗେ ନାନେ ଆତେନ୍ ବିସ୍‌ବାସ୍ ତିଙ୍ଗ୍‌ନାବ । ଏନ୍ ସାମୁଆଁ ସତେଆ ଗଚେଏ ତାଗ୍‌ଚେ ନାନେ ବିସ୍‌ବାସ୍ ନାଡ଼ିଙ୍ଗକେ ।

ମରିୟମ୍‌ନେ ଦନ୍ୟବାଦ୍ ଅସ୍‌ମାର୍

୪୬ ଆଡ଼ବା ମରିୟମ୍ ବାସଙ୍ଗକେ ନେଙ୍ଗ୍‌ନେ ପାରାନ୍ ମାପୁକେ ପ୍ରସଂସା ତିଙ୍ଗ୍ ତିଙ୍ଗକେ ।

୪୭ ଆରି ନେଙ୍ଗ୍‌ନେ ଆମ୍ବା ନେଙ୍ଗ୍‌ନେ ଉଦାର୍ ତିଙ୍ଗ୍‌ଶ୍ଟ୍ରେ ଇସ୍‌ପର୍‌ନ୍ନିଆ ସାର୍ଦା ଆଡ଼ିଙ୍ଗତିଙ୍ଗକେ ।

୪୮ ନେଙ୍ଗ୍‌ନେ ମେଁନେ ଜଗ୍ୟ ଶ୍ରୁମ୍‌ମାତର୍ ପର୍‌ମେସର୍ ନେଙ୍ଗ୍ ସୁଗୁଆ ଅରକିଡ଼ ରେମୁଆଁ ଆଡ଼ାତ୍ରା ଦୟା ଆସୁଏକେ । ଏକେବାନ୍ ସାପାରେ ଆନେଙ୍ଗକେ ସୁକ୍ ରେମୁଆଁ ତାଗ୍‌ଚେ ବାସଙ୍ଗଆର୍ଏ ।

୪୯ ତାଗ୍ଲା ସାପାରୁ ବପୁରେ ପର୍‌ମେସର୍ ନେଙ୍ଗ୍‌ସା ମ୍ଲା କାମ୍ ସାପା ତିଙ୍ଗ୍ ବକେ ।

ମେଁଇଙ୍ଗ୍‌ନେ ମ୍ଲି ପବିତ୍ର ।

୫୦ ଜାଣ୍ଡେଇଁ ଆମେକେ ବୁଚ ଆର୍ଏ ।

ମେଁ ଆମେଇଁକେ କାଲାଆଃ ଲିବିସ ଏ ।

୫୧ ମେଁ ମେଁନେ ତ୍ରିନେ ବପୁ ଆଃସୁଏ ବକେ ।

ମେଁ ଆଁକାର୍ ରେମୁଆଁଇଁକେ ଚିନ୍‌ଚତର୍ ଆଡ଼ିଙ୍ଗଚେ ମେଁଇଙ୍ଗ୍‌ନେ ସାପା ଉପାୟ୍ ଦଂସ ଆଡ଼ିଙ୍ଗକେ ।

୫୨ ପର୍‌ମେସର୍ ଇଃସାଙ୍ଗକେ ସିଂଆସନ ବୁନ୍ଦେ ଆଜର୍‌କେ ।

ଆରି ଗରିବ୍ ରେମୁଆଁଙ୍କେ ଆମ୍ଭାଏ ବକେ ।

୫୩ ମେଁ କେଡ଼େସ ଲେଖକ୍ସ ରେମୁଆଁଙ୍କେ ଚଙ୍ଗନେ ବିବକେ ।

ବାରି ସାଉକାର୍ ରେମୁଆଁଙ୍କେ ସରା ତ୍ରିନ୍ନିଆ ଆଣ୍ଡେ ବିବକେ ।

୫୪ ନେନେ ଅଃସେଣ୍ଡେଇଁ ଆଡ଼ାଡ଼ା ମେଁନେ ପାର୍ମାନ୍ ମେଁ ରକ୍ୟା
ଡିଂବକେ ବାରି ମେଁନେ ଚାକର୍ ଇଣ୍ଡାୟେଲ୍‌କେ ସାଇଜ
ଡିଂବକେ ।

ମେଁ ଆନେକେ ମେଁନେ ଦୟା ବିବକେ

୫୫ ମେଁ ଆନେକେ ଗ୍ରା ଞ୍ଜାଇଁକେ ଅରାହାମ୍ ଆରି ମେଁନେ ଗୋ
ଗିସିଆକେ ଜୁଗ୍ ଜୁଗ୍ ଦୟା ଆଃସୁଏନ୍‌ସା ବିବକ୍ସେ ଅସେନେ
ସାମୁଆଁ ପାଲେ ବଆରକେ ।”

୫୬ ଆରି ମରିୟମ୍ ଞ୍ଜି ଆରକେ ଜାକ ଏଲିଶାବେଥ୍ ଡାଗ୍ରା ଲେଖଚେ
ଇଡ଼ିଙ୍ଗ୍ ନିଜେନେ ତୁଆ ଆଣ୍ଡେ ଝିଗ୍‌କେ ।

ଦିକ୍ୟାଣ୍ଡେ ଜହନ୍‌ନେ ଜନମ୍ /

୫୭ ଇଡ଼ିଙ୍ଗ୍ ଏଲିଶାବେଥ୍‌ନେ ଶ୍ରିଆ କୁମାନେ ଦିନା ଡିଙ୍ଗ୍ ଝେଗେ ମେଁ
ମୁଇଙ୍ଗ୍ ଗଡ଼େଥ୍ ଶ୍ରିଆ କୁମାକେ ।

୫୮ ଆରି ମେଁନେ ତୁଆ ଡାଗ୍ରାଣ୍ଡେଇଁ ଆରି ତୁଆଣ୍ଡେଇଁ ଅଁକେ ଜେ
ମାପୁ ମେଁ ଆଡ଼ାଡ଼ା ଜବର୍ ଦୟା ଆସୁଏବକେ । ମେଇଁ ଏଲିଶାବେଥ୍
ସାଦା ଡିଙ୍ଗ୍‌କେ ।

୫୯ ଗଡ଼େଅନେ ଜନମ୍ ଡିଙ୍ଗ୍‌ନେ ମ୍ ଦିନା ମେଇଙ୍ଗ୍ ଗଡ଼େଅକେ
ପବିତ୍ର ଆଃଡିଂନେ* ପାଙ୍ଗ୍‌ଆରକେ ଆରି ମେଇଁ ଗଡ଼େଅନେ
ମ୍ ମେଁନେ ଆବାଡ଼େନେ ମ୍ ଇସାବ୍‌ରେ ଜିଖରୀୟ ବିଃନେ
ଚାଏଁଆରଡ଼ିଙ୍ଗ୍‌ଗେ ।

୬୦ ମାଡର୍ ମେଁ ଇୟାଙ୍ଗ୍‌ଡେ ବାସଙ୍ଗ୍‌କେ “ଶ୍ରି ହୁମ୍ ମ୍ ଜହନ୍ ବିଃପା
।”

୬୧ ରେମୁଆଁଙ୍କଂ ଏଲିଶାବେଥ୍‌କେ ବାସଙ୍ଗ୍‌କେ, “ପେନେ ନିଜର୍‌ନେ
ରେମୁଆଁଙ୍କଂନ୍ନିଆ ଦେକ୍ ସୁଗୁଆ ମ୍ ଶ୍ରି ୟୁ”

୬୨ ତେନ୍ ଇଡ଼ିଂ ମେଇଁ ମେଁନେ ବାଡ଼େକେ ସାଲିଆକୁକେ “ନାନେ
ଏନ୍ ଗଡ଼େଅନେ ମ୍ ମେଁନେ ବିଃନେ ଚାଏଁ ନାଡ଼ିଙ୍ଗ୍‌କେ ?”

* **୧:୫୯** ପବିତ୍ର ଜିଉଦିଙ୍ଗ୍‌ନ୍ନିଆ ଗଡ଼େଇଁ ଜନମ୍ ଡିଙ୍ଗ୍‌ଲା ମୁଇଁସାଗ୍ରା ବିତ୍ରେ ଗଡ଼େଅ ପବିତ୍ର
ଡିଙ୍ଗ୍‌ନେ ନିଅମ୍ ଲେଖଗେ ।

୨୩ ଆକେନ୍ ଅଁରେ ଜିଖରିୟ ଗୁଆରନ୍‌ସା ଆମେଇଂକେ ମୁଇଙ୍ଗ୍ ଗୁଆରନେ ବାଲା ସାଲିଆଚେ ଆଡ଼ଅରିଆ ଗୁଆର୍ ଆରକେ ମେଁନେ “ମ୍ଠି ଯହନ୍ ।”

୨୪ ସାପା ରେମୁଆଁ ଇରିଆଡୁଗ୍ ଖେ ଆରଗେ । ତେନ୍ ଇଡ଼ିଂ ଜିଆଃଜିଆଃ ଜିଖରୀୟନେ ତୁମୁଆଃ ରଃଖେଗେ । ମେଁ ବାଲିର୍ ଯାକେ । ମେଁ ପରମେସରନେ ପୁଜା ତିଙ୍ଗନେ ମୁଲେକେ ।

୨୫ ମେଁଇଙ୍ଗନେ ତୁଆ ଡାଗ୍ରାନେ ସାପା ରେମୁଆଁ ବୁଟ ଆରକେ । ଜିଉଦାନେ ସାପା କଣ୍ଡାଋଜିନେ ରେମୁଆଁ ଏନ୍ ସାପା ଗର୍ନା ବିସୟରେ ବାଲିର୍‌ବାତା ତିଙ୍ଗନେ ମୁଲେକେ ।

୨୬ ଏନ୍ ସାମୁଆଁ ଜାଣ୍ଟେଇଂ ଅଁଆକେ ମେଇଂ ଇରିଆଡୁଗ୍ ଖେଆରକେ । ରେମୁଆଁଇଂ ବାବେ ଆରକେ ଜେ “ଏନ୍ ଗଡ଼େଅ ମେଁନେ ତିଙ୍ଗଏ ?” ମାପୁନେ ଛି ଏନ୍ ଗଡ଼େଅ ଏଡେ ଲେଃକେ ମେଇଂ ଦେକ୍‌ସୁଗୁଆ ବାବେ ଆରକେ ।

ଜିଖରିୟ ପରମେସରକେ ପୁଜା ତିଂକେ

୨୭ ଆରି ମେଁନେ ଆବାଡ଼େ ଜିଖରୀୟ ପବିତ୍ର ଆମ୍ବାରେ ପୁତ୍ ଡିଙ୍ଗରେ ତଡ଼ିଆକେ । ଆରି ମେଁ ବବିସଡ଼ ସାମୁଆଁ ବାସଙ୍ଗକେ;

୨୮ “ଇଶ୍ରାୟେଲନେ ମାପୁ ପରମେସରନେ ପ୍ରସଂସା ଅସ୍‌ମାର୍ ସାର୍‌ପା

ମେଁ ନିଜେନେ ରେମୁଆଁଇଂକେ ସାଇଜ୍ୟ ତିଙ୍ଗସା ପାଙ୍ଗଲେକେ ଆରି ଆମେଇଂକେ ମୁକ୍ତି ବିଃନ୍‌ସା ପାଙ୍ଗଲେକେ ।

୨୯ ମେଁ ନେନ୍‌ସା ମେଁଇଙ୍ଗନେ ଚାକର୍ ଦାଉଦନେ ବଂସବାନ୍ ମୁଇଙ୍ଗ୍ ବପୁ ଲେଃକେ ଉଦାର କର୍ତ୍ତାକେ ବିବକେ ।

୩୦ ଅସେବାନ୍ ବାସାଚେ ଲେଃମ୍ୟାକେ ନିଜେ ପବିତ୍ର ବାବବାଦିଇଂବାନ୍ ପରମେସର ଏନ୍ ତିଙ୍ଗ୍ ଡାଗ୍‌ଚେ ବାସଙ୍ଗ୍ ବଗେ ।

୩୧ ମେଁ ଆନେକେ ନେନେ ସତୁଇଂନେବାନ୍ ବା ଆନେକେ ଇଙ୍ଗଚେ ତିଙ୍ଗ୍‌ମ୍ୟାଣ୍ଟେକେ ସାପାନେ ଛିବାନ୍ ଉଦାର ତିଙ୍ଗ୍ ବକେ ।

୩୨ ମେଁ ନେନେ ଛା ଞ୍ଜାଇଂକେ ଦୟା ଆଃସୁଏଃଏ ଡାଗ୍‌ଚେ ବାସଙ୍ଗ୍‌ବଗେ ଆରି ମେଁ ମେଁନେ ପବିତ୍ର ନିୟମ୍ ମନେ ତିଙ୍ଗ୍‌ବକେ ।

୭୩ ନେଇଁନେ ଆବା ଅବ୍ରାହାମ୍‌ନେ ଡାଗ୍ରା ମେଠନେ ପାରମାନ୍ ତିଂବଗେ ନିଜର୍ ଆତେନ୍ ପବିତ୍ର ନିୟମ୍ ମନେ ଛାଗ୍‌ତିଂକେ ।

୭୪ ଜେ ମେଁ ଆନେକେ ନେନେ ସତୁନେ ବପୁବାନ୍ ଆନ୍ତାର୍‌ଏ ।
ତେଲା ନେ ମାବ୍‌ଚତେ ପର୍‌ମେସର୍‌ନେ ସେବା ତିଙ୍‌ନେୟାଏ ।

୭୫ ନେ ତିରକମ୍ ନିମାଣ୍ଟା ଜିବନ୍ ମେଁନେ ସାମ୍‌ନିଆ ପବିତ୍ର ବାରି ଦରମ୍ ତିଙ୍‌ନେୟାଏ ।

୭୬ ଏ ନେଙ୍‌ନେ ଗଡ୍‌ଡେଅ ନାନେ ସାପାବାନ୍ ମ୍ମା ଇସ୍‌ପର୍‌ନେ ମୁଇଙ୍‌ ବାବବାଦି ରକମ୍ ମ୍ମି ନାରାକଏ ମାପୁନେ ପାଙ୍‌ନ୍‌ସା ରେମୁଆଁଇଁକେ ଆମେଁ ଆତିଙ୍‌ସା ମାପୁନେ ସେନୁଗ୍ ନା ପର୍‌ତୁମ୍ ନାଖେଏ ।

୭୭ ପର୍‌ମେସର୍‌ନେ ରେମୁଆଁଇଁକେ ନାନେ ଆଃମ୍ୟାଃନାବିଏ ଜେ ମେଁଇଙ୍‌ନେ ପାପ୍‌କେ କେମା ତିଙ୍‌ନାବିଏ ।
ଆମେଇଁକେ ଉଦାର୍ ନେତିଙ୍‌ଏ ।

୭୮ ଆରି ନେନେ ପଦ୍ ସାନ୍ତି ଗାଲିପାକା ତୁଂପାଙ୍‌ ନ୍‌ସା ।
ନେନେ ଇସ୍‌ପର୍‌ନେ ଆଣ୍ଡିନେ ଆଲାଦ୍ ଲିବିସଃ ନ୍‌ସା ପରିତ୍ରାନ୍‌ନେ ସ୍ମି ନେନେ ଆଡ଼ାଡ଼ା ଆଡାର୍ କିଗ୍‌ଏ ।

୭୯ ଗୁଏଚେ ବୁଟେ ତାଙ୍‌କିକ୍ ବିତ୍ରେ ବାସା ଲେଃକ୍‌ନେ ରେମୁଆଁ ପର୍‌ମେସର୍ କିତଂନେ ତାର୍‌କିଗ୍ ଏତେ ସାଇଜ୍ୟ ତିଙ୍‌ଏ ।
ମେଁ ଆନେକେ ସାନ୍ତି ଗାଲିପାକା ଖାତୁଂଖେଏ ।”

୮୦ ଆରି ଗଡ୍‌ଡେଅ ମ୍ମାଚେ ଆମ୍‌ରେ ବପୁ ତିଙ୍‌ନେ ଲାଗେକେ ଆରି ଇସ୍ରାଏଲ୍ ଡାଗ୍ରା ଉଡ୍ରା ଆତିଙ୍‌ ଜାକ ରେମୁଆଁ ଶୁବୁନ ଜାଗାନ୍‌ନିଆ ଲେଃଗେ ।

୨

ଜିସୁନେ ଜନମ୍

(ମାତିଡ ୧:୧୮-୨୫)

୧ ଆତେନ୍ ବେଲା ରୋମ୍ ରାଜ୍ୟନେ ମ୍ମାଈଃସାଙ୍‌ ଅଗଣ୍‌ସ୍‌ କାଇସର୍ ବାନ୍ ଦେସ୍‌ନେ ସାପା ରେମୁଆଁଇଁନେ ମ୍ମି ଆଗୁଆର୍ ନ୍‌ସା ବାସଙ୍‌ ଅଲେଙ୍‌ ଆରକେ ।

୨ ସିରିଆନେ ସାସନ୍ ଡିଙ୍ଗ୍‌ଣ୍ଡେ କ୍ୱିରୀଶୀୟନେ ବେଲା ସେନ୍‌ଗ୍ ଏନ୍ ମ୍ନି ଆଗୁଆର୍ ବଗେ ।

୩ ଆତେନ୍‌ସା ସାପାରେ ମ୍ନି ଆଗୁଆର୍ ନ୍‌ସା ନିଜର୍ ନିଜର୍ ସହର ନ୍ନିଆ ଝେଆର୍‌କେ ।

୪ ଆରି ଯୋସେଫ୍ ତିଗ୍ ମ୍ନି ଆଗୁଆର୍ ନ୍‌ସା ମରିୟମ୍ ଏତେ ଗାଲିଲୀନେ ନାଜରିତ ସହର୍‌ବାନ୍ ଜିଉଦା ପ୍ରଦେସ୍‌ନେ ବେଥ୍‌ଲେହିମ୍ ମ୍ନିକ୍ଲେ ଦାଉଦନେ ସହର୍‌ନ୍ନିଆ ଝେକେ ଡାଗ୍ଲା ମେଁ ଦାଉଦନେ କୁଲ୍ ଆରି କୁଲ୍‌ନେ ରେମୁଆଁ ଲେଃକେ ।

୫ ଯସେପ୍ ଏତେ ମରିୟମ୍‌ନେ ବିଏନେ ସାଲିଆ ବଗେ ଆରି ମେଁ ସର୍‌ତେ ଉଁ ଲେଃଗେ ।

୬ ମେଇଙ୍ଗ୍ ଆତେନ୍ ଜାଗାନ୍ନିଆ ଲେଃକ୍ଲେ ବେଲା ମେଁନେ ଶ୍ରିଆକୁମାନେ ବେଲା ତିଙ୍ଗ୍ ଝେଗେ ।

୭ ଆରି ମେଁ ଙ୍ଗିର୍‌ବଃଅ ଜନମ୍ ବିଃକେ ଆରି ଆମେକେ ପାଟାଏ ଏଃତେ ଆଃକୁଇଚେ ସାଲାତ୍ୟା କୁଣ୍‌ଅରିଆ ଆଃଡୁଲେଗ୍ ଆର୍‌କେ ଡାଗ୍ଲା ବାସା ନ୍‌ସା ମେଇଁ ନ୍‌ସା ଜାଗା ଆଲେଃଗେ ଶ୍ରି ।

ମେଣ୍ଡାତୁର୍ତ୍ୟାରେ ଜିସୁନେ ଜନମ୍ କବର୍ ବାକେ

୮ ଆତେନ୍ ଟାନ୍‌ନିଆ ଉଡିରୁଆ ମେଣ୍ଡା ତୁର୍ତ୍ୟାରେ ପାଦା ଲେଃତେ ମିଡିଗ୍‌ବଃ ମେଇଁନେ ରାସି ଗିମିମେଣ୍ଡା ଉର୍ ତିଙ୍ଗ୍‌ଆକେଁ ।

୯ ମାପୁନେ ମୁଇଁ ଦୁଡ୍ ମେଇଁ ଡାଗ୍ଲା ପାକେ ଆରି ମାପୁନେ ଗୌରବ୍‌ନେ ଡାରାସ୍ ମେଇଁ ପିତୁର୍‌ପାକା ଜାକ ଡାର୍‌କିଗ୍ ଝେଗେ ଆରି ମେଇଁ ଡାରାସ୍ କେଚେ ବୁଟ୍ ଝେଏ ଆର୍‌ଗେ ।

୧୦ ଆତେନ୍ ଦୁଡ୍ ଆମେଇଁକେ ବାସଙ୍ଗକେ “ଆବ୍‌ଟେ ନାମଃ; କେଲା ନେଙ୍ଗ୍ ସାପା ରେମୁଆଁକେ ମାଲେ ସାଦ୍ ତିଙ୍ଗ୍‌ନ୍‌ସା ନିମାଣ୍ଡାନେ କବର୍ ଆଃଅଁ ଶ୍ରିଙ୍ଗକେ ।

୧୧ ଡାଗ୍ଲା ଏକେ ଦାଉଦନେ ସହର୍‌ନ୍ନିଆ ପେନ୍‌ସା ପାରାନ୍ ଆମ୍‌ଣ୍ଡେ ଜନମ୍ ତିଙ୍ଗ୍ ଲେଃ ମେଁ କିସ୍‌ଟ ମାପୁ ।

୧୨ ଆରି ପେନ୍‌ସା ଆକେନ୍ ଚିନା ରକମ୍ ତିଙ୍ଗ୍‌ଏ ପେ ସାପାରେ ମୁଇଁ ଗଡେଅକେ ପାଟାଙ୍ଗନ୍ନିଆ କୁଇଚେ ସାଲାତ୍ୟା କୁଣ୍‌ଅରିଆ ଡୁଲେଗ୍ ଲେକ୍ଲେ ପେକେଏ ।”

୧୩ ଆରି ଉଲ୍ଲୁସ୍ତେ ଦୁତ୍ତଇଁ ଏତେ କିତଂନେ ଗୁଲେ ଦୁତ୍ତ ମାନ୍ଦାଇଁ
 ବୁନ୍ଦେ ଜାର୍ରେ ଇସ୍ପରନେ ଅସ୍ମାର୍ ସାର୍ରେ ବାସଙ୍ଗକେ

୧୪ ସାପାରୁ କିତଂନିଆ ଇସ୍ପରନେ ମଇମା,

ଆରି ମଞ୍ଚପୁର ମୈନେ ସାର୍ଦା ଆରି ରେମୁଆଁଇଁ ତାଗ୍ରା ସାନ୍ତି
 ତିଲେଃ ।

୧୫ ଦୁତ୍ତଇଁ ମେଇଙ୍ଗନେ ବାନ୍ କିତଙ୍ଗଇନି ନ୍ନିଆ ଝେକ୍ସେ ଇଡ଼ିଙ୍ଗ
 ମେଣ୍ଡା ତୁରତ୍ୟାରେଇଁ ମେଇଁମେଇଁ ବିତ୍ତେ ଅବାଲିରୁଅବାତା
 ତିଙ୍ଗଆରକେ ଏଃଲୀପା ନେ ବେଅଲେହିମ ଜାକ ଝେରେ ମାପୁ
 ଆନେକେ ଆଣ୍ଡିନେ ଗଟେକ୍ସେ ଆଃଅଁକେ ଆତେନ୍ ନେକେ ।

୧୬ ଆଡ଼ଅରିଆ ମେଇଁ ଟାପନା ଝେରେ ତୁରତେ ମରିୟମ୍
 ଆରି ଯୋସେଫ୍ କିକେ ଅବାଆରକେ ଆରି ସାଲୀତ୍ୟା କୁଣ୍ଡଅରିଆ
 ଗଡ଼େଅକେ ଆଃତୁଲେଗ୍ ବକ୍ସେ କେଆରକେ ।

୧୭ ମେଇଁ ଆକେନ୍ କେରେ ଆତେନ୍ ଗଡ଼େଅକେ ବିସୟରେ
 ଆମେଇଁକେ ଦୁତ୍ତ ମୈନେ ସାମୁଆଁ ବାଲିର୍ ବଗେ ଆତେନ୍ ମୈ ବିନ୍
 ରେମୁଆଁ ଆମ୍ୟାକେ ।

୧୮ ଆରି ଉଡ଼ି ରେମୁଆଁ ମେଣ୍ଡାତୁର୍ତ୍ୟାରେ ବାନ୍ ଆତେନ୍ ସାପା
 ସାମୁଆଁ ଅଁ ଆରଏ କିକେ ମେଇଁ ସାପାମାନ୍ଦା ଆଡ଼ଅରିଆ କାବା
 ତିଙ୍ଗଆରକେ ।

୧୯ ଏନ୍ ସାପା ଗଟନା ମରିୟମ୍ନେ ମନ୍ନିଆ କାଲୀଆଃ ନସା
 ଲେଃଝେଗେ ବାରି ଏନ୍ ସମ୍ପର୍କନ୍ନିଆ ମୈ ମାଲେ ଚିନ୍ତା ତିଙ୍ଗରେ
 ଲେଃଗେ ।

୨୦ ମେଣ୍ଡା ବିଃଚଙ୍ଗରେଇଁ ମେଃନେ ସାପା ଅଁଲେଃଆରକେ ବାରି
 କେ ଲେଃଆରକେ, ଆତେନ୍ ସାପା ବିସୟ ନସା ଇସ୍ପରକେ
 ଦନ୍ୟବାଦ୍ ତିଙ୍ଗ୍ ତିଙ୍ଗ୍ ଆଣ୍ଡେ ଆରକେ । ଦୁତ୍ତଇଁ ବାସଙ୍ଗନେ
 ଅନୁସାରେ ଚିକ୍ ସାପା ଗଟେ ଲେଃକେ ତାଗ୍ରେ ମେଇଁ ମ୍ୟା ଆରକେ
 ।

ଜିସୁକେ ମ୍ନି ବିନେ

୨୧ *ମୁଇଁ ସାନ୍ତା ଇଡ଼ିଙ୍ଗ୍ ଗଡ଼େଅନେ ପବିତ୍ର ତିଙ୍ଗନେ ବେଲୀ
 ମୈନେ ମ୍ନି ଜିସୁ ବିଃଆରକେ । ମୈ ଗାଗ୍ଡେ ତିଙ୍ଗକ୍ସେ ସେନୁଗ୍ କିତଂ
 ଦୁତ୍ତନେବାନ୍ ମୈନେ ଏନ୍ ମ୍ନି ବିବ ଆରଗେ ।

☆ ୨:୨୧ ଲୁକ ୧:୩୧.

ମନ୍ଦିରନ୍ତୁଆ ଜିସୁକେ ସରପେ ବିଆରକେ

୨୨ ଇଡ଼ିଙ୍ଗ ଉଡ଼ିବେଲା ମୋଶାନେ ସାମୁଆଁ ସୁଗୁଆ ମେଇଁ ପରଚଲ୍ ମାଡ଼ିଙ୍ଗନେ ବେଲା ସମାନ୍ । ମେଇଁ ମାପୁରୁନେ ଉଦେସ୍ରେ ଗଡ଼େଅକେ ଅପେଃନସା ଜିରୁସାଲାମ୍ ପାକା ହୁଂଖେଆରକେ ।

୨୩ ଆରି ତିଗ୍ ମାପୁନେ ସାସ୍ତ୍ରନ୍ତୁଆ ଗୁଆରବକେ, ତୁଆ ବିତ୍ରେନେ ପରତୁମ୍ ଗଡ଼େଅ ଜନମ୍ ତିଙ୍ଗଲା ମେଁ ମାପୁନ୍ତୁଆ ପବିତ୍ର ବଲି ବିଃ ପଡ଼େଏ

୨୪ ମାପୁନେ ନିୟମରେ ଆରି ଗୁଆର ବକେ; “ଆନାକେ ଯାକ୍ଲିଗ୍ କୁକୁରପିଗ୍ ଆରି ଯାକ୍ଲିଗ୍ ପରୁଆ ବଲି ବିଃନେ ପଡ଼େଏ ।” ଆଡେନସା ଆକେନ୍ ନିଅମ୍ ଇସାବରେ ବଲିପୁଜା ବିଃନସା ଯୋସେଫ୍ ଆରି ମରିୟମ୍ ଯିରୁଶାଲାମ୍ ଖେ ଆରକେ ।

୨୫ ଆରି କେଲା ଯିରୁଶାଲାମନ୍ତୁଆ ଶିମିୟୋନ୍ ମିକ୍ସେ ମୁଇଁଜା ଦର୍ମ ତିଙ୍ଗ୍ଣେ ଆରି ବକ୍ତ୍ତ ରେମୁଆଁ ଲେଃକେ ମେଁ ଇଶ୍ରାୟେଲ ଉଦାର୍ ତିଙ୍ଗ୍ଣେକେ ଉର୍ ଲେଃଆରଗେ ବାରି ପବିତ୍ର ଆମ୍ବା ମେଁ ଡାଗ୍ରା ଲେଃଗେ ।

୨୬ ମାପୁନେ ଆଦେସ୍ ଅନୁସାରେ ମସାହାନେ ନାନେ ଜାକ ମେଁ ଆଗୁଏଃ ଶୁ ଡାଗ୍ରାରେ ପବିତ୍ର ଆମ୍ବାନେବାନ୍ ତିଲାଡିଗ୍ ବିସ୍ବାସ୍ ବାଲେଃଆରଗେ ।

୨୭ ଆରି ମେଁ ପବିତ୍ର ଆମ୍ବାରେ ପୁତ୍ ତିଙ୍ଗ୍ରେ ମନ୍ଦିରନ୍ତୁଆ ପାଙ୍ଗକେ ଆରି ଗଡ଼େଅ ଜିସୁନେ ବା ତିୟାଇଁ ଉଡ଼ିବେଲା ମେଁନେ ବିସୟରେ ନିୟମ୍ ଇସାବରେ ସ୍ନେନସା ଆମେକେ ବିତ୍ରେ ହୁଁପାଙ୍ଗଆକେ ।

୨୮ ଉଡ଼ିବେଲା ଶିମିୟୋନ୍ ଆମେକେ ବୁଲୁନ୍ତୁଆ ଖାତେ ଇସ୍ପରନେ ଦନ୍ୟବାଦ୍ ବିଚେ ବାସଙ୍ଗକେ

୨୯ “ଏ ମାପୁ ନାନେ ବ୍ଲାଲିର୍ ନିୟମରେ ନିଜେନେ ଚାକରକେ ସାନ୍ତିରେ ଗୁଏନ୍ସା ବେନାଡ଼ିଙ୍ଗକେ ।

୩୦ ଡାଗ୍ରା ନେଙ୍ଗନେ ମୁଆଃ ନା ଉଦାର୍ ବାନେ କିକେ ଲେଃକେ ।

୩୧ ନାନେ ଜା ସାପା ରେମୁଆଁଇଁନେ ସାମୁଆଁନ୍ତୁଆ ଆରେ ନାବକେ

୩୨ ବିନ୍ ଜାତି ରେମୁଆଁଇଂ ଆଡ଼ାଡ଼ା ସତ୍ ସାମୁଆଁ ଆସୁଏନେ ତାରକିଗ୍ ଆରି ପେ ରେମୁଆଁ

ଇଶ୍ରାୟେଲନେ ଗୌରବ୍ ସୁଗୁଆ ଆଡ଼ିଙ୍ଗନାବକେ ।”

୩୩ ତାଆଁ ଗଡ଼େଅ ଜିସୁନେ ସାମୁଆଁରେ ଶିମୋନ୍ ମେଃନେ ବାସଙ୍ଗକେ ଆତେନ୍ ଅଁତେ ଗଡ଼େଅନେ ଇୟାଙ୍ଗ୍ ଆବା ବକୁଆ ଡ଼ିଙ୍ଗ୍ ଖେଗେ ।

୩୪ ଆରି ଶିମିୟୋନ୍ ଆମେଇଂକେ ଆସିର୍ବାଦ୍ ବିଚେ ମେଁନେ ଇୟାଙ୍ଗ୍ତେ ମରିୟମ୍‌କେ ବାସଙ୍ଗକେ କେଲା ଇଶ୍ରାୟେଲନେ ରେମୁଆଁଇଂ ବାନ୍ ଏନ୍ ଗଡ଼େଅ ନସା ଗୁଲେ ରେମୁଆଁ ଦସି ଡ଼ିଙ୍ଗ୍ ଆର୍ଏ ଆରି ଗୁଲେ ରେମୁଆଁ ରକ୍ୟା ବା ଆର୍ଏ ଆତେନ୍‌ସା ଏନ୍ ଗଡ଼େଅକେ ଇସପର୍ ଆମେକେ ବାଚେ ବକେ । ଆରି ଜାନେ ବିରଦ୍‌ରେ ଗୁଲେ ରେମୁଆଁ ବ୍ଲାଲିର୍ ବାସଙ୍ଗ୍ ଆର୍ଏ ଆଡ଼ନେ ମେଁ ଚିନ୍ ସୁଗୁଆ ଡ଼ିଙ୍ଗ୍ ।

୩୫ ଆରି ମେଁ ମେଁଇଙ୍ଗ୍‌ନେ ବୁଡ଼ିଲେକ୍ଲେ ଚିନ୍ତା ବାସଙ୍ଗ୍ । ଆରି ଆକମେନ୍‌ସା ମୁଇଙ୍ଗ୍ ଡ଼ିଗ୍ ଲେଃକ୍ଲେ କାଣ୍ଡା ସୁଗୁଆ ଦୁକ୍ ଆନାକେ ପଃଏ । ଆରି ନାନେ ଜିବନ୍ ଉନା ଡ଼ିଙ୍ଗ୍‌ଖେଏ ।

୩୬ ଆଗେର୍ ବଂସନ୍ନିଆ ଜନମ୍ ଫିନ୍‌ଏଲ୍‌ନେ ସେଲାମ୍‌ସୁ ହାନ୍ନା ମ୍ନିକ୍ଲେ ଅଁକୁଡ଼ି ଅଁମୁଆଁ ବୟସ୍ ତୁକ୍ତି ଲେଃକ୍ଲେ । ମେଁ ମୁଇଂ ବାବବାଦିନୀ ଲେଃକ୍ଲେ । ବିଏଚେ ମାତର୍ ମାମୁଆଁ ଇଡ଼ିଙ୍ଗ୍ ମେଁ ଗୁଏସାଙ୍ଗ୍‌କୁଏ ଡ଼ିଙ୍ଗ୍‌ଖେଗେ ।

୩୭ ମେଁ ମନ୍ଦିର୍ ଆନ୍ତାଚେ ପାଦା ଆଖେକେ ଶୁ ଫୁଁ କେଡ଼େସ୍ ଆରି ଉପାସ୍ ଲେଃକ୍ଲେ ମାପୁକେ ସ୍ତ୍ରି ମିଡ଼ିଗ୍ ପାର୍ତନା ଡ଼ିଙ୍ଗ୍ ଡ଼ିଙ୍ଗ୍‌ଗେ ।

୩୮ ଆତେନ୍ ବେଲା ମେଁ ଗଡ଼େଅ ଆରି ମେଁନେ ବା ଡ଼ିଆ ବଲି ବିଃନ୍‌ସା ତାଗ୍ରା ଖେକେ ଆନା ଆଡ଼ଅରିଆ ପାଙ୍ଗ୍‌ଚେ ଇସପର୍‌କେ ଦନ୍‌ସବାଦ୍ ବିକେ । ଜାଣ୍ଟେଇଂ ବିସ୍‌ବାସ୍ ଡ଼ିଙ୍ଗ୍‌ଚେ ଯିରୁଶାଲମ୍‌ନେ ମୁକ୍ତି ବାନେ ନସା ଉରଲେ ଆର୍‌ଗେ ଆତେନ୍ ସାପା ରେମୁଆଁକେ ମେଁ ଜିସୁ ବିସୟରେ ବାସଙ୍ଗକେ ।

ଯୋସେପ୍ ଆରି ମରିୟମ୍ ନାଜରୀତ୍ ଆଣ୍ଟେ ଖେ ଆର୍‌ଗେ

୩୯ ✧ ଯସେପ୍ ଆରି ମରିୟମ୍ ମାପୁନେ ନିୟମ୍‌ରେ ସାପା କାମ୍

ଆଡାରେ ମେଇଁ ଗାଲିଲୀନେ ନିଜେନେ ଇନି ନାଜରିତ୍‌ନ୍ନିଆ ଆଣ୍ଡେ
ଝିଗ୍‌କେ ।

୪୦ ଆରି ଗଡ଼େଅ ମ୍ଲାନେ ଲାଗେକେ ଆରି ବୁଦିରେ ବର୍ତ୍ତି ତିଙ୍ଗ୍‌ରେ
ବପୁ ତିଙ୍ଗ୍‌କେ ଆରି ଇସ୍‌ପର୍‌ନେ ଦୟା ମେଇଁ ଆଡାଡ୍ରା ଲେଃକେ ।

ତାଆଁ ଜିସୁ ମନ୍ଦିରନ୍ନିଆ

୪୧ ଜିସୁନେ ବା ତିଆ ଉଦାର୍ ପାଣ୍ଡୁ ମାନେଃ ନ୍‌ସା କାଲା ମୁଆଁ
ଯିରୁଶାଲମନ୍ନିଆ ଝେଡିଙ୍ଗ୍‌ଗେ ।

୪୨ ଜିସୁନେ ଗମ୍ବାର୍ ମୁଆଁ ତିଙ୍ଗ୍‌ଲେଃକେ ବେଲା ମେଁଇଙ୍ଗ୍‌ନେ
ନିୟମ୍‌ରେ ପାଲେନ୍‌ସା ଯିରୁସାଲମ୍ ଝେ ଆରକେ ।

୪୩ ମେଁଇଙ୍ଗ୍‌ନେ ପାଣ୍ଡୁ ଆଡାରେ ଉଡିବେଲା ମେଇଁ ଆଣ୍ଡେ
ଝିଗ୍‌ତିଙ୍ଗ୍‌ ଆଡେନ୍ ବେଲା ଗଡ଼େଅ ଜିସୁ ଯିରୁସାଲମନ୍ନିଆ
ଲେଃଝେଗେ ଆରି ମେଁନେ ବା ତିଆ ମ୍ୟା ଆୟା ଆରକେ ଶୁ ।

୪୪ ମାଡର୍‌ମ୍ ମେଁ ସାଙ୍ଗ୍‌ସାତିଇଁ ଡ୍ରଙ୍ଗ୍ ଲେଃକେ ଡାଗରେ ଏଡେରେ
ମେଇଁ ମସିଆନେ ଗାଲି ଅଲେଙ୍ଗ୍ ଝେଆଗେ ଆରି ନିଜର୍‌ନେ ଆରି
ସ୍ନାମୁଆଁ ରେମୁଆଁଇଁ ବାନ୍ ମେଁ ଏଡେ ତୁର୍‌ନେ ମୁଲେକେ ।

୪୫ ଆରି ମେଇଁ ଆମେକେ ମାଅବାରେ ତୁର୍ ତୁର୍‌ରେ
ଯିରୁଶାଲମନ୍ନିଆ ଝେଏ ଆରକେ ।

୪୬ ଜିର୍‌ସି ଦିନା ଇଡିଙ୍ଗ୍ ଆମେକେ ମନ୍ଦିରନ୍ନିଆ ଅବାକେ; ମେଁ
ପଣ୍ଡିଡିଇଁନେ ମଜେ କରେ ମେଁଇଙ୍ଗ୍‌ନେ ସାମୁଆଁ ଅଁ ତିଙ୍ଗ୍‌ଗେ ଆରି
ଆମେଇଁକେ ପ୍ରସନ୍ ସାଲିଆକୁ ତିଙ୍ଗ୍‌ଗେ ।

୪୭ ଆରି ଉଡି ରେମୁଆଁ ମେଁନେ ସାମୁଆଁ ଅଁ ତିଙ୍ଗ୍‌ଗେ ସାପାରେ
ମେଁନେ ଜ୍ଞାନ ଆରି ଉଡର୍ ଅଁରେ ବକୁଆ ତିଙ୍ଗ୍ ଝେ ଆରଗେ ।

୪୮ ମେଇଙ୍ଗ୍ ଆମେକେ କେରେ କାବା ତିଙ୍ଗ୍ ଝେଗେ ଆରି ମେଁନେ
ଇୟାଙ୍ଗ୍‌ଡେ ଆମେକେ ବାସଙ୍ଗ୍‌କେ, “ବାବୁରେ ନେନେ ଆଡାଡ୍ରା
ମେଃନ୍‌ସା ଦେକ୍ ରକମ୍ ନାଡିଂକେ ? କେଲା ନାନେ ପେମ୍ବା ଆରି
ନେଙ୍ଗ୍ ଡେରେପେଡେ ତିଙ୍ଗ୍‌ରେ ଆନାକେ ତୁର୍‌ନେଡିଙ୍ଗ୍ ।”

୪୯ ଆଡବା ଜିସୁ ଆମେକେ ବାସଙ୍ଗ୍‌କେ “ମେଃନ୍‌ସା ପେ
ଆନେଙ୍ଗ୍‌କେ ତୁର୍ ପେଡିଙ୍ଗ୍ ? ନେଙ୍ଗ୍‌ନେ ଆବାନେ ତୁଆନିଆ
ଲେଃନେ ଜେ ନେଙ୍ଗ୍‌ନେ ଅଦିକାର୍ ଲେଃକେ ଏନ୍ ମେଁନେ ପେ
ପେମ୍ୟାକେ ?”

୫୦ ମାତର୍ ମେଁ ଆମେଇଁକେ ଆଣ୍ଟିନେ ସାମୁଆଁ ବାସଙ୍ଗକେ,
“ଆତେନ୍ ମେଇଁ ଆବୁଜେକେ ଶୁ”

୫୧ ଇଡ଼ିଙ୍ଗ୍ ମେଁ ମେଇଙ୍ଗ୍ ଏତେ ଆଣ୍ଟେଚେ ନାଜରିତନ୍ନିଆ
ପାଙ୍ଗକେ ଆରି ମେଁ ଏତେ ସାମୁଆଁ ସାଚେ ଲେଖଆରକେ; ଆରି
ମେଁନେ ଇୟାଙ୍ଗ୍ତେ ମେଁନେ ସାପା ସାମୁଆଁ ରାଝସିଙ୍ଗ୍ତେ ନିଜେନେ
ଜିବନ୍ନିଆ ବକେ ।

୫୨ ଆରି ଜିସୁ ଗିଆନ୍ରେ ଆରି ଗାଗଡ଼େନ୍ନିଆ ବୁଦି ବାନେ
ଲାଗେକେ । ଆରି ଇସପରନେ ଆରି ରେମୁଆଁଇଁନେ ଦୟା ମେଁ
ଆଡ଼ାଡ଼ା ସାଝଡ଼ିଆରକେ ।

୩

ବାପ୍ତିଜକ ଜହନ୍ନେ ବାସଙ୍ଗ୍

(ମାତିଡ ୩:୧-୧୨; ମାର୍କ ୧:୧-୮; ଜହନ୍ ୧:୧୯-୨୮)

୧ ମ୍ବାଇଝାଙ୍ଗ୍ ଡିବିରିଆ କାଇସରନେ ସାସନ୍ ବେଲା ୧୫ ମୁଆଁରେ
ଉଡ଼ିବେଲା ପନ୍ତିୟ ପିଲାତ ଜିଉଦା ଦେସନେ ସାସନ୍ ଡିଙ୍ଗ୍ଣେ
ଲେଝଗେ ଆରି ହେରୋଦ ଗାଲିଲୀନେ ସାମନ୍ତ ଇଝାଙ୍ଗ୍ ଆରି
ମେଁନେ ବୟାଣ୍ଟେ ପିଲିପ୍ପ ଇଚୁରିଆ ଆରି ଗ୍ରାକୋନିଟିସନେ ବାରି
ଲିସାନିଆସ୍ ଆବିଲିନ୍ନେ ସାମନ୍ତ ଇଝାଙ୍ଗ୍ ଲେଝଗେ ।

୨ ଆରି ହାନାନ୍ ଆରି କୟାପା ମ୍ବା ପୁଜାରି ଲେଝଗେ ଆତେନ୍
ବେଲା ଇସପରନେ ସାମୁଆଁ ବାଲିଲଝଅରିଆ ଲେଝକ୍ସେ ଜିଖରୀୟନେ
ଉଙ୍ଗ୍ତେ ଜହନ୍ ଡାଗ୍ରା ପାଙ୍ଗ୍ ଆରକେ ।

୩ ଆଡ଼ବା ଯୋହନ୍ ଯର୍ଦ୍ଦନ୍ ଲଣ୍ଟିଆଝନେ ତୁବନ୍ ବିଝଣ୍ଟେ ଜହନ୍
ସାପା ଇନି ଝେଚେ ପାପ ବାନ୍ କେମା ବାନ୍ସା ମନ୍କେ ଆଝବଲ୍ଲେନେ
ତୁବନ୍ ତୁଂଡନ୍ସା ବାସଙ୍ଗ୍ ଅଲେଙ୍ଗକେ ।

୪ ଡିରକମ୍ ଯିଶାଇୟ ବାବବାଦିନେ ସାସ୍ତରନ୍ନିଆ ଗୁଆର୍ ବକେ,

“ବାଲିଲନ୍ନିଆ କିରଚେ ବାସଙ୍ଗ୍ତଂକ୍ସେ ମୁଇଁଜାନେ ସାମୁଆଁ;

ମାପୁନ୍ସା ଗାଲି ତିଆର୍ ତିଙ୍ଗ୍ପା

ମେଁ ପାଙ୍ଗ୍ନେ ଗାଲି ସିଦା ଆଡ଼ିଙ୍ଗ୍ପା ।

୫ ସାପା କୁରୁଟାନ୍ ତୁବଝ ବର୍ଡି ଆଡ଼ିଙ୍ଗ୍ପା

ଆରି ସାପା କଣ୍ଟା ଆରି ମ୍ବାକଣ୍ଟାକେ ବୁନ୍ଦେ ଆଡ଼ିଙ୍ଗ୍ ବିଏ ।

ବାଙ୍ଗଟି ଗାଲି ସ୍ୱେଡ଼ାଃ ଡିଙ୍ଗିଏ

ଆରି ତିଆର୍ କୁରୁ ତୁବଃ ସିଦା ଗାଲିରେ ତିଆର୍ ଡିଙ୍ଗିଏ ।

୬ ଆରି ସାପା ଜାତି ରେମୁଆଁ ଇସପରନେ ଉଦାର୍ କେଚେ ସାମୁଆଁ ଆରଏ ।”

୭ ✨ଆତେନ୍‌ସା ମେଁ ଯହନ୍ ବାନ୍ ତୁବନ୍ ତୁଂଡନ୍‌ସା ତାର୍‌ଚେ ପାଙ୍ଗଡିଙ୍ଗିଙ୍ଗେ ରେମୁଆଁଇଂକେ ବାସଙ୍ଗକେ “ଏ ତୁବଃନେ କୁଲ୍‌ବଂସ ! କାଲାଆଃ ରିସା ଡିଙ୍ଗିଚେ ଲାଗଡନ୍‌ସା ଆପେକେ ଜାଣ୍ଟେ ଚେଡ୍‌ନା ବିକେ ?

୮ ✨ତେସା ମନ୍ ଆବଦ୍‌ଲେଙ୍ଗେ ସମାନ୍ ପଲ୍ ତିଆର୍ ଡିଙ୍ଗିପା ଆରି ଅରାହାମ୍ ପେନେ ଛା ଞା ଡାଗ୍‌ଚେ ମନେ ମନେ ତିଗ୍ ଦେକ୍‌ସୁଗୁଆ ଆବାସଙ୍ଗପା; ତାଗ୍ଲା ନେଙ୍ଗ୍ ଆପେକେ ବାସଙ୍ଗ ଶ୍ରିଙ୍ଗ୍ ଇସପର୍ ଆକେନ୍ ବ୍ରିଇଂବାନ୍ ଅରାହାମ୍ ନ୍‌ସା ଗଡେଅ ଜନମ୍ ଆଃଡିଙ୍ଗ୍ ଯାଏ ।

୯ ସ୍ଲା ସାପା ବୁନ୍‌ସେ ସିତଗ୍ ବିନ୍‌ସା ମାଲୁଏଃ ବଆରକେ । ଆଣ୍ଟିନେ ସ୍ଲାଃନିଆ ନିମାଣ୍ଟା ରୁଚୁ ଆଚୁ ଶୁ ଆତେନ୍ ସିତଗ୍‌ଚେ ସୁଆନିଆ ଲାଗ୍ ଆରଏ ।”

୧୦ ଆଡ୍‌ବା ରେମୁଆଁଇଙ୍ଗ୍ ଆମେକେ ସାଲିଆକୁକେ ତେଲା ନେନେ ମେଁ ନେଣ୍ଟିଙ୍ଗିପା ?

୧୧ ମେଁ ଉତର୍ ବିକେ ଜାଣ୍ଟେନେ ମ୍ବାକ୍ଲିଗ୍ ସକା ଲେଃକେ ମେଁ ଜାଣ୍ଟେନେ ମେଃଡିଗ୍ ଶୁ ଆମେକେ ମୁଇଙ୍ଗ୍ ବିଃଲେ ବାରି ଜାଣ୍ଟେନେ ଚଙ୍ଗନେ ଶୁ ମେଁ ବିନ୍‌ରେକେ ଆଡ୍ ବାନ୍ ବାଟା ବିଲେ ।

୧୨ ✨ସିସ୍ତ୍ ସାଲ୍ୟାଣ୍ଟେ ତିଗ୍ ତୁବନ୍ ବାନ୍‌ସା ପାଙ୍ଗଚେ ଆମେକେ ସାଲ୍ୟାକୁକେ ଏ ଗୁରୁ ନେଇଙ୍ଗ୍ ମେଁ ନେଡିଙ୍ଗିଏ ?

୧୩ ମେଁ ଆମେଇଂକେ ବାସଙ୍ଗକେ “ଆପେକେ ଉଡ୍ଡି ତୁଂଡ ନ୍‌ସା ଆଦେସ୍ ବିଃମ୍ୟାକେ ମେଁ ବାନ୍ ଜବର୍ ଆଡ୍‌ଗେପା ।”

୧୪ ଉଡ୍ଡି ସନ୍‌ୟଇଂ ତିଗ୍ ଆମେକେ ସାଲିଆକୁ ଆରକେ “ନେନେ ମେଃନେ ଡିଙ୍ଗିଏ ? ନେ ମେଃନେ ନେଡିଙ୍ଗିପା ?”

ମେଁ ଆମେଇଂକେ ବାସଙ୍ଗକେ “ଜବରଜସ୍ତି ଜାଣେବାନ୍ ତାବୁ ତୁଙ୍ଗଆଡ଼ଗଂପା ଶୁଲ୍ଲା ଜାଣେ ଆଡ଼ାତ୍ରା ମିଚ୍ରେ ଦସ୍ ତାଗ୍ରେ ଆବାଲିରଗେପା । ନିଜର୍ ନିଜର୍ ଦର୍ମାରେ ସାର୍ଦା ତିଙ୍ଗପା ।”

୧୫ ରେମୁଆଁଇଂ ଉର୍ ଲେଃଗେସା ଆରି ଜହନ୍ ଇଙ୍ଗଟା କିସ୍ତ ତିଙ୍ଗଏ ତାଗ୍ରେ ଆକେନ୍ ମେଁଇଙ୍ଗନେ ବିସୟରେ ସାପାରେ ନିଜେ ନିଜେ ମନ୍ନିଆ ବାବେତିଙ୍ଗ ଆର୍ଗେ ।

୧୬ ଜହନ୍ ସାପାରେକେ ଉତର୍ ବିକେ, “ନେଙ୍ଗ୍ ସିନା ଆପେକେ ଶୁଆନ୍ନିଆ ତୁବନ୍ ବିଶ୍ତିଂକେ । ମାତର୍ ନେଙ୍ଗ୍ବାନ୍ ଜାଣେ ମାଲେ ବପୁଣ୍ଡେ ମେଁ ପାଙ୍ଗ୍ତିଙ୍ଗକେ । ମେଁନେ ଅନେ ଜୁତା ତୁତଃ ନସା ସକଡ୍ ଶୁ; ମେଁ ଆପେକେ ପବିତ୍ର ଆମ୍ବା ଆରି ସୁଆନ୍ନିଆ ତୁବନ୍ ବିଏ ।

୧୭ ମେଁନେ ଛିନିଆ କିସଃ ଲେଃକେ, ପରତଲ୍ ଆଃଡିନ୍ସା ମେଁନ୍ନିଆ ବପୁ ଲେଃକେ । ଆଡ୍ ଅରିଆ ମେଁ କିଆକେ ଚପାବାନ୍ ବିନେ ଆଃଡିଏ । ମେଁ ନିମାଣ୍ଡା କିଆ ସାପାକେ ମୁଇଂନୁଗ୍ ରାଃସିଙ୍ଗରେ ଆଣ୍ଡାନ୍ନିଆ ତୁଂଝେରେ ବଏ । ଇଡିଙ୍ଗ ଚପା ଆରି ଦର୍କାର୍ ଶୁବୁନେ ଗାବୁଜା ମାଲିଗ୍ନେ ସୁଆ ଡାଗ୍ରା ଜଗ୍ଲାର୍ ବିଏ ।”

୧୮ ମେଁ ଦେକ୍‌ରକମ୍ ଗୁଲେ ଉସ୍ତା ବାସଙ୍ଗରେ ଆରି ବିନ୍‌ବିନ୍ ରକମ୍ ସାର୍ଦା ଆଡିଙ୍ଗ୍ ସୁଗୁଆ ବ୍ଲାଲିର୍ ବାସଙ୍ଗରେ ରେମୁଆଁଇଂନେ ବେବଆର୍ ଆଃବଲ୍ଲେ ନସା ବାଲିର୍ ଅଲେଙ୍ଗକେ ।

୧୯ ✧ମାତର୍ ସାମନ୍ତ ଇଃସାଙ୍ଗ୍ ହେରୋଦ ନିଜେ ବୟାଣ୍ଡେନେ କୁନେଣ୍ଡେକେ ହେରୋଦିଆ ଏଡେ ବିହେ ତିଙ୍ଗ୍ ବଗେ ବାରି ଜବର୍ ଦଦ୍ୟା ତିଙ୍ଗ୍‌ବଗେସା ଜହନ୍ ଆମେକେ ଆଃକପାର୍କେ ।

୨୦ ଦେଡ୍‌ସୁଗୁଆ ହେରୋଦ ଆରି ମୁଇଙ୍ଗ୍ ଦଦିଆ କାମ୍ ତିଙ୍ଗକେ ମେଁ ଯହନ୍‌କେ କଏଦ୍ ତୁଆନିଆ ବଗେ । ମେଁ ଉଡି ଦଦିଆ କାମ୍ ତିଙ୍ଗ୍‌ବଗେ ଆଡ୍ ଅରିଆ ଏନ୍ ଦଦିଆ କାମ୍ ତିଗ୍ ଆମିସୁକେ ।

ଜିସୁନେ ତୁବନ୍
(ମାତିଉ ୩:୧୩-୧୭; ମାର୍କ ୧:୯-୧୧)

✧ ୩:୧୯ ମାତିଉ ୧୪:୩,୪; ମାର୍କ ୬:୧୭,୧୮.

୨୧ ସାପା ରେମୁଆଁ ତୁବନ୍ ତୁଂତକ୍ଲେ ଇଡ଼ିଙ୍ଗ ଜିସୁ ଡିଗ୍ ତୁବନ୍ ଡିଙ୍ଗକେ । ଆରି ପାରତନା ଡିଙ୍ଗନେ ବେଲା କିତଙ୍ଗଇନି ମେଲା ଡିଂକେ ।

୨୨ ଆରି ପବିତ୍ର ଆମ୍ବା ମେଁ ଆଡ଼ାତ୍ରା ଜାରତେ କୁକୁର୍ଯ୍ୟାଃ ରକମ୍ ଜିସୁ ଆଡ଼ାତ୍ରା କକେ ଆରି କିତଂଇନିବାନ୍ ଏନ୍ ସାମୁଆଁ ନ୍ନାଂକେ; “ନା ନେଙ୍ଗନେ ନିଜର୍ ଗଡ଼େଅ । ନା ଆଡ଼ାତ୍ରା ନେଂ ଜାବର୍ ସାର୍ଦା ।”

ଜିସୁନେ କୁଲ୍‌ଇଂ (ମାତିଉ ୧:୧-୧୭)

୨୩ ଜିସୁ ସ୍ଲେ ମୁଲେକ୍ଲେ ବେଲା ଆମେକେ ପାକା ପାକି ଡିରିସ୍ ମେମୁଆଁ ଡିଙ୍ଗଲେଗେ; ରେମୁଆଁଇଂ ମ୍ୟାନେ ଇସାବ୍‌ରେ ମେଁ ଯୋସେଫ୍ ନେ ଉଙ୍ଗଡେ; ଯସେପ୍ ଏଲିନେ ଉଙ୍ଗଡେ;

୨୪ ଏଲି ମାଆଥୁନେ ଉଙ୍ଗଡେ, ମାଆଥୁ ଲେବୀନେ ଉଙ୍ଗଡେ, ଲେବୀ ମଲ୍‌ଖୀନେ ଉଙ୍ଗଡେ, ମଲ୍‌ଖୀ ଯନ୍ନୟନେ ଉଙ୍ଗଡେ, ଯନ୍ନୟ ଯୋସେଫ୍ ନେ ଉଙ୍ଗଡେ,

୨୫ ଯୋସେଫ୍ ମତଥୁୟସନେ ଉଙ୍ଗଡେ, ମତଥୁୟସ୍ ଆମୋସନେ ଉଙ୍ଗଡେ, ଆମୋସ୍ ନାହୁମନେ ଉଙ୍ଗଡେ, ନାହୁମ୍ ଏସ୍‌ଲିନେ ଉଙ୍ଗଡେ, ଏସ୍‌ଲି ନାଗାୟନେ ଉଙ୍ଗଡେ,

୨୬ ନଗୟ ମାଥୁନେ ଉଙ୍ଗଡେ, ମାଥୁ ମତଥୁୟସନେ ଉଙ୍ଗଡେ, ମତଥୁୟସ୍ ଶିମୟୀନେ ଉଙ୍ଗଡେ, ଶିମୟୀ ଯୋସେଖନେ ଉଙ୍ଗଡେ, ଯୋସେଖ ଯୋଦାନେ ଉଙ୍ଗଡେ,

୨୭ ଯୋଦା ଯୋଆନାନ୍‌ନେ ଉଙ୍ଗଡେ, ଜହନ୍ ରେଷାନେ ଉଙ୍ଗଡେ, ରେଷା ଜିରୁବାବେଲ୍‌ନେ ଉଙ୍ଗଡେ, ଜିରୁବାବେଲ୍ ଶଅଲ୍‌ଥୀୟେଲନେ ଉଙ୍ଗଡେ, ଶଅଲ୍‌ଥୀୟେଲ ନେରିନେ ଉଙ୍ଗଡେ,

୨୮ ନେରି ମଲ୍‌ଖୀନେ ଉଙ୍ଗଡେ, ମଲ୍‌ଖୀ ଆଡ଼ଡିନେ ଉଙ୍ଗଡେ, ଆଡ଼ଡି କୋସାମନେ ଉଙ୍ଗଡେ, କୋସାମ୍ ଏଲ୍‌ମାଦାମନେ ଉଙ୍ଗଡେ, ଏଲ୍‌ଦାନ୍ ଏର୍ ଉଙ୍ଗଡେ,

୨୯ ଏର୍ ଯିହୋଶୁୟନେ ଉଙ୍ଗଡେ, ଯିହୋଶୁୟ ଏଲିୟେଜର୍‌ନେ ଉଙ୍ଗଡେ, ଏଲିୟେଜର୍ ଯୋରିମନେ ଉଙ୍ଗଡେ, ଯୋରିମ ମାଆଥୁନେ ଉଙ୍ଗଡେ, ମାଆଥୁ ଲେବୀନେ ଉଙ୍ଗଡେ,

୩୦ ଲେବୀ ଶିମିୟୋନ୍‌ରେ ଉଚ୍ଚତେ, ଶିମିୟୋନ୍ ଜିଉଦାନ୍‌ରେ ଉଚ୍ଚତେ, ଜିଉଦା ଯୋସେଫ୍‌ରେ ଉଚ୍ଚତେ, ଯୋଷେଫ୍ ଯୋନାଥାନ୍‌ରେ ଉଚ୍ଚତେ, ଯୋନାଥା ଏଲିୟାକିମ୍‌ରେ ଉଚ୍ଚତେ,

୩୧ ଏଲିୟାକିମ୍‌ ମଲ୍ଲୀହ୍‌ରେ ଉଚ୍ଚତେ, ମଲ୍ଲୀହ୍‌ ମେନାନ୍‌ରେ ଉଚ୍ଚତେ, ମେନା ମତ୍ତଥାନ୍‌ରେ ଉଚ୍ଚତେ, ମତ୍ତଥା ନାଥାନ୍‌ରେ ଉଚ୍ଚତେ, ନାଥାନ୍ ଦାଉଦ୍‌ରେ ଉଚ୍ଚତେ,

୩୨ ଦାଉଦ୍‌ ଯିଶୀବନ୍‌ରେ ଉଚ୍ଚତେ, ଯିଶୀବ୍ ଓବେଦ୍‌ରେ ଉଚ୍ଚତେ, ଓବେଦ୍‌ ବୋୟଜନ୍‌ରେ ଉଚ୍ଚତେ, ବୋୟଜ୍ ସାଲ୍‌ମୋନ୍‌ରେ ଉଚ୍ଚତେ, ସାଲ୍‌ମୋନ୍‌ ନହଶୋନ୍‌ରେ ଉଚ୍ଚତେ,

୩୩ ନହଶୋନ୍‌ ଅମିନାଦାବନ୍‌ରେ ଉଚ୍ଚତେ, ଅମିନାଦାବ୍ ଆଦମିନ୍‌ରେ ଉଚ୍ଚତେ, ଆଦମିନ୍‌ ଆରୁନ୍‌ରେ ଉଚ୍ଚତେ, ଆରୁନ୍‌ ହେସ୍ରୋଶନ୍‌ରେ ଉଚ୍ଚତେ, ହେସ୍ରୋଶା ପେରେଜନ୍‌ରେ ଉଚ୍ଚତେ, ଫେରସ୍ ଜିଉଦାନ୍‌ରେ ଉଚ୍ଚତେ,

୩୪ ଜିଉଦା ଜାକୁବ୍‌ରେ ଉଚ୍ଚତେ, ଜାକୁବ୍‌ ଇସାକ୍‌ରେ ଉଚ୍ଚତେ, ଇସାକ୍‌ ଅବ୍ରାହାମ୍‌ରେ ଉଚ୍ଚତେ, ଅବ୍ରାହାମ୍‌ ଥେରହ୍‌ରେ ଉଚ୍ଚତେ, ଥେରହ୍‌ ନାହୋରନ୍‌ରେ ଉଚ୍ଚତେ,

୩୫ ନାହୋର ସେରଗନ୍‌ରେ ଉଚ୍ଚତେ, ସେରଗ୍ ରେଉଜନ୍‌ରେ ଉଚ୍ଚତେ, ରେଉ ପେଲଗନ୍‌ରେ ଉଚ୍ଚତେ, ପେଲେଗ୍ ଏବରନ୍‌ରେ ଉଚ୍ଚତେ, ଏବର ଶେଲାନ୍‌ରେ ଉଚ୍ଚତେ,

୩୬ ଶେଲା କଇନାନ୍‌ରେ ଉଚ୍ଚତେ, କଇନାନ୍‌ ଆରୁଫାକ୍‌ସଡ୍‌ରେ ଉଚ୍ଚତେ, ଆରୁଫାକ୍‌ସଡ୍‌ ଶେମ୍‌ରେ ଉଚ୍ଚତେ, ଶେମ୍‌ ନୋହନ୍‌ରେ ଉଚ୍ଚତେ, ନୋହ୍ ଲାମେକ୍‌ରେ ଉଚ୍ଚତେ,

୩୭ ଲାମେକ୍‌ ମେଥୁଶେଲାନ୍‌ରେ ଉଚ୍ଚତେ, ମେଥୁଶେଲା ହନୋକ୍‌ରେ ଉଚ୍ଚତେ, ହନୋକ୍‌ ଯାରେଦ୍‌ରେ ଉଚ୍ଚତେ, ଯାରେଦ୍‌ ମହାଲାଲୀଲ୍‌ରେ ଉଚ୍ଚତେ, ମହାଲାଲୀଲ୍‌ କେନାନ୍‌ରେ ଉଚ୍ଚତେ,

୩୮ କେନାନ୍‌ ଏନୋଶନ୍‌ରେ ଉଚ୍ଚତେ, ଏନୋଶା ଶେଥନ୍‌ରେ ଉଚ୍ଚତେ, ଶେଥ୍ ଆଦମ୍‌ରେ ଉଚ୍ଚତେ, ଆଦମ୍‌ ଇସ୍‌ପରନ୍‌ରେ ଉଚ୍ଚତେ ।

୪

ସଂତାନ୍ ଜିସୁକେ ପରିକ୍ୟା ଡିଜ୍‌କେ
(ମାତିଉ ୪:୧-୧୧; ମାର୍କ ୧:୧୨-୧୩)

୧ ଜିସୁ ପବିତ୍ର ଆତ୍ମା ବାଚେ ଜର୍ଜନ୍‌ବାନ୍ ଆଣ୍ଡେ ଓଗ୍‌କେ । ଆରି ପବିତ୍ର ଆତ୍ମା ଆମେକେ ଚାଲେନ୍‌ସା କଣ୍ଡା ଅରିଆ ତୁଚ୍‌ଝେଗେ । ଆଡ୍‌ଅରିଆ ମେଁ ମ୍ବାରକୁଡି ସ୍ଥି ଜାକ ସଂତାନ୍‌ବାନ୍ ପରିକିତ ଡିଜ୍‌କେ ।

୨ ଆଡ଼ଅରିଆ ମେଁ ସଏତାନ୍‌ବାନ୍ ଚାଲିସ୍ ଦିନ୍ ଜାକ କସ୍‌ଟ ବାକେ । ଆତେନ୍ ସାପାଦିନ୍ ଜାକ ମେଁ ମେଃଡ଼ିଗ୍ ଆତଜ୍ ଆଉଗ୍‌କେ ଶୁ । ପରିକ୍ୟା ଡିଜ୍ ଆଃଡାକ୍ଲେ ଇଡ଼ିଜ୍ ଆମେକେ ଜାବର୍ କେଡ଼େସଃକେ ।

୩ ଆଡ଼ବାନ୍ ସଏତାନ୍ ଆମେକେ ବାସଙ୍‌କେ “ନା ଜଦି ଇସ୍‌ପରନେ ଉଙ୍‌ଡେ, ତେଲା ଆକେନ୍ ବିକେ ରୁଟି ଡିଜ୍ ନସା ଆଦେସ୍ ବିଃ ।”

୪ ଜିସୁ ଆମେକେ ଉତର୍ ବିକେ “ସାସ୍‌ରନ୍ନିଆ ଗୁଆର୍ ଲେଃକେ; ରେମୁଆଁ ମାତର୍ ରୁଟି ଏତେ ଆମ୍ବ୍ ଶୁ ।”

୫ ଆରି ସଏତାନ୍ ଆମେକେ ତିଆର୍ ଚାନ୍‌ନିଆ ୱା ତୁଂଖେତେ ଇଡୁଡ଼ା ବେଲା ନସା ମଞ୍ଚପୁରନେ ସାପା ରାଇଜ୍ ଆମେକେ ଆକେକେ ।

୬ ଆରି ସଏତାନ୍ ଆମେକେ ବାସଙ୍‌କେ, “ନେଂ ଆନାକେ ଏନ୍ ସାପା ଅଦିକାର୍ ଆରି ଏନ୍ ସାପା ସମ୍‌ତି ମ୍ବିଏ, ଡାଗ୍ଲା ଆତେନ୍ ସାପା ଆନେଙ୍‌କେ ବିବକେ ଆରି ନେଂ ଆଜାକେ ଇକ୍‌ଟା ଆମେକେ ଆତେନ୍ ମ୍ବିଏ ।

୭ ଆରି ନା ଜଦି ଆନେଙ୍‌କେ ମୁଣ୍ଡିଆ ନାବଗ୍‌ଏ ତେଲା ନେଙ୍‌ ଏନ୍ ସାପା ଆନାକେ ବିଃ ୱିଗ୍‌ଲିଗ୍‌ଏ ।”

୮ ଜିସୁ ଆମେକେ ଉତର୍ ବିକେ, “ସାସ୍‌ରନ୍ନିଆ ଗୁଆର୍ ବକେ; ନା ମାତର୍ ମାପୁ ନିଜେ ଇସ୍‌ପରକେ ମୁଣ୍ଡିଆ ନାବଗ୍‌ଏ, ଆରି ମେଁନେ ପାର୍‌ତନା ନାଡ଼ିଙ୍‌ଏ ।”

୯ ଇଡ଼ିଜ୍ ସଏତାନ୍ ଜିସୁକେ ଯିରୁଶାଲାମ୍‌ନିଆ ୱା ତୁଂଖେତେ ମନ୍ଦିରନେ ଲେସାଙ୍‌ ଆଡ଼ାଡ଼ା ଆଃଡୁଆରେ ଆମେକେ ବାସଙ୍‌କେ, ନା ଜଦି ଇସ୍‌ପରନେ ଉଙ୍‌ଡେ, ତେଲା ଆକେନ୍ ଲେସାଙ୍‌ବାନ୍ ରୁନ୍‌ଦେ ପୁଏଃ ଲଃଲା;

୧୦ ଡାଗ୍ଲା ଦର୍ମସାସ୍‌ରନ୍ନିଆ ଗୁଆର୍ ଲେଃକେ, ମେଁ ନିଜର୍ ଦୁଡ଼ଇଂକେ ନାନେ ବିସୟରେ ଆଦେସ୍ ବିଃଏ ।

୧୧ ଆରି ମାରିଆଃ ନାନେ ୱା ବିନ୍ନିଆ ବାଏ, ଆକେନ୍ ନସା ମେଇଂ ଆନାକେ ବିନ୍ନିଆ ଲିଙ୍‌ରେ ସାଃଆର୍‌ଏ ।

୧୨ ଆରି ଜିସୁ ଆମେକେ ଉତର୍ ବିକେ, “ସାସ୍‌ରନ୍ନିଆ ଡିଗ୍ ଏନ୍ ଗୁଆର୍ ଲେଃକେ; ନା ମାପୁ ନିଜର୍ ଇସ୍‌ପରକେ ପରିକ୍ୟା ଆଡ଼ିଂଗେ ନାମଃ ।”

୧୩ ସଏତାନ୍ ଜିସୁନେ ସାପା ରକମ୍ ପରିକ୍ୟା ଆଡାରେ ଆରି ନିମାଣ୍ଡା
ବେଲା ପାଙ୍ଗ୍ ଜାକ ଆମେକେ ଆନ୍ତାର୍ରେ ଲାଗ୍‌ତକେ ।

ଜିସୁନେ ସେବା କାମ୍ ଆରାମ୍
(ମାତିଉ ୪:୧୨-୧୭; ମାର୍କ ୧:୧୪-୧୫)

୧୪ ଆତେନ୍ ବାନ୍ ଜିସୁ ଆମ୍‌ନେ ବପୁରେ ଗାଲିଲାନିଆ
ଆଣ୍ଡେକେ ଆରି ପିତୁରପାକା ଜାକ ସାପା ଏରିୟା ମେଁନେ ସାମୁଆଁ
ଉତ୍ରା ଡିଙ୍ଗ୍‌କେ ।

୧୫ ଆରି ଜିସୁ ଜିଉଦିଇଁନେ ପାର୍ତନା ତୁଆଇଁନିଆ ସିକ୍ୟା ବିନେ
ମୁଲେକେ, ଆରି ସାପା ରେମୁଆଁବାନ୍ ମେଁ ଆଲାଦ୍ ବାକେ ।

ଜିସୁକେ ନାଜରାତ୍‌ନେ ରେମୁଆଁଇଁ ଆମ୍‌ନେ ଆରକେ ଶୁ
(ମାତିଉ ୧୩:୫୩-୫୮; ମାର୍କ ୬:୧-୬)

୧୬ ଇଡିଙ୍ଗ୍ ମେଁ ନାଜରିତ୍ ନିଆ ପାଙ୍ଗ୍‌କେ ନାଜରାତ୍ ନିଆ ମେଁ
ସାପାଦିନ୍ ପାଲେନେ ନିଅମ୍ ସୁଗୁଆ ମେଁ ପୁଣ୍ଡେନେ ଦିନା ଯିଉଦି
ପାର୍ତନା ତୁଆନିଆ କେକେ ଆରି ମେଁ ତଡିଆରେ ସାସ୍ତର୍ ପଡେକେ
।

୧୭ ଆତେନ୍ ବେଲା ଆମେକେ ଯିଶାଇୟ ବାବବାଦିନେ ବଇ
ଆମେକେ ବିବଗେ । ଜିସୁ ଆତେନ୍ ବଇ ତତେ ଆଣ୍ଡିନେ ଜାଗାନିଆ
ଏନ୍ ସାମୁଆଁ ଗୁଆର୍ ବଗେ ଆତେନ୍ ବାକେ;

୧୮ “ମାପୁନେ ଆମ୍‌ ନେଙ୍ଗ୍‌ନିଆ ଲେକେ

ଅରକିଡ୍ ରେମୁଆଁଇଁନିଆ ନିମାଣ୍ଡା ସାମୁଆଁ ବାଲିର୍ ନସା
ପରମେସର୍ ଆନେଙ୍ଗ୍ ସିବକେ

ବନ୍ଦିଇଁ ମୁକ୍‌ଲେନ୍‌ସା ଆକେନ୍ ଆପେକେ ଆଃଅନ୍‌ସା

ଆରି କାନାଇଁକେ ଆରି ମୁଇଙ୍ଗ୍‌ତର୍ କେୟା ଆର୍‌ଏ ଡାଗ୍‌ରେ
ଆମେଇଁକେ ବାସଙ୍ଗ୍ ନସା

ଦୁକ୍‌ରେ ଲେକ୍‌କେ ରେମୁଆଁ ଆରି ରଗ୍‌ରେ ଲେକ୍‌କେ ରେମୁଆଁଇଁକେ
ଦୁକ୍ ବାନ୍ ଆଃଡାର୍ ନସା,

୧୯ ଆରି ମାପୁନେ ଦୟାନେ ବେଲା ବାଲିର୍ ଅଲେଙ୍ଗ୍‌ନସା ମାପୁ
ଆନେଙ୍ଗ୍ ବେବକେ ।”

୨୦ ଜିସୁ ଉଲିଆଃ ବନ୍ଦ ଆଡ଼ିଙ୍ଗରେ ଗଡ଼ିରେକେ ବେ ବିକେ । ତେନ୍ ଇଡ଼ିଂ ମେଁ କକେ । ଆରି ଜିଉଦି ପାର୍ତନା ତୁଆନିଆ ଲେଃକ୍ସେ ସାପା ରେମୁଆଁନେ ମନ୍ ଦିଆନ୍ ମେଁ ଆଡ଼ାଡ଼ା ଲେଃଗେ ।

୨୧ ଜିସୁ ଆମେଇଂକେ ବାସଙ୍ଗକେ, “ନେଙ୍ଗ୍ ବଇବାନ୍ ଆଣ୍ଟିନେ ସାମୁଆଁ ଏକ୍ସେ ଫିଡେକେ ଆତେନ୍ ପେଇଂ ଅଁନେ ବେଲା ସାସ୍ତୁରନେ ଏନ୍ ସାମୁଆଁ ଏବେ ପୁରନ୍ ଡିଙ୍ଗକେ ।”

୨୨ ଆରି ସାପାରେ ମେଁନେ ବିସଏରେ ସାକି ବିଃନେ ମୁଲେଆକେ ଆରି ମେଁନେ ସାମୁଆଁବାନ୍ ତାରୁଡ଼ିଂକ୍ସେ ଅନୁଗ୍ରଅନେ ସାମୁଆଁରେ ଇରିଆଃତୁଗ୍ ଆରକେ; ବାରି ମେଇଂ ବାଲିରନେ ମୁଲେଆକେ, “ଆକ୍ମେ ମେଃନେ ଯୋସେଫ୍ନେ ଉଂଡେ ଶୁ?”

୨୩ ଜିସୁ ଆମେଇଂକେ ବାସଙ୍ଗକେ, “ନେଙ୍ଗ୍ ମ୍ୟାଲ୍ଲେକେ ଜେ ପେଇଂ ଆନେଙ୍ଗ୍କେ ଆତେନ୍ ବାଞ୍ଚିରକ୍ସେ ସାମୁଆଁ ପେବାସଙ୍ଗଏ, ଏ ଗଦାର୍ ନାନେ ନିଜେକେ ସେନୁଗ୍ ନିମାଣ୍ଡା ଆଡ଼ିଙ୍ଗ । ପେ ବାସଙ୍ଗନେ ଚାଏଁ ପେଡ଼ିଙ୍ଗକେ ଜେ କପର୍ନାହୁମନ୍ନିଆ ପେ ଜା ସାପା ଡିଙ୍ଗ୍ ପେବକେ ଡାଗରେ ନେ ଅଁ ନେଲେକେ ଆତେନ୍ ସାପା ଏବେ ନା ନିଜେ ଜନମ୍ ଇନିଡ଼ିଗ୍ ଆତେନ୍ ଡିଙ୍ଗ ।”

୨୪ ☆ତେନ୍ ଇଡ଼ିଂ ଜିସୁ ଆମେଇଂକେ ବାସଙ୍ଗକେ, “ନିଂ ଆପେକେ ସଡ଼ ବାସଙ୍ଗଣ୍ଟିଂକେ, ମେଃଡ଼ିଗ୍ ବାବବାଦି ନିଜେନେ ଇନିନିଆ ଡିଗ୍ ଗ୍ରଅନ୍ ଆଡ଼ିଙ୍ଗ ଆରଏ ଶୁ ।”

୨୫ ନେଙ୍ଗ୍ ଆପେକେ ସଡ଼ ବାସଙ୍ଗ୍ ଶ୍ରିଙ୍ଗ୍ ଏଲୀୟନେ ବେଲା ଇଶ୍ରାୟେଲନ୍ନିଆ ଉଡ଼ିବେଲା ଜିରସି ମେମୁଆଁ ତୁର୍ ଆକେ ଜାକ କିତଂଇନି ବନ୍ଦ ତିଂକେସାଃ ଶ୍ରିଆଃ ଆଗୁରକେ ଶୁ ଆରି ସାପା ଦେସନ୍ନିଆ ମ୍ଲାଃ ମୁରୁଡ଼ି ତିଂକେ, ଆତେନ୍ ବେଲା ଇଶ୍ରାୟେଲନେ ଗୁଏ ଗୁଏସାଙ୍ଗକ୍ସେ ରେମୁଆଁ ଲେଃଆରଗେ ।

୨୬ ମାତର୍ ଏଲୀୟକେ ମେଁଇଙ୍ଗନେ ବାନ୍ ମୁଡ଼ି ଗୁଏସାଙ୍ଗକ୍ସେକେ ଡିଗ୍ ଡାଗରା ଆବେକେ ଶୁ ଡାଗଲା ଏଲୀୟ ସିଦନ ଏରିଆନେ ସାରିପତନ୍ନିଆ ବାସା ଲେଃକ୍ସେ ମୁଇଂ ଗୁଏସାଙ୍ଗକ୍ସେ ଡାଗରା ୱେ ଲେଃକେ । ବିନ୍ନେ ଜାଣ୍ଡେ ଡାଗ୍ରା ମେଁ ୱେ ଆଲେକେ ଶୁ ।

୨୭ ଆରି ବାବବାଦି ଏଲିଶାୟନେ ବେଲା ଇଶ୍ରାୟେଲନେ ଗୁଲୁଏ କୁଷ୍ଟରଗିଇଂ ଲେଃଥାରଗେ । ତେଲାଡିଗ୍ ମେଁଇଙ୍ଗ୍‌ନେ ବାନ୍ ଆଜା ଡିଗ୍ ନିମାଣ୍ଡା ଆଡିଙ୍ଗ୍ ଆବଗେ ଶୁ । ମାତର୍ ସିରିଆ ଦେସ୍‌ନେ ନାମାନ୍‌କେ ନିମାଣ୍ଡା ଆଡିଙ୍ଗ୍ ବଗେ ।

୨୮ ପାରତନା ତୁଆନ୍ନିଆ ଲେଃଥେ ସାପା ରେମୁଆଁ ଜିସୁନେ ଏନ୍ ସାପା ସାମୁଆଁ ଅଁଚେ ଜାବର୍ ଗିସେ ଡିଙ୍ଗ୍‌ଆକେ ।

୨୯ ରେମୁଆଁଇଂ ଜିସୁକେ ଇନିବାନ୍ ପାଦା ନୁଆଁ ବିକେ । ମେଁଇଙ୍ଗ୍‌ନେ ଇନି ମୁଇଙ୍ଗ୍ କଣ୍ଡା ଆଡାଡା ତିଆର୍ ଡିଙ୍ଗ୍ ବଆରଗେ । ମେଇଙ୍ଗ୍ ଜିସୁକେ କଣ୍ଡା ଆଡାଡା ତୁଙ୍ଗ୍‌ଝେଚେ ଆମେକେ ଆଡବା ବୁନ୍ଦେ ଟମେଗ୍ ବିଃନ୍‌ସା ଚାଏଁ ଡିଙ୍ଗ୍ ଆରଗେ ।

୩୦ ମାତର୍ ଜିସୁ ରେମୁଆଁଇଂନେ ବାନ୍ ତାର୍‌ଚେ ଝେକେ ।

ଜିସୁ ମୁଇଂ ବୁଡ୍ ସାଃକେ ରେମୁଆଁକେ ନିମାଣ୍ଡା ଆଃଡିଂକେ
(ମାରକ ୧:୨୧-୨୮)

୩୧ ଜିସୁ ଗାଲିଲୀନେ କପର୍ନାହୁମ ମୁଁକେ ଇନିନିଆ ପାଙ୍ଗକେ ମେଁ ପୁଣ୍ଡେନେ ବାର୍ ଦିନା ରେମୁଆଁଇଂକେ ସିକ୍ୟା ବିଃନେ ଲାଗେକେ ।

୩୨ ☆ରେମୁଆଁଇଂ ମେଁନେ ବୁଦି ଅଁଚେ ଇରିଆତୁଗ୍ ଝେଆରଗେ । ତାଗ୍ଲା ମେଁ ଅଦିକାର୍ ଏତେ ସାମୁଆଁ ବାସଙ୍ଗ୍ ଡିଙ୍ଗ୍‌ଗେ ।

୩୩ ଆତେନ୍ ପାରତନା ତୁଆନ୍ନିଆ ଲେଃମ୍ୟାକେ ମୁଇଙ୍ଗ୍ ରେମୁଆଁ ଗାଗଡେ ନ୍ନିଆ ଅସୁଚି ଆମ୍ବା ବାସା ଲେଃଗେ । ମେଁ ଝାସାର୍‌ଚେ ମାଲେ ଝାସାର୍‌ଚେ ବାସଙ୍ଗ୍‌କେ

୩୪ “ଅ ନାଜରିତାୟ ଜିସୁ ନାନେ ଏତେ ନେଙ୍ଗ୍‌ନେ ମେଁ ଲେଃକେ ? ନାନେ କି ଆନେକେ ଆଗୁଏନ୍‌ସା ନାପାଙ୍ଗ୍‌କେ ? ନାନେ ଜାଣ୍ଡେ ଆତେନ୍ ନେଙ୍ଗ୍ ମ୍ୟା ଲେକେ; ନାନେ ଇସ୍‌ପର୍‌ନେ ପବିତ୍ର ରେମୁଆଁ ।”

୩୫ ଜିସୁ ଆମେକେ ଦମକେଚେ ବାସଙ୍ଗ୍‌କେ, “ତୁପ୍ ତିଂ ଆକ୍‌ମେଁ ବାନ୍ ତାର୍‌ଚେ ଲାଗ୍‌ତଲା । ଆଡବା ଆତେନ୍ ସେଆଁରେ ଆମେକେ ବୁନ୍ଦେ ଆଲଚେ ଆମେକେ ମେଃଡିଗ୍ ଚିନା ମାରାଡିଙ୍ଗ୍‌ଚେ ମେଁ ବାନ୍ ଲାଗ୍‌ତକେ ।”

☆ ୪:୩୨ ମାଡିଉ ୭:୨୮,୨୯.

୩୬ ଆଦବା ରେମୁଆଁଇଁ ଇରିଆତୁଗ୍ ଝେଆରଗେ । ଆରି ମେଇଁ ବିତ୍ତେ ବିତ୍ତେ ବାଲିର୍ ବାତା ଆରକେ, “ଏନ୍ ତିରକମ୍ ସାମୁଆଁ ? ଅଦିକାର୍ ଆରି ବପୁ ଏତେ ମେଁ ସେଆଁରେଇଁକେ ଆଦେସ୍ ବିଡିଙ୍ଗକେ । ଆରି ସେଆଁରେଇଁକେ ମେଁନେ ସାମୁଆଁ ଅଁଚେ ତାର୍ଚେ ପାଙ୍ଗଡିଙ୍ଗ ଆରକେ ।”

୩୭ ଆତେନ୍ ଏରିଆନେ ସାପା ଜାଗାନ୍ନିଆ ଜିସୁ ବିସୟରେ ଏନ୍ କବର୍ ଉତ୍ତା ଡିଙ୍ଗକେ ।

ଜିସୁ ଗୁଲୁଏ ରେମୁଆଁ ନିମାଣ୍ଡା ଆଃସାମୁଆଃ ଡିଙ୍ଗକେ
(ମାତିଉ ୮:୧୪-୧୭; ମାର୍କ ୧:୨୯-୩୪)

୩୮ ଇଡିଙ୍ଗ ଜିସୁ ପାରତନା ତୁଆ ଆନ୍ତାର୍ଚେ ଶିମୋନ ତୁଆ ଝେକେ । ଶିମୋନ ଆତାଡେକେ ଜାବର୍ ସାଃବା ଡିଙ୍ଗଲେକେ ମେଇଁ ଜିସୁକେ ମେଁ ଆଦଲା ନିମାଣ୍ଡା ଆଡିଙ୍ଗ ନ୍‌ସା ବାସଙ୍ଗକେ ।

୩୯ ଆତେନ୍ ବେଲା ମେଁ ତାଗ୍ରା ତୁଆଁଚେ ସାଃବାକେ ଦାକା ବିଲା ସାଃବା ଆନ୍ତାର୍ ଝେକେ । ତେନ୍ ଇଡିଁ ମେଁ ତଡିଆଚେ ମେଁଇଙ୍ଗନେ ସେବା ଡିଙ୍ଗ ନ୍‌ସା ଲାଗେ ପଡେକେ ।

ଜିସୁ ମାଲେ ରେମୁଆଁଇଁକେ ନିମାଣ୍ଡା ଆଃଡିଙ୍ଗେ ।

୪୦ ସ୍ତ୍ର ଲଗନେ ବେଲା ରେମୁଆଁଇଁକେ ମେଁଇଙ୍ଗନେ ରଗ୍ ସାଃଲେଃକେ ରେମୁଆଁଇଁକେ ଜିସୁନିଆ ତୁଙ୍ଗପାଙ୍ଗଆରକେ । ମେଁଇଙ୍ଗନ୍ନିଆ ବିନ୍‌ବିନ୍ ରକମ୍ ରଗ୍ ଲେଃଗେ । ଜିସୁ ନିଜେନେ ତ୍ରି ମେଇଁ ଆଡାତ୍ରା ବଚେ ଆମେଇଁକେ ନିମାଣ୍ଡା ଆଡିଙ୍ଗକେ ।

୪୧ ଆରି ତିଗ୍ ମେଁଇଙ୍ଗନେ ବାନ୍ ଲେଃକେ ଉଡିରୁଆ ବୁଡ୍ ଆଡ଼ମାଇଁ ତାର୍ଚେ ପାଙ୍ଗ ଆରକେ । ଆରି ବୁଡ୍ ଆଡ଼ମାଇଁ କିରଚେ ବାସଙ୍ଗ ଆରଡିଙ୍ଗେ, “ନାନେ ପର୍ମେସର୍ନେ ଉଙ୍ଗଡେ ।” ମାତର୍ ଜିସୁ ବୁଡ୍ ଆଡ଼ମାଇଁ ବୁଙ୍ଗ ଲେଃନ୍‌ସା ଆଦେସ୍ ବିକେ । ତାଗ୍ରା ଆତେନ୍ ବୁଡ୍ ଆଡ଼ମାଇଁ ମ୍ୟାଲେଃଆରଗେ ଜେ ଜିସୁ ଡିଙ୍ଗ ଡିଙ୍ଗକେ ନିଜେ କିସ୍ତ ।

ସବା ତୁଆ
(ମାର୍କ ୧:୩୫-୩୯)

୪୨ ମାର୍ତ୍ତତଢ଼େ ଞ୍ଜିରନୁଗ୍ ମେଁ ଇନିବାନ୍ ତାରତେ ମୁଇଙ୍ଗ୍ ଚିମ୍ବରା ଜାଗାନ୍ନିଆ ଝେକେ ଆରି ରେମୁଆଁଇଁ ଆମେକେ ତୁର୍ ତୁର୍ତେ ମେଁ ତାଗ୍ରା ପାଙ୍ଗ୍ ଆରକେ ଆରି ମେଁ ଜେଡ୍ରିକି ମେଁଇଙ୍ଗ୍ନେ ତାଗ୍ରା ଆଝେ ଶୁ ଆତେନ୍‌ସା ଆମେକେ ଆଡ୍‌ଅରିଆ ଲେନ୍‌ସା ତେସ୍‌ଟା ତିଙ୍ଗ୍‌ଆକେ ।

୪୩ ତେଲା ମେଁ ଆମେଇଁକେ ବାସଙ୍ଗ୍‌କେ, ବିନ୍‌ବିନ୍ ଇନିଡିଗ୍ ଆନେଙ୍ଗ୍‌କେ ତିଲାଡିଗ୍ ଇସ୍‌ପରନେ ରାଇଜରେ ନିମାଣ୍ଡା ବ୍ଲାଲିର୍ ବାଲିର୍‌ନ୍‌ସା ତିଙ୍ଗ୍‌ଏ ତାଗ୍ଲା ଆତେନ୍‌ସା ନେଙ୍ଗ୍ ପାଙ୍ଗ୍ ନ୍ଲେକେ ।

୪୪ ତେସା ଆତେନ୍ ଜିଉଦା ଦେସ୍‌ନେ ବିନ୍‌ବିନ୍ ପାର୍‌ତନା ତୁଆନ୍ନିଆ ପରତାର ତିଙ୍ଗ୍ ନ୍‌ସା ଆରାମ୍ ତିଁକେ ।

୫

ଜିସୁ ପରତୁମ୍ ସିସଇଁକେ ଝାକେ

(ମାଡିଡ ୪:୧୮-୨୨; ମାରକ ୧:୧୭-୨୦)

୧ ମେସୁଆ ଜିସୁ ଗିନେସରତ୍ ଲଣ୍ଡିଆ ଆଃଡା ତୁଆଁ ଲେଃଗେ । ଆରି ରେମୁଆଁଇଁ ଇସ୍‌ପରନେ ସାମୁଆଁ ଅଁନ୍‌ସା ଚେଟାଚେଶ୍ଟୁରୁ ତିଙ୍ଗ୍‌ଆଡ୍‌ଡିଙ୍ଗେ ।

୨ ଆରି ମେଁ କେଣ୍ଡିଆ ଆଃଡା ମ୍ବାକ୍ଲିଗ୍ ତରା ଲେଃଗ୍ନେ କେକେ । ସାଃହାଃରେଇଁ ଆତେନ୍ ତରାବାନ୍ ଜାର୍‌ତେ ମେଁଇଙ୍ଗ୍‌ନେ ଜାଲ୍ ଗଡ୍‌ଡିଆ ତିଙ୍ଗ୍‌ଗେ ।

୩ ଆତେନ୍ ତରାଇଁ ବାନ୍ ଆଣ୍ଡିନେ ଶିମୋନନେ ତରା ଲେଃଗେ । ଆଡ୍‌ ଅରିଆ ମେଁ ତେଃତେ କେଣ୍ଡିଆ ଆଡାବାନ୍ ସ୍ଲୁ ଝେନ୍‌ସା ଆମେକେ ବାସଙ୍ଗ୍‌କେ; ଆରି ମେଁ ତରାଅରିଆ କତେ ରେମୁଆଁଇଁନ୍ନିଆ ବୁଦି ବିଃନେ ଲାଗେକେ ।

୪ ମେଁ ସାମୁଆଁ ବାସଙ୍ଗ୍ ଆଃଡାତେ ଶିମୋନ୍‌କେ ବାସଙ୍ଗ୍‌କେ, “ସ୍ତ୍ରୁଣ୍ଡିଆ ବିତ୍ତେ ଝେତେ ଆଃଡା ସାନ୍ତି ପେନେ ଜାଲ୍ କ୍ଲାଗ୍‌ପା ।

୫ ଆଡ୍‌ବା ଶିମୋନ ଉତ୍‌ର୍ ବିକେ, ଏ ଗୁରୁ, ଆଃଡା ସାନ୍ତି ନେ ମିଡିଗ୍ ଜାକ କଷ୍ଟ ତିଙ୍ଗ୍‌ତେ ମେଁ ତିଗ୍ ନେବାକେ ଶୁ:ମାତ୍‌ର୍ ନାନେ ସାମୁଆଁରେ ନେଙ୍ଗ୍ ଜାଲ୍ କ୍ଲାଗ୍‌ଏ ।

୬ ✨ଆରି ମେଇଂ ଜାଲ୍ ଲାଗ୍‌ରେ ଜବର୍ ଆଠଡ଼ ସାଃଆରକେ ଆରି ମେଁଇଙ୍ଗନେ ଜାଲ୍ ଚିକ୍‌ଚିନେ ଲାଗେକେ ।

୭ ଆଡ଼ଅରିଆ ମେଁଇଙ୍ଗନେ ଜାଣ୍ଟିଗ୍ କୁଡ଼େରେ ସାଣ୍ଟେଇଙ୍ଗ୍ ଆରି ବିନ୍ ତରାନିଆ ଲେଃଆରଗେ ମେଇଂ ଡିରକମ୍ ପାଙ୍ଗ୍‌ରେ ସାଇଜ୍ୟ ଡିଙ୍ଗ୍ ଆରଏ ଆଡେନ୍‌ସା ମେଇଂ ଆମେଇଂକେ ଖାକେ । ଆଡ଼ବା ମେଇଙ୍ଗ୍ ପାଙ୍ଗ୍‌ରେ ମ୍ବାକ୍ଲିଗ୍ ତରାକେ ଆଠଡ଼ରେ ଡେକ୍‌ରକମ୍ ତାଃନଆରକେ ଜେ ତରାଇଂ ଲଗ୍‌ଡିଆ ଖେନେ ସୁଗୁଆ ଡିଙ୍ଗ୍‌ଖେକେ ।

୮ ଡାଗ୍ଲା ଶିମୋନ୍ ପିତର୍ ଆକେନ୍ କେରେ ଜିସୁନେ ଞ୍ଚ ବୁୟେ ଲଃରେ ବାସଙ୍ଗକେ ଏ ମାପୁ ନାନେ ନେଙ୍ଗ୍ ଡାଗ୍ରାବାନ୍ ଲାଗ୍‌ତଲା ଡାଗ୍ଲା ନେଙ୍ଗ୍ ମୁଇଙ୍ଗ୍ ପାପି ରେମୁଆଁ ।”

୯ ଡାଗ୍ଲା ମେଇଙ୍ଗ୍ ଆଡେନ୍ ବାନ୍ ଆଃ ଅଃକେନ୍ ଆଡ଼ ସାଃବଆରଗେ ଜେ ଆଡେନ୍ କେରେ ମେଁ ଆରି ମେଁନେ ସାଙ୍ଗାଇଂ ସାପାରେ ଇରିଆଡୁଗ୍ ଡିଙ୍ଗ୍ ଆରକେ;

୧୦ ଆରି ଜେବଦୀନେ ମ୍ବାକ୍ଲିଗ୍ ଉଙ୍ଗ୍‌ଡେ ଜାକୁବ୍ ଆରି ଜହନ୍, ଜାଣ୍ଟେଇଂ ଶିମୋନ୍ ଏଃଡେ ଲେଃଗେ, ମେଇଂ ଡିଗ୍ ଦେଡୁଆ ଇରିଆଃଡୁଗ୍ ଖେଆରକେ । ଆରି ଜିସୁ ଶିମନ୍‌କେ ବାସଙ୍ଗକେ, ଆବ୍‌ଚଗେ ନାମଃ, ଏଃବାନ୍ ନା ଆଠଡ଼ ସାଃନେ ବାଡୁଲ୍ ରେମୁଆଁଇଂକେ ମାପୁନେ ଗାଲିନ୍ଦିଆ ତୁଂନାପାଙ୍ଗ୍‌ଏ ।

୧୧ ଆଡ଼ବା ମେଇଂ ତରାଇଂ କେଣ୍ଡିଆଃ ଆଃଡ଼ାଃ ତୁଙ୍ଗ୍‌ପାଙ୍ଗ୍‌ରେ ସାପା ଆଡ଼ାରେ ମେଁନେ ପ୍ଲା ଖେଆରକେ ।

**ଜିସୁ କୁଷ୍ଟରଗିକେ ନିମାଣ୍ଡା ଆଡିଙ୍ଗ୍‌କେ
(ମାଡିଡ ୮:୧-୪; ମାରକ ୧:୪୦-୪୫)**

୧୨ ମେଁ ମୁଇଙ୍ଗ୍ ଇନିନିଆ ଲେଃନେ ବେଲା କେଲା ଆଡ଼ଅରିଆ ମୁଇଙ୍ଗ୍ ଗାଗ୍‌ଡେ ଜାକ କୁଷ୍ଟରଗ୍ ସାଲେଃକେ ରେମୁଆଁ ଲେଃଡିଙ୍ଗ୍; ମେଁ ଜିସୁକେ କେରେ ମୁଗ୍‌ଗାଃ ଲଃରେ ଆମେକେ କୁସାମୁଡି ଡିଙ୍ଗ୍‌ରେ ବାସଙ୍ଗକେ ଏ ମାପୁ “ନାନେ ଜଦି ରାଜି ନାଡିଙ୍ଗ୍‌ଏ ଦେଡୁଲା ନାନେ ଆନେଙ୍ଗ୍ ନିମାଣ୍ଡା ଆଡିଙ୍ଗ୍ ନାୟାଏ ।”

✨ ୫:୬ ଜହନ୍ ୨୧:୬.

୧୩ ଆଡ଼ବା ମେଁ ତ୍ରି ଆର୍ଲେରେ ଆମେକେ ଲିଗ୍ରେ ବାସଙ୍ଗକେ ନେଙ୍ଗ ରାଜି ତିଙ୍ଗ୍‌ଣିଙ୍ଗକେ ନିମାଣ୍ଡା ତିଙ୍ଗ୍ । ଆଡ଼ବା ଆଡେନ୍ ରେମୁଆଁ କୁଷ୍ଟରଗବାନ୍ ନିମାଣ୍ଡା ତିଙ୍ଗେ ।

୧୪ ଜିସୁ ଆମେକେ ଆଦେସ୍ ବିଚେ ବାସଙ୍ଗକେ ଆଜାକେ ଆବାସଙ୍ଗ ନାମଃ ମାତର୍ ସିଦା ପୁଜାରିନ୍ନିଆ ଝେଲା ଆରି ମେଁ ଆନାକେ ପରିକ୍ୟା ତିଙ୍ଗ୍ରେ କେଲେ ଏନ୍ ଇଡିଙ୍ଗ ନାନେ ନିମାଣ୍ଡା ତିଙ୍ଗ୍ ନାଲେଃକେ ତାଗ୍ରେ ବିନ୍‌ନ୍ନିଆ ପାର୍‌ମାନ୍ ବିଃନ୍‌ସା ମୋଶାନେ ଆଦେସ୍ ଅନୁସାରେ ବେଦିନ୍ନିଆ ଦାନ୍ ବିଃ ।

୧୫ ତାଗ୍ଲା ଜିସୁନେ ବିସୟରେ ସାମୁଆଁ ଆରି ଅଦିକ୍ ଉତ୍ରା ତିଙ୍ଗକେ ଆରି ଜବର୍ ରେମୁଆଁ ଅନ୍‌ସା ଆରି ନିଜେ ନିଜେ ରଗ୍ ବାନ୍ ନିମାଣ୍ଡା ତିଙ୍ଗ୍‌ନେସା ମୁଇଁନ୍ନିଆ ରିସିଙ୍ଗ୍‌ନେ ଲାଗେକେ;

୧୬ ମାତର୍ ମେଁ ରେମୁଆଁ ଶୁନେ ଟାନ୍‌ନିଆ ଲେଃରେ ପାର୍‌ତନା ତିଙ୍ଗ୍‌ତିଙ୍ଗ୍‌ଗେ ।

ଜିସୁ ମୁଇଙ୍ଗ୍ ତ୍ରି ଷ୍ଟ ନ୍‌ସୁଆର୍ ଲେଃକ୍ରେ ରେମୁଆଁକେ ନିମାଣ୍ଡା ଆଡିଙ୍ଗକେ

(ମାତିଉ ୯:୧-୮; ମାର୍କ ୨:୧-୧୨)

୧୭ ମେସୁଆ ଜିସୁ ବୁଦି ବିଡିଙ୍ଗ୍‌ଗେ ଆରି ଗାଲିଲୀନେ ସାପା ଇନି ଆରି ଜିଉଦା ପ୍ରଦେସ୍‌ନେ ଆରି ଯିରୁସାଲାମ୍ ବାନ୍ ପାଙ୍ଗ୍‌ଲେକ୍ରେ ଫାରୁଶୀ ଆରି ନିଅମ୍‌କାରିଇଁ ତାଗ୍ଲା କଲେ ଆର୍‌ଗେ । ଆରି ମେଁ ଜେନ୍ତ୍ରିକି ନିମାଣ୍ଡା ଆଡିଙ୍ଗ୍‌ଏ ଆଡେନ୍‌ସା ମାପୁନେ ବପୁ ମେଁନ୍ନିଆ ପାଙ୍ଗ୍‌ଗେ ।

୧୮ ଆରି କେଲା ଉଡିରୁଆ ମୁଇଙ୍ଗ୍ ତ୍ରି ଷ୍ଟ ନ୍‌ସୁଆର୍‌ଲେଃକ୍ରେ ରେମୁଆଁକେ କର୍‌ନିଆ ତୁଙ୍ଗ୍ ତୁଁପାଙ୍ଗ୍‌ରେ ଆମେକେ ବିତ୍ରେ ତୁଁଝେରେ ଆରି ମେଁ ତାଗ୍ଲା ବନ୍‌ସା ଚେସ୍‌ଟା ତିଙ୍ଗ୍‌ଆର୍‌ତିଁ‌ଗେ ।

୧୯ ତାଗ୍ଲା ଜାବର୍ ରେମୁଆଁ ରିସିଙ୍ଗ୍ ଲେଃଗେ ଆଡେନ୍‌ସା ଆମେକେ ବିତ୍ରେ ତୁଁଝେନ୍‌ସା ଗାଲି ଆବାଲା ମେଇଁ ତୁଆ ଆଡାତ୍ରା ତୁଙ୍ଗ୍‌ଝେରେ ଲ୍ଲେସାଁ ଆପୁଗ୍‌ରେ କର୍ ତାଣ୍ଡି ଏଡେ ଆମେକେ ମଜେ ଜାଗାନ୍ନିଆ ଜିସୁତାଗ୍ଲା ଆଜାର୍ ବିଆର୍‌କେ ।

୨୦ ମେଁ ମେଁଇଙ୍ଗ୍‌ନେ ବିସବାସ୍ କେଚେ ବାସଙ୍ଗକେ, “ଅ ଗଡ଼େଅ ନାନେ ପାପ୍ ସାପା କେମା ତିଙ୍ଗ୍‌ଗେ ।”

୨୧ ଆଡ଼ଅରିଆ ଦର୍ମ ଗୁରୁ ଆରି ଫାରୁଣୀଇଁ ନିଜେ ନିଜେ ବାଲିରବାତାଚେ ବାସଙ୍ଗନେ ଲାଗେଆରକେ, “ଇସପରକେ ନିନ୍ଦା ଆଡ଼ିଙ୍ଗଡ଼ିଙ୍ଗକେ, ଏନ୍ ଜାଣ୍ଡେ ? କେବଲ୍ ଇସପରବାନ୍ ଆରି ଜାଣ୍ଡେ ପାପ୍ କେମା ଡ଼ିଙ୍ଗିଙ୍ଗିୟାଏ ?”

୨୨ ତାଗ୍ଲା ଜିସୁ ମେଁଇଙ୍ଗନେ ବାଲିରବାତାନେ ମ୍ୟା ଯାଚେ ଆମେଇଁକେ ଉତର ବିକେ ପେଇଁ ନିଜେ ନିଜେ ମନ୍ନିଆ ମେଁନ୍ଦ୍ୟା ବାଲିରବାତା ଡ଼ିଂପେଡ଼ିଂକେ ?

୨୩ ମେଃନେ ବାସଙ୍ଗନେ ସଅଜ୍ ? ନାନେ ପାପ୍ କେମା ଡ଼ିଙ୍ଗିଗେ ତାଗ୍ଟେ ବାସଙ୍ଗନେ ବା ତଡ଼ିଆ ଝେଲା ତାଗ୍ଟେ ବାସଙ୍ଗନେ ?

୨୪ ତାଗ୍ଲା ମଞ୍ଚୁପୁରନେ ପାପ୍ କେମା ଡ଼ିଙ୍ଗିନେସା ରେମୁଆଁ ଉଙ୍ଗଡ଼େକେ ଜେ ଅଦିକାର୍ ଲେଃକେ ଆକେନ୍ ଜେଡ଼ିକି ପେଇଁ ମ୍ୟା ପେୟାଏ ଆତେନ୍ଦ୍ୟା ଜି ଞ୍ଚ ନ୍ସୁଆରଲେଃକେ ରେମୁଆଁ ବାସଙ୍ଗକେ, “ନେଙ୍ଗ୍ ଆନାକେ ବାସଙ୍ଗିଂ ତଡ଼ିଆ ନିଜେନେ ସିଙ୍ଗିଲା ସାଚେ ନାନେ ତୁଆ ଝିଗ୍ଲା ।”

୨୫ ଆଡ଼ବା ମେଁ ଦାପ୍ରେ ମେଁଇଙ୍ଗନେ ବାନ୍ ତଡ଼ିଆଚେ ଆଣ୍ଡିନେ ସିଙ୍ଗିଲା ଆଡ଼ାତ୍ରା ମେଁ ତୁଲେଗ୍ ଲେଃକେ ଆତେନ୍ଦ୍ୟା ସାଚେ ଇସପରନେ ମଇମା ଅସ୍ମାର୍ ସାର୍ଚେ ନିଜେନେ ତୁଆ ଝିଗ୍ଲେ ।

୨୬ ଆଡ଼ଅରିଆ ସାପାଚେ ବୁଚଚେ ଇସପରନେ ମଇମା ଅସ୍ମାର୍ ସାର୍ଚେ ଲାଗେକେ ଆରି ଜାବର୍ ତାନ୍ଦ୍ରା ଡ଼ିଙ୍ଗିଚେ ବାସଙ୍ଗକେ ଏଃକେ ନେ ବଡ଼େ ବୟ୍ଝାର୍ ଗଟ୍ଟନା ନେକେକେ !

ଲେବୀ ଜିସୁକେ ଉର୍କେ
(ମାଡ଼ିଉ ୯:୯-୧୩; ମାର୍କ ୨:୧୩-୧୭)

୨୭ ଆଡ଼ବା ଜିସୁ ପାଦା ଝେଚେ ଲେବୀ ମ୍ପିନେ ମୁଇଁଜା ସିସୁ ସାଲ୍ୟାନେ ଜାଗାନ୍ନିଆ କଲେଃକେ କେଚେ ଆମେକେ ବାସଙ୍ଗକେ, “ନେଙ୍ଗ୍ ପ୍ଲା ପାଙ୍ଗିଲା ।”

୨୮ ଆଡ଼ବା ଲେବୀ ସାପା ଆନ୍ତାର୍ଚେ ମେଁନେ ପ୍ଲା ଝେନେ ଲାଗେକେ ।

୨୯ ଆରି ଲେବୀ ନିଜେ ତୁଆ ମେଁ ଆଲ୍ଲା ମୁଇଙ୍ଗ୍ ମ୍ପା ବଜି ଡ଼ିଙ୍ଗିକେ ଆରି ଗୁଲ୍ଲୁଏ ରେମୁଆଁ ସିସୁ ସାଲ୍ୟାଣ୍ଡେ, ଆରି ବିନ୍ବିନ୍ ରେମୁଆଁ ମେଇଁ ଏଡ଼େ ଚଙ୍ଗନ୍ଦ୍ୟା କଆରିକେ ।

୩୦ ✨ଆଡ଼ବା ପାରୁସିଇଂ ଆରି ମେଁଇଙ୍ଗ୍‌ନେ କୁଦାନେ ସାସ୍ତିଇଂ ମେଁଇଙ୍ଗ୍‌ନେ ସିସ୍‌ଇଂନେ ବିରଦ୍‌ରେ ବିତ୍ତେ ବିତ୍ତେ ବାସଙ୍ଗ୍‌ନେ ଲାଗେକେ । ପେଇଂ ମେସା ସିସ୍ତୁ ସ୍ତାଲ୍ୟାଣ୍ଡେକେ ଆରି ପାପିଇଂ ଏତେ ଚଙ୍ଗ୍ ଉର୍ ଡିଙ୍ଗ୍‌କେ ?

୩୧ ଜିସୁ ଆମେଇଂକେ ଉତର୍ ବିକେ ନିମାଣ୍ଡା ରେମୁଆଁଇଂନେ ଗଦାରନିଆ ଦରକାର୍ ଶୁମାତର୍ ନିମାଣ୍ଡା ଶୁବୁନ ରେମୁଆଁଇଂନିଆ ଦରକାର୍ ଲେଖକେ ।

୩୨ ନେଙ୍ଗ୍ ଦାରମିକ୍ ରେମୁଆଁଇଂକେ ୱା ନସା ନେପାଙ୍ଗ୍‌କେ ଶୁମାତର୍ ମନ୍ ଆସବଦ୍‌ଲେ ନସା ପାପିଇଂକେ ୱା ନସା ପାଙ୍ଗ୍‌ଲେକେ ।

**ଉପାସ୍ ବିସୟରେ ସାଲ୍ୟାକୁନେ
(ମାତିଉ ୯:୧୪-୧୭; ମାର୍କ ୨:୧୮-୨୨)**

୩୩ ମେଇଂ ଜିସୁକେ ବାସଙ୍ଗ୍‌କେ ଜହନ୍‌ନେ ସିସ୍‌ଇଂ ପ୍ରେକ୍ ପ୍ରେକ୍ ଉପାସ୍ ଆରି ପାରତନା ଡିଙ୍ଗ୍ ମ୍ୟାକେ ପାରୁସିଇଂନେ ସିସ୍‌ଇଂ ଡିଗ୍ ଦେଡ୍ ସୁଗୁଆ ଡିଙ୍ଗ୍ ମ୍ୟାକେ ମାତର୍ ନାନେ ସିସ୍‌ଇଂ ଉର୍ ଚଙ୍ଗ୍ ଡିଙ୍ଗ୍ ମ୍ୟାକେ ।

୩୪ ଆଡ଼ବା ଜିସୁ ଆମେଇଂକେ ବାସଙ୍ଗ୍‌କେ, “ମିଁ ଜିରେନେ ରେମୁଆଁଇଂ ଏତେ ଜିରେ ଲେଖକେଲା ପେଇଂ ମେଁନେ ଆମେଇଂକେ ଉପାସ୍‌ରେ ପେବଏ ?

୩୫ ମାତର୍ ବେଲା ପାଙ୍ଗ୍‌ଏ; ଆରି ଉଡ଼ିବେଲା ମେଁଇଙ୍ଗ୍‌ନେ ବାନ୍ ମିଁ ଜିରେକେ ତୁତ୍ ଆର୍‌ଏ ଆଡେନ୍ ବେଲା ମେଇଂ ଉପାସ୍ ଡିଙ୍ଗ୍ ଆର୍‌ଏ ଅଝନା ଡିଗ୍ ଶୁମୁ”

୩୬ ଆରି ଜିସୁ ଆମେଇଂକେ ମୁଇଙ୍ଗ୍ ଉଦାଅରନ୍ ବିଚେ ବାସଙ୍ଗ୍‌କେ ଜା ଡିଗ୍ ମିଁ ପାଟାଲନେ ଜାଲି ଗୁଆତଗ୍‌ଚେ ବାଞ୍ଜିର୍ ପାଟାଲନିଆ ଆତଗ୍ ଶୁତଗଲା ଆଡେନ୍ ମିକ୍ନେ ପାଟାଲକେ ଗୁଆଝଏ ଆରି ମିଁ ପାଟାଲନେ ଜାଲି ଡିଗ୍ ବାଞ୍ଜିର୍ ଏତେ ଆମିସେ ଶୁମୁ ।

୩୭ ଆରି ଜାଣ୍ଡେ ମିଁ ଅଙ୍ଗୁର୍ ରସ୍ ବାଞ୍ଜିର୍ ଜୁଇନିଆ ଆବ ଶୁବଲା ମିଁ ଅଙ୍ଗୁର୍ ରସ୍‌ନେ ଜୁଇକେ ଆପ୍‌ଡାର୍‌ଚେ ଲଝଏ ଆରି ଜୁଇ ନାସେ ୱେଏ ।

୩୮ ମାତର୍ ମିଁ ଅଙ୍ଗୁର୍ ରସ୍ ମିଁ ଜୁଇନିଆ ବନେ ଦରକାର୍ ।

☆ ୫:୩୦ ଲୁକ୍ ୧୫:୧,୨.

୩୯ ଆରି ଜାଣ୍ଠେ ତିଗ୍ ବାଞ୍ଚିର ଅଙ୍ଗୁର ରସ୍ ଉଗ୍ରେ ମି ଅଙ୍ଗୁର ରସ୍ ଉଗ୍ନସା ଇକଟା ଆଡ଼ିଙ୍ଗିଆର୍ ଶୁ ଡ୍ରାଗ୍ଲା ମେଁ ବାସଙ୍ଗ୍ ଡିଙ୍ଗକେ ବାଞ୍ଚିର୍ ତ ନିମାଣ୍ଡା ।



**ପୁଣ୍ଠେନେ ଦିନା ବିସୟରେ ପ୍ରସ୍ତନ
(ମାତିଉ ୧୨:୧-୮; ମାର୍କ ୨:୨୩-୨୮)**

୧ ମେଃସୁଆ ଜିସୁ ପୁଣ୍ଠେନେ ଦିନା ଲିଜ ପାକା ବିଚେ ଝେନେ ବେଲା ମେଁନେ ସିସଙ୍ଗ୍ ଗହମ୍ ଟିକ୍ଟିଚିଚେ ତ୍ରି ଏତେ ରମ୍ଦେଚେ ଚଙ୍ଗିଆର୍ ଡିଙ୍ଗିଚେ ।

୨ ମାତର୍ ଫାରୁଶୀଇଁନେ ବାନ୍ ଉଡ଼ିରୁଆ ବାସଙ୍ଗକେ ପୁଣ୍ଠେନେ ଦିନା ମେଃଡ଼ିଗ୍ ଡିଙ୍ଗିନେ ନିଅମ୍ ଶୁ ଆତେନ୍ ପେଇଁ ମେଁନ୍ସା ଡିଙ୍ଗି ପେଡ଼ିଙ୍ଗକେ ?

୩ ଜିସୁ ଆମେଇଁକେ ଉତର୍ ବିକେ, ଦାଉଦ୍ ଆରି ମେଁନେ ସାଙ୍ଗିଇଁକେ କେଡ଼େସଃକ୍ଲେ ବେଲା ମେଁ ମେଃନେ ଡିଙ୍ଗି ବଗେ ଆତେନ୍ ତିଗ୍ କି ପେ ପେପଡ଼େକେ ?

୪ ଦାଉଦ୍ ଇସ୍ପରନେ ତୁଆ ବିତ୍ରେ ଗାଚେ ଆଣ୍ଡିନେ ଦର୍ଶନି ରୁଚି ମାତର୍ ପୁଜାରିଇଁକେ ଆନ୍ତାର୍ଚେ ଆରି ଆଜାଡ଼ିଗ୍ ଚଙ୍ଗିନେ ନିଅମ୍ ଶୁ ଆତେନ୍ ତୁଙ୍ଗିଝେଚେ ଚଙ୍ଗିଲେଃଆର୍ଗେ ଆରି ମେଁନେ ସାଙ୍ଗିଇଁକେ ତିଗ୍ ଚଙ୍ଗିନେସା ବିବଗେ ।

୫ ତେନ୍ ଇଡ଼ିଁ ଜିସୁ ପାରୁସିଇଁକେ ବାସଙ୍ଗକେ “ରେମୁଆଁ ଉଙ୍ଗଡ଼େ ପୁଣ୍ଠେନେ ଦିନାନେ ତିଗ୍ ମାପୁ ଡିଙ୍ଗିଏ ।

**ତ୍ରି ନ୍ସୁଆର୍ଲେଃକ୍ଲେ ରେମୁଆଁ ନିମାଣ୍ଡା ଆଡ଼ିଙ୍ଗକେ
(ମାତିଉ ୧୨:୯-୧୪; ମାର୍କ ୩:୧-୬)**

୬ ଜିସୁ ଆରି ମୁଇଁ ପୁଣ୍ଠେନେ ଦିନା ଜିଉଦି ପାର୍ତନା ତୁଆନ୍ନିଆ ଝେକେ ଆଡ଼ିଅରିଆ ମେଁ ରେମୁଆଁଇଁକେ ନିମାଣ୍ଡାନେ ସାମୁଆଁ ବାସଙ୍ଗକେ ଆଡ଼ିଅରିଆ ମୁଇଙ୍ଗ୍ ରେମୁଆଁ ଲେଃଗେ ମେଁନେ ଞ୍ଚଙ୍ଗି ନ୍ସୁଆର୍ ଝେ ଲେଃଗେ ।

୭ ଆରି ମେଁ ଇଙ୍ଗଟା ପୁଣ୍ଠେନେ ଦିନା ନିମାଣ୍ଡା ଆଡ଼ିଙ୍ଗିଲେ ଆକେନ୍ କେନ୍ସା ଦର୍ମ ଗୁରୁଇଁ ଆରି ଫାରୁଶୀଇଁ ଆମେକେ ମୁଇଙ୍ଗ୍ ମୁଆଃରେ

କିକେ ଲେଖିଆରଗେ ଡିରକମ୍ ମେଇଙ୍ଗ୍ ମେଁନେ ବିରଦ୍ରେ ଦସ୍ ସାଃନ୍ସା ଉପାୟ୍ ବାଆରୁଏ ।

୮ ମାତର୍ ମେଁ ମେଇଙ୍ଗ୍ନେ ମନ୍ନେ ବାବ୍ନା ମ୍ୟାଚେ ମୁଡ଼ି ରେମୁଆଁନେ ଛି ନ୍ସୁଆର୍ ଖେ ଲେଖିଗେ ଆମେକେ ବାସଙ୍ଗକେ ତଡ଼ିଆ ସାପାରେନେ ମଜେ ତୁଆଁ । ଆରି ମେଁ ତଡ଼ିଆ ତୁଆଁକେ ।

୯ ଆଡ଼ବା ଜିସୁ ଆମେଇଂକେ ବାସଙ୍ଗକେ, ନେଙ୍ଗ୍ ଆପେକେ ସାଲିଆକୁ ଶ୍ରିଙ୍ଗକେ ପୁଣ୍ଡେନେ ଦିନା ମେଃନେ ସାସ୍ତ୍ରରେ ନିଅମ୍ ଲେଖିଗେ ? ନିମାଣ୍ଡା ଆଃତିଂନେ ଲେଃ ଦଦ୍ୟା ଆଡ଼ିଙ୍ଗ୍ନେ ? ଜିବନ୍ ଆମ୍ବ୍ ଲେ ଆଗୁଏଚେ ?

୧୦ ଆରି ମେଁ ଅଁପାକା ସାପା ରେମୁଆଁ ଡାଗ୍ରା କେଚେ ଆମେକେ ବାସଙ୍ଗକେ ନାନେ ଛି ଆଃଲେବିଃ । ଆଡ଼ବା ମେଁ ଛି ଆଃଲେକେ ଆରି ମେଁନେ ଛି ନିମାଣ୍ଡା ଡିଙ୍ଗ୍ଖେଗେ ।”

୧୧ ମାତର୍ ମେଇଙ୍ଗ୍ ଗିସେ ଡିଙ୍ଗ୍କେ ଆରି ଜିସୁ ଆଡ଼ାତ୍ରା ମେଃନେ ଡିଙ୍ଗ୍ ଯାଏ ଆଡେନ୍ ବିସୟ୍ରେ ମେଇଂମେଇଂ ବିତ୍ରେ ବାଲିର୍ବାତା ଡିଙ୍ଗ୍ନ୍ସା ଲାଗେକେ ।

**ଜିସୁ ଗମ୍ବାର୍ ସିସକେ ସିକେ
(ମାତିଉ ୧୦:୧-୪; ମାର୍କ ୩:୧୩-୧୯)**

୧୨ ଆଡେନ୍ ବେଲା ମେଁ ମେସୁଆ ପାର୍ତନା ଡିଙ୍ଗ୍ନ୍ସା କଣ୍ଡାପାକା ତାର୍ଖେଚେ ଇସ୍ପର୍ ଡାଗ୍ରା ପ୍ରାଃ ମିଡିଗ୍ ପାର୍ତନା ଡିଙ୍ଗ୍ ଆରକେ ।

୧୩ ମାର୍ତଡ଼େ ଝିରନ୍ତୁ ମେଁ ନିଜେନେ ସିସଙ୍ଗକେ ଡାଗ୍ରା ଖାଚେ ମେଇଙ୍ଗ୍ନେ ବିତ୍ରେବାନ୍ ଗମ୍ବାର୍ ରେମୁଆଁକେ ବାଚେକେ; ମେଁ ଆମେଇଂକେ ଡିଗ୍ ପ୍ରେରିଡ଼୍ ମି ବିକେ;

୧୪ ମେଇଂ ଡିଙ୍ଗ୍ଡିଙ୍ଗ୍କେ ଶିମୋନ ଆଜାକେ ମେଁ ଡିଗ୍ ପିତର୍ ମି ବିକେ ଆରି ମେଁନେ ବୟାଣ୍ଡେ ଆହିୟ୍ ଜାକୁବ୍ ଆରି ଜହନ୍ ଫିଲିପ୍ ଆରି ବାର୍ଥଲମି

୧୫ ମାତିଉ ଆରି ଥୋମା, ଆଲଫିନେ ଉଙ୍ଗ୍ଡେ ଜାକୁବ୍ ଆରି ଶିମୋନ ଆଜାକେ ଦେସ୍ପ୍ରେମି* ଡାଗ୍ଚେ ବାସଙ୍ଗ୍ ମ୍ୟାଆରକେ

୧୬ ଜାକୁବ୍ନେ ଉଙ୍ଗ୍ଡେ ଜିଉଦା ଆରି ଇଷ୍ଟାରିୟୋଥ୍ ଜିଉଦା ଜାଣ୍ଡେ ଆମେକେ ସତ୍ତୁ ଛି ନ୍ନିଆ ଆଃସାଃ ବିଃକେ ।

* ୨:୧୫ ସ୍ତେ ନ୍ସା ଜାଣ୍ଡେକି ରାଜି ମେଁନେ ମି ଶିମୋନ୍

ଜିସୁ ବୁଦି ବିକେ ଆରି ନିମାଣ୍ଡା ଆଡ଼ିଙ୍ଗକେ
(ମାତିଉ ୪:୨୩-୨୫; ୫:୧-୧୨)

୧୭ ଆରି ମେଁ ମେଁଇଙ୍ଗ ଏତେ କଣ୍ଡାବାନ୍ ଜାର୍ତେ ମୁଇଙ୍ଗ ସମ ଜାଗାନ୍ନିଆ ତୁଆଁ ଆରକେ ଆରି ମେଁନେ ଗୁଲେ ସିସ୍‌ଇଂ ଆରି ସାପା ଜିଉଦା ପ୍ରଦେସ୍ ଯିରୁଶାଲାମ୍ ଆରି କେଣ୍ଡିଆ ଆଃଡ଼ା ଲେଃକ୍ଲେ ସୋର ଆରି ସୀଦୋନ ଇନିନେ ଗୁଲେ ରେମୁଆଁ ପାଙ୍ଗ୍‌ଆରକେ;

୧୮ ମେଇଙ୍ଗ ମେଁନେ ସାମୁଆଁ ଅଁନ୍‌ସା ଆରି ନିଜର୍ ନିଜେ ନିଜେନେ ରଗ୍‌ବାନ୍ ନିମାଣ୍ଡା ଡିଙ୍ଗନ୍‌ସା ପାଙ୍ଗ୍‌ଲେ ଆରକେ ଆରି ଜାଣ୍ଡେକେ ଦଦ୍ୟା ଆମ୍‌ଲିନ୍‌ବାନ୍ ଦୁକ୍ ବାଆର୍ୟ ଡିଙ୍ଗ୍‌ଗେ ମେଇଙ୍ଗ ନିମାଣ୍ଡା ଆଡ଼ିଙ୍ଗକେ;

୧୯ ଆରି ରେମୁଆଁଇଂ ଆମେକେ ଲିଗନ୍‌ସା ଚେସ୍‌ଟା ଡିଙ୍ଗ୍‌ଆରଡିଙ୍ଗ୍‌ଗେ ଡାଗ୍ଲା ମେଁନେ ଗାଗ୍‌ଡେବାନ୍ ବପୁ ତାର୍ତେ ସାପାରେକେ ନିମାଣ୍ଡା ଆଡ଼ିଙ୍ଗ ଡିଙ୍ଗ୍‌ଗେ ।

ଆସିର୍ବାଦ୍ ଆରି କଷ୍ଟ
(ମାତିଉ ୫:୧-୧୨)

୨୦ ଆତେନ୍ ବେଲା ସିସ୍‌ଇଂକେ କେଚେ ଜିସୁ ବାସଙ୍ଗକେ,

“ଏ ଗରିବ୍ ରେମୁଆଁଇଂ ପେଇଂ ନିମାଣ୍ଡା,
ଡାଗ୍ଲା ଇସ୍‌ପରନେ ରାଇଜ୍ ପେନେ ।

୨୧ ପେ ଏବେ କେଡେସଃ ପେଲେକେ ପେ ନିମାଣ୍ଡା,
ଡାଗ୍ଲା ପେନେ ସୁଲୁଏଃ ବର୍ତ୍ ଡିଙ୍ଗ୍‌ଏ ।

ପେ ଏବେ ଅଁ ପେଡିଙ୍ଗକେ ଜେ ପେଇଂ ନିମାଣ୍ଡା,
ଡାଗ୍ଲା ପେଇଂ ପେଲୁଆଏ ।”

୨୨ ✨ରେମୁଆଁ ଅଃନା ଆପେକେ କୁଟ୍ ଡିଙ୍ଗ୍‌ଆର୍ୟ, ବାରି ରେମୁଆଁ ଡଂଡେ ନ୍‌ସା ବିନେ ଆଃଡିଂଆର୍ୟ, ବାରି ନିନ୍‌ଆ ଡିଂଆର୍ୟ ଆରି ପେନେ ମୁକେ ଦଦ୍ୟା ଡାଗ୍‌ଚେ ଗୁର୍ନା ଡିଂଆର୍ୟ, ତେଲା ପେ ନିମାଣ୍ଡା ।

୨୩ ✨ଆତେନ୍ ବେଲା ସାର୍‌ଦା ଡିଙ୍ଗ୍‌ଚେ ୱାଡେଙ୍ଗ୍ ୱାପା ଡାଗ୍ଲା କିତଂଇନିନ୍ନିଆ ପେ ନ୍‌ସା ମ୍ଲା ପୁରସ୍‌କାର୍ ବକେ । ମେଇଙ୍ଗ୍‌ନେ ଡ୍ରା ୱାଇଂ ବାବବାଦିଇଂନେ ଆଡ଼ାଡ୍ରା ଚିକ୍ ଦେକ୍‌ରକମ୍ ଡିଙ୍ଗ୍‌ବଆରକେ ।

☆ ୬:୨୨ ୧ ପିତର୍ ୪:୧୪. ☆ ୬:୨୩ ପ୍ରେରିଡ୍ ୭:୫୨.

୨୪ ଅ ସାଉକାର ରେମୁଆଁଇଂ ! ଏବେ ପେଇଂ ସୁକ୍ରେ ପେଲେକେ !

ଡାଗ୍ଲା ପେଇଇଂ ସାରା ସାରି ଜିବନ୍ ଉଡ଼ି ବୟାଙ୍ଗାର !

୨୫ “ଅ ରଙ୍ଗ୍‌କ୍ଲେ ରେମୁଆଁଇଂ ପେଇଂନେ ସାରାସାରି କସ୍ତୁ ଉଡ଼ି
ବୟାଙ୍ଗାର ! ପେଇଂ କେଡେସ ପେଲେଃଏ ।

ଏବେ ଜାଣ୍ଡେଇଂ ଲୁଝା ପେଡ଼ିଇଂକେ

ପେଇଂ ଲୁଝାନେ ଅଃନେ ବାରି

କେଡେସ ପେଲେଃଏ ।”

୨୬ ଉଡ଼ିବେଲା ରେମୁଆଁ ଆପେକେ ନିମାଣ୍ଡା ଡାଗ୍‌ତେ
ବାସଙ୍‌ଆରଏ, ଆତେନ୍ ବେଲା ଚିଃ ପେଇଂ ଡ଼ଣ୍ଡିନେ ପାତ୍ର;
ଦେଡ଼ସ୍ତୁଣ୍ଡା ତ ମେଁଇଙ୍‌କେନେ ଗ୍ରା ଞ୍ଜାଇଂ ମିର୍ ବାବବାଦିଇଂ ଆଡ଼ାତ୍ରା
ଡ଼ିଙ୍‌ଆରଡ଼ିଂଗେ ।

ବିରଦ୍ ରେମୁଆଁଇଂ ବଲ୍ ବାପା

(ମାଡ଼ିଉ ୫:୩୮-୪୮; ୭:୧୨)

୨୭ “ପେଇଂ ଉଡ଼ିରୁଆ ନେଙ୍‌ନେ ସାମୁଆଁ ଅଁ ପେ ଶ୍ରିଗ୍ ନେଙ୍‌
ଆପେକେ ବାସଙ୍‌ ଶ୍ରିଙ୍‌କେ ପେଇଂ ସତୁକେ ଆଲାଦ୍ ତିଂପା ।
ଜାଣ୍ଡେଇଂ ଆପେକେ ନିନ୍ଦା ଡ଼ିଙ୍‌ଆରଏ ମେଇଂ ନସା ପାରତନା
ଡ଼ିଙ୍‌ପା ।

୨୮ ଜାଣ୍ଡେଇଂ ଆପେକେ ଅବିସାପ୍ ବିଆରଏ ଆମେଇଂକେ
ଆସିର୍ବାଦ୍ ଡ଼ିଙ୍‌ପା; ଜାଣ୍ଡେଇଂ ଆପେକେ ଅପମାନ୍ ଡ଼ିଙ୍‌ ଆରଏ
ମେଇଇଂ ଆଡ଼ଲା ପାରତନା ଡ଼ିଙ୍‌ପା ।

୨୯ ଜାଣ୍ଡେ ଆପେକେ ମୁଇଇଂ ଗିଙ୍‌ଗ୍‌ ଗାପ୍‌ଡ଼ା ବଗ୍‌ଏ ଆମେକେ
ଆରି ମୁଇଇଂ ଗିଙ୍‌ଗ୍‌ ଆଃସୁଏ ବିଃପା; ଆରି ଜାଣ୍ଡେ ନାନେ ତଗ୍‌ରିଆ
ଡ଼ୁଙ୍‌ଡ଼ଏ ଆମେକେ ନାନେ ସକା ତିଗ୍‌ ଡ଼ୁଙ୍‌ଡ଼ନ୍‌ସା ମନା ଆଡ଼ିଂଗେପା

୩୦ ଜାଣ୍ଡେ ଆପେକେ ସାଲିଆଏ, ଆମେକେ ବିଃପା, ବାରି ଜାଣ୍ଡେ
ପେନେ ମେଃଡ଼ିଗ୍‌ ଜିନିସ୍ ଡ଼ୁଙ୍‌ଡ଼ଏ, ତେଲା ଆତେନ୍ ବାରି ମୁଇଂତର୍
ଆସାଲ୍ୟାଗେପା ।

୩୧ ☆ପେଇଂ ବିନ୍‌ଶ୍ଟେଇଂନେ ବାନ୍ ଡ଼ିରକମ୍ ବେପାର୍ ବାନ୍‌ସା
ଇକ୍‌ଚା ପେଡ଼ିଙ୍‌ଏ ମେଇଂନେ ଆଡ଼ାତ୍ରା ଦେଡ଼ରକମ୍ ବେବଆର୍
ଡ଼ିଙ୍‌ପା ।

☆ ୭:୩୧ ମାଡ଼ିଉ ୭:୧୨.

୩୨ ଜାଣେଇଁ ଆପେକେ ଆଲାଦ୍ ତିଂମ୍ୟାକେ ଯେ ଜଦି ଆମେଇଁକେ ଆଲାଦ୍ ଯେତିଏ ତେଲା ଯେଇଁ ମେଃ ଆସିର୍ବାଦ୍ ଯେବାଏ ? ଡାଗ୍ଲା ପାପିଇଁ ତିଗ୍ ଆମେଇଁକେ ଆଲାଦ୍ ତିଂମ୍ୟାଆରକେ

୩୩ ଆରି ଜାଣେଇଁ ଯେନେ ମଙ୍ଗଲ୍ ତିଙ୍ଗ୍ ଆରଏ ତେଲା ଯେଇଁ ତିଗ୍ ମେଇଁନେ ମଙ୍ଗଲ୍ ତିଙ୍ଗ୍ ତେଲା ଯେ ତିରକମ୍ନେ ଆସିର୍ବାଦ୍ ଯେବାଏ ? ଡାଗ୍ଲା ପାପିଇଁ ଦେଡ୍ ରକମ୍ ତିଙ୍ଗ୍ ଆରଏ ।

୩୪ ଆରି ଜାଣେଇଁନେ ବାନ୍ ଯେଇଁନେ ବାନ୍ ଆସା ଲେଃଏ ଆମେଇଁକେ ରୁନ୍ ବିଲା ଯେଇଁ ତିରକମ୍ନେ ଆସିର୍ବାଦ୍ ଯେବାଏ ? ପାପିଇଁ ତିଗ୍ ସମାନ୍ ବାଗାରେ ସୁଜେନ୍ସା ପାପିଇଁକେ ରୁନ୍ ବିମ୍ୟା ଆରକେ ।

୩୫ ମାତର୍ ଯେଇଙ୍ଗ୍ନେ ସତୁଇଁକେ ଆଲାଦ୍ ତିଂପା ଆରି ମେଁଇଙ୍ଗ୍ନେ ମଙ୍ଗଲ୍ ତିଙ୍ଗ୍ପା ଆରି ସୁଜେନ୍ସା ଆସା ଆବଚେ ରୁନ୍ ବିଃପା; ତେଲା ଯେଇଁ ପୁରୁସକାର୍ ମ୍ବା ତିଙ୍ଗ୍ଏ ଆରି ଯେଇଁ ସାପାବାନ୍ କିତଂନେ ଆବାନେ ଉଙ୍ଗ୍ଡେ ଯେତିଙ୍ଗ୍ଏ ଡାଗ୍ଲା ମେଁ ବାକ୍ସେ ଇତିଙ୍ଗ୍ ତିଗ୍ ଉପକାର୍ ଆବୁଜେ ଶୁ ହୁଦ୍‌ଡ୍‌ରକମ୍ ରେମୁଆଁ ଆରି ଦୁଷ୍ଟ ରେମୁଆଁଇଁ ନ୍ନିଆ ଆଡାଡା ତିଗ୍ ଦୟା ତିଙ୍ଗ୍ଏ ।

୩୬ ଯେଇଁନେ ଆବା ତିରକମ୍ ଲିବିସ ଯେଇଙ୍ଗ୍ ତିଗ୍ ଦେଡ୍‌ସୁଗୁଆ ଲିବିସ ତିଙ୍ଗ୍ପା ।

ବିନ୍ ରେମୁଆଁନେ ବିଚାର୍ ଆଡିଙ୍ଗ୍ପା

(ମାତିଉ ୭:୧-୫)

୩୭ ଆରି ବିଚାର୍ ଆଡିଙ୍ଗ୍ପା ନାମଃ ତେଲା ଇସ୍ପର୍ ଯେଇଁନେ ବିଚାର୍ ଆଡିଙ୍ଗ୍ ଶୁଦ୍‌ସ୍ ଆରାଡିଙ୍ଗ୍ପା ତେଲା ଇସ୍ପର୍ ଆପେକେ ଦସି ଆରାଡିଙ୍ଗ୍ ଶୁକ୍ କେମା ତିଙ୍ଗ୍ପା ତେଲା ଇସ୍ପର୍ ଆପେକେ କେମା ବିଏ ।

୩୮ ଦାନ୍ ବିଃପା ତେଲା ଇସ୍ପର୍ ଆପେକେ ଦାନ୍ ବିଏ; ରେମୁଆଁ ବଃଡ୍‌କେ ବର୍ଡି ଆଡିଙ୍ଗ୍‌ଚେ ଆମେକେ ଚାପେଚେ ଆନ୍‌ଚେ ଲାଡ୍‌ମା ଆପେକେ ଜାଚେଚେ ବିଆରଏ; ଡାଗ୍ଲା ଆଣ୍ଡିନେ ମାପ୍‌ରେ ମାପେ ନାଡିଂକେ ଆଡେନ୍ ମାପ୍‌ରେ ଇସ୍ପର୍ ଆପେକେ ମାପେଚେ ବିଆରଏ ।

୩୯ ମେଁ ଆମେଇଂକେ ମୁଇଙ୍ଗ୍ ଉସ୍ତା ତିଗ୍ ବାସଙ୍ଗକେ କାନା ମେଃନେ କାନାକେ ଗାଲି ଆଃଅଲେଙ୍ଗ୍ ତୁଙ୍ଗ୍ଝେଏ ? ଜଦି ମେଁ ଦେଡ଼ସୁଗୁଆ ଡିଙ୍ଗ୍ଏ ତେଲା ମେଇଂ ମେଃନେ ମ୍ବାୟା କୁରୁନିଆ ଆଲ ଆରଏ ?”

୪୦ ☆ଗୁରୁବାନ୍ ସିସ୍ ମ୍ବା ଶୁ: ମାତର୍ ସାପା ସିସ୍ଠେ ବୁଦି ଆଡାଚେ ମେଁଇଙ୍ଗ୍ନେ ଗୁରୁ ସୁଗୁଆ ଡିଙ୍ଗ୍ଆକେ ।

୪୧ “ଆରି ମେଃନସା ନାବୟାଁନେ ମୁଆଃନିଆ ଲେଃନେ କାଡ଼ିକେ କିକେ ନାଡ଼ିଙ୍ଗକେ, ମାତର୍ ନାନେ ନିଜେନେ ମୁଆଃନିଆ କାଡ଼ି ଲେଃକେ, ଆତେନ୍ ମେଃନେ କେୟା ନାଡ଼ିଙ୍ଗକେ ?

୪୨ ଯେ ଉଡ଼ିବେଲା ନିଜେନେ ମୁଆଃନିଆ ଲେଃକେ ମ୍ବା କାଡ଼ିକେ କିକେ ନାୟାକେ ଶୁଆତେନ୍ ବେଲା ନାବୟାଁକେ ଡିରକମ୍ ବାସଙ୍ଗ ନାୟାଏ; ନ୍ଗାଙ୍ଗ ଗେଃଲମା ନାନେ ମୁଆଃନିଆ ଲେଃକେ କାଚରା ଆଃତାର୍ ମ୍ବିଏ । ଏ କପଟିଇଂ ! ସେନୁଗ୍ ନିଜେ ମୁଆଃନିଆ ଲେଃକେ କାଚରା ଆଃତାର୍, ତେଲା ନା ନିମାଣ୍ଡା ବାବରେ କିକେ ନାୟାଏ ଆରି ବୟାଁନେ ମୁଆଃନିଆ ଲେଃକେ କାଚରା ଆଃତାର୍ ନାୟାଏ ।”

**ମ୍ବା ଆରି ମେଁନେ ରୁରୁ
(ମାଡ଼ିଉ ୭:୧୭-୨୦; ୧୨:୩୩-୩୫)**

୪୩ ମୁଇଙ୍ଗ୍ ନିମାଣ୍ଡା ମ୍ବାଃନିଆ ରୁବୁଗ୍ଠେ ରୁରୁ ଆରୁ ଶୁ । ଟିକ୍ ଦେଡ଼ସୁଗୁଆ ମୁଇଙ୍ଗ୍ ଦଦିଆ ମ୍ବାଃନିଆ ନିମାଣ୍ଡା ରୁ ଆରୁ ଶୁ ।

୪୪ ☆ଡାଗ୍ଲା ସାପା ମ୍ବାଃ ମେଁନେ ରୁରୁ ଏତେ ସାମୁଆଁ ଡିଙ୍ଗ୍ଏ । ରେମୁଆଁଇଙ୍ଗ୍ ଗ୍ରେଃ ମ୍ବାବାନ୍ ତ ଲିଝା ଆରୁଏଆର୍ ଶୁ । ବା ଗ୍ରେ ଲାଟାବାନ୍ ଅଙ୍ଗ୍ଠର୍ ରୁରୁ ଆରୁଏଆର୍ ଶୁ ।

୪୫ ନିମାଣ୍ଡା ରେମୁଆଁ ମନ୍ ବିତ୍ରେ ନିମାଣ୍ଡା ସାମୁଆଁ ଆମେଚେ ବଏ ଆତେନ୍ସା ମେଁ ମନ୍ ବିତ୍ରେବାନ୍ ନିମାଣ୍ଡା ନେ ସାମୁଆଁ ତାରଏ ମାତର୍ ମୁଇଙ୍ଗ୍ ଦଦିଆ ରେମୁଆଁନେ ମନ୍ ବିତ୍ରେ ଦଦ୍ୟା ସାମୁଆଁ ଆମେଚେ ବଏ ଆତେନ୍ସା ମେଁ ମନ୍ ବିତ୍ରେବାନ୍ ଦଦ୍ୟା ସାମୁଆଁ ତାରଏ । ମୁଇଙ୍ଗ୍ ରେମୁଆଁନେ ମନ୍ ବିତ୍ରେ ମେଁନେ ଲେଃଏ ମେଁ ଆତେନ୍ ବାସଙ୍ଗଏ ।

☆ ୭:୪୦ ମାଡ଼ିଉ ୧୦:୨୪,୨୫; ଜହନ୍ ୧୩:୧୭; ୧୫:୨୦. ☆ ୭:୪୪ ମାଡ଼ିଉ ୧୨:୩୩.

ମ୍ପାର ସୁଗୁଆନେ ତୁଆ ଆରେତ୍ତେ
(ମାତିଉ ୭:୧୭-୨୦; ୧୨:୩୩-୩୫)

୪୭ ପେଇଙ୍ଗ ଆନେଙ୍ଗ ମେଁନ୍‌ସା ସାମୁଆଁ ମାପୁ, ମାପୁ ତାଗ୍‌ରେ
ୱା ପେଡିଙ୍ଗକେ ? ମାତର୍ ନେଙ୍ଗ ମେଁନେ ବାସଙ୍ଗ୍‌ଣିଂ ପେଇଙ୍ଗ ତ
ନେଙ୍ଗନେ ନିଅମ୍ ପାଲେ ପେଡିଙ୍ଗକେ ?

୪୭ ଜାଣ୍ଡେ କି ନେଙ୍ଗ ତାଗ୍ରା ପାଙ୍ଗ୍‌ଏ ନେଙ୍ଗନେ ସାମୁଆଁ ଅଁରେ ପାଲେ
ମେଁ ଜା ରକମ୍ ଡିଙ୍ଗ୍‌ଏ ଆତେନ୍ ନେଙ୍ଗ ଆପେକେ ଆମ୍ୟା ମିଏ ।

୪୮ ଆତେନ୍ ରେମୁଆଁ ତୁଆ ଆରେଡିଙ୍ଗ୍‌କେ ମୁଇଙ୍ଗ୍ ରେମୁଆଁ ସୁଗୁଆ
। ମେଁ ସି କୁରୁ ଗଃରେ ଆରି ତାଟ୍ ବ୍ରି ଆଡାଡା ପାଣ୍ଡୁନ୍ ଲ୍ଲାଗ୍‌ଏ !
ଉଡିବେଲା ବୁଆଣ୍ଡିଆ ପାଙ୍ଗ୍‌ଏ ଶ୍ରିଆ ଆତେନ୍ ତୁଆକେ ଆଃଡୁଙ୍ଗ୍‌ତ୍ୟା
ଡୁଙ୍ଗ୍‌ଝେନ୍‌ସା ଦକା ବଗ୍‌ଏ ମାତର୍ ବିଲ୍‌କୁଲ୍ ଆଲ୍‌ତୁଗ୍ ଆୟାଆର୍ ଶ୍ରି
। ତାଗ୍ଲା ଆତେନ୍ ତୁଆ ମଜବୁଡ୍‌ରେ ଆରେ ବଆର୍‌କେ ।

୪୯ ମାତର୍ ମୁଡି ରେମୁଆଁ ନେଙ୍ଗନେ ସାମୁଆଁ ଅଁରେ ସାମୁଆଁ
ଆମାନେ ଆର୍‌ଏ ଶ୍ରି ଆତେନ୍ ରେମୁଆଁ ପାଣ୍ଡୁନ୍ ମାଡ୍‌ଲାଗ୍‌ରେ ବାଲି
ଆଡାଡା ଆରେକ୍ତେ ରେମୁଆଁ ସୁଗୁଆ । ଉଡିବେଲା ବୁଆଣ୍ଡିଆ ପାଙ୍ଗ୍‌ଏ
ଆତେନ୍ ତୁଆ ପାକ୍‌ଚିରେ ଲଃଏ ଆରି କ୍ଲିଗ୍‌ତା ଦଦ୍ୟା ଆଡିଙ୍ଗ୍‌ବିଏ ।



ଜିସୁ ମୁଇଙ୍ଗ୍ ଗତିରେକେ ନିମାଣ୍ଡା ଆଡିଙ୍ଗେ
(ମାତିଉ ୮:୫-୧୩; ଜହନ୍ ୪:୪୩-୫୪)

୧ ଜିସୁ ରେମୁଆଁଇଂକେ ମେଁନେ ସାପା ଆଅଁନ୍‌ସା ଚାଏଁ ଡିଙ୍ଗ୍‌ଗେ ମେଁ
ସାପା ବାସଙ୍ଗ୍ ତାଲା ଇଡିଙ୍ଗ୍ ମେଁ କପୁର୍ନାହୁମ୍ ଅଲେଙ୍ଗ୍ ଝେଗେ ।

୨ ଆତେନ୍ ବେଲା କପୁର୍ନାହୁମ୍‌ନିଆ ମୁଇଙ୍ଗ୍ ମୁଇଂସ ସନ୍ୟଇଂନେ
ନେତା ଲେଃଗେ । ମେଁନେ ମୁଇଙ୍ଗ୍ ଗତିରେ ଜାବର୍ ବେମାର୍
ଲେଃଗେ ଜେ ମେଁ ଗୁଏନେ ଅବସ୍ତାରେ ଲେଃଗେ । ମୁଇଂସ
ସନ୍ୟଇଂନେ ନେତା ଗତିରେକେ ଜବର୍ ବଲ୍‌ବା ଡିଙ୍ଗ୍‌ଗେ ।

୩ ମୁଇଂସ ସନ୍ୟଇଂନେ ନେତା ମୁଇଂଜାକେ ଜିସୁନେ ବିସୟରେ
ଅଁରେ ମେଁନେ ତାଗ୍ରା ଉଡିକ୍ଲିଗ୍ ଦର୍ମ ଜିଉଦି ନେତାଇଂକେ ବେକେ
। ମେଁ ବାବେଲେକେ ଜେ ରେମୁଆଁଇଂ ଝେଚେ ଜିସୁକେ ପାଙ୍ଗ୍‌ନ୍‌ସା

ଜବରଜସ୍ତି ତିଙ୍କଲେ ବାରି ଜିସୁ ପାଙ୍କରେ ଗତିରେନେ ପାରାନ୍ ରକ୍ୟା ତିଙ୍କ୍ସ ।

୪ ମେଇଙ୍କ୍ ଜିସୁନେ ଡାଗ୍ରା ଝେରେ ଆମେକେ ଜବରଜସ୍ତି ତିଙ୍କ୍ରେ ବାସଙ୍କ୍ନେ ମୁଲେକେ “ମୁଇଂସ ସନ୍ୟଇଂନେ ନେତା ମୁଇଂଜା ନାଁନେ ସାଆ ବାନ୍ସା ରାଜି ।

୫ ଜିସୁ ନେଃ ରେମୁଆଁଇଂକେ ଆଲାଦ୍ ତିଂତିଂକେ ବାରି ନେ ନ୍ସା ପାରତନା ତୁଆ ଆରେ ବକେ ।”

୬ ଆଡ୍ ଅରିଆ ଜିସୁ ମେଇଙ୍କ୍ ଏତେ ଝେରେ । ଜିସୁ ତୁଆ ତେପିଙ୍କ୍ଟାକେ ବେଲା ମୁଇଂସ ସନ୍ୟଇଂନେ ନେତା ରେମୁଆଁଣ୍ଡେଇଂକେ ବେକେ ଆମେଇଂକେ ବାସଙ୍କ୍ନେ ମାପୁ କଷ୍ଟ ଆଡିଙ୍କ୍ରେ ନାମଃ; ମେଃନସା ଡାଗ୍ରା ନେଙ୍କ୍ ଅଃତେନ୍ ଆଃ ନିମାଣ୍ଡା ଶୁ ହୁଜ ନା ନେଙ୍କ୍ ତୁଆ ନାପାଙ୍କ୍ସ ।

୭ ଶୁଲା ନେଙ୍କ୍ ନିଜେ ନାଁନ୍ନିଆ ପାଙ୍କ୍ନସା ନିଜେକେ ଇକ୍ଟା ମନେ ନାଡିଙ୍କ୍ନେ ଶୁ ମାଡର୍ ଆଦେସ୍ ବିଲା ନେଙ୍କ୍ନେ ଚାକର୍ ନିମାଣ୍ଡା ତିଙ୍କ୍ଲେ ।

୮ ନେଙ୍କ୍ ନାନେ ଅଦିକାର୍ ବିସୟରେ ବୁଜେ ଯା ଶ୍ରିଙ୍କ୍ ନେଙ୍କ୍ ମୁଇଙ୍କ୍ ସାଡକାର୍ନେ ସାମୁଆଁ ସାଚେ ସ୍ଲେ ଶ୍ରିଙ୍କ୍ ଆରି ନେଙ୍କ୍ନେ ଅଦିକାର୍ ତିର୍ ଉଡିକ୍ଟିର୍ ସନ୍ୟଇଙ୍କ୍ ଲେଃକେ । ନେଙ୍କ୍ ଜଦି ମୁଇଙ୍କ୍ ସନ୍ୟକେ ମ୍ବାସଙ୍କ୍ସ “ଝେଲା ଡାଗ୍ରା ତେଲା ମେଁ ଝେସ୍ । ନେଙ୍କ୍ ଜଦି ବାରି ମୁଇଂଜାକେ ମ୍ବାସଙ୍କ୍ସ ଏଃଲା ଡାଗ୍ରା ତେଲା ମେଁ ପାଙ୍କ୍ସ । ନେଙ୍କ୍ ଜଦି ନେଙ୍କ୍ ଗତିରେକେ ମ୍ବାସଙ୍କ୍ସ; ତେଲା ମେଁ ଦେକ୍କେ ତିଙ୍କ୍ସ ।”

୯ ଜିସୁ ଆକେନ୍ ଅଁ ଆଃତାଚେ ଜାବର୍ ବକୁଆ ତିଙ୍କ୍ଝରେ ମେଁ ଆମେଇଂକେ ପ୍ଲାପ୍ଲା ତିଙ୍କ୍ନେ ରେମୁଆଁଇଂ ସାମୁଆଁ ପାକା ପୁଏଚେ ବାସଙ୍କ୍ନେ, “ନେଙ୍କ୍ ଆପେକେ ବାସଙ୍କ୍ ବ ତିଙ୍କ୍ ଜେ ଦେକ୍ଟରକମ୍ ସଡ୍ ମାନେଃକେଣ୍ଡେ ଆନେଙ୍କ୍ନେ ଇଶ୍ରାୟେଲନ୍ନିଆ ତିର୍ ଆମିଲେକେ ଶୁ ।”

୧୦ ଜିସୁନେ ଡାଗ୍ରା ମୁଡି ରେମୁଆଁଇଂକେ ଝେଲେଆର୍ରେ ମେଇଂ ତୁଆ ଆଣ୍ଡେ ଝିର୍ଲା ଇଡିଙ୍କ୍ କେକେ ଜେ ଗତିରେ ନିମାଣ୍ଡା ତିଙ୍କ୍ ଝେଲେକେ ।

ଜିସୁ ମୁଇଙ୍ଗ ଗୁଏସାଙ୍ଗକୁଏ ଉଙ୍ଗଡେକେ ଆମ୍ଭ

୧୧ ନାଇନ ମିକ୍ସେ ଇନି ନ୍ନିଆ ଝେଗେ ଆରି ମେଁଇଙ୍ଗନେ ସିସିଇଂ ବାରି ଗୁଲୁଏ ରେମୁଆଁ ମେଇଙ୍ଗ ଏଡେ ଝେଡିଙ୍ଗରେ ।

୧୨ ଜିସୁ ଇନି ଡାଗ୍ରା ପାଙ୍ଗନେ କେଲା ରେମୁଆଁଇଂ ଗୁଏଲେଃକ୍ସେ ରେମୁଆଁକେ ପାଦା ତୁଙ୍ଗ ତୁଂପାଙ୍ଗଡିଂଗେ ଆଡେନ୍ ଗୁଏସାଙ୍ଗକୁଏନେ ମୁଇଂ ଆଃ ଗଡେଅ ଆରି ଆଡେନ୍ ସେଲାମ୍ପୁ ଗୁଏସାଙ୍ଗକୁଏ; ବାରି ଇନିନେ ଗୁଲେ ରେମୁଆଁ ମେଁ ଏଡେ ଲେଃକ୍ସେ ।

୧୩ ଆମେକେ କେଚେ ଜିସୁ ମାପୁ ମେଁ ଆଡାଡା ଲିବିସଃଚେ ଆମେକେ ବାସଙ୍ଗକେ “ଆଃଃଗେ ନାମଃ ।”

୧୪ ଆରି ଜିସୁ ଡାଗ୍ରା ଝେଚେ କର୍ ଡାଣ୍ଡିକେ ଲିଗ୍‌କେ ଡେନ୍ ଇଡିଂ ତୁଙ୍ଗଲେଃଆରକ୍ସେ ରେମୁଆଁଇଂ ତୁଆଁଆରକେ ମେଁ ବାସଙ୍ଗକେ ଜିରେ ନେଙ୍ଗ ଆନାକେ ବାସଙ୍ଗ ଶ୍ରିଙ୍ଗ ତଡିଆ ।

୧୫ ଆଡ୍ ଅରିଆ ଗୁଏଲେଃକ୍ସେ ଗଡେଅ ତଡିଆ କକେ ବାରି ବାସଙ୍ଗନେ ମୁଲେକେ ଆରି ଜିସୁ ଆମେକେ ମେଁନେ ଇୟାଙ୍ଗଡେନେ ତ୍ରି ଅରିଆ ଆଃସାଃ ବିଃକେ ।

୧୬ ଆଡ୍ ଅରିଆ ସାପାରେ ଇରିଆଡୁଗ୍ ଝେଗେ ବାରି ଇସପର୍ ମାପୁନେ ଅସ୍‌ମାର୍ ସାର୍‌ଚେ ବାସଙ୍ଗନେ ମୁଲେକେ । “ନେନେ ଡାଗ୍ରା ମୁଇଙ୍ଗ ମ୍ଲାନେ ବାବବାଦି ପାଙ୍ଗଡିଙ୍ଗ ଆରି ଇସପର୍ ନିଜେନେ ରେମୁଆଁଇଂକେ ଆମ୍ଭ ନ୍‌ସା ପାଙ୍ଗଡିଙ୍ଗ ।”

୧୭ ଆରି ଜିସୁନେ ବିସୟରେ ଆକେନ୍ ସାମୁଆଁ ସାପାରେ ଜିଉଦା ଦେସ୍ ଆରି ସାପାପାକା ସାପା ଇନି ନ୍ନିଆ ବେପ୍ରେ ଝେଗେ ।

ତୁବନ୍ ଜହନ୍‌ନେ ମ୍ଲାକ୍‌ଗ୍ ସିସିଇଂ

(ମାଡିଉ ୧୧:୨-୧୯)

୧୮ ଇଡିଙ୍ଗ ଜହନ୍‌ନେ ସିସିଇଂ ଆକେନ୍ ସାପା ବିସୟ ଆମେକେ ଆମ୍ୟା ବିକେ ।

୧୯ ଆଡ୍ ଅରିଆ ଜହନ୍ ନିଜେନେ ସିସିଇଂ ବାନ୍ ମ୍ଲାୟାକେ ଡାଗ୍ରା ଝାଚେ ମାପୁନେ ଡାଗ୍ରା ଆକେନ୍ ବାସଙ୍ଗଚେ ବେକେ ଜାଣ୍ଡେ ପାଙ୍ଗନେ ଲେଃକେ ଆଡେନ୍ ରେମୁଆଁ ନିଜର୍‌ନେ ବାରି ନେ ବିନ୍‌ଶ୍ଟେକେ ଉର୍ ନେଲେଃଏ ?

୨୦ ଅଃଡେନ୍ ରେମୁଆଁଇଂ ଜିସୁନେ ଡାଗ୍ରା ପାଙ୍ଗଚେ ବାସଙ୍ଗକେ “ତୁବନ୍ ବିଃଶ୍ଟେ ଜହନ୍ ଆନେକେ ନାନେ ଡାଗ୍ରା ଏନ୍ ସାମୁଆଁ

ସାଲିଆକୁ ନ୍ୟା ବେକେ ଜାଣ୍ଡେ ପାଙ୍ଗ୍‌ନେ ଲେଃଗେ ନାନେ ମେଁନେ ଆତେନ୍ ରେମୁଆଁ ଲେଃ ନେନେ ଆରି ବିନ୍‌ଶ୍ଟେକେ ନେଉର୍‌ଏ ?”

୨୧ ଆତେନ୍ ବେଲା ଜିସୁ ଜାବର୍ ରେମୁଆଁକେ ରଗ୍ ଆରି ଦୁଷ୍ଟ ଆମ୍ବାଇନ୍‌ନିଆ ବାନ୍ ନିମାଣ୍ଡା ଆଡିକେ ଆରି ଉଡ଼ି କାନାକେ ମୁଆଃ ଆକେ ବିକେ ।

୨୨ ଜିସୁ ସିସ୍‌କେ ଉତର୍ ବିକେ ପେଇଁ ଝେଚେ ମେଁ ମେଁନେ ପେକେକେ ଆରି ପେଅଁକେ ଆତେନ୍ ସାପା ଜହନ୍‌କେ ଆଃଅଁପା; କାନାଣ୍ଡେଇଁ ଉମୁଆ ଆର୍‌କେ ଚଟାଇଁ ଅଲେଙ୍ଗ୍ ଡିଙ୍ଗ୍‌ଆକେ; କୁଷ୍ଟରଗିଇଁ ନିମାଣ୍ଡା ଡିଙ୍ଗ୍‌ଆକେ ବଇରା ରେମୁଆଁକେ ଅଁ ଡିଙ୍ଗ୍‌ ଆର୍‌କେ ଗୁଏକ୍ସେ ରେମୁଆଁକେ ଆରି ମୁଇଁତର୍ ଜିବନ୍ ବିକେ ଗରିବ୍ ରେମୁଆଁକେ ନିମାଣ୍ଡା ସାମୁଆଁ ବାସଙ୍ଗ୍ ଅଲେଙ୍ଗ୍ ଆର୍‌କେ ।

୨୩ ମୁଡ଼ି ରେମୁଆଁ ନେଙ୍ଗ୍‌ନେ ବିସୟରେ ସନ୍ଦେଅ ଆଡିଙ୍ଗ୍ ଶୁ ମେଁ ଦନ୍‌ଏ ।

୨୪ ଜହନ୍‌ନେ ସିସ୍‌କେ ଝିଗ୍ ଡାଲା ଇଡ଼ିଙ୍ଗ୍ ଜିସୁ ରେମୁଆଁକେ ଜହନ୍ ବିସୟରେ ବାସଙ୍ଗ୍ ନ୍ୟା ମୁଲେକେ ପେଇଁ ବାଲିଲନ୍‌ନିଆ ମେଁନେ କେନ୍‌ସା ଝେପେଲେକେ ? ମେଁନେ ଝେଡ଼ିଆନେ ଝେଡ଼ିଙ୍ଗ୍‌କ୍ସେ ମୁଇଁ ଗାଆଁ ସ୍ଲା ?

୨୫ ଆତେନ୍ ଶୁଲ୍ଲା ପେଇଁ ଆଜାକେ କେନ୍‌ସା ତାର୍ ଝେପେଲେକେ ? ମୋଃନେ ଦାମିକା ସକା ସଲେଃକ୍ସେ ମୁଇଙ୍ଗ୍ ରେମୁଆଁକେ ? କେଲାପା ଜାଣ୍ଡେଇଁ ଦାମିକା ସକା ସଃଲେକ୍ସେ ପେକେଏ ଆରି ଦୁକ୍ କଷ୍ଟ ଡିଙ୍ଗ୍‌ଚେ ପାରାନ୍ କାଟେଆର୍‌ଏ ମେଇଁ ମେଁନେ କିକେ ନ୍ୟା ମେଇଁ ଇଃସାଙ୍ଗ୍‌କେନେ ତୁଆ ଅରିଆ ଲେଃଆର୍‌ଏ ।

୨୬ ଆନେଙ୍ଗ୍ ବାସଙ୍ଗ୍ ଆତେନ୍ ଶୁଲ୍ଲା ମେଁନେ କିକେ ନ୍ୟା ତାର୍‌ଚେ ଝେପେଲେଗେ ? ମେଁନେ ମୁଇଙ୍ଗ୍ ବାବବାଦିକେ ? ନେଙ୍ଗ୍ ଆପେକେ ସଡ଼ ବାସଙ୍ଗ୍‌ଶିଁକେ ବାବବାଦୀ ବାନ୍ ଜାବର୍ ମ୍ବାଲେ ରେମୁଆଁକେ ?

୨୭ ଯହନ୍ ବିସୟରେ ଆକେନ୍ ଦର୍ମ ସାସ୍ତରନିଆ ଗୁଆର୍ ବକେ ଇସ୍‌ପର୍ ବାସଙ୍ଗ୍‌କେ, “କେଲାପା ନେଙ୍ଗ୍ ପେନେ ସେନ୍‌ଗ୍ ନେଙ୍ଗ୍‌ନେ ଦୁଡ଼କେ ବେନେଡ଼ିଙ୍ଗ୍‌କେ ମେଁ ପେ ନ୍ୟା ଗାଲି ଆରେଏ ଆକେନ୍ ଆତେନ୍ ରେମୁଆଁ ଜହନ୍ ।

୨୮ ନେଇଁ ଆପେକେ ସତ୍ ବାସଙ୍ଗଣ୍ଡିଂ ସେଲାନୁୟ୍ ଶ୍ରିଆ କୁମାଲା ତିଗ୍ ଜହନ୍ ବାନ୍ ମ୍ମା ଜାଣ୍ଡେ ଶ୍ରି ଚୁତଲା ଜାଣ୍ଡେ ଇସ୍ପରନେ ରାଜିନ୍ନିଆ ସାପାବାନ୍ ତାଆଁ ମେଁ ତିଗ୍ ଜହନ୍ ବାନ୍ ମ୍ମା ।”

୨୯ ଜାଣ୍ଡେଇଁ ଆକେନ୍ ସାପା ସାମୁଆଁ ଅଁତିଙ୍ଗ୍ ଆରକେ ମେଇଁ ସିସ୍ତୁ ସାଲ୍ୟାଣ୍ଡେଇଁ ଇସ୍ପରନେ ଗୁଲୁଏ ଦାବି ସାପା ବର୍ତ୍ତି ଆଃତିଙ୍ଗ୍ରେ ଜହନ୍ ବାନ୍ ତୁବନ୍ ତୁଂଖେ ବକେ ।

୩୦ ତାଗ୍ଲା ପାରୁସି ଆରି ଦର୍ମ ଗୁରୁଇଁ ମେଁଇଁନେ ପାରାନ୍ ନସା ଇସ୍ପରନେ ସାମୁଆଁ ମାନେରେ ଜହନ୍ ନେବାନ୍ ତୁବନ୍ ତୁଂଆଡ଼ଆରକେ ।

୩୧ ଜିସୁ ଆରି ବାସଙ୍ଗକେ ତେଲା ନେଇଁ ଜା ଏତେ ଏଃକେନେ ଲିର୍ବଏନେ ଏତେ ସମାନ୍ ତିଙ୍ଗ୍ଏ ଆରି ମେଇଁ ଜାନେ ସମାନ୍ ଶ୍ରିଙ୍ଗ୍ଏ ?

୩୨ ମୁଃଡ଼ି ଗଡ଼େଅଇଁ ସାନ୍ତାନ୍ନିଆ କରେ ନିଜେ ନିଜେକେ ୱାରେ ବାସଙ୍ଗଏ ନେ ପେଇଁନେ ତାଗ୍ଲା ବାଉଁସି ନେପିଃକେ ପେ ପେଞ୍ଜାକେ ଶ୍ରିଂ ନେଁ ଦୁକ୍ନେ ଅସ୍ମାରି ନେସାରକେ ପେଇଁ ପେଅଁକେ ଶ୍ରି ଫେଇଁ ଆଡେନ୍ ଗଡ଼େଇଙ୍ଗ୍ ସୁଗା ।

୩୩ ତୁବନ୍ ବିଃଣ୍ଡେ ଜହନ୍ ପାଙ୍ଗ୍ରେ ରୁଟି ଆରଙ୍ଗ୍ କେ ଶ୍ରି ଆରି ଅଙ୍ଗୁର୍ ରସ୍ ଆଉଗ୍ କେ ଶ୍ରି ଆରି ନାନେ ବାସଙ୍ଗ୍ ନାଡ଼ିଙ୍ଗ୍ କେ ଜହନ୍ କେ ବୁଡ଼୍ ସାଃଲେକେ ।

୩୪ ରେମୁଆଁ ଉଙ୍ଗ୍ଡେ ପାଙ୍ଗ୍ରେ ଚଙ୍ଗ୍ କେ ବାରି ପେଇଁ ବାସଙ୍ଗ୍ ପେଡ଼ିଂ କେ କେଲାପା କ୍ଳେ ମୁଇଁ ମ୍ମା ସୁଲୁଏଃ ବାରି ଉଗ୍ସାଣ୍ଡେ । ସିସ୍ତୁ ସାଲ୍ୟାଣ୍ଡେ ବାରି ପାପିଇଁନେ ରେମୁଆଁଣ୍ଡେ ।

୩୫ ଜାଣ୍ଡେଇଁ ଇସ୍ପରନେ ଜ୍ଞାନକେ ସାଃଆରଏ ମେଁଇଁନେ ଜିବନ୍ନିଆ ମେଁନେ ସତ୍ ଆକେଏ ।

ପାରୁସି ଶିମୋନ୍ନେ ତୁଆ ଜିସୁ

୩୬ ଆରି ପାରୁସିଇଁ ବାନ୍ ମୁଇଁଜା ଜିସୁକେ ଚଙ୍ଗ୍ ନେସା ୱାଆକେଁ । ଆଡ଼ ଅରିଆ ପାରୁସିଇଁନେ ତୁଆନ୍ନିଆ ଗାରେ ଚୁଚଙ୍ଗ୍ ନିଆ କ ଲେଃକେ ।

୩୭ ☆ ଆରି କେଲାପା ଆତେନ୍ ଇନିନ୍ନିଆ ମୁଇଙ୍ଗ୍ ପାପିଷ୍ଟ ସେଲାମ୍ବୁ ଲେଖଗେ ଜିସୁ ଆତେନ୍ ପାରୁସିଇଂନେ ତୁଆନ୍ନିଆ ଚଙ୍ଗନ୍ନିଆ କଲେକେ ଆକେନ୍ ମ୍ୟାଚେ ମେଁ ମୁଇଙ୍ଗ୍ ମୁତାନ୍ନିଆ ବାସ୍ନା ରୁ ତୁଙ୍ଗ୍ପାଙ୍ଗ୍କେ

୩୮ ପ୍ଲା ପାକା ମେଁନେ ଞ୍ଚ ବୁନ୍ଦେ ତୁଆଁଚେ ଅଞ୍ଚେ ବେଲା ମେଁନେ ତେମୁଆଁ ଏତେ ମେଁନେ ଞ୍ଚ ଚ୍ଚେଡ଼ିଆ ବିଞ୍ଚକେ ମେଁନେ ବାଆଞ୍ଚେ ଉଗ୍ବ ଏତେ ଜିସୁନେ ଞ୍ଚ ରୁଞ୍ଚିଗେ ଆରି ଜିସୁନେ ଞ୍ଚ ବେନ୍ତାକେ ଆରି ଆତେନ୍ ବାସ୍ନା ରୁ ଆବଗ୍ ବିଞ୍ଚକେ ।

୩୯ ଆତେନ୍ କେଚେ ମୁଡ଼ି ପାରୁସିଇଂ ଜିସୁକେ ଝାବଗେ ମେଁ ମନେ ମନେ ବାସଙ୍ଗ୍କେ “ଏନ୍ ରେମୁଆଁ ଜଦି ବାବବାଦି ତିଙ୍ଗ୍ ପାଲେ ତେଲା ଆକ୍ମେକେ ଜା ଲିଗ୍ଡିଙ୍ଗ୍କେ ମେଁ ଜାଣ୍ଟେ ଆରି ତିରକମ୍ନେ ସେଲାମ୍ବୁ ମେଁ ଜେ ପାପିଷ୍ଟ ଏନ୍ ପାମ୍ୟାଃ ।”

୪୦ ଜିସୁ ଆମେଇଂକେ ଉତର୍ ବିକେ “ଶିମୋନ ଆନାକେ ନେଙ୍ଗ୍ନେ ମେଞ୍ଚେ ତିଗ୍ ବାସଙ୍ଗ୍ ଲେଞ୍ଚକେ ।” ଶିମୋନ୍ ବାସଙ୍ଗ୍କେ “ବାସଙ୍ଗ୍ ଗୁରୁ !”

୪୧ ଜିସୁ ବାସଙ୍ଗ୍କେ, “ମୁଇଙ୍ଗ୍ ମ୍ବା ସାଉକାର୍ ନିଆ ମ୍ବାୟା ଉଦାର୍ ଲେଞ୍ଚଗେ ମୁଇଂଜା ମାଲ୍ସ ଟାଆଁ ତାରୁ ବାରି ମୁଇଂଜା ମ୍ବାର୍କୁଡ଼ି ଗୁଆଟାଆଁ ଉଦାର୍ ତିଙ୍ଗ୍ ବଗେ ।

୪୨ ଉଦାର୍ ସୁଜେନେସା ମେଁଇଂନେ ମେଞ୍ଚିଗ୍ ଶୁଲ୍ଲା ଆତେନ୍ ମ୍ବାୟାନ୍ଦେ ଉଦାର୍ ସାକାର୍ ଆନ୍ତାର୍ ବିଞ୍ଚକେ । ତେଲା ମେଁଇଂନେ ମ୍ବାୟା ବିତ୍ତେ ଜାଣ୍ଟେ ସାକାର୍କେ ଜାବର୍ ଆଲାଦ୍ ଆଞ୍ଚୁଏଞ୍ଚ ?”

୪୩ ଶିମୋନ୍ ବାସଙ୍ଗ୍କେ “ନେଙ୍ଗ୍ ଏତେ ଶ୍ରିଙ୍ଗ୍କେ ସାକାର୍ ଆଜାକେ ଜାବର୍ ରୁନ୍ ଆନ୍ତାର୍ ବିଞ୍ଚକେ ଆତେନ୍ ରେମୁଆଁକେ ଜାବର୍ ସାହା ତିଙ୍ଗ୍ଏ ।” ଜିସୁ ଶିମୋନ୍କେ ବାସଙ୍ଗ୍କେ “ନାଁ ସମାନ୍ ବାସଙ୍ଗ୍ନାବ ।”

୪୪ ଆରି ଆତେନ୍ ସେଲାମ୍ବୁ ପାକା ତାମୁଚେ ଶିମୋନ୍କେ ବାସଙ୍ଗ୍କେ “ଆକେନ୍ ସେଲାମ୍ବୁକେ କିକେନାଡ଼ିଙ୍ଗ୍ ? ନେଙ୍ଗ୍ ନାଁନେ ତୁଆ ମ୍ବାକେ ପେ ନେଙ୍ଗ୍ ଞ୍ଚ ଚ୍ଚେଡ଼ିଆ ନ୍ସା ଶ୍ରିଆ ନାବିକେ ଶ୍ରି ମ୍ବାତର୍ ଆକ୍ମେଁ ତେମୁଆଁ ଏତେ ନେଙ୍ଗ୍ନେ ଞ୍ଚ ଚ୍ଚେଡ଼ିଆଚେ ମେଁନେ ଉଗ୍ବ ଏତେ ରୁଞ୍ଚିଗେ ।

☆ ୭:୩୭ ମାତିଉ ୨୭:୭; ମାର୍କ ୧୪:୩; ଜହନ୍ ୧୨:୩.

୪୫ ନାଁ ଆନେଇଁ ବୈନ୍ତାଚେ ନାଞ୍ଜାକେ ଶୁ ମୁାତର ଉଡ଼ି ବେଲା ବାନ୍ ନେଇଁ ବିତ୍ତେ ଜାକେ ଆତେନ୍ ବେଲା ବାନ୍ ଏ ଜାକ ମେଁ ନେଇଁନେ ଅନିଆ ବୈନ୍ତା ବିଃନେ କାରେ ତିଡା ।

୪୬ ନା ନେଇଁନେ ବାଆଃନିଆ ଅୁ ନାଲାଗେକେ ଶୁ ମୁାତର କିମେ ନିଇଁନେ ଅନିଆ ବାସନା ଅୁ ଲିଗ୍‌ବିକେ ।

୪୭ ନେଇଁ ଆପେକେ ସଡ଼ ବାସଇଁଣ୍ଟିଂ କ୍ଳେନେ ଜାବର୍ ପାପ୍ କେମା ତିଇଁ ଲେଃକେ ତାଗ୍ଲା ମେଁ ଜାବର୍ ଆଲାଦ୍ ତିଂତିଂକେ; ମାତର୍ ଆଜାକେ ଇକୁଡ଼ା କେମା ବିଏ ମେଁ ଇକୁଡ଼ା ଆଲାଦ୍ ତିଂଏ ।”

୪୮ ଆରି ଜିସୁ ଆତେନ୍ ସେଲାମ୍‌ୟକେ ବାସଇଁକେ “ନାଁନେ ସାପା ପାପ୍ କେମା ତିଇଁ ଝେଗେ ।”

୪୯ ଆଡ଼ ଅରିଆ ଜିସୁ ଏତେ ବୁଚଇଁନିଆ କ ଲେଃକେ ରେମୁଆଁଇଁଂ ମେଇଁଂମେଇଁଂ ଅବାଃଲିର୍‌ଆରକେ, “ଏନ୍ ଜାଣ୍ଟେ ? ଜେ ପାପ୍ ସାପା କେମା ତିଗ୍ ତିଂୟାଏ ?”

୫୦ ତାଗ୍ଲା ଜିସୁ ଆତେନ୍ ସେଲାମ୍‌ୟକେ ବାସଇଁକେ “ନାଁନେ ସଡ଼ ନାମାନେକ୍‌ଆ ନା ରକ୍ୟା ତିଇଁଣ୍ଟିଂ; ସାନ୍ତିରେ ଝିଗ୍‌ଲା ।”

୮

ଜିସୁନେ ପ୍ଲା ଝେଡ଼ିଇଁକ୍‌କେ ସେଲାମ୍‌ୟୁଇଁଂ

୧ ଇଡ଼ିଇଁ ଜିସୁ ଇନି ଇନି ଅଲେଇଁଚେ ଇସ୍‌ପର୍ ରାଜିନେ ନିମାଣ୍ଡା ବ୍ଲାଲିର୍ ବାସଇଁକେ ବାରି ଗମ୍‌ବାର୍ ସିସଇଁଂ ମେଁନେ ଏତେ ଲେଃକେ

୨ ✨ଆରି ମୁଡ଼ି ସେଲାମ୍‌ୟୁଃଇଁଂ ବାନ୍ ଦଦ୍ୟା ଆମ୍‌ଆ ଆନ୍ତାର୍ ବିଃବକେ ମେଇଁଂ ତିଗ୍ ମେଁଇଁଂନେ ଏତେ ଲେଃକେ । ଆରି ଆଣ୍ଡିନେ ସେଲାମ୍‌ୟୁଇଁଂ ରଗବାନ୍ ନିମାଣ୍ଡା ତିଇଁଲେ ଆରକେ ମେଇଁଂ ତିଗ୍ ମେଇଁଂ ଏତେ ଲେଃଆରକେ, ମରିୟମ୍ ଜାଣ୍ଟେନେ ମ୍ରି ମଗ୍‌ଦଲୀନି ମରିୟମ୍ ତାଗ୍‌ମ୍ୟାଃକେ ଜାଣ୍ଟେ ବାନ୍ ମ୍‌କ୍ଲିଗ୍ ଗଲିଆ ଆନ୍ତାର୍ ବିଃବକେ ।

୩ ହେରୋଦନେ ଗୁମୁସ୍ତା ଖୁଜାନେ କୁନେଣ୍ଟେ ଯୋହାନା, ଶୋଶନ୍ନା ଆରି ଉଡ଼ି ସେଲାମ୍‌ୟୁଇଁଂ ମେଇଁଂ ଏତେ ଲେଃକେ ନିଜେ ନିଜେନେ ଦନ୍ ବିଚେ ମେଁଇଁଂନେ ସେବା ତିଇଁଆକେ ।

☆ ୮:୨ ମାତିଉ ୨୭:୫୫,୫୬; ମାର୍କ ୧୫:୪୦,୪୧; ଲୁକ ୨୩:୪୯.

୪ ଗୁଲୁଏ ରେମୁଆଁ ପାଙ୍କରେ ରିସିଙ୍ଗ ଆର୍କେ ଆରି ସାପା ଇନିନେ ରେମୁଆଁ ଜିସୁନ୍ନିଆ ପାଙ୍କକେ ଜିସୁ ଆମେଇଂକେ ଏନ୍ ଉସ୍ରା ବାସଙ୍ଗକେ ।

ଛୁଜା ବିଗ୍ନେ ଉଃସ୍ରା

(ମାତିଉ ୧୩:୧-୯; ମାର୍କ ୪:୧-୯)

୫ ମୁଇଂ ରେମୁଆଁ ବିଗ୍ଣେ ନିଜେନେ ଛୁଜା ବିଗ୍ନେ ତାରକେ । ମେଁ ଲିଜନ୍ନିଆ ତୁମୁଜା ବିଗ୍ନେ ବେଲା ଉଡି ତୁମୁଜା ଗାଲିନ୍ନିଆ ଲଃକେ ଆରି ଅରୁନ୍ଦେ ମୁଲିଖେଗେ ବାରି ଆଡ଼ାତ୍ରାନେ ପ୍ଲିଗ୍ଠ ଆତେନ୍ ଛୁଜାକେ ଚଙ୍ଗବିଗେ ।

୬ ଆରି ଉଡିକ୍ଲିଗ୍ ବି ଆଡ଼ାତ୍ରା ଲଃକେ ବାରି ପଡ଼୍ୟାତେ ଶ୍ରିଆଃ ଆବାକେସାଃ ନ୍‌ସୁଆର୍ ଖେଗେ ।

୭ ଆରି ଉଡିକ୍ଲିଗ୍ ଗ୍ରେଃ ସ୍ଲାଃଇଂନେ ମଜେ ଲଃକେ ବାରି, ଗ୍ରେଃ ସ୍ଲାଃଇଂ ତଡିଆତେ ଜିଆ ଜିଆ ମ୍ଲା ଡିଂରେ ଆତେନ୍‌ଇଂକେ ଚାପେ ବିଃକେ ।

୮ ଆରି ଉଡି ନିମାଣ୍ଡା ତୁବନ୍ନିଆ ଲଃକେ ବାରି ମ୍ଲାତେ ମାଲ୍‌କୁଡି ରୁଏ । ଜିସୁ ଏନ୍ ସାମୁଆଁ ବାସଙ୍ଗକେ “ଜାଣ୍ଡେନେ ଦ୍ରିଗ୍ ନ୍‌ସା ନ୍‌ଲୁଗ୍ ଲେଃକେ ମେଁ ଦ୍ରିଗ୍‌ପା ।”

ଛୁଜା ବିଗ୍ନେ ଉଃସ୍ରା

(ମାତିଉ ୧୩:୧୦-୧୭; ମାର୍କ ୪:୧୦-୧୨)

୯ ମେଁନେ ସିସ୍‌ଇଂ ଜିସୁକେ ଉଃସ୍ରାନେ ଅର୍ତ୍ତ ମେଁନେ ତାଗ୍‌ତେ ସାଲିଆକୁ ଆରକେ ।

୧୦ ମେଁ ଉତ୍ତର୍ ବିକେ “ଇସ୍‌ପର୍ନେ ରାଜିନେ ଗୁନ୍ ବୁଜେନ୍‌ସା ଆପେକେ ବସୁ ବିଃବକେ, ମାତର୍ ବିନ୍‌ନେ ସାପାରେ ନ୍‌ସା ଆତାନ୍ ମାତର୍ ଉଦାଅରନ୍ ଡିଙ୍ଗରେ ଲେଃଖେଏ । ଇଡିଙ୍ଗ୍ ମେଇଂ କିକେ ଲେଃଆର୍ଏ ମାତର୍ କିକେ ଆୟା ଆର୍ ଶୁ ଅଁତେ ବୁଜେ ଆୟା ଆର୍ ଶୁ ।”

ଜିସୁ ଛୁଜା ବିଗ୍ନେ ଆଃବୁଜେକେ

(ମାତିଉ ୧୩:୧୮-୨୩; ମାର୍କ ୪:୧୩-୨୦)

୧୧ ଏନ୍ ଉସ୍ରା ତାଗ୍ଲା ଛୁଜା, ଇସ୍‌ପର୍ନେ ସାମୁଆଁ ।

୧୨ ଆରି ଗାଲିବ ବିଗ୍‌କ୍ଲେ ବୁଜା ରକମ୍ ଦେକ୍ ରକମ୍ ରେମୁଆଁଇଁକେ ବୁଜେଏ ଆକ୍‌ମେଇଁ ସାମୁଆଁ ଅଁ ଆର୍ଏ, ଇଡ଼ିଙ୍ଗ୍ ସଏତାନ୍ ପାଙ୍ଗ୍‌ରେ ଡିରକମ୍ ମେଇଁ ବିସ୍‌ବାସ୍ ଡିଙ୍ଗ୍‌ରେ ରକ୍ୟା ଆବାଆର୍ ଶୁ ଆକେନ୍‌ସା ମେଇଁ ମନେବାନ୍ ସାମୁଆଁ ତୁଙ୍ଗ୍‌ତଏ ।

୧୩ ବାରି ନିମାଣ୍ଡାଃ ତୁବଃନ୍ନିଆ ବିଗ୍‌କ୍ଲେ ବୁଜା ରକମ୍ ଆକ୍‌ମେଇଁ ସାମୁଆଁ ଅଁ ଆର୍ଏ ସାର୍ଦାରେ ସାଃଆର୍ଏ ଡାଗ୍ଲା ମେଁଇଁନେ ଚେର୍ ବିଡ୍ରେ ଜାକ୍ ଖେ ଆଲେଃଲୀ ମେଇଁ ଇକ୍‌କୁଡ଼ା ବେଲା ଜାକ୍ ବିସ୍‌ବାସ୍ ଡିଙ୍ଗ୍ ଆରେ ବାରି ପରିକ୍ୟା ପାଙ୍ଗ୍‌ଲା ମେଇଁ ବିସ୍‌ବାସ୍ ଆନ୍ତାର୍ ବିଆର୍ଏ ।

୧୪ ଗ୍ରେ ସ୍ଲା ଆଣ୍ଡେଙ୍ଗ୍ ଅରିଆ ଲଃଲେଃଃକ୍ଲେ ବୁ ଦେକ୍ ରକମ୍ ରେମୁଆଁଇଁକେ ବୁଜେଏ ଜାଣ୍ଡେଇଁ ସାମୁଆଁ ଅଁ ଆରେ ମାତର୍ ସଂସାର୍‌ନେ ଚିନ୍ତା ଦନ୍ ଆରି ସୁକ୍‌ରେ ଲେଃରେ ଜିବନ୍ କାଟେ କାଟେ ମିଗ୍ ଖେଆର୍ଏ ବାରି ନିମାଣ୍ଡା ତୁତୁ ଆବାଆର୍ ଶୁ ।

୧୫ ଆଣ୍ଡିନେ ଲିଜ ନିମାଣ୍ଡାନେ ତୁବଃନ୍ନିଆ ଲଃକେ ଆରି ନିମାଣ୍ଡା ତୁବନିଆ ଉଡ଼ି ଲଃକେ ଦେକ୍‌ରକମ୍ ରେମୁଆଁଇଁ ବୁଜେଏ ଜାଣ୍ଡେଇଁ ପରମେସର୍‌ନେ ସାମୁଆଁ ପର୍‌ଚଲ୍ ଆରି ପବିତ୍ର ମନ୍ ବିଡ୍ରେ ଅଁ ଆର୍ଏ କାମ୍ ପଡେଲା ପାଲେଆର୍ଏ ଆରି ମିନେ ତୁଏ ।

**ସୁକ୍‌ ଆଲ କୁପିସ
(ମାରକ ୪:୨୧-୨୫)**

୧୬ ☆ଜା କୁପିସ ଆଃଡୁଆଚେ ଆମେକେ ମୁତା ଆଲ ଡିତାଚେ ଆବ ଶୁ ଶୁଲ୍ଲା କର୍ ଆଲ ଆବ ଶୁ ମୁତର୍ ମେଁ ଆଡେନ୍‌କେ କୁପିସ ବନେ ଛ୍ରୁ ଆଡାତ୍ରା ବଆର୍ଏ ଡେଡ୍‌ଲା ତୁଆ ବିଡ୍ରେ ଗାଣ୍ଡେ ତାର୍‌କିଗ୍ କେୟାଆର୍ଏ ।

୧୭ ☆“ମେଁନେ ସାପା ବୁଃଡ଼ି ବଆର୍‌କେ ଆଡେନ୍ ସାପାରେନେ ଡାଗ୍ଲା ଡାଗ୍ଲା ମେଃନେ ସାପା ଆବାସଙ୍ଗ୍ ଶୁ ଦେକ୍‌ରକମ୍ ବିସୟ୍ ମେଃ ଶୁ ଶୁଲ୍ଲା ମେଃନେ ସାପା ମାଅଁଚେ ବାସଙ୍ଗ୍‌କ୍ଲେ ଆଅବା ଶୁ ଦେକ୍‌ରକମ୍ ବୁଡ଼ିଲେଃକ୍ଲେ ସାମୁଆଁ ମେଁ ଶୁ”

୧୮ ☆“ପେଇଁ ଡିରକମ୍ ଅଁପେଡ଼ି ଆଡେନ୍‌ସା ବିସୟ୍‌ରେ ତରକ୍ ଲାଲାପା ମେଃନ୍‌ସା ଡାଗ୍ଲା ଜାନେ ଲେଃକେ ଆମେକେ ଜାବର୍ ମିଏ

☆ ୮:୧୨ ମାଡିଉ ୫:୧୫; ଲୁକ୍ ୧୧:୩୩. ☆ ୮:୧୭ ମାଡିଉ ୧୦:୨୬; ଲୁକ୍ ୧୨:୨.
☆ ୮:୧୮ ମାଡିଉ ୨୫:୨୯; ଲୁକ୍ ୧୯:୨୬.

ଆରି ଜାନେ ଶୁଣୁମେଁ ନିଜେନେ ଲେଖକେ ଡାଗ୍‌ରେ ଏତେ ଲେଖଏ ମେଁବାନ୍ ତୁଙ୍ଗ ଖେଏ ।”

ଜିସୁନେ ଇୟାଙ୍ଗଡେ ଆରି ବୟାଣ୍ଟେ
(ମାତିଉ ୧୨:୪୭-୫୦; ମାର୍କ ୩:୩୧-୩୫)

୧୯ ଜିସୁନେ ଇୟାଙ୍ଗଡେ ଆରି ବୟାଣ୍ଟେଇଁ ଆମେକେ କେନ୍‌ସା ପାଙ୍ଗ ଆରକେ ମାତର୍ ରେମୁଆଁଇଁ ଜାବର୍ ଗହଲି ଲେଖଲା ମେଁ ଏତେ ଡାଗ୍‌ ଖେଏ ଆୟାକେ ଶୁ ।

୨୦ ଜାଣ୍ଟେ ମୁଇଙ୍ଗ ଜିସୁକେ ବାସଙ୍ଗକେ “କେଲା ପିୟାଙ୍ଗ ବାରି ପେନାଙ୍ଗ ନାନେ ଏତେ ଆସୁଏ ନ୍‌ସା ଇକ୍‌ଟା ଡିଙ୍ଗ୍‌ରେ ବାଏରେ ତୁଆଁ ଲେଖକେ ।”

୨୧ ମାତର୍ ଜିସୁ ଆମେଇଁକେ ଉତ୍‌ର୍ ବିକେ “ଜାଣ୍ଟେ ଇସ୍‌ପର୍‌ନେ ସାମୁଆଁ ଅଁଏ ଆରି ସତ୍ ମାନେଃଆର୍‌ଏ ମେଇଁ ନେଙ୍ଗ୍‌ନେ ଇୟାଙ୍ଗ ବାରି ବୟାଣ୍ଟେ ।”

ସିସ୍‌ଇଁ ଜିସୁନେ ବପୁ କେକେ
(ମାତିଉ ୮:୨୩-୨୭; ମାର୍କ ୪:୩୫-୪୧)

୨୨ ଆଡେନ୍ ବେଲା ମେଃସୁଆ ଜିସୁ ଆରି ମେଁନେ ସିସ୍‌ଇଁ ମୁଇଙ୍ଗ୍ ତରାଅରିଆ କକେ ଆରି ଜିସୁ ଆମେଇଁକେ ବାସଙ୍ଗକେ, “ଏଲାପା କେଣ୍ଡିଆ ଇନ୍‌ ମେତାଃ ନେଖେପା । ଆଡ୍ ଅରିଆ ସିସ୍‌ଇଁ ତରା ତଃ ବିଃକେ ।”

୨୩ ମାତର୍ ମେଇଁ ତରା ଖେନେ ବେଲା ଜିସୁ ତୁଲେଗ୍ ଲେଃଗେ । ଆଡେନ୍ ବେଲା କେଣ୍ଡିଆନ୍‌ଡିଆ ଖେଡିଆ ଗୁରିୟା ପାଙ୍ଗେ ଆରି ମେଁଇଁନେ ତରାନିଆ ଶୁଆ ଗିଃଗାଃନେ ମୁଲେକେ ।

୨୪ ଅଃଡେନ୍ ବେଲା ସିସ୍‌ଇଁ ଡାଗ୍‌ ପାଙ୍ଗ୍‌ରେ ଆମେକେ ଆଡଡିଆରେ ବାସଙ୍ଗକେ “ଏ ଗୁରୁ ଏ ଗୁରୁ ନେ ନେଗୁଏଃଗେ ।” ଅଃଡେନ୍ ବେଲା ଜିସୁ ତଡିଆରେ ଖେଡିଆ ଗୁରିୟାକେ ଦମ୍‌କା ବିକେ ଆରି ଆଡେନ୍ ସାପା ଖେଡିଆ ଗୁରିୟା ବନ୍ଦ୍ ଆଡିଙ୍ଗ୍ ବିଃକେ ।

୨୫ ଆରି ଜିସୁ ଆମେଇଁକେ ବାସଙ୍ଗକେ “ପେଇଁନେ ସତ୍ ମାନେକ୍‌ ଆଣ୍ଡିକା ? ମାତର୍ ମେଇଁ ବୁଟ୍ ଡିଙ୍ଗ୍ ଆର୍‌ଗେ ଆରି ଇରିଆଃତୁଗ୍ ଲେଃଆର୍‌ଗେ ମେଁ ଆମେଇଁକେ ଆଃ ବାଲିର୍‌ବାତା

ଆକେ ୧” ଆକେନ୍ ରେମୁଆଁ ଜାଣେ ଚେଃ ମେଁ ଝେଡ଼ିୟା ଆରି ଶ୍ରୀଆକେ ଡିଗ୍ ଆଦେସ୍ ବିଏ ମେଇଁ ମେଁନେ ସାମୁଆଁ ସାଃଆରଏ ।

ଜିସୁ ମୁଇଁ ବୁଡ଼ ସାଲେକ୍ସେ ରେମୁଆଁ ନିମାଣ୍ଡା ଆଡ଼ିକ୍ସକେ
(ମାଡ଼ିଉ ୮:୨୮-୩୪; ମାର୍କ ୫:୧-୨୦)

୨୭ ଇଡ଼ିକ୍ସ ଜିସୁ ଆରି ମେଁନେ ସିସ୍ଇଁ ଗାଲିଲୀନେ କେଣ୍ଡିଆ ଇନ୍ଦୁ ମେତାଃ ଝେଗେ । ମେଇଁ ଗରାଗୀୟ ଏରିଆ ନ୍ନିଆ ଝେଆରକେ ।

୨୮ ଜିସୁ ତରାବାନ୍ ତାର୍ଚେ କେଣ୍ଡିଆ ଆଡ଼ା ଜାର୍ନେ ବେଲା ଆଡେନ୍ ଇନିନେ ମୁଇକ୍ସ ଗଲିଆ ସାଲେଃକ୍ସେ ରେମୁଆଁ ଆମେକେ ଅବାକେ; ମେଁ ଅସେବାନ୍ ପାଟାଇ ମାସଚେ ଆରି ତୁଆ ମାଲେଚେ ରାଃଚ୍ୟା ଲେଃଡ଼ିଂଗେ ।

୨୯ ମେଁ ଜିସୁକେ କେଚେ କିରଚେ ମେଁନେ ଅ ବୁଝେ ଲଃଚେ ଜବର୍ ସାରଚେ ବାସକ୍ସକେ “ଏ ଇସ୍ପରନେ ଉକ୍ତେ ଜିସୁ ନା ଏଡେ ନେକ୍ସନେ ମେଁନେ ଲେଃକେ ? ନେକ୍ ଆନାକେ ସାର୍ଲଣ୍ଡିଂକେ । ଆନିଂକେ କଷ୍ଟ ଆବିଗେ ନାମଃ ।”

୩୦ ଡାଗ୍ଲା ଜିସୁ ଆଡେନ୍ ଗଲିଆକେ ଆଡେନ୍ ରେମୁଆଁ ବାନ୍ ତାର୍ ଝେନ୍ସା ଆଦେସ୍ ବିବଗେ । ଆଡେନ୍ ଗଲିଆ ଉଡ଼ିତର୍ ଆମେକେ ସାଲେଗେ ଆରି ରେମୁଆଁ ଆମେକେ ତ୍ରିନିଆ ଅନିଆ ଗାଗ୍ଚେ ବଆରଗେ ମାତର୍ ମେଁ ଗାଗ୍କେ ଚିକ୍ଲି ଆଃଡେଗ୍ଚିଚେ ରେମୁଆଁ ଆଲେଃକ୍ସେ ଚାନ୍ନିଆ ସେଆଁରେ ଆମେକେ ଆଃଅଲେକ୍ସ ତୁକ୍ସ ଝେଡ଼ିଂକେ ।

୩୧ ଜିସୁ ଆମେକେ ସାଲିଆକୁକେ, “ନାନେ ମ୍ନି ମେଃନେ ?” ମେଁ ବାସକ୍ସକେ, “ନିଂନେ ମ୍ନି ‘ବାହିନୀ,’” ଡାଗ୍ଲା ମେଁ ଡାଗ୍ଲା ଗୁଲେ ସେଆଁରେ ଗାଲେଃଗେ ।

୩୨ ଆରି ମେଁ ଡିରକମ୍ ଆମେଇଁକେ ପାତାଲ୍ପୁର୍ ଝେନ୍ସା ଆବିଲେ ଆଡେନ୍ସା ମେଇଁ ଆମେକେ ଜବର୍ଜସ୍ତି ଡିକ୍ସକେ ।

୩୩ ଆଡେନ୍ କଣ୍ଡା ଡାଗ୍ଲା ମୁଇକ୍ସ ମ୍ନା ଗୁବୁଗ୍ଇଁ ତୁରତ୍ୟା ଡିକ୍ସେ ଆରି ମେଁ ଡିରକମ୍ ଆମେଇଁକେ ଆଡେନ୍ ଗୁବୁଗ୍ନେ ଗାଗ୍ଡେ ଗାନ୍ସା ଆଦେସ୍ ବିକେ ଆକେନ୍ସା ମେଇଁ ଆମେକେ ଜବର୍ଜସ୍ତି ଡିକ୍ସଆକେ ।

୩୩ ଜିସୁ ଆମେକେ ଆଦେସ୍ ବିଲା ସେଆଁରେ ଆତେନ୍ ରେମୁଆଁ ବାନ୍ ତାର୍ତେ ଗୁରୁଗ୍ରେନେ ଗାଗ୍ଡେ ଗାକେ; ଆଡ୍ ଅରିଆ ଗୁରୁଗ୍ ଆତେନ୍ କଣ୍ଡା ବାନ୍ ଝିର୍ ତୁଂଝେରେ କେଣ୍ଡିଆନ୍ନିଆ ତେଗ୍ତ୍ୟା ଗୁଏଗେ ।

୩୪ ତୁରତ୍ୟା ତିଙ୍ଗ୍‌କ୍ଲେ ରେମୁଆଁ ଆତେନ୍ ଗଟେକ୍ଲେ କେଚେ ଝିର୍ ତୁଂଝେରେ ଇନି ଆରି ବାଏରେ ଲେଃକ୍ଲେ ରେମୁଆଁକ୍‌କେ ଆଝାକେ ।

୩୫ ଆତେନ୍ ଅରିଆ ରେମୁଆଁକ୍ ଆତେନ୍ ଗଟେକ୍ଲେ କେନ୍‌ସା ପାଙ୍ଗ୍ ଆର୍କେ ଆରି ମେଇଂ ଜିସୁନେ ଡାଗ୍ରା ପାଙ୍ଗ୍‌ରେ ମୁଡ୍ରି ରେମୁଆଁ ବାନ୍ ଗଲିଆଇଂ ତାର୍ ଲେଃଗେ ଆମେକେ ପାଟାଇ ସଚେ ନିମାଣ୍ଡା ଆଡିଙ୍ଗ୍‌ରେ ଜିସୁନେ ଥି ବୁନ୍‌ମେ କଲେଃକ୍ଲେ କେଚେ ବୁଟ୍ ଆର୍କେ ।

୩୬ ଆରି ଜାଣ୍ଡେଇଂ ଏନ୍ ଗଟ୍‌ନା କେଲେଗେ ମେଇଂ ଆତେନ୍ ଗଲିଆ ସାଲେଃକ୍ଲେ ରେମୁଆଁ ତିରକମ୍ ନିମାଣ୍ଡା ତିଙ୍ଗ୍‌କେ ଆତେନ୍ ସାପା ଆମେଇଂକେ ଆମ୍ୟାଆର୍କେ ।

୩୭ ଆଡ୍ ଅରିଆ ଗରାଗୀୟଇଂ ଇନିନେ ସାପା ରେମୁଆଁ ମେଇଂବାନ୍ ଆଣ୍ଡେ ଝିଗ୍‌ନ୍‌ସା ଆମେକେ ଜବର୍‌ଜସ୍ତି ତିଙ୍ଗ୍‌ଆକେ ଡାଗ୍ଲା ମେଇଂ ଜାବର୍ ବୁଟ୍ ଝେଲେଗେ ଆରି ମୁଇଙ୍ଗ୍ ତରାନ୍ନିଆ ତେଃଚେ ଜିସୁ ଆଣ୍ଡେ ଝିଗ୍‌ଗେ ।

୩୮ ମାତର୍ ମୁଡ୍ରି ରେମୁଆଁ ବାନ୍ ଗଲିଆ ନୁଆଁ ଆନ୍ତାର୍ ବଗେ ମେଁ ଜିସୁ ଏତେ ଲେନେସା ଜବର୍‌ଜସ୍ତି ତିଙ୍ଗ୍‌କେ

୩୯ ମାତର୍ ଜିସୁ ଆମେକେ ବେବିଚେ ବାସଙ୍ଗ୍‌କେ, “ନାନେ ତୁଆ ଆଣ୍ଡେ ଝିଗ୍‌ଲା ଆରି ଇସ୍‌ପର୍ ନାଁ ନ୍‌ସା ମେଁନେ ତିଙ୍ଗ୍ ବକେ ଆତେନ୍ ସାପା ବାସଙ୍ଗ୍ ଅଲେଙ୍ଗ୍ ।” ତେଲା ମେଁ ଝେଚେ ଜିସୁ ମେଃନ୍‌ସା ମେଃନେ ତିଙ୍ଗ୍ ବଗେ ଆତେନ୍ ସାପା ଇନି ଜାକ ବାସଙ୍ଗ୍ ଅଲେଙ୍ଗ୍‌କେ ।

ଜାଇରସ୍‌ନେ ଉଙ୍ଗ୍‌ଡେ ଆରି ଆବୁଲେଃକ୍ଲେ ସେଲାମ୍‌ସୁ ନିମାଣ୍ଡା ତିଙ୍ଗ୍

(ମାଡିଉ ୯:୧୮-୨୬; ମାର୍କ ୫:୨୭-୪୩)

୪୦ ଉଡ୍‌ବେଲା ଜିସୁ ଇନୁମେଡା ପାଙ୍ଗ୍‌କେ ରେମୁଆଁକ୍ ଆମେକେ ସାର୍ଦା ତିଙ୍ଗ୍‌ରେ ସାଃଆର୍କେ ଡାଗ୍ଲା ଆମେକେ ସାପାରେ ଉର୍‌ଲେଃଗେ ।

୪୧ ଆରି କେଲା ଜାଇରସ୍ ମିକ୍ସେ ମୁଇଙ୍ଗ୍ ରେମୁଆଁ ପାଇଁକେ ମେଁ ପାରୁତନା ତୁଆନେ ନେତା ଲେଖଗେ । ମେଁ ଜିସୁନେ ଞ୍ଚ ବୁଦେ ଲଃରେ ମେଁନେ ତୁଆ ଖେନେସା ଆମେକେ ଜବରଜସ୍ତି ତିଙ୍ଗକେ ।

୪୨ ତାଗ୍ଲା ଗମ୍ବାର ବୟସନେ ମୁଇଙ୍ଗ୍ ମାତର୍ ସେଲା ଲେଖଗେ ଆରି ମେଁ ତେଗୁଏନେ ରକମ୍ ତିଙ୍ଗଲେଖଗେ । ମାତର୍ ଜିସୁ ଖେତିଙ୍ଗନେ ବେଲା ରେମୁଆଁକେ ମେଁ ଆଡ଼ାଡ଼ା ଚେଟା ତୁଂପାଇଁକେ ।

୪୩ ଆତେନ୍ ଗମ୍ବାର ମୁଆଁ ଜାକ ଆରୁଲେ ତିଙ୍ଗ ଲେଖକ୍ସେ ସେଲାମ୍ବୁ ଲେଖଗେ । ଜାଣ୍ଡେ କି ନିଜର୍ ତାରୁ ଆଃତାରେ ତିଗ୍ *ନିମାଣ୍ଡା ଆଡ଼ିଙ୍ଗ୍ ଆୟାକେ ଶୁ ।

୪୪ ମେଁ ପ୍ଲା ପାକା ପାଇଁକେ ଜିସୁନେ ପାଟାଇ ଜାଲିପୁଆଃକେ ଲିଗକେ ଆରି ମେଁ ଆରୁଲେଃ ତିଙ୍ଗକ୍ସେ ମ୍ୟା ବୟ ତିଙ୍ଗ୍ଖେଗେ ।

୪୫ ଆତେନ୍ ବେଲା ଜିସୁ ସାଲିଆକୁକେ ଜାଣ୍ଡେ ଆନେଙ୍ଗକେ ଲିଗକେ ? ମାତର୍ ସାପାରେ ବାସଙ୍ଗକେ ଜେ ମେଇଁ ଆମେକେ ଆଲିଗକେ ଶୁ ପିତର୍ ବାସଙ୍ଗକେ “ଅଁ ଗୁରୁ ସାପା ରେମୁଆଁ ଚେଟା ଚେଣ୍ଡରୁ ତିଙ୍ଗ ପାଇଁ ଆରକେ ।”

୪୬ ଜିସୁ ଆମେଇଁକେ ବାସଙ୍ଗକେ, “ଜାଣ୍ଡେ ମୁଇଁଜା ଆନେଙ୍ଗକେ ଲିଗକେ ତାଗ୍ଲା ନେଙ୍ଗ୍ ବାନ୍ ସକଡ୍ ତାର୍ ଖେଗେ ତାଗ୍ରେ ନେଙ୍ଗ୍ ମ୍ୟାକେ ।”

୪୭ ଉଡ଼ି ବେଲା ସେଲାମ୍ବୁ ରେମୁଆଁ କେକେ ଜେ ମେଁ ବୁଡ଼ି ଲେଖଆୟାକେ ଶୁ ଆତେନ୍ ବେଲା ମେଁ ଜୁର୍ ଜୁର୍ ପାଇଁକେ ମେଁନେ ଞ୍ଚ ବୁଦେ ଲଃରେ ଜାଣ୍ଡେ ନାଁ ଆମେକେ ନାଲିଗକେ ଆରି ତିରକମ୍ ପ୍ରେକ୍ ଆଃ ନିମାଣ୍ଡା ନାଡ଼ିଙ୍ଗ୍ ଆତେନ୍ ସାପାରେନେ ସାମୁଆଁ ବାସଙ୍ଗ ବିଃକେ ।

୪୮ ଆଡ଼ ଅରିଆ ଜିସୁ ଆମେକେ ବାସଙ୍ଗକେ “ଅ ସେଲାମ୍ବୁଅ ନାନେ ବିସ୍ବାସ୍ ଆନାକେ ନିମାଣ୍ଡା ଆଡ଼ିଙ୍ଗ୍ ବକେ, ସାନ୍ତିରେ ଖିଗଲା ।”

୪୯ ମେଁ ଆକେନ୍ ସାମୁଆଁ ବାସଙ୍ଗନେ ବେଲା ପାରୁତନା ତୁଆନେ ନେତା ଜାଇରସ୍ ତୁଆବାନ୍ ମୁଇଁଜା ପାଇଁକେ ବାସଙ୍ଗକେ “ନାଡ଼ିଙ୍ଗ୍ ଗୁଏଃ ଖେଗେ ଗୁରୁକେ ଆରି କଷ୍ଟ ଆବିଗେ ନାମଃ ।”

* ୮:୪୩ ଉଡ଼ି ତ୍ରିବାନ୍ ଗୁଆର୍ ବକ୍ସେ ଆକେନ୍ ସାମୁଆଁ ଶୁ ।

୫୦ ମାତର ଜିସୁ ଆକେନ୍ ଅଁଚେ ଜାଇରସ୍‌କେ ବାସଙ୍‌କେ ଆବଂଗେ ନାମଃ ମାତର ବିସ୍‌ବାସ୍ ତିଂପା ମେଁ ଜିବନ୍ ବାଏ ।

୫୧ ଆରି ଜିସୁ ଆଡ଼ ଅରିଆ ଝେଗେ ପିତର୍ ଯହନ୍ ଆରି ଜାକୁବ୍ ଆରି ଗଡ଼େଅନେ ଇୟାଙ୍‌ଡେ ଆବାଡ଼େ ଆନ୍ତାର୍‌ଚେ ଆରି ଆଜାତିଗ୍ ମେଇଂ ଏଡେ ବିଡେ ଝେନେସା ଆବିକେ ଶୁ ।

୫୨ ମାତର ସାପାରେ ମେଃନ୍‌ସା ଡାଗ୍‌ଚେ ଅଁ ଅଁଚେ ଗ୍ରିନିଆ ବଗ୍ ଡିଙ୍‌ ଆରଗେ । ଆଡ଼ ଅରିଆ ଜିସୁ ବାସଙ୍‌କେ “ଆଅଃଗେପା; ଗଡ଼େଅ ଆଗୁଏକେ ଶୁ ମାତର ତୁଲେଗ୍ ଲେଃଗେ ।

୫୩ ମେଁନେ ସାମୁଆଁକେ ମେଇଂ ସାପା ରେମୁଆଁ ଏଃଲ୍ୟା ଆରକେ । ଡାଗ୍ ଗଡ଼େଅ ଗୁଏଲେକେ ଡାଗ୍‌ଚେ ମେଇଂ ମ୍ୟାଃ ଲେଃଗେ ।

୫୪ ମାତର ଜିସୁ ସେଲ୍ୟାମ୍‌ସୁଃକେ ତ୍ରି ସାଚେ ବାସଙ୍‌କେ ଅଁ ଗଡ଼େଅ ତଡ଼ିଆ ।”

୫୫ ତେଲା ମେଁନେ ଜିବନ୍ ଆଣ୍ଡେ ପାଙ୍‌କେ ବାରି ଉଲ୍‌ସ୍ତେ ତଡ଼ିଆଗେ ଆରି ମେଁ ଆମେକେ ମେଃଣ୍ଡିଗ୍ ଚଙ୍‌ନ୍‌ସା ଆଦେସ୍ ବିଃକେ ।

୫୬ ଆଡ଼ ଅରିଆ ମେଁନେ ଇୟାଙ୍‌ଡେ ଆବାଡ଼େ ବକୁଆ ଡିଙ୍‌ଝେଗେ ମାତର ଏନ୍ ଗଚେକ୍ ସାମୁଆଁ ଆଜା ତିଗ୍ ଆବାସଙ୍ ନ୍‌ସା ଆମେଇଂକେ ଆଦେସ୍ ବିକେ ।



ଜିସୁ ଗମ୍ବାର୍ କ୍ଲିଗ୍ ପ୍ରେରିଡ଼ଂକେ ବେକେ

(ମାତିଡ ୧୦:୫-୧୫; ମାର୍‌କ ୬:୭-୧୩)

୧ ଜିସୁ ଗମ୍ବାର୍ କ୍ଲିଗ୍ ରେମୁଆଁଇଂ ଝାଚେ ମୁଇଂନ୍ନିଆ ଆଡ଼ିଙ୍‌ଚେ ଆମେଇଂକେ ସାପାରେକେ ଗଲିଆ ଆଃଆନ୍ତାର୍ ଆରି ବେମାର୍ ନିମାଣ୍ଡା ଆଡ଼ିଙ୍ ନ୍‌ସା ବପୁ ଆରି ଅଦିକାର୍ ବିକେ ।

୨ ଆରି ମେଁ ଗମ୍ବାର୍‌କ୍ଲିଗ୍ ସିସ୍‌ଇଂକେ ଇସ୍‌ପର୍‌ନେ ରାଜିନ୍ନିଆ ବାସଙ୍ ନ୍‌ସା ବାରି ରଗି ରେମୁଆଁକେ ନିମାଣ୍ଡା ଆଡ଼ିଙ୍ ନ୍‌ସା ବେକେ ।

୩ ଆରି ଆମେଇଂକେ ବାସଙ୍‌କେ “ପେ ସାପାରେ ଝେନେବେଲା ଚେଙ୍ ଲେଃ ମୁନା ସକା ଲେଃ ରୁଚି ଲେଃ ଡାଗୁ ମେଁନେ ତିଗ୍ ତୁଙ୍‌ଆଝେଗ୍‌ପା । ଶୁଲ୍ଲା ମ୍ବାକ୍ଲିଗ୍ ସକା ତୁଙ୍ ଆଝେଗେପା ।

୪ ଆରି ପେ ମୁଝଡ଼ିନେ ତୁଆନ୍ତିଆ ପେଗାଏ, ଆତେନ୍ ଗାନ୍‌ବାନ୍ ମାତାରନେ ଜାକ ଆତେନ୍ ତୁଆ ଲାଲାପା ।

୫ ✠ଆରି ଉଡ଼ି ରେମୁଆଁ ଆପେକେ ଆସାର୍ଲ ଆରୁଏ ଆତେନ୍ ଇନି ତାରନେ ବେଲା ମେଁଇଁନେ ବିରଦ୍‌ରେ ସାକି ବିଝନ୍‌ସା ପେନେ ସ୍ତନେ ଦୁଲି ତାଣ୍ଡିଃ ବିଝପା ।

୬ ଆଡ଼ ଅରିଆ ପ୍ରେରିଡ଼ଇଁ ଝେଆରୁଗେ ଆରି ପବିତ୍ରନେ ନିମାଣ୍ଡା ସାମୁଆଁ ଆଅଁ ଆରୁକେ ଆରି ନିମାଣ୍ଡା ଆଡ଼ିଙ୍ଗ୍ ଆଡ଼ିଙ୍ଗ୍ ସାପା ଇନିନେ ରେମୁଆଁଇଁକେ ବାସଙ୍ଗ୍ ଅଲେଙ୍ଗ୍‌କେ ।

ହେରୋଦ ତେରେପେତେ ଡିଂକେ
(ମାତିଉ ୧୪:୧-୧୨; ମାର୍କ ୬:୧୪-୨୯)

୭ ✠ଆକ୍ ଅରିଆ ସାମନ୍ତ ଇଝସାଙ୍ଗ୍ ହେରୋଦ ଆକେନ୍ ସାପା ଗଟେକ୍ସେ ସାମୁଆଁ ଝେଟେ ଜାବରୁ ଏତେଟେ ଲେଝଗେ ତାଗ୍ଲା ତୁବନ୍ ବିଶ୍ଟେ ଜହନ୍ ମେଁ ଗୁଏଝଟେ ଆରି ମୁଇଁତର୍ ଜିବନ୍ ଶ୍ରିଙ୍ଗ୍ ଲେଝକେ ତାଗ୍‌ଟେ ଉଝଡ଼ିରୁଆ ବାସଙ୍ଗ୍‌ଡିଆରୁକେ ।

୮ ଆରି ଜାଣ୍ଡେ ଜାଣ୍ଡେ ଏଲୀୟ ଦର୍ସନ୍ ବିଝଡ଼ିଂକେ ତାଗ୍‌ଟେ ବାସଂଡିଙ୍ଗେ ଆରି ଉଡ଼ିକ୍ଲିଗ୍ ଅସେନେ ବାବବାଦିଇଁ ବାନ୍ ମୁଇଜା ଗୁଏଟେ ଜିବନ୍ ଡିଙ୍ଗ୍‌ଲେ ତାଗ୍‌ଟେ ବାସଂଡିଙ୍ଗେ ।

୯ ହେରୋଦ ବାବେକେ ନେଙ୍ଗ୍ ଜହନ୍‌ନେ ବାଆଃ ଆଃଗୁଆତଗ୍ ମୁକେ ମାତର୍ ଏନ୍ ରେମୁଆଁ ଜାଣ୍ଡେ ଜାନେ ସାମୁଆଁରେ ନେଙ୍ଗ୍ ଆକେନ୍ ସାପା ଅଁ ଲ୍ଲେକେ ?” ତେସା ମେଁ ଜିସୁକେ କେନ୍‌ସା ଚେସ୍‌ଟା ଡିଙ୍ଗ୍‌କେ ।

ଜିସୁ ମାଲ୍ ଅଜାର୍ ରେମୁଆଁକେ ଚଙ୍ଗନ୍‌ସା ବିକେ
(ମାତିଉ ୧୪:୧୩-୨୧; ମାର୍କ ୬:୩୦-୪୪; ଜହନ୍ ୬:୧-୧୪)

୧୦ ଇଡ଼ିଙ୍ଗ୍ ପ୍ରେରିଡ଼ଇଁ ଆଣ୍ଡେଟେ ମେଝନେ ମେଝନେ ଡିଂବଆରୁଗେ ଆତେନ୍ ସାପା ଜିସୁନେ ତାଗ୍ରା ବାସଙ୍ଗ୍ ବିଝକେ । ଆରି ଜିସୁ ପ୍ରେରିଡ଼ଇଁ ଏତେ ଝେଟେ ବିନେ ଡିଙ୍ଗ୍‌ଟେ ବେଅସାଇଦା ମ୍ଲିକ୍ସେ ଇନି ଝେଗେ ।

୧୧ ମାତର୍ ରେମୁଆଁ ଆତେନ୍ ଅଁଟେ ମେଁନେ ତାଗ୍ରା ଝେକେ ଆରି ମେଁ ଆମେଇଁକେ ସାଃଆରୁକେ ଆରି ଇସ୍‌ପର୍‌ନେ ରାଇଜ୍ ସାମୁଆଁ

✠ ୯:୫ ପ୍ରେରିଡ଼ ୧୩:୫୧. ✠ ୯:୫ ଲୁକ୍ ୧୦:୪-୧୧. ✠ ୯:୭ ମାତିଉ ୧୭:୧୪; ମାର୍କ ୮:୨୮; ଲୁକ୍ ୯:୧୯.

ବାସଙ୍ଗକେ, “ଆରି ଜାଣ୍ଠେ ନିମାଣ୍ଠା ଡିଙ୍ଗନେ ଲେଃକେ ଆମେଇଂକେ ନିମାଣ୍ଠା ଆଃଡ଼ିଙ୍ଗ ।”

୧୨ ଆକ୍ ଅରିଆ ଲମ୍ଫିଗ୍ ଡିଙ୍ଗନେ ମୁଲେକେ ଆଡ଼ ଅରିଆ ଗମ୍ବାର୍ ସିସ୍‌ଇଂ ଜିସୁ ତାଗ୍ରା ପାଙ୍ଗ୍‌ଚେ ବାସଙ୍ଗଆରକେ “ରେମୁଆଁଇଂ ଡିରକ୍‌ମକ୍‌କି ସାପା ପାକାନେ ଇନି ଆରି ଇନିନେ ଜାକ୍ ଚଙ୍ଗ୍‌ନେ ବାଆରଲେ ଆଡେନ୍‌ସା ଆମେଇଂକେ ନୁଆଁ ବିଃପା ମେଃନ୍‌ସା ତାଗ୍ଲା ନେଁ ଆକ୍‌ଅରିଆ ସୁନ୍‌ସାନ୍ ଟାନ୍‌ନିଆ ନେଲେକେ ।”

୧୩ ମାତର୍ ଆମେଇଂକେ ବାସଙ୍ଗକେ “ପେ ଆକ୍‌ମେଇଂକେ ଆଚଙ୍ଗେପା ।” ସିସ୍‌ଇଂ ବାସଙ୍ଗକେ “ନେଁ ତାଗ୍ରା ମାଲିକ୍‌ଲିଗ୍ ରୁଚି ମ୍ବାକ୍‌ଲିଗ୍ ଆଃଡ଼ ଆନ୍ତାଚେ ଜାବର୍ ଶୁ ଡେଲା ନେ ମେଃନେ ଝେଚେ ଆକେନ୍ ସାପାରେ ନ୍‌ସା ଚଙ୍ଗ୍‌ନେ ବଲେ ନେବ୍ୟାର୍‌ଏ ?”

୧୪ ତାଗ୍ଲା ମେଇଂ ପାକା ପାକି ମାଲ୍ ଅଜାର୍ ଛିର୍‌ବ୍‌ଏ ଲେଃଗେ । ଆରି ଜିସୁ ମେଁନେ ସିସ୍‌ଇଂକେ ବାସଙ୍ଗକେ, “ଉଡ଼ି ମ୍ବାରକ୍‌କୁଡ଼ି ଗୁଆ ମ୍ବାରକ୍‌କୁଡ଼ି ଗୁଆ ଆଡ଼ିଙ୍ଗ୍‌ଚେ ଆମେଇଂକେ ମାନ୍‌ା ମାନ୍‌ା ଆଡ଼ିଙ୍ଗ୍‌ଚେ ଆଃକପା ।”

୧୫ ସିସ୍‌ଇଂ ଦେଡ଼ରକମ୍ ଡିଙ୍ଗ୍‌କ୍‌କେ ଇଡ଼ିଙ୍ଗ୍ ।
୧୬ ଆରି ଜିସୁ ମାଲିକ୍‌ଲିଗ୍ ରୁଚି ଆରି ମ୍ବାରକ୍‌ଲିଙ୍ଗ୍ ଆଡ଼କେ ଲିଙ୍ଗ୍‌ଚେ କିତଙ୍ଗ୍ ଇନି ତାଣ୍ଠେଚେ ପର୍‌ମେସର୍‌କେ ଦନ୍‌ଏବାଦ୍ ବିକେ । ଆକେନ୍ ପାକ୍‌ଚିଚେ ରେମୁଆଁଇଂକେ ବାଟା ବିଃନ୍‌ସା ସିସ୍‌ଇଂକେ ବିକେ ।

୧୭ ଆଡ଼ ଅରିଆ ସୁଲୁଏ ପୁରୁନ୍ ଚଙ୍ଗ୍‌ଚେ ସାନ୍ତି ବାଆରକେ । ଆରି ଗମ୍ବାରକ୍‌ଲିଗ୍ ଆଣ୍ଡାନ୍ତିଆ ଲୁଆଁକ୍‌କେ ତୁଙ୍ଗ୍‌ଝିଗ୍‌ଆରଗେ ।

**ପିତର୍ ଜିସୁ ଜାଣ୍ଠେ ତାଗ୍‌ଚେ ବାସଙ୍ଗକେ
(ମାତିଉ ୧୭:୧୩-୧୯; ମାର୍କ ୮:୨୭-୨୯)**

୧୮ ମୁଇଂତର୍ ଜିସୁ ଚିମିକରାମାକ୍ ଲେଃକେ ଜାଗାନ୍ତିଆ ପାରତନା ଡିଙ୍ଗ୍‌ନେ ବେଲା ସିସ୍‌ଇଂ ଜିସୁ ତାଗ୍ରା ପାଙ୍ଗ୍ ଆରି ଜିସୁ ଆମେଇଂକେ ସାଲିଆକୁକେ ନେଙ୍ଗ୍ ଜାଣ୍ଠେ ତାଗ୍‌ଚେ ରେମୁଆଁ ସାପାରେ ମେଁନେ ବାସଙ୍ଗ୍‌ଏ ?

୧୯ ☆ଡେଲା ମେଇଂ ଉତର୍ ବିକେ, “ଶ୍ରିଆନ୍ତିଆ ଦିକ୍ୟା ବିଶ୍ରେ ଜହନ୍ । ବାରି ଉଡ଼ିରୁଆ ବାସଙ୍ଗ୍‌ଡ଼ିଂ ଏଲାୟ୍ ବାରି ଜା ଜା ବାସଙ୍ଗ୍‌କେ, ପୁଆ

☆ ୯:୧୯ ମାତିଉ ୧୪:୧,୨; ମାର୍କ ୭:୧୪,୧୫; ଲୁକ୍ ୯:୭,୮.

କାଲ୍‌ନେ ବାବବାଦିଇଂନେ ବାନ୍ ମୁଇଂଜା ଆରି ମୁଇଂତର୍ ଜିବନ୍ ଡିଙ୍ଗ୍‌ଲେଗେ ।”

୨୦ ✨ଜିସୁ ଆମେଇଂକେ ସାଲିଆକୁକେ ମାତର୍ ନେଙ୍ଗ୍ ଜାଣ୍ଟେ ଡାଗ୍‌ରେ ଯେ ମେଁନେ ବାସଙ୍ଗ୍ ଯେଡିଙ୍ଗ୍ ? ପିତର୍ ଉତର୍ ବିକେ ନାନେ ଇସ୍‌ପର୍‌ନେ କିସ୍‌ଟ ।

୨୧ ଆଡ୍ ଅରିଆ ଜିସୁ ଆକେନ୍ ସାମୁଆଁ ଆଜାଡିଗ୍ ଆବାସଙ୍ଗ୍ ନସା ଆମେଇଂକେ ଚେଡ୍‌ନା ବିଚେ ବାସଙ୍ଗ୍‌କେ ।

୨୨ ଆରି ମେଁ ଆମେଇଂକେ ବାସଙ୍ଗ୍‌କେ, “ରେମୁଆଁ ଉଙ୍ଗ୍‌ଡେକେ ମାଲେ ଡଣ୍ଟ କଷ୍ଟ ବାନେ ପଡେଏ । ଦର୍ମ ନେତା ଆରି ଜିଉଦି ନେତା ମ୍ବା ପୁଜାରି ଆରି ଦର୍ମସାସ୍ତିଇଂ ଆମେକେ ବିସବାସ୍ ଆଡିଙ୍ଗ୍‌ଆର୍ ଶୁ । ଡିଲାଡିଗ୍ ଆମେକେ ବାଗୁଏ ବିଆରୁଏ ଆରି ମେଁ ଗୁଏକ୍ଲେ ଜିରସି ଦିନା ବିଡ୍‌ରେ ଆରି ଡଃଡିଆଏ ।”

୨୩ ✨ଜିସୁ ସାପାରେକେ ବାସଙ୍ଗ୍‌କେ, “ଅଃନା ଜା ନେଙ୍ଗ୍‌ନେ ପ୍ଲା ପାଙ୍ଗ୍‌ନେ ଇକ୍‌ଟା ଡିଙ୍ଗ୍‌ଏ ତେଲା ଆମେକେ ନିଜେନେ ନିଜେକେ ଆଡ୍ରାପ୍‌ପଡେଏ । କାଲାଆଃ ଆମେକେ ବିବକ୍ଲେ କୁରୁସ୍ ତୁଙ୍ଗ୍‌ରେ ଆରି ମେଁ ନେଙ୍ଗ୍‌ନେ ପ୍ଲା ପାଙ୍ଗ୍‌ଲେ ।

୨୪ ✨ମୁଡି ରେମୁଆଁ ନିଜେନେ ଜିବନ୍ ଆମ୍ବ୍‌ନସା ଇକ୍‌ଟା ଡିଙ୍ଗ୍‌ଏ ମେଁ ଆଡେନ୍ ଆଃରେଚେ କଏ । ଆରି ମୁଡି ରେମୁଆଁ ନେଙ୍ଗ୍‌ନେସା ମେଁନେ ଜିବନ୍ ବିଏ । ମେଁ ଆମେକେ ରକ୍ୟା ଡିଙ୍ଗ୍‌ଏ ।

୨୫ ବାରି ରେମୁଆଁ ଜଦି ସାପା ଦର୍ଡନିକେ ଲାବ୍ ତିଂରେ ନିଜକେ ବିନାସ୍ ଆଃଡିଂଏ ବାରି ଜିବନ୍ ଆରେଏ, ତେଲା ମେଁନେ ମେଁ ଲାବ୍ ?

୨୬ ଜଦି ମୁଡି ରେମୁଆଁ ନେଙ୍ଗ୍ ସାମୁଆଁରେ ଆରି ନେଙ୍ଗ୍‌ନେ ଜ୍ଞାନ୍ ସାମୁଆଁରେ ଗିଆସଏ ତେଲା ରେମୁଆଁ ଉଙ୍ଗ୍‌ଡେ ଉଡିବେଲା ମଇମା ଡିଙ୍ଗ୍‌ରେ ଆବା ଆରି ପବିଡ୍ କିତଂ ବୁଡ଼ଇଂନେ ମଇମାରେ ଜାବ୍‌ଆରୁଏ । ଅଃଡେନ୍ ବେଲା ମେଃଡିଗ୍ ମେଁନେ ବିସଏରେ ଗିଆସ ଆରୁଏ ।

୨୭ ମାତର୍ ନେଙ୍ଗ୍ ଆପେକେ ସଡ୍ ବାସଙ୍ଗ୍‌ଣ୍ଟିଂ, ଇସ୍‌ପର୍‌ନେ ରାଜି ମାକେ ଜାକ ଆକ୍‌ଅରିଆ ତୁଆଁକ୍ଲେ ରେମୁଆଁଇଂନେବାନ୍ ଉଡିରୁଆ ମେଃଡିଗ୍ ରକମ୍ ଗୁଏନେ ସାମୁଆଁ ପେବାଣ୍ଟୁ ।”

✨ ୯:୨୦ ଜହନ୍ ୬:୬୮, ୬୯. ✨ ୯:୨୩ ମାଡିଉ ୧୦:୩୮; ଲୁକ୍ ୧୪:୨୭. ✨ ୯:୨୪ ମାଡିଉ ୧୦:୩୯; ଲୁକ୍ ୧୭:୩୩; ଜହନ୍ ୧୨:୨୫.

ଜିସୁନେ ଗାଗଡ଼େ ବଲ୍ଲେନେ
(ମାତିଉ ୧୭:୧-୮; ମାର୍କ ୯:୨-୮)

୨୮ ଆକେନ୍ ଗଗେକ୍ଲେ ପାକା ପାକି ମୁଇଙ୍ଗ୍ ସାନ୍ତା ମେସୁଆ ଇଡ଼ିଙ୍ଗ୍ ମେଁ ପିତର୍ ଜହନ୍ ଆରି ଜାକୁବ୍‌କେ ସଙ୍ଗେ ତୁଙ୍ଗ୍ ଝେଚେ ପାର୍‌ତନା ଡିଙ୍ଗ୍‌ନେସା କଣ୍ଟା ଆଡ଼ାତ୍ରା ଝେଗେ ।

୨୯ ଆରି ଜିସୁ ପାର୍‌ତନା ଡିଙ୍ଗ୍‌ନେ ବେଲା ମେଁନେ ସାମୁଆଁ ବଲ୍ଲେଝେଗେ ଆରି ମେଁନେ ପାଟାଇ ତାକ୍ ଗ୍ ଡିଙ୍ଗ୍‌ଚେ ତୁଲୁଏ ନାକେ ।

୩୦ ଉଲୁସ୍ତେ ମୋଶା ବାରି ଏଲୀୟ, ଆକେନ୍ ମାୟା ରେମୁଆଁ ମେଇଁ ଏତେ ବାଲିରବାତା ଡିଙ୍ଗ୍‌ନେ ମୁଲେକେ ।

୩୧ ମେଇଁ କିତଁ ଆସିର୍ବାଦ୍‌ରେ ସାଦା ଲେଃଆର୍‌ଗେ ଯିରୁଶାଲାମନ୍ନିଆ ଗୁଏନେ ଗଗେଡ଼ିଙ୍ଗ୍‌କ୍ଲେ ଆତେନ୍ ସାମୁଆଁ ବାଲିରବାତା ଡିଙ୍ଗ୍ ଆର୍‌କେ ।

୩୨ ଆତେନ୍ ବେଲା ପିତର୍ ଆରି ମେଁନେ ସାଙ୍ଗ୍‌ଡେଇଁ ତୁଲେଗ୍ ଲେଃଗେ; ଉଡ଼ିବେଲା ମେଇଁ ତଡ଼ିଆ ଆର୍‌କେ ଜିସୁନେ ମଇମା କେଚେ ଜିସୁନେ ଏତେ ତୁଆଁଲେଃଗ୍ଲେ ମାୟା ରେମୁଆଁକେ କେଆର୍‌କେ ।

୩୩ ଆରି ମେଇଁ ମେଇଁବାନ୍ ଝେଡ଼ିଙ୍ଗ୍‌ନେ ବେଲା ପିତର୍ ଜିସୁକେ ବାସଙ୍ଗ୍‌କେ “ଅ ମାପୁରୁ, ନେ ଜେ ଆକ୍‌ଅରିଆ ନେଲେଃକେ, ଆକେନ୍ ନିମାଣ୍ଟା; ନାନେ ଜଦି ଇକ୍‌ଚା ତିଂଲା ନେଙ୍ଗ୍ ଆକ୍‌ଅରିଆ ଝିକ୍ଲିଗ୍ କୁଡ଼ିଆ ଶ୍ଟାରେଏ, ନା ଆଡ଼ଲା ମୁଇଁ, ମଶା ଆଡ଼ଲା ମୁଇଁ ବାରି ଏଲିୟ ଆଡ଼ଲା ମୁଇଁ ।” ମାତର୍ ପିତର୍ ମେଁନେ ବାସଙ୍ଗ୍ ଡିଙ୍ଗ୍ ଆତେନ୍ ଆମ୍ୟାକେ ଶୁ ।

୩୪ ପିତର୍ ଆକେନ୍ ବାସଙ୍ଗ୍‌ନେ ବେଲା, “ଇକୁଡ଼ା ତ୍ରିଗ୍‌ଡିଆ ଆମେଇଁକେ ତା ବିଲା ମେଇଁ ବୁଟଝେଗେ ।”

୩୫ ☆☆ ଆତେନ୍ ତ୍ରିଗ୍‌ଡିଆବାନ୍ ଆକେନ୍ ସାମୁଆଁ ତିଂକେ, “ଏ ନେଙ୍ଗ୍‌ନେ ଉଂଡେ, ନେଁ ସିବକ୍ଲେ,” ଆକ୍ଲେନେ ବ୍ଲାଲିର୍ ଅପା ।

୩୬ ଆରି ଆତେନ୍ ସାମୁଆଁ ନ୍ନାକ୍ଲେ ଇଡ଼ିଙ୍ଗ୍ ଜିସୁ ମୁଇଁଜା ଆଃ ନାକେ । ଆରି ମେଇଁ ବୁଙ୍ଗ୍ ଲେଃଗେ ଆରି ମେଃନେ କେଆର୍‌କେ

☆ ୯:୩୫ ମାତିଉ ୩:୧୭; ୧୨:୧୮; ମାର୍କ ୧:୧୧; ଲୁକ୍ ୩:୨୨. ☆ ୯:୩୫ ୨ ପିତର ୧:୧୭,୧୮.

ଆଡ଼ଅରିଆ ମେଁନେ ଡିଗ୍ ସାମୁଆଁ ଆଡେନ୍ ବେଲା ଆଜା ଡିଗ୍ ଆବାସଙ୍ଗ ଆରକେ ଶୁ ।

ଜିସୁ ମୁଇଙ୍ଗ ଗଡ଼େଅକେ ସେଆଁରେ ବାନ୍ ନିମାଣ୍ଡା ଆଡ଼ିଙ୍ଗକେ
(ମାତିଉ ୧୭:୧୪-୧୮; ମାରକ ୯:୧୪-୨୮)

୩୭ ତେନ୍ ଝିର ଜିସୁ ଆରି ଝିରୁଆ ସିସ୍‌ଇଂ କଣ୍ଡାବାନ୍ ଜାରତେ ପାଙ୍ଗକେ ଜବର୍ ରେମୁଆଁ ପାଙ୍ଗତେ ଜିସୁକେ ଅବାଆରକେ ।

୩୮ ଆରି କେଲା ରେମୁଆଁ ମଜେ ବାନ୍ ମୁଇଂଜା ଜାବର୍ କିରତେ ବାସଙ୍ଗକେ “ଅ ଗୁରୁ ନେଙ୍ଗ ଆନାକେ ଜବର୍‌ଜସ୍ତି ଡିଙ୍ଗ୍ ଶ୍ରିଙ୍ଗ୍ ନେଙ୍ଗନେ ଗଡ଼େଅକେ କେଲା ମେଝନ୍‌ସା ଡାଗ୍ଲା ମେଁ ନେଙ୍ଗନେ ମୁଇଂ ଆଃ ଙ୍ଗିର୍‌ବଏ ଅ ।

୩୯ କେଲାପା ଆମେକେ ମୁଇଙ୍ଗ୍ ସେଆଁରେ ସାଏ ଆରି ମେଁ ଉଲୁସ୍ତେ କିରତେ ତଡ଼ିଆଏ ଆରି ମେଁ ଆମେକେ ଦେକ୍‌ରକମ୍ ମଡ଼େଏ ଜେ ମେଁନେ ସାମୁଆଁ ବାନ୍ ବୁନେଃଡୁର୍ ଡାର୍‌ଡିଂକେ ଆରି ମେଁ ବାନ୍ କଷ୍ଟ ଡାର୍ ଝେଏ ।”

୪୦ ଆମେକେ ସେଆଁରେ ଆଆନ୍ତାର ନ୍‌ସା ନେଙ୍ଗ୍ ନାନେ ସିସ୍‌ଇଂକେ ଜବର୍‌ଜସ୍ତି ଶ୍ରିଙ୍ଗ୍‌କେ ମାତର୍ ମେଇଂ ଆୟାଆକେ ଶୁ ।

୪୧ ଜିସୁ ବାସଙ୍ଗକେ, “ଆରେ ଅବିସ୍‌ବାସି ଆରି ଦଦ୍ୟା ଗାଲି ଝେଣ୍ଡେ ବଂସ, ଉଃଡ଼ି ମୁଆଁ ନିଂ ପେନେ ଏଡେ ଲେଃରେ ପେନେ ବେବଆର୍ ନ୍‌ସମ୍‌ଲେଏ ? ନାଉଙ୍ଗକେ ଆକ୍‌ଅରିଆ ଡୁଙ୍ଗ୍‌ପାଙ୍ଗଲା ।”

୪୨ ଗଡ଼େଅ ପାଙ୍ଗଡିଂକ୍ଲେ ବେଲା ସେଆଁରେ ଆମେକେ ବୁନ୍ଦେ ଆଲବିଗେ ଜାବର୍ ମଡ଼େବିରେ ଡୁବନ୍ନିଆ ଜଗ୍‌ଜ୍‌ଗାନ୍ ବିଃକେ ମାତର୍ ଜିସୁ ବୁଡ଼କେ ଦାକା ବିକେ । ଆରି ଗଡ଼େଅକେ ନିମାଣ୍ଡା ଆଡ଼ିଙ୍ଗତେ ଆମେକେ ମେଁନେ ଆବାଡ଼େନେ ଡ୍ରିନ୍ନିଆ ଆସା ବିଃକେ ।

୪୩ ଆଡ଼ ଅରିଆ ସାପାରେ ପର୍‌ମେସର୍‌ନେ ବପୁ କେତେ କାବା ଡିଙ୍ଗ୍ ଲେଃରେ । ମାତର୍ ଆମେକେ ସାପାରେ କାମ୍ କେତେ ସାପାରେ କାବା ଡିଙ୍ଗ୍‌ଲେଃକ୍ଲେ ବେଲା ଜିସୁ ନିଜେନେ ସିସ୍‌ଇଂକେ ବାସଙ୍ଗକେ ।

ଜିସୁ ମେଁନେ ଗୁଏକ୍ଲେ ସାମୁଆଁ ଆରି ମୁଇଂ ବାସଙ୍ଗକେ
(ମାତିଉ ୧୭:୨୨-୨୩; ମାରକ ୯:୩୦-୩୨)

୪୪ ଜିସୁ ମୋଁନେ ସିସ୍ତାଙ୍କେ ବାସଙ୍ଗକେ “ନେଙ୍ଗ ମୋଁନେ ଆପେକେ ବାସଙ୍ଗମ୍ବକେ ଆତେନ୍ ଆବଗ୍‌ପା । ରେମୁଆଁ ଉଙ୍ଗଡେକେ ରେମୁଆଁଇଙ୍ଗନେ ଛି ନ୍ନିଆ ସମପର୍ତ୍ତ ତ ତିନ୍‌ସାଃ ଖେଡିଂକେ ।

୪୫ ମାତର୍ ସିସ୍ତା ଜିସୁନେ ସାମୁଆଁ ଆବୁଜେଆରକେ ଶୁଆରି ଆତେନ୍ ମେଇଂବାନ୍ ବୁଡିରେ ଲେଃଗେ ମୋଁଇଂନେ ଆତେନ୍ ସାମୁଆଁ ବୁଜେ ଆୟାଲା ତିଗ୍ ଆରି ମେଇଂ ଆତେନ୍ ସାମୁଆଁ ବିସଏରେ ଜିସୁକେ ସାଲିଆକୁ ନ୍‌ସା ବୁଟ ତିଙ୍ଗ୍ ଆରଗେ ।”

ସାପା ବାନ୍ ମ୍ବା ଜାଣ୍ଟେ

(ମାତିଉ ୧୮:୧-୫; ମାର୍କ ୯:୩୩-୩୭)

୪୬ ମେଇଂନେ ବାନ୍ ଜାଣ୍ଟେ ମ୍ବା ଆତେନ୍ ବିସୟରେ ମେଇଂନେ ବିତ୍ତେ ବାଲିରବାତା ତିଙ୍ଗ୍‌ନେ ଲାଗେଆରକେ ।

୪୭ ମାତର୍ ଜିସୁ ମୋଁଇଂନେ ମନ୍‌ନେ ବାଲିରବାତାକ୍‌କେ ମ୍ୟାଃଗେ ଆତେନ୍‌ସା ମୁଇଂ ତାଆଁନେ ଗଡେଅକେ ତୁଙ୍ଗ୍‌ପାଙ୍ଗ୍‌ରେ ମୋଁନେତାଗ୍ରା ଆଃତୁଆଚେ ବାସଙ୍ଗକେ

୪୮ ✠ସିସ୍ତାଙ୍କେ ବାସଙ୍ଗକେ, “ଜଦି ମୁଡି ରେମୁଆଁ ନେଙ୍ଗ ମ୍ବିରେ ଆକେନ୍ ଗଡେଅଇଂକେ ଗ୍ରଅନ୍ ତିଙ୍ଗ୍‌ଏ । ମୋଁଆନେଙ୍ଗ୍ ଗ୍ରଅନ୍ ତିଙ୍ଗ୍‌ଏ ଆରି ଜା ଆନେଙ୍ଗ୍‌କେ ବେବକେ, ଆମେ ତିଗ୍ ମୋଁ ଗ୍ରଅନ୍ ତିଙ୍ଗ୍‌ଏ । ତାଗ୍ଲା ନାନେ ସାପାରେବାନ୍ ନିଜକେ ତାଆଁ ଆଃସୁଏ, ମୋଁ ଆଃ ସାପାବାନ୍ ମ୍ବା ।”

ଜା ପେନେ ବିରଦି ଶୁ ଚୁମ୍ବି ପେନେ ସାହା

(ମାର୍କ ୯:୩୮-୪୦)

୪୯ ଆଡ୍ ଅରିଆ ଜହନ୍ ବାସଙ୍ଗକେ “ଅ ଗୁରୁ ନେଁ ମୁଇଂଜାକେ ନାନେ ମ୍ବିରେ ସେଆଁରେକେ ଆଆନ୍ତାରକ୍‌କେ ନେକେକେ ଆରି ମୋଁ ନେଁନେ କୁଦାନିଆ ଆଲେଃଲା ଆମେକେ ମନା ନେତିଙ୍ଗ୍‌କେ ।”

୫୦ ମାତର୍ ଜିସୁ ଆମେକେ ବାସଙ୍ଗକେ “ମନା ଆଡିଙ୍ଗେପା ମେଃନ୍‌ସା ତାଗ୍ଲା ଜା ପେନେ ସାହା ଶୁ ଚୁମ୍ବି ପେନେ ସାହା ତିଙ୍ଗ୍‌ଏ ।”

ମୁଇଙ୍ଗ୍ ଶମିରୋଶାୟ ଇନି ଜିସୁକେ ମନା ତିଙ୍ଗ୍ ତିଙ୍ଗ୍‌ଗେ

✠ ୯:୪୮ ମାତିଉ ୧୦:୪୦; ଲୁକ୍ ୧୦:୧୭; ଜହନ୍ ୧୩:୨୦.

୫୧ ଇଡ଼ିଙ୍ଗ ଉଡ଼ିବେଲା ଜିସୁ କିତଂ ଝେନେସା ବେଲା ପାଙ୍ଗ ଡିଙ୍ଗେ
ଅଃତେନ୍ ବେଲା ଜିସୁ ଯିରୁଶାଲାମନ୍ନିଆ ଝେନ୍ସା ଇକ୍ତା ଡିଙ୍ଗେ ।

୫୨ ନିଜେନେ ସେନ୍ତୁର୍ ଦୁଡ଼ଇଂକେ ବେକେ । ମେଇଂ ଝେତେ ମେଁ
ନ୍ସା ଆମେଁ ନ୍ସା ସମରିଆଇଂନେ ମୁଇଙ୍ଗ ଇନି ଗାଆର୍କେ ।

୫୩ ମାତର୍ ଜିସୁ ଯିରୁଶାଲାମନ୍ନିଆ ଝେଡ଼ିଙ୍ଗ ଡାଗ୍ରେ ମ୍ୟାତେ
ଆଡେନ୍ ଇନିନେ ରେମୁଆଁ ଆମେକେ ସାର୍ଲ ଆଡିଙ୍ଗ ଆକେଁ ଶୁ ।

୫୪ ଆକେନ୍ କେତେ ଜାକୁର୍ ଆରି ଜହନ୍ ଏନ୍ ମ୍ୟାୟା ସିସ୍ ଜିସୁକେ
ବାସଙ୍ଗକେ “ମାପୁ ଦେଡ଼ରକମ୍ କିତଂଇନିବାନ୍ ସୁଆ ଆଲତେ
ଆମେଇଂକେ ଦଂସ ନେରାଡିଙ୍ଗ ଡାଗ୍ରେ ମେଃନେ ନା ଚାଏଁ ନାଡିଂକେ
କି ?”

୫୫ ମାତର୍ ଜିସୁ ପୁଏରେଃ ଆମେଇଂକେ କେକେ ଆରି
ଆଃଦର୍ସେତେ ବାସଙ୍ଗକେ, “ପେ ଡିରକମ୍ ଆମାନେ ରେମୁଆଁ ନେଁ
ନେମ୍ୟାକେ ଶୁ । ରେମୁଆଁ ଉଙ୍ଗଡେ ରେମୁଆଁଇଂନେ ଜିବନ୍ ବାଗୁଏଃ
ନ୍ସା ନାପାଙ୍ଗକେ ଆରି ଝେନ୍ସା ପାଙ୍ଗଲେ ଆର୍କେ ।”

୫୬ ଇଡ଼ିଙ୍ଗ ମେଇଂ ଆରି ମୁଇଂଜାଗା ଇନି ଝେଗେ ।

ଜିସୁନେ ସିସ୍ ଡିଙ୍ଗନ୍ସା ଇକ୍ତା ଡିଙ୍ଗେଁ ରେମୁଆଁଇଂ
(ମାଡିଉ ୮:୧୯-୨୨)

୫୭ ମେଇଂ ଗାଲିବ ଝେଡ଼ିଙ୍ଗନେ ବେଲା ମୁଇଙ୍ଗ ରେମୁଆଁ ଜିସୁକେ
ବାସଙ୍ଗକେ “ନା ଆଣ୍ଡି ପାକା ନାଝେଏ ନେଙ୍ଗ୍ ନା ପ୍ଲା ମାଙ୍ଗ୍ଏ ।”

୫୮ ଜିସୁ ଆମେଇଂକେ ବାସଙ୍ଗକେ “ନାକାଇଂନେ ପୁର୍ ଲେଃକେ;
ମ୍ଲିଗ୍ଇଂନେ ଉଙ୍ଗଡ଼୍ୟା ଲେଃକେ ମାତର୍ ରେମୁଆଁ ଉଙ୍ଗଡେନେ ବାଆଃ
ବନେ ଚାନ୍ ଶୁ ।”

୫୯ ଆରି ଜିସୁ ବାରି ମୁଇଂଜାକେ ବାସଙ୍ଗକେ, “ନେଙ୍ଗ୍ନେ ପ୍ଲା
ପାଙ୍ଗଲ୍ୟାପା ।” ମେଁ ବାସଙ୍ଗକେ, “ମାପୁର୍ ! ସେନ୍ତୁର୍ ଝେତେ
ନେଙ୍ଗ୍ନେସା ନେମ୍ବାକେ ଆଡି ବିଃନ୍ସା ଆନେଙ୍ଗ୍କେ ଆଦେସ୍ ବିଲା
।”

୬୦ ମାତର୍ ଜିସୁ ଆମେଇଂକେ ବାସଙ୍ଗକେ, “ଗ୍ରେରେଇଂକେ ମେଇଂ
ମେଇଂନେ ଗୁଏଃକେ ରେମୁଆଁଇଂକେ ଆଡି ନ୍ସା ଆଡ୍ଡାରିପା ।
ମାତର୍ ପେ ଝେତେ ଇସ୍ପର୍ରେନେ ରାଇଜ ବାସଙ୍ଗ ଅଲେଙ୍ଗ୍ପା ।”

୨୧ ବାରି ମୁଇଁଜାକେ ବାସଙ୍ଗକେ “ମାପୁ ନେଙ୍ଗ ନାଁନେ ପ୍ଲା ଫାଙ୍ଗଏ ମାତର ସେନୁଗ୍ ନେଙ୍ଗନେ ତୁଆ ଲେଃଠେ ରେମୁଆଁକଂନେ ବାନ୍ ନୁଆଁ ବିନ୍‌ସା ଆନେଙ୍ଗକେ ବେବିଃଲେ ।”

୨୨ ମାତର ଜିସୁ ଆମେଇଂକେ ବାସଙ୍ଗକେ “ଜା ସ୍ତ୍ରୀ ସାଚେ ପ୍ଲା ପାଟା କେଏ ମେଁ ଇସ୍‌ପରନେ ରାଇଜ୍ ନ୍‌ସା ମେଃଠିଗ୍ ସ୍ଲେ ନ୍‌ସା ଦରକାର୍ ଶୁ”

୧୦

ଜିସୁ ସୁଗୁଆ ରେମୁଆଁକଂକେ ବେକେ

୧ ଇଡ଼ିଙ୍ଗ୍ ମାପୁ ଆରି ଞ୍ଜିକୁଡ଼ି ଗୁଆ ସ୍ତ୍ରୀ ଆରକେ ଆରି ନିଜେ ନିଜେ ଆଣ୍ଡିନେ ଇନି ଆରି ଜାଗାନ୍ନିଆ ଝେନ୍‌ସା ବାଦ୍ୟ ଲେଃଠେ ଆତେନ୍ ଜାଗାନ୍ନିଆ ମାୟା ମାୟା ଆଡ଼ିଙ୍ଗ୍‌ଚେ ଆମେଇଂକେ ଆଡ଼ଅରିଆ ବେକେ ।

୨ ଆରି ଜିସୁ ଆମେଇଂକେ ବାସଙ୍ଗକେ, “ଗହମ୍ ସିନା ଜବର୍ ମାତର କାମ୍ ଡିଙ୍ଗ୍‌ଶ୍ଟେ ଇକୁଡ଼ା; ନିଜେନେ ଲିଜ ବିନ୍ନିଆ ସ୍ଲେଶ୍ଟେକେ ବେବିଃନ୍‌ସା ଲିଜ ବିନେ ସାକାରକେ ପାରତନା ଡିଙ୍ଗ୍‌ପା ।

୩ ☆ପେ ଝେଲାପା; କେଲାପା, ଲୁଇଂନେ ବିଡ଼େ ମେଣ୍ଡାକ୍ ସୁଗୁଆ ନେଙ୍ଗ୍ ଆପେକେ ବେଣ୍ଡିଂକେ ।

୪ ତାରୁ ମୁନା ଆରି ପାଣ୍ଡୁ ତୁଙ୍ଗ୍ ଆଝେଗେପା । ଗାଲିନ୍ନିଆ ଆଜାଡ଼ିଗ୍ ଆସାର୍ଲଗ୍‌ପା ।

୫ ଆରି ମୁଃଡ଼ିନେ ତୁଆନ୍ନିଆ ପେ ପେଗାଏ, ସେନୁଗ୍ ବାସଙ୍ଗ୍ ଆକେନ୍ ତୁଆ ସାନ୍ତି ଡିଙ୍ଗ୍‌ଲେ ।

୬ ଆଡ଼ ଅରିଆ ଜାଣ୍ଡେ ନିମାଣ୍ଡା ରେମୁଆଁ ଲେଃଏ ତେଲା ପେନେ ସାନ୍ତି ଆମେକେ ମିଲେଏ । ତାଗ୍ଲା ଜାଣ୍ଡେ ଆଡ଼ ଅରିଆ ସାନ୍ତି ରେମୁଆଁ ଆଲେଃ ତେଲା ପେନେ ସାନ୍ତି ସାହା ପେନେ ତାଗ୍ଲା ଆଣ୍ଡେ ପାଙ୍ଗ୍‌ଏ ।

୭ ☆ଆରି ମେଇଂ ତାଗ୍ଲା ମେଁନେ ଲେଃଏ ଆତେନ୍ ତଙ୍ଗ୍ ଆଣ୍ଡେଙ୍ଗ୍‌ଚେ ଆତେନ୍ ତୁଆନିଆ ଲାଃଲାପା ମେଃନ୍‌ସା ତାଗ୍ଲା କାମ୍ ଡିଙ୍ଗ୍‌ଶ୍ଟେ ମେଁନେ ଦର୍ମା ବାନେ ଅଦିକାର୍ ଲେଃକେ । ତୁଆକେ ତୁଆ ଆଝେଗେପା ।

☆ ୧୦:୩ ମାଡ଼ିଉ ୧୦:୧୭. ☆ ୧୦:୭ ୧ କରିନ୍‌ଡ଼ିୟ ୯:୧୪; ୧ ତିମତି ୫:୧୮.

୮ ଆରି ଆଣ୍ଡିନେ ଇନି ତିଗ୍ ପେଞ୍ଜେରାଏ ଆରି ରେମୁଆଁଇଁ ଆପେକେ ସାର୍ଲ ତିଙ୍ଗ୍ ଆରଏ ଆଡ୍‌ଅରିଆ ଆନାକେ ମେଝନେ ଚଙ୍ଗନେ ବିଏ ଆତେନ୍ ଚଙ୍ଗପା ।

୯ ଆତେନ୍ ଜାଗାନ୍ନିଆ ଲେଝକ୍ଲେ ରଗ୍ ସାଝକ୍ଲେ ରେମୁଆଁଇଁକେ ନିମାଣ୍ଡା ଆଡିଙ୍ଗପା ଆରି ଆମେଇଁକେ ବାସଙ୍ଗପା ଇସ୍‌ପର୍‌ନେ ରାଇଜ୍ ପେନେ ଡାଗ୍ରା ପାଙ୍ଗକେ ।

୧୦ ✨ମାତର୍ ମୁଡ୍ରି ଇନି ପେଇଁ ପେଞ୍ଜେରାଏ ଆରି ରେମୁଆଁ ଆପେକେ ଆଞ୍ଜାଆର୍ ଶୁଆଡ୍‌ନେ ବାଜାର୍ ବାଏରେ ଞ୍ଜେଚେ ବାସଙ୍ଗପା

୧୧ ✨ସାମୁଆଁ ପେଇଁ ଇନିନେ ଆଣ୍ଡିନେ ଦୁଲି ନେନେ ଞ୍ଜନିଆ ଗିଗ୍‌ଲା ଲେଝକ୍ଲେ ଆତେନ୍ ପେନେସା ଡାଣ୍ଡି ବିନେଡିଙ୍ଗ୍; ଡାଗ୍ଲା ଇସ୍‌ପର୍‌ନେ ରାଇଜ୍ ଜେ ଡାଗ୍ରା ପାଙ୍ଗେ ଆକେନ୍ ମ୍ୟା ଲାଲାପା ।

୧୨ ନେଙ୍ଗ୍ ଆପେକେ ବାସଙ୍ଗ୍ ଶ୍ରିଙ୍ଗ୍ ଆତେନ୍ ଦିନା ଆତେନ୍ ଇନିନେ ଡଣ୍ଡବାନ୍ ସଦୋମନେ ଡଣ୍ଡ ଡେଝୟାଡିଙ୍ଗ୍ଏ ।”

**ସଡ୍ ଆମାନେକ୍ଲେ ଇନି ଆଣ୍ଡେଙ୍ଗ୍ ଜିସୁ ଏଡେ ବିଡିଙ୍ଗକେ
(ମାତିଉ ୧୧:୨୦-୨୪)**

୧୩ ଏ କୋରାଜିନ୍ ନାନେ କସ୍ କି ବୟାଙ୍ଗାର୍ ତିଙ୍ଗ୍ଏ ଏ ବେଥ୍‌ସାଇଦା ନାନେ କସ୍ କି ବୟାଙ୍ଗାର୍ ତିଙ୍ଗ୍ଏ ଡାଗ୍ଲା ପେଇଁନେ ବିଡ୍ରେ ପେନେ ବାନ୍ ମୁଝଡ୍ରି ବପୁକାମ୍ ଆଡିଙ୍ଗ୍ ଶ୍ରିଙ୍ଗ୍ ଆତେନ୍ ସାପା ଆନା ସୋର ଆରି ସୀଦୋନନ୍ନିଆ ଆଡିଙ୍ଗ୍ ପାଡିଙ୍ଗ୍ ତେଲା ମେଇଁ ଗୁଲୁଏ ଜୁଗନେ ସେନୁଗ୍ ବାସ୍ତା ସଚେ ଉଗ୍‌ସନ୍ନିଆ କଚେ ମନ୍‌କେ ଆବିଦଲେ ଆରଏ ।

୧୪ ବିଚାର୍ ବେଲା ପେନେ ଡଣ୍ଡ ସୋର ଆରି ସୀଦୋନକେ ମାଲେ ଦୟା ତିଙ୍ଗ୍‌ଆରଏ ।

୧୫ ଆରି ଅ କପର୍‌ନାହୁମ୍ ଆଡାଡ୍ରା ଦେକ୍ ରକମ୍ ଗଚେଏ ନାନେ ଆଡାଡ୍ରା ଦେଡ୍ ରକମ୍ ଗଚେଏ ? ନାନେ କିତଂ ଜାକ ନିଜ୍‌କେ ମ୍ଲାନ୍‌ସା ଇକ୍‌ଚା ତିଙ୍ଗ୍‌ନାଲେଝକେ ଆନାକେ ନକେ ଜଗ୍‌ଗ୍‌ଗ୍ ବିଆରଏ ।

୧୬ ଜିସୁ ନିଜେନେ ସିସ୍‌ଇଁକେ ବାସଙ୍ଗକେ “ଜାଣ୍ଡେ କି ପେନେ ସାମୁଆଁ ଅଁଏ ମେଁ ନେଙ୍ଗ୍‌ନେ ସାମୁଆଁ ଅଁଏ ଆରି ଜାଣ୍ଡେ ଆପେକେ ଇଙ୍ଗ୍‌ଚେ ଆରଏ ମେଁ ଆନେଙ୍ଗ୍ ତିଗ୍ ଇଙ୍ଗ୍‌ଚେଏ ଆରି ଜାଣ୍ଡେ

✨ ୧୦:୧୦ ପ୍ରେରିଡ୍ ୧୩:୫୧. ✨ ୧୦:୧୧ ମାତିଉ ୧୦:୭-୧୪; ମାର୍‌କ ୬:୮-୧୧; ଲୁକ ୯:୩-୫.

ଆନେଙ୍କୁକେ ଇଙ୍ଗଟେଏ ମେଁ ନେଙ୍ଗନେ ବେବକ୍ଲେ ଆବାକେ ଡିଗ୍ ଇଙ୍ଗଟେଏ ।”

ଞ୍ଜିକୁଡ଼ି ଗମ୍ଭୀର ସିସ୍ତା ଆଣ୍ଡେ ଆରକେ

୧୭ ଇଡ଼ିଙ୍ଗ ଆଡେନ୍ ଞ୍ଜିକୁଡ଼ି ଗୁଆ ସିସ୍ତା ସାର୍ଦାରେ ଆଣ୍ଡେରେ ବାସଙ୍ଗକେ “ମାପୁ ସେଆଁରେଇଂ ଶ୍ରିଗ୍ ନାଁନେ ମ୍ନିରେ ଆନେଁକେ ମାନେଏ ।”

୧୮ ମାତର୍ ଜିସୁ ଆମେଇଂକେ ବାସଙ୍ଗକେ “ଲୁଲ୍ଲାତାର ସୁଗା କିତଂବାନ୍ ସଏତାନ୍ ଲଃଡ଼ିଙ୍ଗକ୍ଲେ ନେଙ୍ଗ ନେକେକେ ।

୧୯ କେଲ୍ୟା ନେଙ୍ଗ ଆପେକେ ବୁବଃ ଆରି ଙୁଆରେଗ୍ ଆଡ଼ାତ୍ରା ଅଲେଙ୍ଗ ନ୍ସା ସକଡ଼ ବିଶ୍ତିଙ୍ଗ ବାରି ସତୁନେ ସାପା ସକଡ଼ ଆଡ଼ାତ୍ରା ଡିଗ୍ ସକଡ଼ ବିଶ୍ତିଙ୍ଗ ଆରି ଡିରକମ୍ ଡିଗ୍ ପେଇଂନେ ମେଃନେ ଶ୍ରିଗ୍ ଆଡ଼ିଙ୍ଗ ଶୁ ।

୨୦ ତେଲ୍ଲାଡିଗ୍ ଦଦ୍ୟା ଆମ୍ବାଇଂ ଜେ ପେଇଂନେ ସାମୁଆଁ ମାନେଃ ଡିଙ୍ଗକେ ଆକ୍ ଅରିଆ ସାର୍ଦା ଆଡ଼ିଙ୍ଗପା ମାତର୍ ପେନେ ମ୍ନି ଜେ କିତଂନିଆ ଗୁଆରବକେ ଆକ୍ ଅରିଆ ସାର୍ଦା ଡିଙ୍ଗପା ।”

ଜିସୁ ସାର୍ଦା ଆଃଡ଼ିଙ୍ଗକେ

(ମାଡ଼ିଡ ୧୧:୨୫-୨୭; ୧୩:୧୬-୧୭)

୨୧ ଆଡେନ୍ ବେଲ୍ୟା ଜିସୁ ପବିତ୍ର ଆମ୍ବାନେ ବାନ୍ ସାର୍ଦା ଡିଙ୍ଗଟେ ବାସଙ୍ଗକେ “ଆବା କିତଂ ଆରି ମଞ୍ଚପୁର୍ନେ ମାପୁ ନାଁ ଗୁନ୍ ଆରି ଜ୍ଞାନ୍ ରେମୁଆଁଇଂନେ ବାନ୍ ଆକେନ୍ ସାପା ସାମୁଆଁ ବୁଡ଼ି ବଚେ ତାଆଁ ଗଡ଼େଇଂ ତାଗ୍ରା ବାସଙ୍ଗନେବ ଆଡେନ୍ସା ଆନାକେ ଦନ୍ୟବାଦ୍ ଡିଙ୍ଗନେଡ଼ିଂ; ଅଁ ଆବା ମେଃନସା ତାଗ୍ରା ଆକେନ୍ ନାଁନେ ମ୍ନାନେ ଇକ୍ତା ।

୨୨ ☆ନେଙ୍ଗନେ ନେମ୍ବାନେ ସାପା ସାମୁଆଁ ନେଙ୍ଗନିଆ ଅପେଃ ବିଃକେ; ଆରି ଗଡ଼େଅ ଜାଣ୍ଡେ ଆକେନ୍ ଆବା ଆନ୍ତାଚେ ଜା ଆମ୍ୟାଃକେ ଶୁ ଆରି ଆବା ଜାଣ୍ଡେ ଆକେନ୍ ଗଡ଼େଅ ଆନ୍ତାଚେ ଜା ଆମ୍ୟାଃକେ ଶୁ ଆରି ଗଡ଼େଅ ଜା ତାଗ୍ରା ଆମେକେ ଉଡ୍ରା ଆଃଡ଼ିଙ୍ଗ ନ୍ସା ଇକ୍ତା ଡିଙ୍ଗକେ ମେଁ ଆମେକେ ମ୍ୟାଃଏ ।”

☆ ୧୦:୨୨ ଜହନ୍ ୩:୩୫; ଜହନ୍ ୧୦:୧୫.

୨୩ ଏନ୍ ଇଡ଼ିଙ୍ଗ ଜିସୁ ସିସ୍ତରାଙ୍କେ ବୁଙ୍ଗନା ବାସଙ୍ଗକେ “ପେଇଁ ଏନ୍‌ସାପା ବିସୟ କେପେଲେକେସା ଉଡ଼ି ବାଗ୍ୟବାନ୍ ।”

୨୪ ନେଙ୍ଗ ଆପେକେ ବାସଙ୍ଗ ଶ୍ରିଙ୍ଗ “ପେ ମୈନେ ମୈନେ କିକେପେଡ଼ିଙ୍ଗ ଆଡେନ୍ ସାପା ଗୁଲେ ବାବବାଦି ଆରି ଇଃସାଙ୍ଗ କେନ୍‌ସା ଇକ୍‌ଟା ଡିଙ୍ଗ ଆରକେ ମାତର୍ ଆକେଆରକେ ଶ୍ରିଆରି ପେ ମେଃନେ ଅପେଡ଼ିଙ୍ଗେ ଆଡେନ୍ ସାପା ମେଇଁ ଅନ୍‌ସା ଇକ୍‌ଟା ଡିଙ୍ଗ ଆରକେ ମାତର୍ ଆଅଁ ଆରକେ ।”

ନିମାଣ୍ଡାନ୍‌ନେ ଶମିରୋଶୀୟ ଉଦାଅରନ୍

୨୫ ଆରି କେଲାପା ମୁଇଙ୍ଗା ନିୟମ୍ ସାସ୍ତର ଲଃଶ୍ଟେ ତଡ଼ିଆତେ ଆମେକେ ପରିକ୍ୟା ଡିଙ୍ଗଟେ ସାଲିଆକୁକେ, “ଅ ଗୁରୁ ମାତାନ୍‌ନେ ଜିବନ୍ ବାନ୍‌ସା ନେଙ୍ଗ ମୈନେ ଶ୍ରିଙ୍ଗଏ ?”

୨୬ ଜିସୁ ଆମେକେ ବାସଙ୍ଗକେ “ସାସ୍ତରନ୍ନିଆ ମେଃନେ ଗୁଆରବକେ ? ନାଁ ଡିରକମ୍ ପଡ଼େ ନାଡିଙ୍ଗ ?”

୨୭ ଜିସୁ ଉତର୍ ବିକେ “ନାଁନେ ନିଜେନେ ମନ୍ ସାପା ଆମ୍ବା ସାପା ବପୁ ଆରି ସାପା ମନ୍ ବିଚେ ପରମେସର୍‌କେ ଆଲାଦ୍ ଡିଂପା । ଆରି ପେଇଁ ନିଜେକେ ଆଲାଦ୍ ପେଡ଼ିଙ୍ଗେ ସୁଗୁଆ ବିନ୍‌ଶ୍ଟେକେ ଡିଗ୍ ଆଲାଦ୍ ଡିଂପା ।”

୨୮ ଆଡ୍ ଅରିଆ ଜିସୁ ଆମେଇଁକେ ବାସଙ୍ଗକେ “ନାନେ ସମାନ୍ ଉତର୍ ନାବିକେ ଦେକ୍‌କେ ଡିଙ୍ଗ ତେଲା ନାନେ ଜିବନ୍ ନାବାଏ ।”

୨୯ ମାତର୍ ଦର୍ମ ଗୁରୁ ନିଜେକେ ନିମାଣ୍ଡା ସୁଗୁଆ ଆକେନ୍‌ସା ଇକ୍‌ଟା ଡିଙ୍ଗଟେ ଜିସୁକେ ସାଲିଆକୁକେ, “ତେଲା ନେଙ୍ଗନେ ନିଜର୍ ରେମୁଆଁ ଜାଣ୍ଡେ ?”

୩୦ ଜିସୁ ବାସଙ୍ଗକେ “ମୁଇଙ୍ଗ ରେମୁଆଁ ଯିରୁଶାଲାମ୍ ବାନ୍ ଯିରୀହୋନ୍ନିଆ ଝେନେ ବେଲା ଡଙ୍ଗାରେଇଁ ଆମେକେ ସା ଆରକେ ମେଇଁ ମୈନେ ପାଟାଲପୁଟାଲ ଡୁଂତଚେ ବଗ୍ ଆରକେ ଆରି ରୁଏଝେଗେ ସୁଗା ବଗ୍‌ଚେ ଆମେକେ ଆନ୍ତାର୍‌ଚେ ଲାଗ୍‌ଡିଆରଗେ ।

୩୧ ଗଟେକ୍‌କ୍ ସୁଗୁଆ ମୁଇଙ୍ଗ ପୁଜାରି ଆନ୍ତ୍ରପାକା ଝେଡ଼ିଂଗେ ଆରି ମୈ ଆମେକେ କେଚେ ବିନ୍ ଗାଲି ଝେଗେ ।

୩୨ ଦେଡ୍ ରକମ୍ ମୁଇଙ୍ଗା ଲେବୀୟ ଡିଗ୍ ଆଡେନ୍ ଜାଗା ପାଙ୍ଗଟେ ଆମେକେ କେଚେ ବିନ୍ ଗାଲି ବିଚେ ଝେଗେ ।

୩୩ ମାତର ମୁଇଙ୍ଗ ଶମିରୋଶୀୟ ରେମୁଆଁ ଆମେକେ କେତେ ତାଗ୍ରା ପାଇଁତେ ଆମେକେ କେତେ ଲିବିସଃତେ,

୩୪ ଆରି ତାଗ୍ରା ୱେତେ ମେଁନେ ଚିନାନିଆ ୱୁ ଆରି ଅଙ୍ଗୁର ରସ କିଗ୍ତେ ଆତେନ୍ ସାପା ଗାଗ୍ବିଗେ ଆରି ଆମେକେ ଗଡ଼ାନ୍ନିଆ ଆଃକରେ ଆମେକେ ଗଦାର କାନାନ୍ନିଆ ତୁଙ୍ଗ ୱେତେ ଆମେକେ ସେବା ଜତନ୍ ଡିଙ୍ଗକେ ।

୩୫ ପାଇଁ ତିଙ୍ଗକ୍ଲେ ଦିନା ଶମିରୋଶୀୟ ମେଁ ମ୍ବାକ୍ଲିଗ୍ ରୁପା ତାରୁ ଆଃତାରରେ ଆତେନ୍ ତୁଆନେ ମାଲିକକେ ବିତେ ବାସଙ୍ଗକେ ଆକ୍ମେନେ ସେବା ଜତନ୍ ତିଙ୍ଗ ଆରି ଜାବର୍ ତାରୁ କର୍ତ ନାଡିଙ୍ଗ୍ ଆତେନ୍ ନେଙ୍ଗ୍ ଆଣ୍ଡେନେ ବେଲା ଆନାକେ ସୁଜେ ମ୍ବିଏ ।”

୩୬ ଏନ୍ ଙ୍ଝିରୁଆ ବିତ୍ରେ ଜା ତଙ୍ଗାରେଇଂନେ ସେନ୍ନୁଗ୍ ଲଲେଃକ୍ଲେ ରେମୁଆଁନେ ତୁଆଣ୍ଡେ ତାଗ୍ତେ ଏତେ ପେଡିଙ୍ଗକେ ।

୩୭ ଦର୍ମ୍ ଗୁରୁ ବାସଙ୍ଗକେ, “ଜା ମେଁ ଆଡ଼ାତ୍ରା ଦୟା ଆକେକେ ।” ଜିସୁ ଆମେକେ ବାସଙ୍ଗକେ, “ଝେଲାପା ପେ ଡିଗ୍ ଦେତୁଆ ଡିଙ୍ଗପା ।”

ଜିସୁ ଇୟାଙ୍ଗ୍ ଆରି ମରିୟମ୍ ତୁଆ ୱେଗେ

୩୮ ✨ଜିସୁ ଆରି ମେଇଂ ନେନେ ସିସଇଂ ୱେଡିଙ୍ଗ୍ନେ ବେଲା ଜିସୁ ମୁଇଙ୍ଗ ଇନି ୱେତା ଆରକେ ଆରି ମାର୍ଥା ମ୍ବିକ୍ଲେ ମୁଇଙ୍ଗ୍ ସେଲାମ୍ବୁ ମେଁନେ ତୁଆନ୍ନିଆ ୱାକେ ।

୩୯ ମରିୟମ୍ ମ୍ବିକ୍ଲେ ମେଁନେ ମୁଇଙ୍ଗ୍ ତନାଣ୍ଡେ ଲେଃଗେ, ମେଁ ମାପୁରୁନେ ୱୁରୁୟେ କରେ ମେଁନେ ସାମୁଆଁ ଅଁ ଡିଙ୍ଗେ ।

୪୦ ମାତର ମାର୍ଥା ସେବା ତିଙ୍ଗକ୍ଲେ ବିସୟରେ ଜାବର୍ ତାନ୍ତ୍ରା ତିଙ୍ଗ ଡିଙ୍ଗାଗେ; ତେସା ମେଁ ଜିସୁନେ ତାଗ୍ରା ପାଇଁତେ ବାସଙ୍ଗକେ “ଅ ମାପୁ ନେ ତନା ଜେ ମୁଇଂ ଆଃ ନେଙ୍ଗ୍ ଆଡ଼ାତ୍ରା କାମ୍ ଆନେଙ୍ଗ୍ ଆନ୍ତାର୍ ବିଃଡିଂକେ ଏନ୍ ବିସୟରେ ମେଁନେ ନାନେ ମନ୍ ଶୁ? ଆନେଙ୍ଗକେ ସାଇଜ ତିଙ୍ଗନ୍ସା ଆମେକେ ବାସଙ୍ଗ ।”

୪୧ ମାତର ମାପୁରୁ ଆମେକେ ବାସଙ୍ଗକେ, “ମାର୍ଥା, ମାର୍ଥା, ନାନେ ଜାବର୍ ସାମୁଆଁ ଏତେ ନାଡିଙ୍ଗକେ ଆରି ତେରେପେତେ ତିନାଡିଂକେ ।

✨ ୧୦:୩୮ ଜହନ୍ ୧୧:୧.

୪୨ ମାତର ମୁଇଙ୍କ ବିସୟ ସାପା ବାନ୍ ଦରକାର; ମରିୟମ୍ ଆତେନ୍ ନିମାଣ୍ଡା ବିସୟକେ ବାଚେବକେ ଆରି ଆତେନ୍ ମେଁ ବାନ୍ ତୁଂତ ଆୟା ଶୁ ୨”

୧୧

ପାରତନା ବିସୟରେ ସିକ୍ୟା

(ମାତିଉ ୬:୯-୧୩; ୭:୭-୧୧)

୧ ମୁଇଂତର ଜିସୁ ମୁଇଂଜାଗା ନ୍ନିଆ ପାରତନା ତିଙ୍ଗ୍ ଆତାକ୍ଲେ ଇଡ଼ିଙ୍ଗ୍; ମେଁନେ ସିସ୍‌ଇଂବାନ୍ ମୁଇଂଜା ଆମେକେ ବାସଙ୍ଗକେ “ଅ ମାପୁ ତୁବନ୍ ବିଶ୍ଟେ ଜହନ୍ ତିଡ଼ିକି ନିଜର୍‌ନେ ସିସ୍‌ଇଂକେ ପାରତନା ତିଙ୍ଗ୍‌ନ୍‌ସା ନାମ୍ୟାକେ ନାନେ ତିଗ୍ ଆନେକେ ଦେତୁଆ ଆଃ ସିକ୍ୟା ବିଲା ।”

୨ ଆଡ଼ ଅରିଆ ଜିସୁ ଆମେଇଂକେ ବାସଙ୍ଗକେ “ଉଡ଼ିବେଲା ପେ ପାରତନା ପେଡ଼ିଂଏ ଆତେନ୍ ବେଲା ବାସଙ୍ଗପା

ଆବା ନାନେ ମି ପବିତ୍ର ତାଗ୍‌ରେ ମାନେଃ ଆର୍‌ଲେ ।
ନାନେ ରାଇଜ୍ ପାଙ୍ଗ୍‌ଲେ ।”

୩ କାଲାଆଃ ଆନେକେ ଦରକାର୍ ଲେଃକ୍ଲେ କାଦି ବିଃଲା ।

୪ ନେନେ ପାପ୍ ସାପା କେମା ତିଙ୍ଗ୍,

ତାଗ୍ଲା ନେ ତିଗ୍ ନେନେ ବିରଦ୍‌ରେ ଦସ୍ ତିଙ୍ଗ୍‌ବକ୍ଲେ
ରେମୁଆଁଇଂକେ ସାପା କେମା ନେଡ଼ିଙ୍ଗ୍‌ଏ,
ପରିକ୍ୟାନ୍ନିଆ ଆନେକେ ତୁଂଆପାଂଗେ ।

୫ ଆରି ଜିସୁ ଆମେଇଂକେ ବାସଙ୍ଗକେ “ପେନେ ଜାନେ ଦେକ୍‌ରକମ୍ ସାଙ୍ଗ୍ ଲେଃକେ ଜା ତାଗ୍ଲା ମଜେ ମିଡ଼ିଗ୍ ଝେଚେ ବାସଙ୍ଗଏ ଏ ସାଙ୍ଗ୍ ଆନେଙ୍ଗକେ ଝିକ୍ଲିଗ୍ ରୁଟି ଉଦାର୍ ବିଲା ।

୬ ତାଗ୍ଲା ନେଙ୍ଗ୍‌ନେ ମୁଇଂଜା ସାଙ୍ଗ୍ ନେଙ୍ଗ୍ ତାଗ୍ଲା ପାଙ୍ଗ୍‌ଲେଃକେ ଆମେକେ ଚଙ୍ଗ୍‌ନେ ବିଃନ୍‌ସା ନେଙ୍ଗ୍ ତାଗ୍ଲା ମେଃ ଶୁ ୨

୭ ଆରି ଆତେନ୍ ତୁଆ ବିତ୍ରେବାନ୍ ଦେକ୍‌ରକମ୍ ଉତର୍ ବିଏ ଆନେଙ୍ଗକେ କଷ୍ଟ ଆବିଗେ ନାମଃ; ଶୁଁସାଙ୍ଗ୍ ବନ୍ଦ୍ ତିଙ୍ଗ୍ ଆରି ନେଙ୍ଗ୍‌ନେ ଗଡ଼େଅ ନେଙ୍ଗ୍ ଏଡେ ତୁଲେଗ୍ ଲେଃକେ; ନେଙ୍ଗ୍ ତଡ଼ିଆଚେ ଆନାକେ ବିଃନାୟା ଶୁ ୨”

୮ ନେଇଁ ଆପେକେ ବାସଙ୍ଗଣ୍ଡିଂ ମେଁ ସତେଆ ମେଁନେ ସାଙ୍ଗ ଶୁଲୁଆ ବି ଶୁ ହୁତଲା ତିଗ୍ ମେଁ ମାଗୁଏଚରେ ପ୍ରେଗ୍ ପ୍ରେଗ୍ ସାଲିଆ ଲେଲା ମେଁ ତଡ଼ିଆରେ ମେଁନେ ଉଡ଼ି ଦରକାର ଆମେକେ ଅଃତେନ୍ ବିଏ ।

୯ “ନେଇଁ ତିଗ୍ ଆପେକେ ବାସଙ୍ଗଣ୍ଡିଂ ସାଲିଆପା ତେଲା ଆପେକେ ବିଏ; ତୁରପା ତେଲା ପେବାଏ; ଶୁଁସାଙ୍ଗନ୍ନିଆ ବଗ୍ପା ତେଲା ପେଇଂନ୍ସା ରଃବିଏ ।”

୧୦ ତାଗ୍ଲା ଜା ସାଲିଆଏ ମେଁ ବାଏ; ଜା ତୁରଏ ମେଁ ଅବାଏ; ଆରି ଜା ଶୁଁସାଙ୍ଗନ୍ନିଆ ବଗ୍ସ ମେଁ ନ୍ସା ରଃ ବିଏ ।

୧୧ ଆରି ପେନେ ବିତ୍ରେ ଦେକ୍‌ରକମ୍ ଆବା ଜା ଲେଃକେ ଆଜାକେ ମେଁନେ ଉଙ୍ଗତେ ଆଃଡ଼ ସାଲ୍ୟାଲା, ମେଁ ଆମେକେ ଆଃଡ଼ ମାବିଚେ ବୁବଃ ବିଏ ?

୧୨ ଶୁଲୁଆ ଡ୍ରାସେଙ୍ଗ୍ ସାଲିଆ ମେଁ ଆମେକେ ଙୁଆରେଗ୍ ବିଏ ?

୧୩ ଏନ୍ସା ପେଇଂ ଦୁଷ୍ଟ ତିଙ୍ଗଲା ତିଗ୍ ପେ ନିଜର୍ ନିଜର୍ ଗଡ଼େଇଂକେ ନିମାଣ୍ଡା ଜିନିସ୍ ବିପେଡ଼ିଙ୍ଗ୍‌କେ । ତେଲା ପେଇଂନେ କିତଂନେ ଆବା ତାଗ୍ଲା ଜାଣ୍ଡେଇଂ ସାଲ୍ୟାଏ ମେଁ ଆମେଇଂକେ ଆରି ଉଡ଼ି ନିମାଣ୍ଡା ଜିନିସ୍ ଜବର୍ ବାବ୍‌ରେ ପବିତ୍ର ଆମ୍ବା ବିଏ !

ଜିସୁ ଆରି ବାଆଲ୍‌ଜିବୁଲ୍

(ମାତିଉ ୧୨:୨୨-୩୦; ମାର୍କ ୩:୨୦-୨୭)

୧୪ ମୁଇଂତର୍ ଜିସୁ ମୁଇଙ୍ଗ୍ ବୁଡ଼ ସାଃକ୍ନେ କନ୍ୟା ରେମୁଆଁକେ ନିମାଣ୍ଡାଃ ଆଃଡ଼ିଂକେ । ଆତେନ୍ ବୁଡ଼ କନ୍ୟା । ସେଆଁରେ ତାର୍ ଝେନେ ଇଡ଼ିଙ୍ଗ୍ କନ୍ୟା ରେମୁଆଁ ସାମୁଆଁ ବାସଙ୍ଗକେ ଆରି “ଆଡ଼ ଅରିଆ ଲେଃକ୍ନେ ରେମୁଆଁ ଇରିଆଃଡୁଗ୍ ଲେଃଗେ ।”

୧୫ ମାତର୍ ମେଇଂ ବାନ୍ ଜାଣ୍ଡେ ଜାଣ୍ଡେ ବାସଙ୍ଗଆରକେ “ସେଆଁରେନେ ନେତା ବାଆଲ୍‌ଜିବୁଲନେ ବପୁ ଏଡେ ଜିସୁ ଗଲିଆକେ ଆଃଆନ୍ତାର୍ଡିଂକେ ।”

୧୬ ✨ବିଃଣ୍ଡେଇଂ ଜିସୁକେ ପାନ୍‌ନ୍ନିଆ ଲାଗ୍ ନ୍ସା ଚାଏଁଡିଙ୍ଗେ । ତେଲା ଇସ୍‌ପର୍ ଜେ ମେଁନେ ଏଡେ ଲେଃଗେ ଆକେନ୍ ତିନ୍ ରକମ୍

☆ ୧୧:୧୭ ମାତିଉ ୧୨:୩୮; ୧୭:୧; ମାର୍କ ୮:୧୧.

ଇରିଆଡୁର କାମ ମୁଇଙ୍କ ଆସୁଏନେ ପଡ଼େଏ କିତଂବାନ୍ ମୁଇଙ୍କ ଚିନ୍ ଆଃସୁଏ ନଂସା ବାସଙ୍କକେ ।

୧୭ ମାତର୍ ଜିସୁ ମେଇଙ୍କନେ ମନ୍ ଚିନ୍ତା ମ୍ୟାଲେଃକେ “ତେସା ମେଁ ଆମେଇଂକେ ବାସଙ୍କକେ ମେଃଡିଗ ରାଜିନ୍ନିଆ ତାଆଁ ଜୁଦ୍ ଲାଗେଲା ଆତାନ୍ ରାଜିନ୍ନିଆ ନସ୍ ଡିଙ୍ଗ୍ଏ ଆଡିନେ ତୁଆ ଝିଙ୍ଗ୍ଆ ରିଙ୍ଗ୍ଆ ଡିଙ୍ଗ୍ଲା ଆତାନ୍ ତୁଆ ପାକ୍ତି ଝେଏ ।

୧୮ ଆରି ସଏତାନ୍ ଡିଗ୍ ବିନେ ଡିଙ୍ଗ୍ରେ ନିଜେନେ ବିରଦ୍ରେ ନିଜେ ତଡ଼ିଆଡିଙ୍ଗ୍କେ ତେଲା ମେଁନେ ରାଇଜ୍ ଡିରକମ୍ ବୁଙ୍ଗ୍ ଲେଃଏ ? ନେଙ୍ଗ୍ ବାଆଲ୍ଜିବୁଲ୍ନେ ସାଇଜରେ ସେଆଁରେଇଂକେ ଆଆନ୍ତାର୍ ତାଗ୍ରେ ପେ ତ ବାସଙ୍କପେଡ଼ି ।

୧୯ ମାତର୍ ନେଙ୍ଗ୍ ଅଃନା ବାଆଲ୍ଜିବୁଲ୍ ସାଇଜରେ ସେଆଁରେ ଆଆନ୍ତାର୍ ଶ୍ରିଂକେ ତେଲା ପେନେ ଉଙ୍ଗ୍ଡେଇଂ ଜାନେ ସାଇଜରେ ଆମେଇଂକେ ଆଃଆନ୍ତାର୍ଏ ? ତେଲା ମେଇଂ ପେନେ ନିଜର୍ନେ ଗଡ଼େଅଇଂ ପାର୍ମାନ୍ ଡିଙ୍ଗ୍ ଆର୍ଏ ଜେ ପେଇଂ ବୁଲ୍ ।

୨୦ ଶ୍ରି ତେଲା ଇସ୍ପର୍ନେ ବପୁ ଏତେ ନେଙ୍ଗ୍ ସେଆଁରେଇଂକେ ଆଃଆନ୍ତାର୍ଶ୍ରିଂକେ ଆରି ଏନ୍ ପାର୍ମାନ୍ ଡିଙ୍ଗ୍ଏ ଜେ ଇସ୍ପର୍ନେ ରାଇଜ୍ ପେନେ ତାଗ୍ ପାଙ୍ଗ୍ ଡିଙ୍ଗ୍ ।

୨୧ ତାର୍ ରେମୁଆଁ ଉଡ଼ିଜାକ ଅସ୍ତସସ୍ତ ସାଚେ ଆର୍ମେଚେ ନିଜେନେ ଅ ରକ୍ୟା ଆଡିଙ୍ଗ୍ଏ, ଆତେନ୍ ଜାକ ମେଁନେ ଦନ୍ ସମ୍ପତି ଆରାମ୍ସେ ଲେଃଏ;

୨୨ ମାତର୍ ଉଡ଼ିବେଲା ମେଁବାନ୍ ଜାବର୍ ବପୁ ରେମୁଆଁ ଆମେକେ ବାଗୁଏଃଚେ ମେଁ ଜିତେଏ ଆତେନ୍ ବେଲା ଆଣ୍ଡିନେ କାଣ୍ଡା ମେଁ ଆଡ଼ାତ୍ରା ଆସା ଡିଙ୍ଗ୍ବଏ, ଆତେନ୍ ସାପା ମେଁ ରାଃ ତୁଂତଏ ଆରି ମେଁନେ ଜିନିସ୍ ବାଟାଚେ ତୁଂତଏ ।”

୨୩ ☆ଜା ନେଙ୍ଗ୍ ଏତେ ଆମିସେ ଶ୍ରି ଡୁମ୍ ସତେଆ ନେଙ୍ଗ୍ନେ ସାହା ମୁଡ଼ି ରେମୁଆଁ ରାଃସିଙ୍ଗ୍ନେ ନଂସା ଆନେଇଂକେ ସାଆଜ୍ୟ ଆଡିଙ୍ଗ୍ ଶ୍ରି ମେଁ ଗୁଏଃଏ ।

ଆବୁଲେ ଆମ୍ବା ଆଣ୍ଡେପାଙ୍ଗ୍କେ
(ମାତିଡ ୧୨:୪୩-୪୫)

☆ ୧୧:୨୩ ମାର୍କ ୯:୪୦.

୨୪ “ସେଆଁରେ ମୁଇଙ୍ଗ୍ ରେମୁଆଁବାନ୍ ତାରକ୍ଲେ ଇଡ଼ିଙ୍ଗ୍ ମେଁ ଶ୍ରିଆଃ ଶ୍ରିବୁନେ ଜାଗା ଅଲେଙ୍ଗ୍ ଅଲେଙ୍ଗ୍ତେ ପୁଣ୍ଡେନ୍‌ସା ତୁର୍ ତିଙ୍ଗ୍ ଆରି ଆତେନ୍ ମାଅବାଚେ ବାସଙ୍ଗ୍‌ଏ ନେଙ୍ଗ୍ ଆଣ୍ଡିନେ ତୁଆ ବାନ୍ ତାର୍‌ଚେ ପାଙ୍ଗ୍ ନ୍ଲେଗେ ନେଙ୍ଗ୍ ଆତେନ୍ ତୁଆ ଆଣ୍ଡେ ଝିଗ୍‌ଏ;

୨୫ ଆରି ମେଁ ଆଣ୍ଡେ ପାଙ୍ଗ୍‌ଚେ ପରଚଲ୍ ଆରି ସଜେଚେ ବକ୍ଲେ କେଏ ।

୨୬ ଆତେନ୍ ବେଲା ବାଏରେ ଝେଚେ ମେଁନେ ବାନ୍ ମାଲେ ଦୁଷ୍ଟ ଆରି ଗୁଲ୍ଲିଗ୍ ଆମ୍ବା ଏଚେ ତୁଙ୍ଗ୍ ପାଙ୍ଗ୍‌ଏ ଆରି ମେଇଂ ଗାଚେ ଆଡ଼ ଅରିଆ ବାସା ଆର୍‌ଏ ବାରି ଆତେନ୍ ରେମୁଆଁନେ ପର୍‌ତୁମ୍ କସ୍ ବାଦୁଲ୍ ଇଡ଼ିଙ୍ଗ୍ କସ୍ ଜାବର୍ ଦଦ୍ୟା ତିଙ୍ଗ୍‌ଏ ।”

ସତେଆ ସୁକ୍

୨୭ ଜିସୁ ଆକେନ୍ ସାପା ସାମୁଆଁ ବାସଙ୍ଗ୍ ତିଙ୍ଗ୍‌ନେ ବେଲା ରେମୁଆଁଇଂନେ ବାନ୍ ମୁଇଙ୍ଗ୍ ସେଲାମ୍‌ୟ୍ ଜାବର୍ କିରଚେ ବାସଙ୍ଗ୍‌କେ “ଦନ୍‌ଏ ନାନେ ସୁଲ୍‌ଏ ଜାଣ୍ଡେ ଆନାକେ ଜନମ୍ ବିବ ଆରି ଆତେନ୍ ତ୍ରାଡ଼ିଆ ଆଉଗ୍ ବକେ ଆଡ଼ବା ନାନେ ନାବୁଃକେ ।”

୨୮ ମାତର୍ ଜିସୁ ବାସଙ୍ଗ୍‌କେ, “ନାନେ ଜାଣ୍ଡେଇଂ ଇସ୍‌ପର୍‌ନେ ସାମୁଆଁ ଅଆର୍‌ଏ ଆରି ପାଲେ ଆର୍‌ଏ ମେଇଙ୍ଗ୍ ଆଃ ଦନ୍‌ଏ ।”

ଇରିଆତୁଗ୍ ସ୍ଲେନ୍‌ସା ଦାବି

(ମାତିଉ ୧୨:୩୮-୪୨)

୨୯ ✠ରେମୁଆଁଇଂ ମାନ୍ଦା ମାନ୍ଦା ତିଙ୍ଗ୍‌ଚେ ମେଁନେ ତାଗ୍ରା ମୁଇଂନ୍ନିଆ ତିଙ୍ଗ୍‌ନେ ବେଲା ଜିସୁ ବାସଙ୍ଗ୍‌ନେ ମୁଲେକେ ଏନ୍ ଆକେନ୍ ରେମୁଆଁଇଂ ଉଡ଼ି ଦୁଷ୍ଟ ତିଙ୍ଗ୍ ଆର୍‌ଏ ତିଙ୍ଗ୍‌କେ; ଆକ୍‌ମେଇଂ ଚିନା ତୁର୍‌ଆର୍‌ଏ ମାତର୍ ମୁନ୍‌ସ୍‌ନେ ଚିନା ଆନ୍ତାଚେ ବିନେ ମେଃଡ଼ିଗ୍ ଚିନା ଆମେଇଂକେ ଆବି ଆର୍‌ଏ ଶ୍ଟୁ ।

୩୦ ତାଗ୍ରା ମୁନ୍‌ସ୍ ତିଡ଼ିକି ନିନାବିନେ ନ୍‌ସା ଚିନା ରକମ୍ ତିଙ୍ଗ୍‌କେ ରେମୁଆଁ ଉଙ୍ଗ୍‌ଡେ ତିଗ୍ ଦେତୁଆଆ ଏନ୍ ଆକେନ୍ ରେମୁଆଁନେ ସୁଗୁଆ ତିଙ୍ଗ୍ ଆର୍‌ଏ ।

✠ ୧୧:୨୯ ମାତିଉ ୧୨:୪; ମାର୍କ ୮:୧୨.

୩୧ ଦକିନ୍ ଦେସ୍‌ରେ ରାନ୍ ବିଚାରନ୍ନିଆ ଏନ୍ ରେମୁଆଁ ଏତେ ତଡ଼ିଆରେ ଆକମେଇଁକେ ଦସ୍ ଆଡ଼ିଙ୍ଗ୍ ଆରଏ ମେଠନ୍‌ସା ଡାଗ୍ଲା ମେଁ ଶଲୋମନ୍‌ରେ ବୁଦିନେ ସାମୁଆଁ ଅଁନ୍‌ସା ମଞ୍ଚପୁରନେ ଆଠଡ଼ାବାନ୍ ପାଙ୍ଗଲେ ଆରଗେ; ଆରି କେଲାପା ଶଲୋମନ୍ ବାଦୁଲ୍ ମ୍ଲ ସାମୁଆଁ ଏନ୍ ଜାଗାନ୍ନିଆ ଲେଠକେ ।

୩୨ ନିନାବିନେ ରେମୁଆଁଇଁ ବିଚାର ଦିନ୍ ଏନ୍ ଆକେନ୍ ରେମୁଆଁଇଁ ଏତେ ତଡ଼ିଆରେ ଆକମେଇଁକେ ଦସ୍ ଆଡ଼ିଙ୍ଗ୍ ଆରଏ, ଡାଗ୍ଲା ମେଇଁ ମୁନ୍‌ସନେ ବାସଙ୍ଗ୍‌କ୍ଲେ ବାନ୍ ମନ୍‌କେ ଆବକ୍ଲେ ବଆରଗେ; ଆରି କେଲାପା ମୁନ୍‌ସ ବାନ୍ ମ୍ଲ ବିସୟ୍ ଏନ୍ ଜାଗାନ୍ନିଆ ଲେଠକେ ।

ଗାଗ୍‌ଡେନେ ତାକର୍‌ଗ୍‌ସ
(ମାତିଉ ୫:୧୫; ୬:୨୨-୨୩)

୩୩ ☆ଜା କୁପିସ ଆଠଡୁଆରେ ବୁଡ଼ିରେ ଆବଣ୍ଡୁଣ୍ଡୁଲ୍ଲା କୁଇ ବୁନ୍ଦେ ଆବ ଶ୍ଟୁମାତର୍ କୁପିସ ବମ୍ୟାକ୍ଲେ ଆଡ଼ାଡ଼ା ବଏ ଡିଡ଼ିକି ବିଡ୍ରେ ଗାକ୍ଲେ ରେମୁଆଁଇଁ ତାରକିଗ୍‌କ୍ଲେ କେୟାଆରଏ ।

୩୪ ପେନେ ମୁଆଠ ଗାଗ୍‌ଡେନେ କୁପିସ । ଉଡ଼ିବେଲା ପେନେ ମୁଆଠ ଅଠନା ପରକଲ୍ ଲେଠଏ, ଅଠତେନ୍ ବେଲା ପେନେ ସାପା ଗାଗ୍‌ଡେ ତାକର୍‌ଗ୍‌ସୁଗୁଆ ଡିଙ୍ଗ୍‌ଏ; ମାତର୍ ଉଡ଼ିବେଲା ଆତେନ୍ ଆଲ୍ଲା ଲେଠଏ ଅଠତେନ୍ ବେଲା ପେନେ ଗାଗ୍‌ଡେ ଡିଗ୍‌ ସାପା ଆଡ଼ାଙ୍ଗକିଗ୍‌ଲେ ।

୩୫ ତରକ୍ ଲାଲାପା ଡିଡ଼ିକି ପେନେ ଜିବନ୍‌ରେ ତାକର୍‌ଗ୍‌ ଆଡ଼ାଙ୍ଗକିଗ୍‌ଲେ ।

୩୬ ତେଲା ପେନେ ସାପା ଗାଗ୍‌ଡେ ତାକର୍‌ଗ୍‌ସ ଆରି ଆଡ୍ ଅରିଆ ମେଠଣ୍ଡିଗ୍ ସିର୍ ଆଡ଼ାଙ୍ଗକିଗ୍‌ଲେ ତେଲା କୁପିସ ଡିଡ଼ି ତାକର୍‌ଗ୍‌ ତାରାସ୍ ଆପେକେ ତାକର୍‌ଗ୍‌ ବିଏ ଦେଡୁଆଆ ପେନେ ତାକର୍‌ଗ୍‌ ଜିବନ୍ ତାକର୍‌ଗ୍‌ ବିଏ ।

ଜିସୁ ଫାରୁଶୀ ଆରି ଦର୍ମ ଗୁରୁଇଁକେ ଦସ୍ ଡିଙ୍ଗ୍‌କେ
(ମାତିଉ ୨୩:୧-୩୬; ମାର୍କ ୧୨:୩୮-୪୦)

☆ ୧୧:୩୩ ମାତିଉ ୫:୧୫; ମାର୍କ ୪:୨୧; ଲୁକ ୮:୧୭.

୩୭ ଜିସୁ ବାସଙ୍ଗନେ ବେଲା ମୁଇଙ୍ଗ ଫାରୁଗୀ ଜିସୁକେ ନିଜେନେ ତୁଆନ୍ନିଆ ଚଙ୍ଗନେସା ଝାକେ ଆରି ଆତେନ୍ ତୁଆନ୍ନିଆ ଗାଚେ ତୁଚଙ୍ଗନିଆ କକେ ।

୩୮ ମାତର୍ ଚଙ୍ଗନେ ସେନ୍ତୁର୍ ମାଗୁଏତି ମାଗୁଏଚ ଲେଃଗେ ଆତେନ୍ କେଚେ ପାରୁସି କାବା ତିଙ୍ଗ ଲେଃଗେ ।

୩୯ ଆଡ୍ ଅରିଆ ମାପୁ ବାସଙ୍ଗକେ “ପେ ପାରୁସିଙ୍ ତାଲି ଗିନା ବାଏରେ ପର୍ଚଲ୍ଲ ତିଙ୍ଗପା । ମାତର୍ ପେନେ ବିତ୍ତେ ତଙ୍ଗା ଚଙ୍ଗନେ ଦୁଷ୍ଟ ତିଂପେତିଙ୍ଗକେ ।

୪୦ ଅ ନିର୍ବୁଦି ଜା ବାଏରେ ତିଆର୍ ଆତିଙ୍ଗକେ ମେଁ କି ବିତ୍ତେ ତିଗ୍ ତିଆର୍ ଆତିଙ୍ଗକେ ଶୁ ?

୪୧ ପେନେ ମେଁନେ ସାପା ଲେଃକେ; ଆତେନ୍ ଦାନ୍ ବିଃପା ତେଲା ପେ ନିମାଣ୍ଡା ପେଲେଏ ।”

୪୨ “ଅ ପାରୁସିଙ୍ ପେନେ ସାରାସାରି ତଣ୍ଟ ବଡ଼େ ବୟଙ୍ଗାର୍ ତିଙ୍ଗଏ ! ପେ ପୋଦିନା, ଆମାଃ ସାପାନେ ଗୁଆ ବାଗ୍ ବାନ୍ ମୁଇଁ ବାଗ୍ ଇସ୍ପରକେ ବିବପା । ତାଗ୍ଲା ନ୍ୟାୟ୍ ବିଚାର୍ ବାରି ଇସ୍ପରନେ ଆଡ଼ାତ୍ରା ଆଲାଦ୍ ଅବଏଲା ତିଙ୍ଗପେବଏ; ଏନ୍କେ ମ୍ବାଃ ଜାଗା ବିଃପା; ବିନ୍ ଇଁ ବିସୟ୍ ସାପା ତିଗ୍ ଅବଏଲା ଆତିଙ୍ଗପା ।”

୪୩ “ଅ ଫାରୁଗୀଇଁ ପେନେ ତଣ୍ଟ ମ୍ବା ବୟଙ୍ଗାର୍ । ତାଗ୍ଲା ପେଇଁ ପାର୍ଚନା ତୁଆନ୍ନିଆ ମ୍ବା ଆସନ୍ ବାରି ସାନ୍ତାନ୍ନିଆ ନମସ୍ତାର୍ ବାନ୍ସା ଆଲାଦ୍ ନାତିଏ ।

୪୪ ଆୟ୍ ପେଇଁ ତଣ୍ଟ ପେବାଏ ମେନ୍ସା ତାଗ୍ଲା ପେ ବୁଡ଼ି ପେଲେକ୍ଲେ ଆତେନ୍ ରାଃଚ୍ୟା ତୁଆ ସୁଗା ଜା ଆଡ଼ାତ୍ରା ରେମୁଆଁଇଁ ମାମ୍ୟାଚେ ଅଲେଙ୍ଗ୍ ଝେଏ ।”

୪୫ ଆଡ୍ ଅରିଆ ଦର୍ମ ସାସ୍ତ୍ରିନେ ମୁଇଁଜା ଆମେକେ ବାସଙ୍ଗକେ “ଅ ଗୁରୁ ଏନ୍ ବାସଙ୍ଗଚେ ନାନେ ଆନେକେ ତିଗ୍ ଅପ୍ମାନ୍ ତିଙ୍ଗ ନାତିଙ୍ଗ ।”

୪୬ ଜିସୁ ଉତର୍ ବିକେ “ଏ ଦର୍ମ ସାସ୍ତ୍ରିଇଁ ମେଃନ୍ସା ତାଗ୍ଲା ପେ ରେମୁଆଁଇଁ ଆଡ଼ାତ୍ରା ତାଚ୍ନେ ନିଅମ୍ନେ ଅଜନ୍ ଜାବର୍ ଲାଦେ ପେତିଙ୍ଗ୍ ଜେ ଆତେନ୍ ମାନେନ୍ସା କଷ୍ଟ ଲାଗେ ତିଙ୍ଗ୍ । ଏନ୍ ନିୟ୍ମ୍ ମାନେନ୍ସା ଆପେକେ ରେମୁଆଁଇଁକେ ତିଗ୍ ଜବର୍ଜସ୍ତି ତିଙ୍ଗ୍

ପେଡ଼ିଙ୍ଗ୍ ମାତର ନିଜେ ଅଃନାଡ଼ିଗ୍ ଆକ୍‌ବାନ୍ ମେଃଃଣ୍ଡିଗ୍ ମୁଇଙ୍ଗ୍ ଡିଗ୍ ନିୟମ୍ ପାଲେନ୍‌ସା ସାହା ପେଡ଼ିଙ୍ଗ୍‌କେ ଶୁ ।

୪୭ ଆୟ ପେଇଁ ତଣ୍ଡ ପେବାଏ ଡାଗ୍ଲା ପେଇଁ ବାବବାଦିଇଁନେ ସବାକ୍ଲେ ରାଃଟ୍ୟା ଆମେ ବପା ଜାଣ୍ଡେଇଁକେ ପେନେ ଡ୍ରାଞ୍ଜା ଆଃ ଆମେଇଁକେ ବାଗୁଏଃ ବଗେ ।

୪୮ ନାନେ ତେଲା ଆତେନ୍‌ସା ପେଇଁନେ ପେନ୍ତା ପେଞ୍ଜାଃ କାମ୍ ବିସୟରେ ପେଇଁ ସାକି ପେଲେକେ ଆରି ଆତେନ୍ ଏତେ ପେଡ଼ିଙ୍ଗ୍‌କେ ଡାଗ୍ଲା ମେଇଁ ସିନା ଆମେଇଁକେ ବାଗୁଏଃ ବଗେ ମାତର ପେଇଁ ମେଇଁନେ ଗୁଡ଼ମ୍ ଆରେ ବପା ।

୪୯ ଆତେନ୍‌ସା ଇସପର ଡିଗ୍ ନିଜେ ବୁଦିନେସା ବାସଙ୍ଗ୍‌ଡିଙ୍ଗ୍ ନେଙ୍ଗ୍ ମେଇଙ୍ଗ୍‌ନେ ବାବବାଦି ଆରି କବର ଆଃଝେଟାଣ୍ଡେକେ ମେଇଁ ଡାଗ୍ଲା ବେନେଡ଼ିଙ୍ଗ୍; ମେଇଁନେ ଆଜା ଆଜାକେ ମେଇଁ ବାଗୁଏଃ ଆରଏ ଆରି ଆଜା ଆଜାକେ ଡାଡ଼ନା ଡିଙ୍ଗ୍‌ଆରଏ ।

୫୦ ଏନ୍ ଜୁଗ୍‌ନେ ରେମୁଆଁଇଁ ମଞ୍ଚପୁର ଡିଆର ଡିଙ୍ଗ୍‌ନେ ସେନୁଗ୍ ସାପା ବାବବାଦି ଇଁନେ ବାଗୁଏଃକ୍ଲେସା ତଣ୍ଡ ବାଆରଏ

୫୧ ହେବଲନେ ମରନ୍‌ବାନ୍ ଆରାମ୍ ଡିଁରେ ଯିଖରିୟନେ ଜାକ ଆଜାକେ ବେଦି ଆରି ପବିତ୍ର ଟାନ୍ ବିଡ୍ଡେ ବାଗୁଏ ବାଆରଗେ । ନିଁ ଆପେକେ ବାସଙ୍ଗ୍‌ଡିଙ୍ଗ୍‌କେ ଆକେନ୍ ଜୁଗ୍‌ନେ ରେମୁଆଁଇଁ ଆତେନ୍ ସାପା ନସା ତଣ୍ଡ ବାଆରଏ ।

୫୨ ଅ ଦର୍ମ ସାସ୍ତି ! ପେ ତଣ୍ଡ ପେବାଏ ମେଃନସା ଡାଗ୍ଲା ପେ ଇସପରନେ ନିୟମ୍ କୁଟିକାଡ଼ି ବୁଃଡ଼ି ପେବିଗେ । ନିଜେ ଇସପରନେ ନିମାନ୍ ବୁଦି ପେସିକେକେ ଶୁ ୂଲେଃ ଜାଣ୍ଡେଇଁ ସିକେ ନସା ଇକ୍‌ଟା ଲେଃଗେ ଆମେଇଁକେ ଡିଗ୍ ସିକେ ନସା ପେବିକେ ଶୁ ।”

୫୩ ଆରି ଜିସୁ ଆଡ଼ବାନ୍ ତାର୍‌ଝେଗେ ଇଡ଼ିଙ୍ଗ୍ ଦର୍ମ ଗୁରୁ ଆରି ପାରୁସିଇଁ ଗିସେ ଡିଙ୍ଗ୍‌ରେ

୫୪ ମେଃନସା ଡାଗ୍ଲା ମେଇଙ୍ଗ୍ ଜିସୁକେ ମେଃଃଣ୍ଡିଗ୍ ଦଦ୍ୟା ସାମୁଆଁ ବାସଙ୍ଗ୍‌ଲା ନେନେ ପାନ୍‌ନ୍ନିଆ ନେଲ୍ଲାଗ୍ ଡାଗ୍‌ରେ ଗାଲି ପ୍ରସନ୍ ସାଲ୍ୟାକୁ ଆରଡ଼ିଙ୍ଗେ ।

କୁର୍ ଜଗ୍ଣେକେ ତରକ୍ ଲାଲାପା
(ମାତିଉ ୧୦:୧୭-୨୭)

୧ ଅଜାର୍ ଅଜାର୍ ରେମୁଆଁ ପାଇଁ ରିସିଂଚେ ମେଇଂମେଇଂ ଆଡ଼ାଡ଼ା ଟେଟା ତୁଂପାଂତିଂଆରଗେ; ଆଡେନ୍ ବେଲା ଜିସୁ ସେନ୍ତୁଗ୍ ମେଁନେ ସିସ୍‌ଇଂକେ ବାସଙ୍ଗ୍‌ନେ ମୁଲେକେ, ଫାରୁଣୀଇଂନେ ଖମୀରବାନ୍ ମୁ ଲାଲାପା, ନେଙ୍ଗ୍ ବାସଙ୍ଗ୍‌ନେ ମେଠନେ ଡାଗ୍ଲା ମେଇଂ କୁର୍ ଜଗ୍ଣେକେ ତରକ୍ ଲାଲାପା ।

୨ ✨ବୁଡ଼ି ଲେଠକେ ସପା ଜିନିସକେ ବାସଙ୍ଗ୍ ଆରଏ ବୁଡ଼ି ଲେଠକେ ସାପା ବିସଏକେ ନ୍‌ଏ ।

୩ ପେଇଂ ମେଠନେ ତାଂକିଗ୍‌ନିଆ ବାସଙ୍ଗ୍ ପେବଏ ଆଡେନ୍ ସାପା ସ୍ଥିବେଲା ଆଂଃଅଏ ଆରି ମେଁନେ ତୁଆ ବିତ୍ରେ ବୁଃଡ଼ି ଲେଠକେ ଆଡେନ୍ ସାପା ରେମୁଆଁ ଶୁ ଚୁନେନେ ଜାଗାନ୍ନିଆ ବାସଙ୍ଗ୍ ପେବକେ । ଆଡେନ୍ ରେସାଂ ଆଡ଼ାଡ଼ା ବାଲିର୍ ଆରଏ ।

ଆଜାକେ ନେବ୍‌ଟପା
(ମାତିଉ ୧୦:୨୭-୨୭)

୪ ଏ ନେଙ୍ଗ୍‌ନେ ସାଙ୍ଗ୍‌ଇଂ ଆପେକେ ବାସଙ୍ଗ୍‌ଣିଂ ଜାଣ୍ଡେଇଂ ଗାଗଡ଼େକେ ବାଗୁଏଃଆରଏ, ମାତର୍ ଇଡ଼ିଙ୍ଗ୍ ମେଠଡ଼ିଗ୍ ଡିଙ୍ଗ୍ ଆୟାଆର୍ ଶୁ ଆମେଇଂକେ ଆପଟଗପା ।

୫ ମାତର୍ ଆଜାକେ ପେବ୍‌ଟଏ, ଆଡେନ୍ ନେଙ୍ଗ୍ ଆପେକେ ଶ୍ରୀମ୍ୟାଏ; ବାଗୁଏଃକେ ଇଡ଼ିଙ୍ଗ୍ ନର୍କନ୍ନିଆ ଜ୍ଞାଗନ୍‌ସା ମୁଡ଼ି ଇସ୍‌ପର୍‌ନେ ଅଦିକାର୍ ଲେଠକେ ଆମେକେ ବୁଟପା; ସଡେଆ ନେଙ୍ଗ୍ ଆପେକେ ସଡ଼ ବାସଙ୍ଗ୍‌ଣିଂ ଆମେକେ ବୁଟପା ।

୬ “ମ୍ବାକ୍‌ଗି କିଆପିଗ୍‌କେ ମେଠନେ ମ୍ବାକ୍‌ଗି ତାବୁରେ ଆସ ଶୁ? ତେଲାଡ଼ିଗ୍ ଇସ୍‌ପର୍ ମୁଇଙ୍ଗ୍ କିଆପିଗ୍‌କେ ଶ୍ରିଗ୍ ଆଆବ ଶୁ ।

୭ ମାତର୍ ପେନେ ବାଆଠନେ ସର୍‌ଡେ ଉଗବ ଇସାବ୍ ଡିଙ୍ଗ୍‌ବକେ । ଆବଟଗେପା; ପେ ଗୁଲୁଏ କିଆପିଗ୍ ବାନ୍ ମ୍ବା ।”

ଜିସୁ ମାପୁକେ ଆଗ୍ୟାସଃଗେପା
(ମାତିଉ ୧୦:୩୨-୩୩; ୧୨:୩୨; ୧୦:୧୯-୨୦)

✨ ୧୨:୨ ମାରକ ୪:୨୨; ଲୁକ ୮:୧୭.

୮ ଆରି ନେଙ୍କ ଆପେକେ ସତ୍ ବାସଙ୍ଗଣ୍ଡିଙ୍ଗ, ଜାଣ୍ଡେକି ରେମୁଆଁଇଁ ତାଗ୍ରା ଆନେଙ୍କ ମାପୁ ତାଗ୍ତେ ବାଲିର୍ ଆରଏ, ରେମୁଆଁ ଉଙ୍ଗଡେ ଡିଗ୍ ଇସପରକେ ଦୁଡ଼ଇଁ ସାମୁଆଁ ତାଗ୍ରା ମ୍ୟାଲ୍ଲେକେ ତାଗ୍ତେ ଆମେକେ ବାସଙ୍ଗଆରଏ ।

୯ ମାତର୍ ମୁଡ଼ି ରେମୁଆଁଇଁନେ ସାକ୍ୟନ୍ନିଆ ଆନେଙ୍କ ଅବିସବାସ ଡିଙ୍ଗଏ, ମେଁ ଇସପରନେ ଦୁଡ଼ଇଁନେ ସାକ୍ୟନ୍ନିଆ ଆମେକେ ନ୍ନାମ୍ୟାକେ ଶୁ ତାଗ୍ତେ ବାସଙ୍ଗ ଆରଏ ।

୧୦ ✨ଆରି ମୁଡ଼ି ରେମୁଆଁ ଉଙ୍ଗଡେନେ ବିରଦ୍ରେ ସାମୁଆଁ ବାସଙ୍ଗଏ ଆମେକେ କେମା ଡିଙ୍ଗ ବିଆରଏ; ମାତର୍ ଜା ପବିତ୍ର ଆମ୍ବାନେ ବିରଦ୍ରେ ନିନ୍ଦା ସାମୁଆଁ ବାସଙ୍ଗଏ ଆମେକେ କେମା ଆବିଆରଣ୍ଡୁ ।

୧୧ ଆରି ଉଡ଼ିବେଲା ଜିଉଦିଇଁ ଆପେକେ ପାରତନା ତୁଆନିଆ ଆରି ସାସନ୍ ଆରି କେମା ଡିଙ୍ଗଣ୍ଡେନିଆ ତୁଂପାଙ୍ଗଏ, ଆତେନ୍ ବେଲା ପେ ନିଜେନେସା ଡିରକମ୍ ଉତର୍ ପେବିଏ କି ମେଃନେ ପେବାସଙ୍ଗଏ, ଆତେନ୍ ବିସୟରେ ଚିନ୍ତା ଆଡ଼ିଙ୍ଗପା ନାମଃ;

୧୨ ତାଗ୍ଲା ମେଁନେ ବାସଙ୍ଗଲା ଡିଙ୍ଗଏ ଏନ୍ ପବିତ୍ର ଆମ୍ବା ଆତେନ୍ବେଲା ଆପେକେ ଆମ୍ୟା ବିଏ ।

ମୁରକ ସାକାରନେ ବିସୟ

୧୩ ରେମୁଆଁଇଁବାନ୍ ମୁଇଁଜା ଆମେକେ ବାସଙ୍ଗକେ “ଅ ଗୁରୁ ନେଙ୍କ ନେନାଙ୍ଗକେ ନେଙ୍କ ଏତେ ନେବାନେ ସମ୍ପତ୍ତି ବାଟା ବିଃନ୍ସା ବାସଙ୍ଗ ।”

୧୪ ମାତର୍ ଜିସୁ ଆମେଇଁକେ ବାସଙ୍ଗକେ “ଏ ସାଙ୍ଗ ଜାଣ୍ଡେ ଆନେଙ୍ଗକେ ପେନେ ଆଡ଼ାଡ଼ା ବିଚାର୍ ଡିଙ୍ଗନେ ଆରି ବାଟା ବିଃନ୍ସା ଜା ଆନେଙ୍ଗକେ ଅଦିକାର୍ ବିବକେ ?”

୧୫ ଆରି ଜିସୁ ଆମେଇଁକେ ବାସଙ୍ଗକେ “ତରକ୍ ସାପା ରକମ୍ନେ ଲବ୍ବାନ୍ ନିଜେ ନିଜେକେ ମ୍ଲ ବପା ମେଃନ୍ସା ତାଗ୍ଲା ମୁଇଙ୍ଗ ରେମୁଆଁନେ ଜିବନ୍ ମେଁନେ ସମ୍ପତ୍ତି ଆଡ଼ାଡ଼ା ଆସା ଆଡ଼ିଙ୍ଗ ଶୁ ।”

୧୬ ଆରି ଜିସୁ ଆମେଇଁକେ ଏନ୍ ଉଃସ୍ତା ବାସଙ୍ଗକେ “ମୁଇଙ୍ଗ ସାକାର୍ ରେମୁଆଁନେ ଲିଜନ୍ନିଆ ଜାବର୍ ରୁକେ ।

✨ ୧୨:୧୦ ମାଡ଼ିଉ ୧୨:୩୨; ମାରକ ୩:୨୯.

୧୭ ଆଡ଼ଅରିଆ ମେଁ ଏତେରେ ବାସଙ୍ଗକେ ମେଁ ଶୁଙ୍ଗିଏ ? ମେଠନ୍‌ସା ଡାଗ୍ଲା ନେଙ୍ଗନେ କିଆଉଁଆଃ ଗୁଆରେ ବୁବନେ ଜାଗା ଶୁ ୁ”

୧୮ ବାରି, ମେଁ ବାସଙ୍ଗକେ, “ନେଙ୍ଗ ଦେକ୍ ଶୁଁଏ; ନେଙ୍ଗନେ ଆଶ୍ଟାଃ ସାପା ପାକ୍‌ଚିରେ କିଆ ବାରି ବିନ୍‌ବିନ୍ ଜିନିସ୍ ସାପା ବୁବନ୍‌ସା ବାରି ମ୍ଲା ମ୍ଲା ଆଶ୍ଟା । ତିଆର୍ ଶୁଙ୍ଗିଏ ।

୧୯ ଆରି ନେଙ୍ଗନେ ପାରାନ୍‌କେ ଦ୍ଵାସଙ୍ଗିଏ ଏ ପାରାନ୍ ଉଡ଼ି ମୁଆଁ ନ୍‌ସା ନାନେ ଜାବର୍ କିଆ ଜନ୍‌ହେରେ ଘକେ ପୁଣ୍ଡେପା ଚଙ୍ଗପା ଉର୍ପା ସାର୍ଦା ଲାଃଲା !”

୨୦ ମାତର୍ ଇସପର୍ ଆମେକେ ବାସଙ୍ଗକେ, “ଅ ବୁଦି ଶୁଣୁଣୁ ଏନ୍ ମିଡ଼ିଗ୍ ନାନେ ଜିବନ୍ ନାନେବାନ୍ ତୁଙ୍ଗ୍‌ଝେଏ; ଆଡ଼ ଅରିଆ ନା ମେଠନେ ନିଜେ ନ୍‌ସା ରାଃସିଙ୍ଗ୍ ନାବକେ, ଆତେନ୍ ସାପା ଜାନେ ତିଙ୍ଗିଏ ?”

୨୧ ଜିସୁ ଆରି ବାସଙ୍ଗକେ “ଜା ନିଜେ ନ୍‌ସା ଦନ୍ ସମ୍‌ଡ଼ି ରାଃସିଙ୍ଗ୍ ବଏ ମାତର୍ ଇସପର୍‌ନେ ମୁଆଃନିଆ ସାକାର୍ ଶୁ ମେଁନେ ଆଡ଼ାଡ଼ା ଦେକ୍‌ରକମ୍ ଗଟେଏ ।”

ଇସପର୍‌ନିଆ ବିସ୍‌ବାସ୍ (ମାତିଉ ୬:୨୫-୩୪)

୨୨ ଜିସୁ ନିଜେନେ ସିସ୍‌ଇଂକେ ବାସଙ୍ଗକେ “ଆତେନ୍‌ସା ନେଙ୍ଗ୍ ଆପେକେ ବାସଙ୍ଗ୍‌ଶୁଙ୍ଗିକେ, ମେଠନେ ପେଚଙ୍ଗିଏ ଦେକ୍‌ରକମ୍ ବାସଙ୍ଗ୍‌ରେ ପେନେ ଜିବନ୍‌ସା ମେଁନେ ପେସଃଏ ଦେକ୍‌ରକମ୍ ବାସଙ୍ଗ୍‌ରେ ପେନେ ଗାଗ୍‌ଡ଼େ ନ୍‌ସା ତିଗ୍ ତିନ୍ତା ଆଡ଼ିଙ୍ଗେପା ।

୨୩ ମେଠନ୍‌ସା ଡାଗ୍ଲା ଚଙ୍ଗନେ ବାଦୁଲ୍ ପାରାନ୍ ବାରି ପାଟାଈ ବାଦୁଲ୍ ଗାଗ୍‌ଡ଼େ ମ୍ଲା ।

୨୪ ଗିଗ୍ୟାଃ ପିଗ୍‌ଇଂନେ ବିସ୍‌ୟରେ ଏତେ କେଲାପା ମେଙ୍ଗ୍ ଆବିଗ୍‌ଆର୍ ଶୁ କି ଆଝେଆର୍ ଶୁ ଆରି ମେଁଇଂନେ କିଆ ଉଁଆଃ ବନେ ତୁଆ ଶୁ ଆରି ଇସପର୍ ଆମେକେ ଚଙ୍ଗନ୍‌ସା ବିଏ; ପେ ପ୍ଲିଗ୍‌ଇଂ ବାନ୍ ପେ ଉଡ଼ି ମ୍ଲା !

୨୫ ଆରି, ପେନେ ବାନ୍ ଜା ଏତେ ଏତେରେ ନିଜେନେ ଆୟୁସକେ ଆମ୍ଲା ପେୟାଏ ?

୨୭ ତେଲା ଯେ ଜଦି ସାପାବାନ୍ ତାଆଁ ବିସୟରେ ଡିଙ୍ଗ ପେୟାଣ୍ଟୁ ତେଲା ବିନ୍ ସାପା ବିସୟରେ ମ୍ଲମ୍ଲ କାମ୍ ଡିଙ୍ଗନ୍‌ସା ମେଠନ୍‌ସା ତାହା ଡିଙ୍ଗ ନାଡିଙ୍ଗ ?

୨୭ କଣ୍ଟାନ୍ ସାରି ବିସୟରେ ଏତେ କେଲାପା ମେଇଁ ଡିରକମ୍ ସୁତା ଆଗୁଆର୍ ଶୁ କି ଏତେ ଆର୍ଏ ଶୁ ଏଲେଡିଗ୍ ନେଙ୍ଗ ବାସଙ୍ଗ୍ରିଂ ଜେ ଶଲୋମନ୍ ଡିଗ୍ ନିଜେନେ ଦନ୍ ସମ୍ପତି ଲେଠରେ ଏନ୍ ସାପା ବିତ୍ରେ ମୁଇଂଡିଗ୍ ସବା ଆଲେଠକେ ଶୁ ?

୨୮ ମାତର୍ ଆଣ୍ଟିନେ ଚେଠମୁଆଁ ଏକେ ଲିଜନ୍ନିଆ ଲେଠକେ ଆରି ଞ୍ଜଡେ ତୁଗ୍‌ସନିଆ କ୍ଲଗ୍ ବିଠଆର୍ଏ ଆମେକେ ଅଠନା ଇସ୍‌ପର୍ ଦେକ୍‌ରକମ୍ ସବା ବିଏ ତେଲା ଏ ଇକ୍‌ଡା ସଡ୍ ମାନେଠକେଣ୍ଟେ ମେଁ ଆପେକେ ଉଡି ଜାବର୍ ସବା ଆବି ଶୁ !”

୨୯ ଆରି ମେଠନେ ନେଚଙ୍ଗ୍ଏ ଆରି ମେଁନେ ନେଉଗ୍ଏ, ଆତେନ୍ ଯେ ଆତୁର୍‌ଗେପା କି ଚିନ୍ତା ଆଡିଙ୍ଗେପା,

୩୦ ମାତର୍ ମଞ୍ଚପୁର୍‌ନେ ବିଜାଡି ରେମୁଆଁଇଁ ଇସ୍‌ପର୍‌କେ ମାମ୍ୟାଚେ ଏନ୍ ସାପା ବିସୟରେ ତେରେପେତେ ଡିଙ୍ଗ୍‌ଆର୍ଏ ଏନ୍ ସାପା ବିସୟ ଦରକାର୍ ପେଇଁନେ ଆବା ମ୍ୟାଲେଠକେ ।

୩୧ ଯେ ଆଣ୍ଟିନେ ବିସୟରେ କିକେନେ ଦରକାର୍ ଆତେନ୍ ଡିଙ୍ଗ୍ ଡିଙ୍ଗ୍‌କେ କିତଂନେ ରାଇଜ୍ । ତେଲା ଆପେକେ ଦରକାର୍ ତିଂକ୍ଲେ ଏନ୍ ସାପା ବିସୟ ଆପେକେ ବିଆର୍ଏ ।

କିତଂନେ ଦନ୍

(ମାଡିଉ ୬:୧୯-୨୧)

୩୨ ଅ ତାଆଁନେ ମେଣ୍ଟାଈ ଆପ୍‌ଟଗ୍‌ପା ଡାଗ୍ଲା ପେଇଁନେ ଆତେନ୍ ରାଇଜ୍ ବିନ୍‌ସା ଆପେକେ ପର୍‌ମେସର୍ ଚାଏଁଡିଂକେ ।

୩୩ ପେନେ ଦନ୍ ସମ୍ପତ୍ତି ଲେଠକେ ଆତେନ୍ ସ ବିଠଚେ ଆତେନ୍ ଡାବୁକେ ଗରିବ୍ ରେମୁଆଁଇଁକେ ବାଟା ବିଠପା । ଏନ୍ ସଂସାର୍‌ନେ ଦନ୍ ସମ୍ପତ୍ତି କାଲାଆଠ ଆଲେଠଣ୍ଟୁ । ତେଲା କାଲାଆଠ ଲେଠଡିଙ୍ଗ୍‌କ୍ଲେ ଦନ୍ ସମ୍ପତ୍ତି ରାଠସିଙ୍ଗ୍‌ପା । ନିଜେ ନ୍‌ସା କିତଂନିଆ ପେନ୍‌ସା ଦନ୍‌ସମ୍ପତ୍ତି ରାଠସିଙ୍ଗ୍‌ପା, ଡାଗ୍‌ଲା ଆଡ୍ ଅରିଆ ମେଠଡିଗ୍ ଡଙ୍ଗାରେ ଆଗା ଶୁ ଆରି ମେଠଡିଗ୍ ବୁକେଉଙ୍ଗ୍ ଆଚଙ୍ଗ୍ ଶୁ ।

୩୪ ଡାଗ୍ଲା ଆଣ୍ଡି ଅରିଆ ପେନେ ଦନ୍, ଆଡ୍‌ଅରିଆ ଡିଗ୍ ପେନେ ମନ୍

କାଲାଆଃ ତରକ୍ ଲେଃଃକ୍ ଚାକର୍
(ମାଡିଉ ୨୪:୪୫-୫୧)

୩୫ ☆ପେଇଂନେ ନ୍‌ସା ଗାଗ୍ ବପା ଆରି ପେନେ କୁପିସ ଡୁଆ ଲେଲେ

୩୬ ☆ଆରି ମାପୁ ବିହେ ବଜିବାନ୍ ଆଣ୍ଡେ ଓଗରେ କାପାଟ୍‌ନିଆ ବଗ୍‌ନେ ଦାପ୍ରେ ମୁଡି ରେମୁଆଁ ଝେରେ କାପାଟ୍ ରଃନ୍‌ସା ଲେଃଏ ପେ ମେଇଂ ସୁଗା ଡିଙ୍ଗ୍‌ରେ ଲାଲାପା ।

୩୭ ମାପୁ ପାଙ୍ଗ୍‌ରେ ମୁଡି ଚାକର୍‌ଇଂକେ ଜାଗ୍ରତ୍ ଲେଃଃକ୍ କେଏ ମେଇଂ ଦନ୍‌ଏ; ନେଙ୍ଗ୍ ଆପେ ସାପାରେକେ ସଡ୍ ବାସଙ୍ଗ୍‌ଣ୍ଡିଂ ମେଁ ନିଜେନେ ନ୍‌ସା ଗାଗ୍‌ରେ ଆମେଇଂକେ ଚଙ୍ଗ୍‌ନିଆ ଆକରେ ଡାଗ୍‌ା ଝେରେ ସେବା ଡିଙ୍ଗ୍ ଆର୍‌ଏ ।

୩୮ ଆରି ମାପୁ ଜଦି ମ୍‌ୟାଡ୍‌ତର୍ ଲେଃଃ ଝିତର୍ ମଜେ ମିଡିଗ୍ ପାଙ୍ଗ୍‌ରେ ଆମେଇଂକେ ଦେଡ୍ ରକମ୍ କେଏ ତେଲା ଆଡେନ୍ ଚାକର୍‌ଇଂ ଦନ୍‌ଏ

୩୯ ମାତର୍ ଏନ୍ ମ୍ୟା ଲାଲାପା ଉଡିବେଲା ଡଙ୍ଗାରେ ପାଙ୍ଗ୍‌ଏ ଏନ୍ ଡୁଆନେ ମାଲିକ୍ ସେନ୍‌ଗ୍ ମ୍ୟାଏ ତେଲା ମେଁ ନିଜେ ଡୁଆନେ କୁଗ୍‌ଡାସା ଗୁଆତଗ୍ ନ୍‌ସା ଆବି ଶୁ ।

୪୦ ପେ ସାପାରେ ଡିଗ୍ ତରକ୍ ଲାଲାପା ମେଃନ୍‌ସା ଡାଗ୍ଲା ଉଡି ଚ୍ରେଡିଆ ପେଇଂ ଏଡେ ପେଲେ ଶୁ ଆଡେନ୍ ବେଲା ରେମୁଆଁ ଉଙ୍ଗ୍‌ଡେ ପାଙ୍ଗ୍‌ଏ ।

ବିସ୍‌ବାସି ଅବିସ୍‌ବାସି ଚାକର୍
(ମାଡିଉ ୨୪:୪୫-୫୧)

୪୧ ଆଡ୍ ଅରିଆ ପିତର୍ ବାସଙ୍ଗ୍‌କେ “ଅ ମାପୁ ନାନେ ନେନ୍‌ସା ଲେଃଃ ସାପାରେ ନ୍‌ସା ଏନ୍ ଉଦାଅରନ୍ ବାସଙ୍ଗ୍ ନାଡିଙ୍ଗ୍ ?”

୪୨ ମାପୁ ଉତର୍ ବିକେ, “ବିସ୍‌ବାସ୍ ଆରି ବୁଦିମାନ୍ ସେବାଣ୍ଡେ ଜାଣ୍ଡେ ? ଆଜାକେ ମାଲିକ୍ ଡୁଆ ଚଲେନ୍‌ସା ଦାଇଡ୍‌ରେ ବେ; ମେଁ ସମାନ୍ ବେଲା ବିନ୍‌ନେ ଗଡିରେକେ ଚଙ୍ଗ୍‌ନ୍‌ସା ବିଃଲେ ।

☆ ୧୨:୩୫ ମାଡିଉ ୨୫:୧-୧୩. ☆ ୧୨:୩୬ ମାର୍କ ୧୩:୩୪-୩୬.

୪୩ ମାପୁ ପାଞ୍ଚରେ ମୁଢ଼ି ଗତିରେକେ ଦେଡ଼ ରକମ୍ ଡିଙ୍ଗ୍ କେଏ ମେଁ ଦନ୍ୟ ।

୪୪ ନେଙ୍ଗ ଆପେକେ ସଡ଼ ବାସଙ୍ଗ୍ ଶ୍ରିଂ ମେଁ ଆମେକେ ନିଜେନେ ଦନ୍ ସମ୍ପତ୍ତିନେ ଦାଇଡ଼ରେ ବଏ ।

୪୫ ମାତର୍ ଜଦି ଆତେନ୍ ଚାକର୍ ନେଙ୍ଗ୍ ନେ ମାପୁ ପାଞ୍ଚନେ ତଙ୍ଗାନ୍ ବାଗ୍ରେ ମନେ ମନେ ବାସଙ୍ଗ୍ରେ ଆମେଙ୍ଗ୍ କେ ବଗ୍ଟୁ ଡିଙ୍ଗ୍ ଆରି ଚଙ୍ଗ୍ ଉଗ୍ରେ ଉଗ୍ ସା ଅଲେଙ୍ଗ୍ ।

୪୬ ତେଲା ଆତେନ୍ ଚାକର୍ ମେଃ ଦିନା ଉରୁଆଲେଃ ଶୁଆରି ଆଣ୍ଟେନେ ସ୍ଲେଡ଼ିଆ ମେଁ ମ୍ୟାଃଆଲେ ଆତେନ୍ ଦିନା ଆରି ଆତେନ୍ ବେଲା ମେଁନେ ମାପୁ ପାଞ୍ଚ୍ ଆରି ଆମେକେ ଆନ୍ତାର ବିରେ ଜାବର୍ ।”

୪୭ ମୁଢ଼ିନେ ଗତିରେ ନିଜେ ମାଲିକ୍ ନେ ଇକ୍ଟା ମ୍ୟାରେ ତରକ୍ ଡିଙ୍ଗ୍ ଆଲେ ଶୁ ବାରି ମେଁନେ ଇକ୍ଟା ଅନୁସାରେ କାମ୍ ଡିଙ୍ଗ୍ ଆବଶୁ ମେଁ ସାସ୍ତି ବାରେ ଜାବର୍ ମାଡ଼ ଚଙ୍ଗ୍ ।

୪୮ ମାତର୍ ମୁଢ଼ି ଗତିରେ ମାଲିକ୍ ନେ ଇକ୍ଟା ମାମ୍ୟାରେ ତଣ୍ଟ ବାନେ କାମ୍ ଡିଙ୍ଗ୍ ଲେଃଏ ମେଁ ଇକ୍ଟା ସାସ୍ତି ବାଏ; ଆଜାକେ ଜାବର୍ ବିବ ମେଁବାନ୍ ଆରି ଜାବର୍ ବିବ ମେଁବାନ୍ ଆରି ଜାବର୍ ଆସା ଡିଙ୍ଗ୍ ଆର୍ଏ ।

ଜିସୁ ଆଃ ବିନ୍‌ବିନ୍ ଆଃଡ଼ିନେ କାରନ୍
(ମାତିଉ ୧୦:୩୪-୩୬)

୪୯ ଜିସୁ ବାସଙ୍ଗ୍ କେ “ନେଙ୍ଗ୍ ମଞ୍ଚପୁରନ୍ନିଆ ସୁଆ ଆଃଡୁଆ ନ୍‌ସା ପାଙ୍ଗ୍ କ୍ଲେଃକେ ଆରି ନେଙ୍ଗ୍ ନେ ଇକ୍ଟା ଜିଆ ସୁଆ ତୁଆଲେ !

୫୦ ✨ମାତର୍ ଆନେଙ୍ଗ୍ ମୁଇଙ୍ଗ୍ ଦିକ୍ୟାନ୍ନିଆ ଦିକ୍ୟା ଡିଙ୍ଗ୍ ନେ ପଡ଼େଏ ଆରି ସାପାମାନ୍ ମାତିଙ୍ଗ୍ ଜାକ ନେଙ୍ଗ୍ ତିରକମ୍ ଚିନ୍ତା ଶ୍ରିଙ୍ଗ୍ କେ ।

୫୧ ନେଙ୍ଗ୍ ମଞ୍ଚପୁରନ୍ନିଆ ସାନ୍ତି ବିଃନ୍‌ସା ପାଙ୍ଗ୍ କ୍ଲେକେ ତାଗ୍ରେ ମେଃନେ ପେଇଁ ଏଡେ ପେଡ଼ିଙ୍ଗ୍ କେ ? ଲେଃ, ନେଙ୍ଗ୍ ଆପେକେ ବାସଙ୍ଗ୍ ଶ୍ରିଂକେ ଲେଃ ମଞ୍ଚପୁରନେ ନେଙ୍ଗ୍ ବାଗ୍ ବାଗ୍ ଆଡ଼ିଙ୍ଗ୍ ନ୍‌ସା ପାଙ୍ଗ୍ ନେ ।

୫୨ ମୁଇଙ୍ଗ୍ ତୁଆନ୍ନିଆ ମାଲିକ୍ ଗି ଲେଃଗେ ମ୍ବାୟାନେ ବିରଦ୍ରେ ଞ୍ଜିରୁଆ ଆରି ଞ୍ଜିରୁଆନେ ବିରଦ୍ରେ ମ୍ବାୟା ବିନେ ଡିଙ୍ଗ୍ ।

✨ ୧୨:୫୦ ମାର୍ଚ୍ଚ ୧୦:୩୮.

୫୩ ଆବା ବିରଦ୍ରେ ଉର୍ଦ୍ଧ୍ୱେ, ଉର୍ଦ୍ଧ୍ୱେ ବିରଦ୍ରେ ଆବା, ଇୟାଙ୍ଗ ବିରଦ୍ରେ ସେଲାଅ ଆରି ସେଲାଅ ବିରଦ୍ରେ ଇୟାଙ୍ଗ; ଆତା ବିରଦ୍ରେ ମାରୁଆ ଆରି ମାରୁଆ ବିରଦ୍ରେ ଆତା ତଡ଼ିଆଏ ।”

ବେଲାନେ ଚିନ୍
(ମାତିଉ ୧୭:୨-୩)

୫୪ ଜିସୁ ରେମୁଆଁଙ୍କେ ନ୍ନିଆ ଡିଗ୍ ବାସଙ୍ଗକେ, “ପଶ୍ଚିମ୍ ଦିଗ୍ ପାକା ଭିଗ୍ଡିଆ ତଡ଼ିଆ ତିଙ୍ଗ୍ କେଆରକେ, ଆଡ଼ଅରିଆ ପେ ବାସଙ୍ଗପା, ଶ୍ରିଆ ପାଙ୍ଗଡ଼ିଙ୍ଗ୍ ଆରି ଦେଡ଼ ରକମ୍ ଗଟେଏ;

୫୫ ଦକିନ୍ ଦିଗ୍ ପାକା ଖେଡ଼ିଆ ପାଙ୍ଗ୍ ତିଙ୍ଗ୍ ପେକେକେ ପେ ବାସଙ୍ଗପା ଜାବର୍ ନ୍ନାଃସେଙ୍ଗ୍ ଆରି ଦେଡୁଆଆ ଗଟେଏ ।

୫୬ ଆଅଁକେଣ୍ଡେଇଁ ପେ ସାପାରେ ମଞ୍ଚପୁର୍ ଆରି କିତଂନେ ଚିନ୍ କେଚେ ମେଁନେ ବୁଜେ ପେଡ଼ିଙ୍ଗ୍ ମାତର୍ ଏନ୍ ଜୁଗ୍ନେ ମେଁନେ ଗଟେଡ଼ିଙ୍ଗ୍ ସାପା ତିରକମ୍ ମ୍ୟାପେୟାକେ ?”

ସତୁ ଏତେ ମିସେନେ
(ମାତିଉ ୫:୨୫-୨୬)

୫୭ ପେ ଆତିନେ କାମ୍ ନିମାଣ୍ଡା ଆତାନ୍ ମେନ୍ସା ନିଜେ ବିଚାର୍ ତିଙ୍ଗ୍ ପେୟାକେ ଶୁ ?

୫୮ ଜଦି ଜାଣ୍ଡେ ପେନେ ବିରଦ୍ରେ ଦାବି ତିଙ୍ଗ୍ରେ ଆପେକେ ବିଚାର୍ ତୁଆନ୍ନିଆ ତୁଙ୍ଗ୍ଖେଏ, ତେଲା ବିଚାର୍ ତୁଆନ୍ନିଆ ଖେନେ ସେନୁଗ୍ ମେଁନେ ଏତେ ସମାଦାନ୍ ତିଙ୍ଗ୍ନ୍ସା ଜିବନ୍ ବିଚେ ଚେସ୍ଟା ତିଙ୍ଗ୍ପା । ଜଦି ଦେଡ଼ରକମ୍ ପେଡ଼ିଙ୍ଗ୍, ତେଲା ମେଁ ଆପେକେ କଏଦ୍ ତୁଆନିଆ ଆନ୍ତବିଃଏ ।

୫୯ ନେଙ୍ଗ୍ ଆନାକେ ବାସଙ୍ଗ୍ରିଂ, ନା ବାକି ତାରୁ ମାସୁଜେ ଜାକ ଆତେନ୍ ଜାଗାବାନ୍ ତିଲାଡିଗ୍ ତାର ପେୟା ଶୁ ।

୧୩

ପାପ୍ ତିଙ୍ଗ୍ନେ ବାନ୍ ଆଣ୍ଡେପା ଶୁଲ୍ଲା ପେଗୁଏଃଏ

୧ ଆତେନ୍ ବେଲା ଉଡ଼ି ରେମୁଆଁ ପାଙ୍ଗ୍ରେ ପିଲାତ ଆଣ୍ଡିନେ ଗାଲିଲୀୟାଙ୍କଂନେ ମ୍ୟା ମେଁଙ୍କଂନେ ପୁଜା ମ୍ୟା ଆଃତେ

ଆଃମିସେବକେ, ମେଇଙ୍ଗନେ ବିସୟରେ ଆମେଇଂକେ ଆଃମ୍ୟାଃକେ

୧ ଆଡ଼ବାନ୍ ଜିସୁ ଆମେଇଂକେ ଉତ୍ତର ବିକେ ଆକେନ୍ ସାପା କସ୍ତୁ ବା ପେଡ଼ିଙ୍ଗକେସା ଆକେନ୍ ଗାଲିଲୀୟଇଂ ବିନ୍ ସାପା ଗାଲିଲୀୟଇଂନେ ବାନ୍ ଜବର୍ ପାପି ଡାଗ୍ରେ ପେ ସାପାରେ ବାବେ ପେଡ଼ିଙ୍ଗକେ ?

୩ ନେଙ୍ଗ ଆପେକେ ବାସଙ୍ଗ୍ରିଂ, ନାନେ ଜଦି ପାପ୍‌ବାନ୍ ମନ୍‌କେ ପେବଦ୍‌ଲେଲା ପେଇଂ ସାପାରେ ଦେଡ଼ରକମ୍ ନଷ୍ଟ ପେଡ଼ିଙ୍ଗ୍ ।

୪ ଶୀଲୋହନେ ଆଡେନ୍ ଆଣ୍ଟିନେ ଗୁଆମ୍ ରେମୁଆଁ ଆଡ଼ାଡ଼ା ଉର୍‌ନେ ତୁଆ ଲଃଟେ ମେଂଇଂନେ ପାରାନ୍ ନଷ୍ଟ ଡିଙ୍ଗ୍‌ଗେ ମେଇଂ ସାପାରେ ଯୀରୁଶାଲମ୍ ରେମୁଆଁଇଂନେ ବାନ୍ ଜବର୍ ପାପିଇଂ ଡାଗ୍ରେ କି ପେ ସାପାରେ ବାବେପେଡ଼ି ?

୫ ନେଙ୍ଗ ଆପେକେ ବାସଙ୍ଗ୍ରିଂ, ଡାଗ୍‌ଲା ମନ୍‌କେ ପେରାଃବଦ୍‌ଲେଲା ପେ ଡିଗ୍ ସାପାରେ ଦେଡ଼ରକମ୍ ପେଗୁଏଃଏ

ତୁରୁ ଆତୁକ୍ତେ ଲିଖା ସ୍ଥାନେ ଉଦାଅରନ୍

୬ ଆରି ଜିସୁ ଆକେନ୍ ଉସ୍ତା ବାସଙ୍ଗ୍‌କେ ମୁଇଂଜାନେ ଅଙ୍ଗୁର୍ ତୁଗ୍‌ଡିନ୍‌ନିଆ ମୁଇଙ୍ଗ୍ ଲିଖା ସ୍ଥା ଉଙ୍ଗ୍‌ବକେ । ମାଲିକ୍ ପାଙ୍ଗ୍‌ରେ ଆଡ଼ଅରିଆ ତୁରୁ ତୁରକେ ତେଲା ଆଅବାକେ ।

୭ ତେସା ମେଂ ନେଡା ତୁଗ୍‌ଡି ଉରଣ୍ଡେକେ ବାସଙ୍ଗ୍‌କେ ଆକେନ୍ ଜିର୍‌ମୁଆଁ ଡିଙ୍ଗ୍‌ଗେ ନେଙ୍ଗ ପାଙ୍ଗ୍‌ରେ ଆକେନ୍ ଲିଖା ସ୍ଥାଅରିଆ ଲିଖା ତୁରୁ ତୁରଣ୍ଡିଂକେ ମାତର୍ ନ୍ନାବାକେ ଶୁ ଆକ୍‌ମେଂ ସି ଜଗ୍‌ଜ୍‌ଗ୍‌ପା ଆକେନ୍ ମେନ୍‌ସା ତୁବକେ ଡିଗ୍ ମାଡେ କଲେଃକେ ।

୮ ମାତର୍ ଗୁଡିରେ ସାକାରକେ ଉତ୍ତର ବିଃକେ ମାପୁ ଆକ୍‌ମେଂ ଏଃମୁଆଁ ଆଡ଼ାରିବି ନେଙ୍ଗ୍ କ୍ଳେନେ ପିତୁର୍ ଗଃଟେ କଡ଼୍ ମିଏ ।

୯ ବାରି ଇଡ଼ିଙ୍ଗ୍ ଲିଖା ତୁଲା ତ ନିମାଣ୍ଡା ଶୁଲା ଆକ୍‌ମେକେ ସିଃତଗ୍ କ୍ଳାଗ୍‌ଏ ।

ଜିସୁ କୁପ୍‌ଡ଼କ୍ତେ ସେଲାମ୍‌ସୁଃକେ ପୁଣ୍ଡେନେ ଦିନା ନିମାଣ୍ଡା ଆଡ଼ିକ୍ତେ

୧୦ ମୁଇଂତର୍ ଜିସୁ ପୁଣ୍ଡେନେ ଦିନା ମୁଇଙ୍ଗ୍ ଜିଉଦି ପାର୍‌ତନା ତୁଆନ୍‌ନିଆ ଜିସୁ ଗିଆନ୍ ବିଃଡ଼ିଙ୍ଗକେ ।

୧୧ ଗୋମ୍ବା ଜାକ ମୁଇଙ୍ଗ ଗଲିଆ ବାନ୍ ଦଦିଆ ଆମ୍ବା ସେଲାମ୍ବୁ ମୁଇଙ୍ଗ ଆଡ଼ଅରିଆ ଲେଃକେ । ମେଁ କୁପଡ଼ ତିଙ୍ଗତେ ଲେଃକେ ଡିଡିରକମ୍ ଡିଗ୍ ନିଜେ ମେଁ ସ୍ଵେଡ଼ାଃ ତିଙ୍ଗ ଆୟାକେ ଶୁ ।

୧୨ ଜିସୁ ଆମେକେ କେତେ ଡାଗ୍ରା ଝେତେ ବାସଙ୍ଗକେ ଏ ସେଲାମ୍ବୁ ନାଁନେ ଆଃସିଲେଃକେ ବାନ୍ ନିମାଣ୍ଡା ନାଡିଙ୍ଗକେ ।

୧୩ ଜିସୁ ନିଜର୍ ଡି ସେଲାମ୍ବୁ ଆଡ଼ାଡ଼ା ବକେ ଆଡ଼ବାନ୍ ମେଁ ଦାପରେ ଆଃ ସ୍ଵେଡ଼ାଃ ତୁଆଁତେ ଇସପରନେ ମଇମା ତିଙ୍ଗନେ ମୁଲେକେ ।

୧୪ “ଡାଗ୍ଲା ଜିସୁ ପୁଣ୍ଡେନେ ଦିନା ନିମାଣ୍ଡା ଆଡିଙ୍ଗଲା ଜିଉଦି ପାରଡନା ତୁଆନେ ଦାଇଡରେ ଲେଃକେ ରେମୁଆଁ ରିସା ଡିଂତେ ରେମୁଆଁଇଂକେ ବାଲିରକେ କାମ୍ ତିଙ୍ଗ ନସା ତୁରକ୍ଲିଗ୍ ସ୍ଥି ଲେଃକେ ତେସା ଆଡେନ୍ ସାପା ସ୍ଥି ପାଙ୍ଗତେ ନିମାଣ୍ଡା ତିଙ୍ଗପା ପୁଣ୍ଡେନେ ସ୍ଥି ଆପାଙ୍ଗଗେପା ।”

୧୫ ଡାଗ୍ଲା ମାପୁ ଆମେଇଂକେ ଉତର୍ ବିକେ, “ଅ କୁଟ୍ ରେମୁଆଁଇଂ ପେ ସାପାରେ ମେଁନେ ପୁଣ୍ଡେନେ ଦିନା ନିଜେ ନିଜେନେ ଅରେଃ ଶୁଲା ଗଦ ସାଲାତ୍ୟାବାନ୍ ତୁପିଗ୍ତେ ତୁଂଝେତେ ଶ୍ରିଆ ପେରାଃଉଗ୍ ଶୁ ?

୧୬ ତେଲା କେଲାପା ଗୋମ୍ବା ମୁଆଃ ସାତେ ଗଲିଆ ବାନ୍ ଆଃସିଲେଃକେ ଅବ୍ରାହାମ୍ ସେଲା ଆକେନ୍ ସେଲାମ୍ବୁ ରେମୁଆଁ ମେଁନେ ପୁଣ୍ଡେନେ ଦିନା ନିଜେନେ ବନ୍ଦବାନ୍ ନିମାଣ୍ଡା ତିଙ୍ଗନେ ଦରକାର୍ ଆଲେଃକେ କି ?”

୧୭ ଜିସୁ ଆକେନ୍ ସାପା ସାମୁଆଁ ବାସଙ୍ଗନେ ବେଲା ମେଁନେ ବିରଦ୍ ରେମୁଆଁ ସାପାରେ ଗିଆସ ଝେଆରକେ ମାତର୍ ରେମୁଆଁଇଂ ସାପାରେ ମେଁନେ ମୁନା କାମ୍ ତିଙ୍ଗକ୍ନେସା ସାଦା ତିଙ୍ଗନେ ମୁଲେଆରକେ ।

**ସରିସ ମୁଞ୍ଜିନେ ଉଃସ୍ରା
(ମାଡିଡ ୧୩:୩୧-୩୨; ମାରକ ୪:୩୦-୩୨)**

୧୮ ଆଡ଼ବାନ୍ ଜିସୁ ସାଲ୍ୟାକୁକେ ଇସପରନେ ରାଇଜ୍ ଡିରକମ୍ ? ବାରି ଜାଣ୍ଡେ ଆଃତେ ନେଙ୍ଗ ସମାନ୍ ନ୍ନାଡିଙ୍ଗଏ ?

୧୯ ଆଡେନ୍ ଦେକରକମ୍ ମୁଇଙ୍ଗ ସୋରିଷ ମଞ୍ଜି ରକମ୍ ଆଡେନ୍ ତୁଂଝେତେ ମୁଇଙ୍ଗ ରେମୁଆଁ ନିଜେନେ ତୁଗ୍ଡିଡଗୁ ବିଗ୍କେ ଆରି

ଆତେନ୍ ମ୍ନାଚେ ସ୍ନାଃ ତିଙ୍ଗକେ ଆରି କିତଂନେ ପ୍ଲିଗ୍ଠଂ ପାଙ୍ଗଚେ ମେଁନେ କେନ୍ଦାନିଆ ଉଙ୍ଗଚ୍ୟା ଆରକେ ।

**ଖମୀରନେ ସାମୁଆଁ
(ମାତିଉ ୧୩:୩୩)**

୨୦ ଜିସୁ ଆରି ବାସଙ୍ଗକେ ନେଙ୍ଗ ଜାଣ୍ଠେ ଏତେ ଇସପରନେ ରାଇଙ୍ଗ ସମାନ୍ ଶ୍ରିଙ୍ଗଏ ?

୨୧ ଆତେନ୍ ମୁଇଙ୍ଗ ଖମୀର ରକମ୍ ମୁଇଙ୍ଗ ସେଲ୍ୟାମ୍ବୁଃ ଆତେନ୍ ତୁଂଝିଗ୍ଚେ ମହଣେ ମଇଦା ତାଗ୍ଲା ତାଚେ ବକେ ଆରି ଇଡ଼ିଙ୍ଗ ସାପା ଖମୀର ରକମ୍ ତିଙ୍ଗଝେଗେ ।

**ଚିପାକ୍ଠେ ଶ୍ଟିସାଙ୍ଗ୍
(ମାତିଉ ୭:୧୩-୧୪; ୨୧:୨୩)**

୨୨ ଏନ୍ ଇଡ଼ିଙ୍ଗ ଜିସୁ ନଗର ନଗର ଆରି ଇନି ଇନି ଅଲେଙ୍ଗଚେ ଗିଆନ୍ ବିଃ ବିଃଚେ ଯିରୁଶାଲ୍ୟାମ୍ ପାକା ଝେଗେ ।

୨୩ ଆରି ମୁଇଂଜା ଆମେକେ ବାସଙ୍ଗକେ ମାପୁ ଉଦାର ବାନେ ରେମୁଆଁଇଂନେ ସଂକ୍ୟା ମେଁନେ ଗଣ୍ଡା ? ଆଡ଼ବାନ୍ ମେଁ ମେଇଙ୍ଗକେ ବାସଙ୍ଗକେ

୨୪ ଚିପାକ୍ଠେ ଗାଲି ବିଚେ ଝେନ୍ସା ଯା ଜାକ ଚେସ୍ଚା ତିଙ୍ଗପା ତାଗ୍ଲା ନେଙ୍ଗ ବାସଙ୍ଗ୍ ଶ୍ରିଙ୍ଗକେ ଗୁଲେ ଝେନ୍ସା ଚେସ୍ଚା ତିଙ୍ଗଆରଏ ତାଗ୍ଲା ଝେ ଆୟାଆର୍ ଶୁ ।

୨୫ ତୁଆନେ ମ୍ନାଃରେ ତଡ଼୍ୟାଚେ ଶ୍ଟିସାଙ୍ଗ୍ ଆନ୍ତଃ ବିଃକ୍ଠେ ଇଡ଼ିଙ୍ଗ ଉଡ଼ିବେଲା ପେ ସାପାଚେ ବାଜାର୍ ତୁଆଁ ପେଲେଃକେ ଆରି ଅ ମାପୁ ନେ ନସା ଶ୍ଟିସାଙ୍ଗ୍ ରଃବିଲ୍ୟାପା ଆକେନ୍ ବାସଙ୍ଗଚେ ଶ୍ଟିସାଙ୍ଗ୍ ବଗ୍ନେ ପେମୁଲେଏ ଆତେନ୍ ବେଲା ମେଁ ଆପେକେ ବାସଙ୍ଗଏ ପେ ଆଣ୍ଡିନେ ଜାଗାନେ ରେମୁଆଁ ଆତେନ୍ ନେଙ୍ଗ ନ୍ନାମ୍ୟାକେ ଶୁ ।

୨୬ ଆତେନ୍ ବେଲା ପେଇଙ୍ଗ ବାଲିର୍ ପେମୁଲେଏ ନେଁ ସାପାଚେ ନାଁ ଏତେ କୁଡ଼େଚେ ନେଚଙ୍ଗ ନେଉଗ୍ଚେ ଆରି ନାଁ ଆନେକେ ବାଜାର୍ଅରିଆ ଗ୍ୟାନ୍ ନାବିକେ ।

୨୭ ଆରି ମେଁ ପେ ସାପାରେକେ ବାଲିରଏ ପେ ଆଣ୍ଟିନେ ଜାଗାନେ ରେମୁଆଁ ଆତେନ୍ ନେଙ୍ଗ୍ ନ୍ନାମ୍ୟାକେ ଶୁ ଏ ଅଦର୍ମ ତିଂଣ୍ଟେ ସାପାରେ ନେଙ୍ଗ୍ ଡାଗ୍ରାବାନ୍ ସ୍ନୁ ଖେଲା

୨୮ ✠✠ଉଡ଼ିବେଲା ପେଇଂ ଅବ୍ରାହାମ୍ ଇସାକ୍ ଜାକୁବ୍ ଆରି ସାପାରେ ବାବବାଦିକେ ଇସପରନେ ରାଜିନ୍ନିଆ ଲେଃନେ ଆରି ନିଜେ ନିଜେକେ ବାଜାର୍ ଜଗ୍ଲିଗନେ ପେକେଏ ଆତେନ୍ ବେଲା ଆଡ଼ଅରିଆ ପେଅଁଏ ଆରି ବ୍ଲି ଆଃଚାର୍ ଆଃଲ୍ୟା ପେକେଏ ।

୨୯ ଆରି ପୁର୍ବ ଆରି ପଶ୍ଚିମ୍ ଉତର୍ ଆରି ଦକିନ୍‌ବାନ୍ ରେମୁଆଁଇଂ ପାଙ୍ଗ୍‌ରେ ଇସପରନେ ରାଜିନ୍ନିଆ ଚଙ୍ଗନ୍‌ସା କଆର୍‌ଏ ।

୩୦ ଆରି କେଲାପା ଇଡ଼ିଙ୍ଗ୍ ଲେଃଃକ୍ ଉଡ଼ି ରେମୁଆଁଇଂ ସେନୁଗ୍ ଡିଙ୍ଗ୍‌ଆର୍‌ଏ ଆରି ସେନୁଗ୍ ଲେଃଃକ୍ ଉଡ଼ି ରେମୁଆଁ ଇଡ଼ିଙ୍ଗ୍ ଡିଙ୍ଗ୍‌ଆର୍‌ଏ ।

ଯିରୁଶାଲମ୍‌ନିଆ ଜିସୁନେ ଆଲାଦ୍
(ମାତିଉ ୨୩:୩୭-୩୯)

୩୧ ଆତେନ୍ ବେଲା ଉଡ଼ି ପାରୁସି ଜିସୁ ଡାଗ୍ରା ପାଙ୍ଗ୍‌ରେ ବାସଙ୍ଗ୍‌ତିଂକେ ଆକେନ୍ ଜାଗା ଆନ୍ତାର୍‌ରେ ତାର୍ ଖେଲା ଡାଗ୍‌ଲା ହେରୋଦ ଆନାକେ ବାଗୁଏଃ ନ୍‌ସା ଇକ୍‌ଚା ଡିଙ୍ଗ୍ ଡିଂକେ ।

୩୨ ଆଡ଼ବାନ୍ ଜିସୁ ଆମେଇଂକେ ବାସଙ୍ଗ୍‌କେ ପେଇଂ ଖେତେ ଆତେନ୍ ନାକାକେ ବାସଙ୍ଗ୍‌ପା କେଲାପା ନେଙ୍ଗ୍ ଏକେ ଆରି ଞ୍ଜ ଗଲିଆ ନୁଆଁ ଶ୍ଟିଂ ଆରି ରଗିଇଂକେ ନିମାଣ୍ଡା ଆଃଡ଼ିଙ୍ଗ୍‌ଣ୍ଟିଙ୍ଗ୍ ବାରି ଜିର୍‌ସି ବିଡ୍ରେ ନେଙ୍ଗ୍ ନେଙ୍ଗ୍‌ନେ କାମ୍ ଶ୍ଟାଡାଏ ।

୩୩ ବଲ୍‌ଡ଼ିଙ୍ଗ୍‌ଗେ ଏକେ ଞ୍ଜଡେ ଆରି ଇଡ଼ିଙ୍ଗ୍ ଦିନା ଆନେଙ୍ଗ୍ ଝିଗ୍‌ନେ ଡିଙ୍ଗ୍‌ଏ ଡାଗ୍‌ଲା ଯିରୁଶାଲମ୍‌ନେ ବାଏରେ ବାବବାଦି ନସ୍ ଡିଙ୍ଗ୍‌ନେ ଦରକାର୍ ଶୁ ।

୩୪ ଗୋ ଯିରୁଶାଲମ୍ ଗୋ ଯିରୁଶାଲମ୍ ବାବବାଦିଇଂକେ ବାଗୁଏ ପେଡିଙ୍ଗ୍‌କେ ଆରି ନିଜର୍ ଡାଗ୍ରାନେ ପ୍ରେରିଡ଼ିଇଂକେ ବ୍ରି ଚୁଟେ ବାଗୁଏ ପେଡିଙ୍ଗ୍‌କେ ଗିସେଙ୍ଗ୍ ଡିରକମ୍ ଡେନା ବୁନ୍ଦେ ନିଜର୍ ଉଙ୍ଗ୍‌ଡେକେ ମୁଇଙ୍ଗ୍ ଡାଗ୍ରା ରାଃସିଙ୍ଗ୍‌ଏ ଦେଡ଼ରକମ୍ ନେଙ୍ଗ୍ ଉଡ଼ିତର୍ ନାଡ଼କେ

✠ **୧୩:୨୮** ମାତିଉ ୨୨:୧୩; ୨୫:୩୦. ✠ **୧୩:୨୮** ମାତିଉ ୮:୧୧,୧୨.

ମୁଇଙ୍କ ଡାଗ୍ରା ରାଃସିଙ୍କ ନ୍ୟା ମନ୍ ଶ୍ରିଂକେ ଡାଗ୍ଲା ପେଇଂ ଇକ୍ରା ପେଡିଙ୍ଗକେ ଶୁ ।

୩୫ କେଲାପା ପେ ସାପାରେନେ ମନ୍ଦିର୍ ଆନ୍ତାର୍ ବିନେଙ୍ଗକେ; ଆରି ନେଙ୍ଗ ଆପେକେ ବାସଙ୍ଗ ଶ୍ରିଙ୍ଗ ମାପୁନେ ମ୍ପିରେ ଜାଣ୍ଡେ ପାଙ୍ଗଡିଙ୍ଗକେ ମେଁ ଦନ୍ୟ ପେଇଙ୍ଗ ଆଣ୍ଡିନେ ସ୍ପି ଆକେନ୍ ସାମୁଆଁ ପେବାଲିରନ୍ୟ ଆଡେନ୍ ସ୍ପି ଆପାଙ୍ଗ ଜାକ ଆନେଙ୍ଗ ସଡେଆ ଆରି ପେକେ ଶୁ ।

୧୪

ଜିସୁ ମୁଇଙ୍କ ରଗିକେ ନିମାଣ୍ଡା ଆଡିଙ୍ଗକେ

୧ ମୁଇଂତର୍ ଜିସୁ ପୁଣ୍ଡେନେ ଦିନା ଚଙ୍ଗ ନ୍ୟା ପାରୁସିଇଂନେ ମୁଇଙ୍କ ମ୍ପାରେନେ ତୁଆ ଝେଗେ ମେଇଂ ଜିସୁକେ କେଲେଃଆରକେ ।

୨ ବାରି କେଲାପା ମେଁଇଂନେ ସାମ୍ନାରେ ମୁଇଂଜା ପାରାଲିସ୍ ରଗ୍ ଡିଙ୍ଗକ୍ରେ ରେମୁଆଁ ଲେଃକେ ।

୩ ଆଡ୍‌ବାନ୍ ଜିସୁ ଦର୍ମସାସ୍ତି ଆରି ପାରୁସିଇଂକେ ବାଲିରକେ ପୁଣ୍ଡେ ବେଲା ନିମାଣ୍ଡା ଆଡିଙ୍ଗନେ ନିୟମ୍ ଲେଃ ଶୁ ? ଡାଗ୍ଲା ମେଇଙ୍ଗ ବୁଙ୍ଗଲେଃ ଆରକେ ।

୪ ବାରି ଜିସୁ ଆମେକେ ସାତେ ନିମାଣ୍ଡା ଆଡିଙ୍ଗକେ ଆରି ବେ ବିଃକେ ।

୫ *ଆରି ଜିସୁ ଆମେଇଂକେ ବାସଙ୍ଗକେ, ପେଇଂନେ ବିତ୍ରେ ଜାଣ୍ଡେ ନିଜର୍ ଉଙ୍ଗଡେ ବା ଅରେଃ କୁଇଂସାଲ୍ ଲଃଲ୍ଲା ମେଁନେ ଆମେକେ ପୁଣ୍ଡେନେ ଦିନା ଟାପ୍‌ନା ଝେତେ ପେରାତଃଡିଆ ଶୁ ?

୬ ଦର୍ମସାସ୍ତି ଆରି ପାରୁସିଇଙ୍ଗ ଆକେନ୍ ସାପା ସାମୁଆଁନେ ମେଃଡିଗ୍ ବାଲିର ଆୟାଆରକେ ଶୁ ।

ଡାଆଁ ଡିଙ୍ଗନେ ଆରି ଜଡନ୍ ଡିଙ୍ଗନେ

୭ ଆରି ବାଲିରବକ୍ରେ ରେମୁଆଁଇଙ୍ଗ ଡିରକମ୍ ମ୍ପା ଟାନ୍ ତୁର୍ ଡିଂଆରକ୍ରେ ଆକେନ୍ କେତେ ଜିସୁ ଆମେଇଂକେ ଆକେନ୍ ସାମୁଆଁ ବାସଙ୍ଗକେ ।

* ୧୪:୫ ମାଡିଉ ୧୨:୧୧.

୮ ଉଡ଼ି ବେଲା ଯେ ଆଣ୍ଟିନେ ରେମୁଆଁ ବାନ୍ ବିଏବ ରଙ୍ଗନେ ଝା ବଏ ଆତେନ୍ ବେଲା ମୁନାନେ କୁକନେ ଟାନ୍ନିଆ ଆକଗେପା ତାଗ୍ଲା ଯେବାନ୍ ଜବର୍ ମ୍ବା ରେମୁଆଁକେ ମେଁନେ ବାନ୍ ଝା ବଏ ।

୯ ଆରି ଜେ ଆନାକେ ଆରି ଆମେକେ ଝାବଏ ମେଁ ପାଙ୍ଗ୍ରେ ଆନାକେ ବାସଙ୍ଗଏ ଆକ୍ମେକେ କୁକନେ ଟାନ୍ ବିଃ; ବାରି ଆତେନ୍ ବେଲା ନାନେ ଗିଆସତେ ତାଆଁନେ ଜାଗାନ୍ନିଆ କୁକ ନ୍‌ସା ଯେଖେଏ ।

୧୦ ତାଗ୍ଲା ଉଡ଼ିବେଲା ଆପେକେ ବଜିନ୍ନିଆ ମୁଇଁଜା ଝାଏ, ଆତେନ୍ ବେଲା ଝେତେ ତାଆଁନେ ଜାଗାନ୍ନିଆ କଲାପା; ତିରକମ୍ ଝାବକ୍ଲେ ରେମୁଆଁ ପାଙ୍ଗ୍ରେ ଆପେକେ ବାସଙ୍ଗଏ, ଅ ବନ୍ଧୁ, ମ୍ବାନେ ଜାଗାନ୍ନିଆ ପାଙ୍ଗ୍ଲା; ଅଃତେନ୍ ବେଲା ଯେନେ ଏଃତେ ରଙ୍ଗ କଲେଃକ୍ଲେ ସାପା ରେମୁଆଁନେ ସାମ୍ନାରେ ଆନାକେ ସନ୍ମାନ୍ ମିଲେଏ ।

୧୧ ✨ତାଗ୍ଲା ଜାଣ୍ଟେ କି ନିଜେକେ ମ୍ବା ତାଗ୍ରେ ଆଃସୁଏଃଏ ଆମେକେ ଗୁର୍ନା ଆଡ଼ିଙ୍ଗ୍ଆର୍ ବାରି ଜାଣ୍ଟେ ନିଜେକେ ହିନ୍ ଆଃଡ଼ିଙ୍ଗଏ ଆମେକେ ମ୍ବାରେ ଆଃଡ଼ିଙ୍ଗ୍ଆର୍ଏ ।

୧୨ ଜିସୁ ଆମେକେ ଝାବକ୍ଲେ ପାରୁସିଇଁକେ ବାସଙ୍ଗକେ ସ୍ଥି ବା ମିଡ଼ିଗ୍ ବଜି ବିଲା ଯେନେ ବୟାଁ ବନ୍ଧୁ କୁଟୁମ୍ ଆରି ସାଉକାର୍ ତାଗ୍ଲା ତୁଆଣ୍ଟେକେ ଆଝାଗେପା ତାଗ୍ଲା ବିନେ ବେଲା ମେଇଙ୍ଗ୍ ତିଗ୍ ଆନାକେ ମେଇଙ୍ଗ୍ ଏତେ ତଙ୍ଗନ୍‌ସା ଝାଆର୍ଏ ଆତେନ୍ ବେଲା ନା ନାନେ ପ୍ରତିଦାନ୍ ନାବାଏ ।

୧୩ ତାଗ୍ଲା ବଜି ବିଃକ୍ଲା ଗରିବ୍, କ୍ଲିଙ୍ଗ୍ତ କ୍ଲିଙ୍ଗ୍ତି, ଚଟା, ଆରି କାନା ଆଣ୍ଟେକ୍ଲେ ଝାପା ।

୧୪ ତେଲା ଆନାକେ ମଙ୍ଗଲ୍ ତିଙ୍ଗଏ, ତାଗ୍ଲା ଆପେକେ ପ୍ରତିଦାନ୍ ବିଃନ୍‌ସା ମେଁଇଁନେ ମେଃଡ଼ିଗ୍ ଶୁ ଆରି ଦରମ୍ ରେମୁଆଁଇଁ ଗୁଏଃକ୍ଲେ ବିଡ୍ରେ ମ୍ବା ଆର୍ଏ, ଆତେନ୍ ବେଲା ଯେଇଁ ଯେନେ ପ୍ରତିଦାନ୍ ଯେବାଏ ।

ମୁଇଙ୍ଗ୍ ମ୍ବା ମିଡ଼ିଗ୍ ବଜିନେ ସାମୁଆଁ
(ମାଡ଼ିଉ ୨୨:୧-୧୦)

✨ ୧୪:୧୧ ମାଡ଼ିଉ ୨୩:୧୨; ଲୁକ ୧୮:୧୪.

୧୫ ଆତେନ୍ ଅଁରେ ଜିସୁନେ ଏତେ ରୁଚଙ୍ଗ କଲେଃକ୍ଲେ ରେମୁଆଁଇଁ ବିତ୍ତେ ମୁଇଁଜା ଜିସୁକେ ବାଲିରକେ ଆଣ୍ଟିନେ ରେମୁଆଁ ଇସପରନେ ରାଜିନ୍ନିଆ ଚଙ୍ଗନେ କଏ ମେଁ ଦନ୍ୟ ।

୧୬ ଜିସୁ ଆମେକେ ବାସଙ୍ଗକେ ମୁଇଁଜା ରେମୁଆଁ ମିଡିଗ୍ ବେଲା ମୁନା ବଜି ବିନ୍ୟା ଇକଚା ତିଂରେ ଗୁଲେ ରେମୁଆଁକେ ଖାବକେ ।

୧୭ ବାରି ଚଙ୍ଗନେ ବେଲା ତିଙ୍ଗ୍ ଖେଲା ମେଁ ଖା ବକ୍ଲେ ରେମୁଆଁଇଁ ତାଗ୍ରା ନିଜେନେ ଚାକରକେ ଖାଉଙ୍ଗ୍ ବେକେ ପେ ସାପାରେ ପାଙ୍ଗାଲାପା ତାଗ୍ରା ସାପା ଚଙ୍ଗନେ ତିଙ୍ଗ୍ ଖେଗେ ।

୧୮ ତାଗ୍ରା ସାପାରେ କେମା ପାରତନା ତିଙ୍ଗ୍ନେ ମୁଲେଆରକେ ସେନୁଗ୍ ରେମୁଆଁ ଆମେକେ ବାଃଲିରକେ ନେଙ୍ଗ୍ ଇକ୍ରୁଡା ଲିଜ ବିଆର୍ ମୁକେ ଆନେଙ୍ଗ୍ ଆତେନ୍ କେନେ ପଡେଏ; ଦୟା ଶ୍ରିଂକେ ଆନେଙ୍ଗ୍ କେମା ତିଙ୍ଗ୍ ବିଃଲାପା ।

୧୯ ବାରି ମୁଇଁଜା ବାସଙ୍ଗକେ, “ନେଙ୍ଗ୍ ମାଲ୍ ନୁ ଅରେଃ ବିଆର୍ ମୁକେ ବାରି ନେଙ୍ଗ୍ ଆମେଇଁକେ ପରିକ୍ୟା ତିଙ୍ଗ୍ନ୍ୟା ଖେଣ୍ଟିଙ୍ଗ୍କେ ଦୟା ତିଂରେ ଆନେଙ୍ଗ୍କେ କେମା ତିଙ୍ଗ୍ ବିଃଲାପା ।”

୨୦ ବିନ୍ ମୁଇଁଜା ବାସଙ୍ଗକେ, “ନେଙ୍ଗ୍ ମି ବିଃଏ ନ୍ଲେଃକେ, ତେସା ନେଙ୍ଗ୍ ଖେ ନାୟା ଶୁ ।”

୨୧ ବାରି ଆତେନ୍ ଚାକର ପାଙ୍ଗ୍ରେ ମେଁନେ ମାଲିକ୍କେ ସାପା ସାମୁଆଁ ବାଲିରକେ ଆଡ୍ବାନ୍ ତୁଆ ମାଲିକ୍ ରିସା ତିଙ୍ଗ୍ରେ ନିଜେନେ ଚାକରକେ ବାସଙ୍ଗକେ ଦାପ୍ରେ ଖେରେ ଇନିନେ ଗୁଲି ଆରି କୁନ୍ଦିଇଁ ଖେରେ ଦରିଦ୍ର କନ୍ୟା ଚଟା ଆରି କାନା ଇଂକେ ଆକ୍ଅରିଆ ଖା ତୁଙ୍ଗ୍ପାଙ୍ଗାଲା ।

୨୨ ଇଡିଙ୍ଗ୍ ଆତେନ୍ ଚାକର ଆଣ୍ଟେ ଖିଗ୍ରେ ବାସଙ୍ଗକେ ଏ ମାପୁ ନାନେ ବାଲିରକେ ରକମ୍ ତିଙ୍ଗ୍ମୁକେ ଏଲେଡିଗ୍ ବାରି ଜାଗା ଲେଃକେ ।

୨୩ ଆଡ୍ବାନ୍ ମାଲିକ୍ ଆତେନ୍ ଚାକରକେ ବାଲିରକେ ରାଜଦାଣ୍ଡୁ ଆରି ଗଲି କନ୍ଦି ଖେଲା ନେଙ୍ଗ୍ ତୁଆ ଡିରକମ୍ ବର୍ତ୍ତି ତିଙ୍ଗ୍ଖେଏ ଆତେନ୍ସା ରେମୁଆଁଇଁକେ ପାଙ୍ଗ୍ନେ ସା ବାସଙ୍ଗ ।

୨୪ ତେସା ନେଙ୍ଗ୍ ଆପେକେ ବାସଙ୍ଗ ଶ୍ରିଙ୍ଗ୍ ଆତେନ୍ ଖା ବକ୍ଲେ ରେମୁଆଁ ବିତ୍ତେ ଜାଣ୍ଟେ ନେଙ୍ଗ୍ନେ ବଜି ଚଙ୍ଗ ଆୟାଆର୍ ଶୁ ।

ସିସ୍ ତିଙ୍ଗନ୍‌ସା ମୁଲ୍ୟ
(ମାତିଉ ୧୦:୩୭-୩୮)

୨୫ ଜାବର୍ ସଂକ୍ୟା ରେମୁଆଁ ଜିସୁ ଏତେ ତିଙ୍ଗିଆରକେ ବାରି ଜିସୁ ପୁଏତେଃ ରେମୁଆଁକେ ବାସଙ୍ଗକେ

୨୬ ଜାଣ୍ଡେ ଅଃନା ନେଙ୍ଗ୍ ତାଗ୍ରା ପାଙ୍ଗ୍‌ଚେ ନିଜେନେ ଆବା ଇୟାଙ୍ଗ୍ କୁନେଡେ ଉଙ୍ଗ୍‌ଡେ ବୟାଣ୍ଡେ ଆରି ତନାଣ୍ଡେ ଇଂକେ ଡେକ୍‌ରକମ୍ କି ନିଜର୍ ପାରାନ୍‌କେ ତିର୍ ଜାବର୍ ବଲ୍ ଆବା ଶୁ ହୁତଲା ମେଁ ନେଙ୍ଗ୍‌ନେ ସିସ୍ ତିଙ୍ଗିଆୟା ଶୁ ।

୨୭ ☆ଜାଣ୍ଡେ କି ନେଙ୍ଗ୍‌ନେ କୁରୁସ୍ ହୁଙ୍ଗ୍‌ଚେ ନେଙ୍ଗ୍‌ନେ ପ୍ଲା ଆପାଙ୍ଗ୍ ଶୁ ମେଁ ନେଙ୍ଗ୍‌ନେ ସିସ୍ ତିଙ୍ଗି ଆୟା ଶୁ ।

୨୮ ତାଗ୍ରା ପେ ସାପାରେନେ ବାନ୍ ଜାଣ୍ଡେ ଉର୍‌ନେ ହୁଆ ଆଃରେନ୍‌ସା ଇକ୍‌ଚା ପେତିଙ୍ଗ୍‌କେ ତେଲା ଆତେନ୍ ତିଡା ଜାକ ମେଁନେ ତାବୁ ସମାନ୍ ଲେଃକେ ଲେଃ ଶୁ ଆକେନ୍ ସେନୁଗ୍ କଚେ କର୍ ଇସାବ୍ ପେତିଙ୍ଗ୍‌ଏ

୨୯ ମାରିଆଃ ମେଁ ପାଣ୍ଡୁସୁନ୍ ଆଃକଚେ ଆଃଡା ଆୟା ଶୁ ହୁଃଡିତୁଆ ଆତେନ୍ କେଆରଏ ସାପାରେ ଆମେକେ ଲୁଆଃଚେ ବାସଙ୍ଗ୍‌ନେ ଆରାମ୍ ତିଂଆରଏ ।

୩୦ ଆକେନ୍ ରେମୁଆଁ ତିଆର୍ ତିଙ୍ଗ୍‌ନେ ମୁଲେଚେ ଆଃଡା ଆୟାକେ ଶୁ ।

୩୧ ତାଗ୍ରା ମୁଇଙ୍ଗ୍ ଇଃସାଙ୍ଗ୍ ବିନ୍ ମୁଇଂଜା ଇଃସାଙ୍ଗ୍‌ନେ ଏତେ ଜୁଦ୍ ତିଙ୍ଗିନ୍‌ସା ଝେନେ ବେଲା ମୁଇଂକୁଡି ଅଜାର୍ ସନ୍‌ଏ ହୁଂଝେଚେ ମେଁନେ ବିରଦ୍‌ରେ ପାଙ୍ଗ୍‌ତିଙ୍ଗ୍‌କେ ଇଃସାଙ୍ଗ୍‌ନେ ଆଃଡେ ଗୁଆକ୍‌କିର୍ ଅଜାର୍ ସନ୍‌ଏ ହୁଂଝେଚେ ଜୁଦ୍ ତିଙ୍ଗିନେ ତିଙ୍ଗ୍‌ଏ ଲେଃ ଶୁ ଆତେନ୍ ସେନୁଗ୍ କଚେ ବିଚାର୍ ତିଙ୍ଗିନେ ଦର୍‌କାର୍ ।

୩୨ ଜଦି ଆୟା ଶୁ ତେଲା ବିନ୍ ଇଃସାଙ୍ଗ୍ ସୁ ଲେଃକେ ବେଲା ମେଁ ଦୁଡ୍ ବେଚେ ସାନ୍ତିରେ ଲେଃନ୍‌ସା କବର୍ ବିଃଆରଏ ।

୩୩ ଦେଡ୍‌ରକମ୍ ପେ ସାପାରେ ବାନ୍ ଜାଣ୍ଡେ ତିର୍ ନିଜେନେ ସାପାକେ ଆଃଆନ୍ତାର୍ ପେୟା ଶୁ ମେଁ ନେଙ୍ଗ୍‌ନେ ସିସ୍ ତିଙ୍ଗି ଆୟା ଶୁ ।

☆ ୧୪:୨୭ ମାତିଉ ୧୦:୩୮; ୧୭:୨୪; ମାର୍କ ୮:୩୪; ଲୁକ୍ ୯:୨୩.

ଦରକାର ଶୁଣେ ବିତିଗ୍
(ମାତିଉ ୫:୧୩; ମାର୍କ ୯:୫୦)

୩୪ ବିତିଗ୍ ନିମାଣ୍ଡା; ଡାଗ୍ଲା ବିତିଗ୍ ବାନ୍ ଜଦି ସବ ଆଲେଖଲା ଶୁ
ତେଲା ଆତେନ୍ ମେଝଡିଗ୍ ମୁଲ୍ୟ ଶୁ ପେ ସାପାରେ ମେଁନେ ଆରି
ମୁଇଙ୍ଗ୍ ତର ସବ ଆଣ୍ଡେ ବିପେୟାଏ ?

୩୫ ଆତେନ୍ ତୁବଝ ଶୁଲା କଡ଼କୁଡ଼ା ନସା ଦରକାର ଶୁ; ରେମୁଆଁ
ଆତେନ୍ ବାଏରେ ଜଗ୍ଲାଗ୍ ବିଝଆରେ । ଜାଣ୍ଡେନେ ଦ୍ରିଗ୍ ନସା ନ୍ଲୁଗ୍
ଲେଝକେ ମେଁ ଦ୍ରିଗ୍ପା ।

୧୫

ବକ୍ସେ ମେଣ୍ଡା
(ମାତିଉ ୧୮:୧୨-୧୪)

୧ ✨ବାରି ସିସ୍ତ୍ର ସୁାଲ୍ୟାଣ୍ଡେ ଆରି ପାପି ରେମୁଆଁ ସାପାରେ ଜିସୁନେ
ସାମୁଆଁ ଅଁନସା ଜିସୁନେ ଡାଗ୍ଲା ପାଙ୍ଗ୍ଆରଡିକେ ।

୨ ଆଡ଼ବାନ୍ ପାରୁସିଇଂ ବାରି ଦର୍ମସାସ୍ତିଇଂ ନିନ୍ଦା ଡିଙ୍ଗ୍ତେ
ବାସଙ୍ଗ୍ଆରକେ, “ଆକେନ୍ ରେମୁଆଁ ପାପିଇଂକେ ଗ୍ରାଅନ୍
ଡିଙ୍ଗ୍ମ୍ୟାକେ ବାରି ମେଁଇଂନେ ଆଝତେ ତୁଚଙ୍ଗ୍ମ୍ୟାକେ !”

୩ ଆଡ଼ବାନ୍ ଜିସୁ ଆମେଇଂକେ ଆକେନ୍ ସାମୁଆଁ ବାଲିରକେ ।

୪ ପେନେ ବିଡ୍ରେ ଜଦି ମୁଇଂ ରେମୁଆଁନେ ମାଲ୍କୁଡି ମେଣ୍ଡା ଲେଝଏ
ବାରି ଆଡ଼ବାନ୍ ମୁଇଙ୍ଗ୍ ବଝଝଏ, ତେଲା ମେଝନେ ଡିଙ୍ଗ୍ଏ ? ମେଁ
ବିନ୍ ଅନେସ୍ପଡ଼ ମେଣ୍ଡାକେ ଆନ୍ତାରତେ ବକ୍ସେ ମେଣ୍ଡାକେ ଅବା ଜାକ
ଆଡୁର ଶୁ ?

୫ ବାରି ମେଁ ଆମେକେ ଅବାଲା ମେଣ୍ଡାକେ ସାଦାରେ ଜେବାନିଆ
ଡୁଙ୍ଗ୍ତେ ତୁଆନ୍ନିଆ ତୁଂଝିଗ୍ଏ ।

୬ ବାରି ନିଜେନେ ବନ୍ଦୁ ଆରି ଡାଗ୍ଲା ତୁଆଣ୍ଡେକେ ଖାତେ ମୁଇଂଅରିଆ
ରାଝସିଙ୍ଗ୍ତେ ଆମେଇଂକେ ବାଲିରଏ ନେଙ୍ଗ୍ ଏତେ ସାଦା ଡିଙ୍ଗ୍ପା
ଡାଗ୍ଲା ନେଙ୍ଗ୍ନେ ବକ୍ସେ ମେଣ୍ଡା ଡ଼ବାକେ ।

୭ ନେଙ୍ଗ୍ ଆପେକେ ବାସଙ୍ଗ୍ ଶ୍ରିଙ୍ଗ୍ । ଆଣ୍ଡିନେ ରେମୁଆଁଇଂନେ ମନ୍
ବଦ୍ଲେଝନେ ଇକଟା ଶୁ ଦେକ୍ ରକମ୍ ଅନେସ୍ପଡ଼ ଦରମ୍ ରେମୁଆଁ

ବିତ୍ତେ ମୁଇଁଙ୍କ ପାପିନେ ମନ୍ ବଲ୍ଲେ ଖେଲା ଆମେକେ କିତଙ୍ଗିଇନି ଜବର୍ ସାର୍ଦା ତିଙ୍ଗିଏ ।

ବଃଲ୍ଲେ ରୁପା ତାରୁ

୮ “ବାବେପା ମୁଇଁଙ୍କ ସେଲାମ୍ବୁନେ ଗୁଆକ୍ଲିଗ୍ ରୁପା ତାରୁ *ଲେଃକେ । ଆଡ୍‌ବାନ୍ ମୁଇଁଙ୍କ ବଃଃରେ । ତେଲା ମେଁ ମେଃଡ଼ିଙ୍ଗିଏ ? କୁପିସ ଆଃଡୁଆରେ ତୁଆ ଆଃଃଜଙ୍ଗିଏ ତାରୁ ଅବା ଜାକ ପିତୁର୍ ପାକା ଜନ୍ଦେରେ ତୁର୍ଏ ।

୯ ବାରି ଆତେନ୍ ଅବାଲା ମେଁ ନିଜର୍ ବନ୍ଧୁ ଆରି ତାଗ୍ରା ତୁଆଣ୍ଡେକେ ଖାତେ ମୁଇଁଅରିଆ ରାଃସିଙ୍ଗିରେ ବାସଙ୍ଗିଏ ନେଙ୍ଗି ଆଃତେ ସାର୍ଦା ତିଙ୍ଗିପା ତାଗ୍ରା ଆଣ୍ଡିନେ ତାରୁ ବାଲେଃକେ ଆତେନ୍ ମ୍ବାକେ ।

୧୦ ନେଙ୍ଗି ଆପେକେ ବାସଙ୍ଗି ଶ୍ରିଙ୍ଗି ଦେଡ୍‌ରକମ୍ ଜା ମନ୍ ବଦଲେଏ ଦେକ୍ ରକମ୍ ମୁଇଁଙ୍କ ପାପି ନ୍‌ସା ଇସ୍‌ପର୍ନେ ଦୁଡ୍‌କନ୍‌ନେ ସାମ୍‌ନାରେ ସାର୍ଦା ତିଙ୍ଗିଏ ।

ବଃଲେଃକେ ଉଙ୍ଗିତେ

୧୧ ଜିସୁ ବାସଙ୍ଗିକେ ମୁଇଁଙ୍କଜା ରେମୁଆଁନେ ମ୍ବାକ୍ଲିଗ୍ ଉଙ୍ଗିତେ ଲେଃକେ ।

୧୨ ମେଇଙ୍ଗିନେ ବିତ୍ତେ ତାଆଁନେ ଉଙ୍ଗିତେ ଆବାଡେକେ ବାସଙ୍ଗିକେ ଆବା ସମ୍‌ଡିନେ ବିତ୍ତେ ଆଣ୍ଡିନେ ବାଗ୍ ନେଙ୍ଗିନେ ଆତେନ୍ ଆନେଙ୍ଗି ବିଃଲା । ଆଡ୍‌ବାନ୍ ମେଁ ନିଜର୍‌ନେ ସମ୍‌ଡିକେ ମ୍ବାୟାକେ ବାଗାବିକେ ।

୧୩ ଗଣ୍ଡାଃସି ଇଡିଙ୍ଗି ତାଆଁ ଉଙ୍ଗିତେ ସାପା ମୁଇଁଙ୍କ ତାଗ୍ରା ରାଃସିଙ୍ଗିରେ ସ୍ଲୁ ଦେସ୍ ପାକା ତାର୍‌ଃରେ ବାରି ଆଡ୍‌ଅରିଆ ମେଁ ନିଜର୍‌ନେ ସମ୍‌ଡି କର୍ ତିଙ୍ଗିରେ ଉଙ୍ଗିତେକେ ବିକେ

୧୪ ମାତର୍ ସାପା ତାଙ୍ଗେ ଇଡିଙ୍ଗି ଆତେନ୍ ଦେସ୍‌ନିଆ ମୁର୍‌ଡି ତିଙ୍ଗିଲା ମେଁନେ ଅସ୍‌ବିଦା ତିଙ୍ଗିନେ ଲାଗେକେ ।

* ୧୫:୮ ମୁଇଁଙ୍କ ରୁପା ତାରୁନେ ବାମ୍ ମେସୁଆ ସ୍ଲେକ୍ ଆଜ୍‌ରି ଆଃତେ ସମାନ୍

୧୫ ଆଡ଼ବାନ୍ ମେଁ ଝେରେ ଆତେନ୍ ଦେସ୍‌ନେ ମୁଇଙ୍ଗ୍ ରେମୁଆଁନ୍ନିଆ ଗୁଡ଼ି ଲେଖକେ ଆତେନ୍ ରେମୁଆଁ ଆମେକେ ଗୁରୁଗ୍ ତୁରତ୍ୟାନ୍‌ସା ମେଁନେ ଲିଜନ୍ନିଆ ବେକେ;

୧୬ ବାରି ଗୁରୁଗ୍‌ଇଂ ଆଣ୍ଡିନେ ଆମ୍ବୁଗୁ ଚଙ୍ଗ୍‌ତିଂକେ ଆଡ଼ବାନ୍ ମେଁ ନିଜର୍ ସୁଲୁଏ ଆବ୍‌ସେ ନ୍‌ସା ଇକ୍‌ଚା ଡିଙ୍ଗ୍‌ଡିକେ ଡାଗ୍ଲା ଆମେକେ ମେଝଡିଗ୍ ଆବିଆରକେ ଶୁ ।

୧୭ ଆରି ମେଁ ଚେଡ଼ନା ବାରେ ବାଲିରକେ ନେଙ୍ଗ୍ ଆବାନେ ଉଡ଼ି ଚାକରଇଂନେ କାଦି ଅଗ୍ଲେ ଡିଙ୍ଗ୍‌କେ ମାତର୍ ନେଙ୍ଗ୍ ଆକ୍‌ଅରିଆ କେଡ଼େସଃ ଗୁଏଣ୍ଡିଙ୍ଗ୍‌କେ ।

୧୮ ନେଙ୍ଗ୍ ଆକେନ୍ ଜାଗା ଆନ୍‌ତାରରେ ନେଙ୍ଗ୍‌ନେ ଆବାନେ ଡାଗ୍ଲା ଲୁଏଏ ଆରି ଆବାକେ ମ୍ବାସଙ୍ଗ୍‌ଏ ଆବା ଇସ୍‌ପରନେ ବିରଦ୍‌ରେ ଆରି ନାନେ ବିରଦ୍‌ରେ ନେଙ୍ଗ୍ ପାପ୍ ଡିଙ୍ଗ୍‌ମ୍‌କେ ।

୧୯ ନାଁନେ ଉଙ୍ଗ୍‌ଡେ ଡାଗ୍‌ଚେ ଝାନେ ନେଙ୍ଗ୍ ଦରକାର୍ ଶୁ ଆନେଙ୍ଗ୍ ନାଁନେ ମୁଇଙ୍ଗ୍ ଗୁଡ଼ିରେ ରକମ୍ ବ ।

୨୦ ଆଡ଼ବାନ୍ ମେଁ ଆତେନ୍ ଜାଗା ଆନ୍ତରରେ ନିଜର୍ ଆବାନ୍ନିଆ ଝେଗେ । ଡାଗ୍ଲା ଉଙ୍ଗ୍‌ଡେ ମ୍ଲ ଲେଖନେ ବେଲା ମେଁନେ ଆବାଡ଼େ ଆମେକେ କେଚେ ଲିବିସଃଚେ ତର୍‌ତର୍ ଡିଙ୍ଗ୍‌କେ ଆରି ଝିର୍ ତୁଂଝେଚେ ଝେଚେ ଆମେକେ କଣ୍ଡିଚେ ବୈନ୍ତାକେ ।

୨୧ ଉଙ୍ଗ୍‌ଡେ ଆମେକେ ବାଲିରକେ ଆବା ଇସ୍‌ପରନେ ବିରଦ୍‌ରେ ଆରି ନାନେ ବିରଦ୍‌ରେ ନେଙ୍ଗ୍ ପାପ୍ ଡିଙ୍ଗ୍‌ମ୍‌କେ ନାନେ ଡଂ ଡାଗ୍‌ଚେ ଝାନେ ନେଙ୍ଗ୍ ଆରି ଦରକାର୍ ଶୁ ।

୨୨ ମାତର୍ ଆବାଡ଼େ ମେଁନେ ଚାକରଇଂକେ ବାସଙ୍ଗ୍‌କେ ସାପାବାନ୍ ନିମାଣ୍ଡା ପାଗାଇ ଟାପ୍‌ନା ତୁଂପାଙ୍ଗ୍‌ଚେ ଆକ୍‌ମେକେ ଆସଗ୍‌ପା ଆକ୍‌ମେନେ ଛି ଝାଡ଼ ଆରି ଞ୍ଚିନିଆ ଜୁଡା ଆତାଙ୍ଗେପା ।

୨୩ ବାରି ଗାଗଡ଼େଙ୍ଗ୍ ପଶୁ ତୁଂପାଙ୍ଗ୍‌ଚେ ବାଗୁଏଃପା; ପାଙ୍ଗ୍‌ଲାପା ନେ ସାପାରେ ଚଙ୍ଗ୍‌ଚେ ସାଦା ନେଝଡ଼ିଂପା ।

୨୪ ଡାଗ୍ଲା ନେଙ୍ଗ୍‌ନେ ଆକେନ୍ ଉଙ୍ଗ୍‌ଡେ ଗୁଏଲେଖକେ ବାରି ମୁଇଙ୍ଗ୍ ତର୍ ମ୍‌କେ ମେଁ ବଃଲେକେ ବାରି ମିଲେକେ । ଆଡ଼ବାନ୍ ମେଇଙ୍ଗ୍ ସାଦା ଆଡ଼ିଙ୍ଗ୍‌ନେ ମୁଲେଆରକେ ।”

୨୫ “ଆତେନ୍ ବେଲା ମେଁନେ ମ୍ଲା ଉଙ୍ଗ୍‌ଡେ ଲିଜ ଲେଖଗେ ।

ମେଁ ଉଡ଼ିବେଲା ପାଙ୍କରେ ତୁଆ ଡାଗ୍ରା ପିଙ୍କଟାକେ, ଆତେନ୍ ବେଲା କାଣ୍ଡେଇ ଆରି ଖାଡ଼େଇ ନ୍ନାଂକ୍ନେ ଦ୍ରିଗ୍ ଯାକେ ।

୨୭ ଆରି ଚାକରଇଂନେ ବାନ୍ ମୁଇଂଜାକେ ଡାଗ୍ରା ଖାଟେ ଆତେନ୍ ସାପା ମେଁନେ ଡାଗ୍ରେ ସାଲିଆକୁନେ ଲାଗେକେ ।

୨୮ ଗୁଡ଼ିରେ ଆମେକେ ବାସଙ୍ଗକେ ନାଁନେ ବୟାଁ ତୁଆ ଆଣ୍ଡେ ପାଙ୍କଲେଃକେ ବାରି ନାଁନେ ଆବା ଆମେକେ ନିମାଣ୍ଡା ଗାଗ୍ଡେ ଅବାଟେ ଗାଗ୍ଡେକ୍ନେ ପୁସୁ ମୁଇଙ୍ଗ ବାଗୁଏଃବକେ ।”

୨୯ ଆଡ଼ବାନ୍ ମେଁ ରିସା ଡିଙ୍ଗରେ ବିଡ୍ରେ ଝେନ୍ସା ମନ୍ ଆଡ଼ିଙ୍ଗକେ ଶୁ: ଡାଗ୍ଲା ମେଁନେ ଆବାଟେ ବାଜାର୍ ପାଙ୍କରେ ଆମେକେ ଜବର୍ ଆଃବୁଜେନେ ମୁଲେକେ ।

୩୦ ମ୍ଲାଃ ଉଙ୍ଗଡେ ଆବାଟେକେ ବାସଙ୍ଗକେ, ଅଃକେନ୍ ମୁଆଁ ଡିଙ୍ଗରେ ନେଙ୍ଗ ନାଁନେ ଗଡ଼ିରେ ରକମ୍ କଟେନ୍ଲେକେ ବାରି ଅଃନାଡ଼ିଗ୍ ନାଁନେ ଆଦେସ୍ ଅମାନି ନାଡ଼ିଂକେ ଶୁ ଡାଗ୍ଲା ନେଙ୍ଗନେ ସାଙ୍ଗଂ ଏଃଡେ ସାଦା ଡିଙ୍ଗନ୍ସା ନାଁ ଆନେଙ୍ଗ ଅଃନାଡ଼ିଗ୍ ଗିମିଃ ଉଙ୍ଗଡେ ଡିଗ୍ ନାବିଃକେ ଶୁ ।

୩୧ ମାଡର୍ ଆଡ଼ିନେ ଉଙ୍ଗଡେ ନାଁନେ ସାପା ସମ୍ପତି ଦଦ୍ୟା ରେମୁଆଁଂ ଏଡେ ଚଙ୍ଗ ଆଡାକେ ମେଁ ତୁଆ ଆଣ୍ଡେ ପାଙ୍କଲା ନାଁ ମେନ୍ସା ଗାଗ୍ଡେକ୍ନେ ଅରେଃ ନାବାଗୁଏକେ । ଆବାଟେ ବୁଜେଟେ ବାସଙ୍ଗକେ

୩୨ ଅ ଗଡେଅ, ନା ତ କାଲାଆଃ ନେଙ୍ଗ ଏଡେ ଆକଅରିଆ ଲେଃନାଡ଼ିଙ୍ଗକେ ବାରି ନେଙ୍ଗନେ ମେଃନେ ଲେଃକେ ଆତେନ୍ ସାପା ନାଁନେ

୩୩ ନାବୟାଁ ଗୁଏଃ ଲେଃଗେ ମାଡର୍ ଏବେ ମୁଲେଃକେ । ମେଁ ବଃଝେଲେଃଗେ ଏବେ ମିଲେକେ । ଏନ୍ସା ନେ ମ୍ଲେଡ୍ୟାଟେ ବଜି ଡିଙ୍ଗନେଡିଙ୍ଗକେ ।

୧୭

ଚୁଡୁର୍ ଗୁମୁସା

୧ ଜିସୁ ମେଁନେ ସିସ୍ଲଂକେ ବାସଙ୍ଗକେ ମୁଇଙ୍ଗ ସାଉକାର୍ ରେମୁଆଁ ଲେଃକେ; ମେଁନେ ମୁଇଙ୍ଗ ଗୁମୁସା ଲେଃକେ ବାରି ମେଁ ମେଁନେ

ସମ୍ପତ୍ତି ଜଗତେ ତିଙ୍କକେ ତାଗ୍‌ରେ ମେଁନେ ବିସୟରେ ବଦଲାଇ ଅଁରେ ସାଉକାର୍ ଗୁମୁସ୍ତାକେ ଖାତେ ବାସଙ୍‌ତିଂକେ

୨ ନେଙ୍ଗ ନାନେ ବିସୟରେ ତିରକମ୍ ସାମୁଆଁ ଅଁଲ୍ଲେକେ ? ନାନେ ଗୁମୁସ୍ତା କାମ୍‌ରେ ଇସାବ୍ ବିଷଲା ତାଗ୍ଲା ନାନେ ଆରି ଗୁମୁସ୍ତା ତିଙ୍କରେ ଲେଃ ନାୟା ଶୁ ।

୩ ଆଡ଼ବା ଆଡେନ୍ ଗୁମୁସ୍ତା ମନେ ମନେ ବାସଙ୍‌କେ ମେଃଶ୍ଟିଏ ନେଙ୍ଗ୍‌ନେ ମାପୁ ତ ନେଙ୍ଗ୍‌ବାନ୍ ଗୁମୁସ୍ତା ପଦ୍ ଆଆନ୍ତାର୍ ବିଷବକେ । ତୁବଃ ଗଃନ୍‌ସା ନେଙ୍ଗ୍‌ନେ ବପୁ ଶୁ ବିକ୍ ସାଲିଆ ନ୍‌ସା ଆନେଙ୍ଗ୍ ଗିଆସଃ ତତିଂକେ ।

୪ ନେଙ୍ଗ୍ ଗୁମୁସ୍ତା ପଦ୍‌ବାନ୍ ଆନ୍ତାର୍ ବିଷକ୍ଲେ ଇଡ଼ିଙ୍ଗ୍ ରେମୁଆଁଇଂ ତିରକମ୍ ଆନେଙ୍ଗ୍ ନିଜେ ନିଜେନେ ତୁଆ ଚାନ୍ ବିଆର୍‌ଏ ଆକେନ୍‌ସା ମେଃନେ ଶ୍ଟିଏ ଆଡେନ୍ ମ୍ୟାନେଲେଃକେ ।

୫ ବାରି ଗୁମୁସ୍ତା ନିଜେନେ ମାପୁନେ ସାପା ରୁନ୍ ତୁଂଝିଗ୍‌ଶ୍ଟେକେ ତାଗ୍ଲା ଝେରେ ସେନ୍‌ଗ୍ ମୁଇଙ୍ଗାକେ ବାଲିରକେ ନାଁନେ ଆଡ଼ାତ୍ରା ନେଙ୍ଗ୍ ମାପୁନେ ଉଡ଼ି ରୁନ୍ ବାକି ଲେଃକେ, ମେଁ ବାସଙ୍‌କେ ମାଲ୍‌କୁଡ଼ି ତାବା ଝୁ ।

୬ ମେଁ ବାସଙ୍‌କେ, ମୁଇଂ ସହ ପିପା ଝୁ । ଗୁମୁସ୍ତା ଆମେକେ, ନାନେ ନିଅମ୍ ଉଲିଆ ତୁଂପାଙ୍ଗ୍‌ରେ ଜିଆଃ କରେ ଝଂ ତାଗ୍‌ରେ ଗୁଆର୍ ।

୭ ଏନ୍ ଇଡ଼ିଙ୍ଗ୍ ଗୁମୁସ୍ତା ବାରି ମୁଇଙ୍ଗାକେ ବାଲିରକେ ନାଁନେ ଆଡ଼ାତ୍ରା ଉଡ଼ି ରୁନ୍ ଲେଃକେ ମେଁ ବାସଙ୍‌କେ ମାଲ୍‌କୁଡ଼ି ବାସ୍ତା ଗହମ୍ ଗୁମୁସ୍ତା ଆମେକେ ବାସଙ୍‌କେ ନାନେ ଇସାବ୍ ତୁଂଝେରେ ଅଁକୁଡ଼ି ତାଗ୍‌ରେ ଗୁଆର୍ ।

୮ “ଆଡେନ୍ ଅଦର୍ମ ଗୁମୁସ୍ତା ବୁଦି ଏଃତେ କାମ୍ ତିଙ୍କ୍‌ବଲା ମେଁନେ ମାପୁ ଆମେକେ ସାଦା ତିଙ୍କ୍‌କେ, ତିଲାଡ଼ିଗ୍ ଆକେନ୍ ଜୁଗ୍‌ନେ ଗଡ଼େଇଙ୍ଗ୍ ମେଁଇଂନେ ଜାତିନେ ଆଡ଼ାତ୍ରା ତାରାସ୍‌ନେ ଗଡ଼େଇଂନେ ବାନ୍ ଜାବର୍ ଚାଲାକି ଲେଃଆରକେ ।”

୯ ନେଙ୍ଗ୍ ତିଙ୍କ୍ ଆପେକେ ବାସଙ୍‌ଶ୍ଟିଂ, ଅଦର୍ମ ଦନ୍‌କେ ନିଜେ ନିଜେ ନ୍‌ସା ରେମୁଆଁ ଲାବ୍ ଆଡ଼ିଙ୍ଗେପା, ତିରକମ୍ ଆଡେନ୍ ତାଝେଲା ଆପେକେ ମାତାନେ ତୁଆନ୍ନିଆ ଗ୍ରାଅନ୍ ତିଙ୍କ୍‌ଆର୍‌ଏ

୧୦ ଜାଣ୍ଠେ ଇତୁଡ଼ା ବିସୟରେ ବିସବାସ୍ ତିଙ୍ଗ୍‌ଏ ମେଁ ଗୁଲୁଏ ବିସୟରେ ତିଗ୍ ବିସବାସ୍ ତିଙ୍ଗ୍‌ଏ । ଆରି ଜାଣ୍ଠେ ଇତୁଡ଼ା ବିସୟରେ ଅବିସବାସ୍ ତିଙ୍ଗ୍‌ଏ ମେଁ ଗୁଲୁଏ ବିସୟରେ ତିଗ୍ ଅବିସବାସ୍ ଆତିଙ୍ଗ୍ ଶୁ ।

୧୧ ଜଦି ପେଇଙ୍ଗ୍ ଦରତନିନେ ଦନ୍‌କେ ଅବିସବାସ୍ ପେତିଙ୍ଗ୍‌ଏ ତେଲା ଜାଣ୍ଠେ ଆପେକେ ବିସବାସ୍ ତିଙ୍ଗ୍‌ରେ ସଡ଼ନେ ଦନ୍ ଆପେକେ ଛି ସପେବିଏ ।

୧୨ ବାରି ଆତିନେ ବିନ୍‌ଶ୍ଟେନେ ଆଡ଼ ଅରିଆ ଜଦି ପେ ବିସବାସ୍ ପେତିଙ୍ଗ୍‌କେ ତେଲା ଆତିନେ ପେନେ ନିଜରନେ ଆତାନ୍ ଜାଣ୍ଠେ ଆପେକେ ବିଏ ?

୧୩ ✨“ଆଣ୍ଠିନେ ସେବାଣ୍ଠେ ମ୍ବାକ୍ଲିଗ୍ ମାପୁନେ ସେବା ତିଙ୍ଗ୍ ଆୟା ଶୁ, ଡାଗଲା ମେଁ ମୁଇଙ୍ଗ୍‌ଜାକେ ଇଙ୍ଗ୍‌ରେ ତିଙ୍ଗ୍‌ଏ ଆରି ବିନ୍ ମୁଇଙ୍ଗ୍‌ଜାକେ ଆଲାଦ୍ ନାତିଙ୍ଗ୍ ଶୁଲା ମୁଇଙ୍ଗ୍‌ଜାନେ ଆଡ଼ାତ୍ରା ବିସବାସ୍ ତିଙ୍ଗ୍‌ଏ ଆରି ବିନ୍ ମୁଇଙ୍ଗ୍‌ଜାକେ ବିସବାସ୍ ଆତିଙ୍ଗ୍ ଶୁ । ପେଇଙ୍ଗ୍ ଇସପର୍ ଆରି ଦନ୍ ମ୍ବାୟାନେ ଜତନ୍ ତିଙ୍ଗ୍ ପେୟା ଶୁ ।”

ଜିସୁନେ ଉଡ଼ି ସାମୁଆଁ
(ମାତିଉ ୧୧:୧୨-୧୩; ୫:୩୧-୩୨; ମାରକ ୧୦:୧୧-୧୨)

୧୪ “ଆକେନ୍ ସାପା ସାମୁଆଁ ଅଁରେ ପାରୁସିଇଙ୍ଗ୍ ଜିସୁନେ ଆଡ଼ାତ୍ରା ରିସା ତିଙ୍ଗ୍‌ଆକେ ଡାଗ୍ଲା ମେଇଁ ତାରୁକେ ବଲ୍‌ବା ତିଙ୍ଗ୍ ଆରକେ ।

୧୫ ଆଡ଼ବା ଜିସୁ ଫାରୁଶୀଇଁକେ ବାସଙ୍ଗ୍‌କେ ଜାଣ୍ଠେଇଁ ନିଜେ ନିଜେକେ ରେମୁଆଁଇଁ ମୁଆଃନ୍ନିଆ ଦାମ୍‌କ୍ ଡାଗ୍‌ରେ ଆସୁଏ ପେଇଁ ଦେଡ଼ସୁଗୁଆ ରେମୁଆଁ ମାତର୍ ଇସପର୍ ପେନେ ଜିବନ୍‌କେ ମ୍ୟାଲେଃକେ । ଡାଗ୍ଲା ଆଣ୍ଠିନେ ରେମୁଆଁଇଁନେ ବିଡ୍ରେ ମ୍ବାତିଙ୍ଗ୍‌ଏ ଆଡେନ୍ ଇସପର୍‌ନେ ମୁଆଃନ୍ନିଆ ଗୁରନା ତିଙ୍ଗ୍‌ଏ ।

୧୬ ମୋଶାନେ ନିୟମ୍ ଆରି ବାବବାଦିଇଁନେ ଦର୍ମସାସ୍ତି ବାପ୍ତିଜକ ଜହନ୍‌ନେ ଜାକ ବାସଙ୍ଗ୍ ଲେଃକେ ଆଡେନ୍ ବେଲାବାନ୍ ଇସପର୍‌ନେ ରାଜିନ୍ନିଆ ନିମାଣ୍ଡାବାର୍ଡା ବାସଙ୍ଗ୍ ତିଙ୍ଗ୍‌ତିଙ୍ଗ୍ ଆରି ଗୁଲେ ରେମୁଆଁ ବପୁ ଏତେ ଆଡ଼ଅରିଆ ଝେଟା ଆରତିଙ୍ଗ୍ ।

✨ ୧୭:୧୩ ମାତିଉ ୭:୨୪.

୧୭ ☆ତାଗ୍ଲା ନିୟମ୍ ମୁଇଙ୍କ୍ ତାଆଁନେ ମୁଇଙ୍କ୍ ଟପା ଡିଗ୍ ଦଂସ ଆଡିଙ୍କ୍ ଶୁଆତେନ୍‌ସା କିତଂଇନି ଆରି ମଞ୍ଚପୁର୍ ଦଂସ ତିଂଏ ତ ସଅଜ୍‌ରେ ଦଂସ ତିଂଏ ।”

୧୮ “ଜାଣ୍ଠେ କି ନିଜର୍ ସେଲାମ୍‌ସୁଃକେ ଆନ୍ତାର୍‌ରେ ବିନିନେ ବିହେ ଡିଙ୍କ୍‌ଏ ମେଁ ଅଡ଼ାରେଗ୍ ଡିଙ୍କ୍‌ଏ; ଆରି ଆଣ୍ଠିନେ ଜିର୍‌ବଏ ମୁଇଙ୍କ୍ ଆନ୍ତାର୍‌କ୍ଲେ ସେଲାମ୍‌ସୁଃକେ ବିହେ ଡିଙ୍କ୍‌ଏ ମେଁ ଡିଙ୍କ୍ ଅଡ଼ାରେଗ୍ ପାପ୍‌ରେ ଦସ୍ ଡିଙ୍କ୍‌ଏ ।”

ସାଉକାର୍ ରେମୁଆଁ ଆରି ଲାଜାର୍

୧୯ ଜିସୁ ବାସଙ୍‌କେ, “ମୁଇଙ୍କ୍ ସାଉକାର୍ ରେମୁଆଁ ଲେଃକେ ମେଁ କାଲାଆଃ ନିମାଣ୍ଡା ପାଟାଇ ଅଡ଼େଗ୍‌ରେ ମ୍ବା ସାର୍ଦାରେ କାଲାଆଃ ତୁଂଝିଗ୍ ତୁଂପାଙ୍‌ଡିଂକେ

୨୦ ମାତର୍ ମେଁନେ ସ୍ଲେଡିଆନେ ତାଗ୍ଲା ଲାଜାର୍ ତାଗ୍‌ରେ ମୁଇଙ୍କ୍ ବିକାରି ଲଃଲେକେ । ମେଁନେ ଗାଗ୍‌ଡ଼େ ସାପା ଇରିଃ ବତ୍ ଲେଃଗେ ।

୨୧ ଲାଜାର୍ ଆତେନ୍ ସାଉକାର୍ ରେମୁଆଁନେ ଚଙ୍‌ରେ ଆଣ୍ଠିନେ ଆନ୍ତାର୍ ବିଏ ଆତେନ୍ କୁଟାବାନ୍ ଉଡି ଚଙ୍‌ରେ ସୁଲୁଏ ଆବ୍‌ସେ ନସା ଆସା ଡିଙ୍‌ଡିଙ୍‌କେ ବାରି ଗୁସୁଃଇଂ ପାଙ୍‌ରେ ମେଁନେ ଇରିଃ ସାପା ଚାଲିଃ ଡିଙ୍‌ଆରଗେ ।”

୨୨ ଇଡିଙ୍‌ ଆତେନ୍ ଲାଜାର୍ ଗୁଏ ଝେକେ ଆରି କିତଂନେ ଦୁଡ଼ଇଂ ପାଙ୍‌ରେ ଅବ୍ରାହାମ୍‌ନେ ବୁଲୁନ୍ନିଆ ତୁଙ୍‌ ଝେକେ ତେନ୍ ଇଡିଂ ଆତେନ୍ ସାଉକାର୍ ରେମୁଆଁ ଡିଗ୍ ଗୁଏ ଝେକେ ଆରି ଆମେକେ ରାଃଚ୍ୟାନ୍ନିଆ ଆଡିବିଃ ଆରକେ ।

୨୩ ଆରି ସାଉକାର୍ ରେମୁଆଁ ନର୍କ୍ କୁଣ୍ଡିନ୍ନିଆ ତେରେପେତେ ଡିଙ୍‌ରେ ଆଡ଼ାତ୍ରା ତାଣ୍ଠେରେ ଅବ୍ରାହାମ୍‌ନେ ବୁଲୁନ୍ନିଆ ଲାଜାର୍‌କେ କେକେ ।

୨୪ ଆଡ଼ବାନ୍ ସାଉକାର୍ ରେମୁଆଁ ଝାରେ ବାସଙ୍‌କେ ଅ ଆବା ଅବ୍ରାହାମ୍‌ ଆନେଙ୍‌ ଦୟା ତିଂରେ ନେଙ୍‌ ତାଗ୍ଲା ଲାଜାର୍‌କେ ବେବିଃଲାପା ଡିରକମ୍ ମେଁ ଶୁଆନ୍ନିଆ ନିଜେନେ ଝୁଏଡିନ୍ନିଆ ଚିପ୍

☆ ୧୭:୧୭ ମାଡିଉ ୫:୧୮.

ଆଲଗ୍ରେ ନେଇଁ ନ୍ୟୁଆ ରୁଇଡ଼ିଆ ଆଃଡ଼ିଙ୍ଗ୍ ଡାଗ୍ଲା ନେଇଁ ଆକେନ୍ ସୁଆନ୍ନିଆ ତେରେପେତେ ତିଙ୍ଗ୍ଣି ।

୨୫ ଡାଗ୍ଲା ଅବାହାମ୍ ବାସଙ୍ଗ୍ କେ, “ଗଡେଅରେ ନାଁ ଜେ ମୁଲେକ୍ସେ ବେଲା ନାଁନେ ନିମାଣ୍ଡା ବିସୟ୍ ସାପା ନାବାକେ ବାରି ଲାଜାର୍ ଦେକ୍‌ରକମ୍ ଦଦ୍ୟା ବିସୟ୍ ସାପା ବାକେ ଆକେନ୍ ଏତେ ବେଲା; ଡାଗ୍ଲା ଏକ୍ସେ ମେଁ ଆକେନ୍ ଜାଗାନ୍ନିଆ ସାନ୍ତି ବାଡ଼ିକେ ବାରି ନାଁ ତେରେପେତେ ତିଙ୍ଗ୍‌ନାଡ଼ିଙ୍ଗ୍ ।

୨୬ ଆତେନ୍ ଆନ୍ତାର୍ରେ ନାନେ ନେଇଁ ବିତ୍ରେ ଜବର୍ ମ୍ଲାନେ ନିୟମ୍ ଲେଃକେ ଜେଡ଼ିକି ଜାଣ୍ଡେଇଁ ଆକେନ୍ ଜାଗାବାନ୍ ପେଇଁନେ ଡାଗ୍ଲା ଝେନ୍‌ସା ଇକଟା ତିଙ୍ଗ୍‌ଆର୍‌ଏ ମେଇଁ ଝେ ଆୟାଆର୍ ଶୁ ଆରି ଆତେନ୍ ଜାଗାବାନ୍ ଜାଣ୍ଡେ ନେଇଁନେ ଡାଗ୍ଲା ପୁଆତେ ପାଙ୍ଗ୍ ଆୟାଆର୍ ଶୁ ।

୨୭ ଆଡ଼ବାନ୍ ସାଉକାର୍ ରେମୁଆଁ ବାସଙ୍ଗ୍ କେ ଅ ଆବା ଅବାହାମ୍ ତେଲା ନେଇଁ ଆନାକେ କୁସାମୁଡ଼ି ତିଙ୍ଗ୍‌ଣି ଲାଜରକେ ନେଇଁନେ ଆବା ତୁଆ ବେ ବିଃଲା ।

୨୮ ଡାଗ୍ଲା ନେଇଁନେ ମାଲିକ୍ଲିଗ୍ ବୟାଁ ଲେଃଆରକେ; ମେଇଙ୍ଗ୍ ତିଙ୍ଗ୍ ତିରକମ୍ ଆକେନ୍ କସ୍ ତିଙ୍ଗ୍‌ନେ ଜାଗାନ୍ନିଆ ଆପାଙ୍ଗ୍‌ଆରଲେ ତେସା ଲାଜାର୍ ମେଇଙ୍ଗ୍‌ନେ ଡାଗ୍ଲା ସାକି ବିଃଏ ।”

୨୯ ମାତର୍ ଅବାହାମ୍ ବାସଙ୍ଗ୍ କେ, “ମେଇଁ ଡାଗ୍ଲା ମୋଶା ଆରି ବାବବାଦିଇଁନେ ଦରମ୍ ସାସ୍ତର୍ ଲେଃକେ ମେଇଁ ମେଁଇଙ୍ଗ୍‌ନେ ସାମୁଆଁ ଅଁନେ ଦରକାର୍ ।

୩୦ ଆଡ଼ବା ମେଁ ବାସଙ୍ଗ୍ କେ ଏ ଆବା ଅବାହାମ୍ ଅଃତେନ୍ ଆଃ ଜବର୍ ଶୁ ମୁାତର୍ ଗୁଏକ୍ସେ ଡାଗ୍ଲା ମୁଇଁଜା ମେଇଁ ଡାଗ୍ଲା ଝେଏ ତେଲା ମେଇଁ ମନ୍ ଆବଦ୍‌ଲେ ଆର୍‌ଏ ।

୩୧ ଡାଗ୍ଲା ଅବାହାମ୍ ସାଉକାର୍ ରେମୁଆଁକେ ବାସଙ୍ଗ୍ କେ ଜଦି ନାଁନେ ବୟାଁଇଁ ମୋଶା ବାରି ବାବବାଦିଇଁନେ ସାମୁଆଁ ଆଅଁଆର୍ ଶୁ ଦେଡ଼ଲା ମେଇଙ୍ଗ୍ ଗୁଏକ୍ସେ, ରେମୁଆଁ ବାନ୍ ମୁଇଙ୍ଗ୍‌ଜା ଝେତେ ବାସଙ୍ଗ୍‌ଲା ତିଗ୍ ଆଅଁଆର୍ ଶୁ ।”

ପାପ

(ମାତିଉ ୧୮:୭-୭, ୨୧-୨୨; ମାର୍କ ୯:୪୨)

୧ ଜିସୁ ମୈନେ ସିସଇଂକେ ବାସଙ୍ଗକେ ଡିଲାଡିଗ୍ ଆକେନ୍ ଗଟ୍‌ନା ଗଟେନେ ଗଟେଏ । ଆଣ୍ଟିନେ କାରନ୍‌ରେ ରେମୁଆଁଇଂ ପାପ ଡିଙ୍ଗିଆର୍‌ଏ । ମାତର୍ ଆଣ୍ଟିନେ ରେମୁଆଁ ବାନ୍ ଦେକ୍‌ରକମ୍ ଗଟ୍‌ନାଇଂ ଗଟେଏ । ଆଡେନ୍ ରେମୁଆଁ ନ୍‌ସା ଆକେନ୍ ଜବର୍ ଦଦ୍ୟା ଡିଙ୍ଗିଏ । ଆଡେନ୍ ରେମୁଆଁନେ କସ୍‌ବ

୨ ଜାଣ୍ଟେ ରେମୁଆଁ ଆକେନ୍ ତାଆଁରେ ଗଡେଅଇଂନେ ବାନ୍ ମୁଇଂଜାକେ ପାପ ଆଃଡିଙ୍ଗିଏ ମୈନ୍‌ସା ଆଡେନ୍‌ସା ଲୁଗଃନ୍ନିଆ ମୁଇଙ୍ଗ୍ ହି ଗାଗ୍‌ଟେ ମୈ କେଣ୍ଟିଆନ୍ନିଆ ଲଗ୍‌ତ୍ୟାଃ ଗୁଏନେ ମୈନ୍‌ସା ନିମାଣ୍ଟା ଲେଃଏ ।

୩ ☆ଡେଲା ପେ ସାପାରେ ନିଜେ ନିଜେ ବିସଏରେ ନିମାଣ୍ଟା ଲାଲାପା । ଜଦି ନାନେ ବୟାଁ ପାପ ଡିଙ୍ଗିଏ, ଡେଲା ଆମେକେ ଆଃମିସୁଃପା ବୁଲ୍ ଡିଙ୍ଗିନାଡିଙ୍ଗି ବାରି ମୈ ମନ୍ ବଦ୍‌ଲେଏ ଡେଲା ଆମେକେ ଲିବିସ ବିଃପା ।

୪ ଆରି ଜଦି ମେସୁଆ ବିଡ୍ରେ ଗୁଲ୍ଲିଗ୍ ତର୍ ପେନେ ବିରଦ୍‌ରେ ପାପ ଡିଙ୍ଗିଏ ଆରି ଗୁଲ୍ଲିଗ୍ ତର୍ ପେନେ ଡାଗ୍ରା ଆଣ୍ଟେ ପାଙ୍ଗ୍‌ଟେ ନେଙ୍ଗ୍ ମନ୍ ବଲ୍ଲେ ମ୍‌କେ ଡାଗ୍‌ଟେ ବାସଙ୍ଗିଏ ଡେଲା ଆମେକେ ଲିବିସ ଡିଙ୍ଗିପା ।

ବିସ୍‌ବାସ୍

୫ ଆଡ୍‌ବାନ୍ ପ୍ରେରିଡ୍‌ଇଂ ମାପୁକେ ବାସଙ୍ଗକେ, “ନେନେ ବିସ୍‌ବାସ୍ ଆମ୍ମାବିଲା ।”

୬ ମାପୁ ବାସଙ୍ଗକେ ଜଦି ମୁଇଙ୍ଗ୍ ସରିସ୍ ମୁଞ୍ଜି ରକମ୍ ବିସ୍‌ବାସ୍ ଲେଃଏ, ଡେଲା ଆକେନ୍ ତୁଡ୍‌କୁଲି ସ୍ଲାକେ ନାଁ ବୁନ୍ଦେବାନ୍ ଡବେଗ୍‌ଟେ କେଣ୍ଟିଆନ୍ନିଆ ଉଂକେ ରକମ୍ ଲାଃଲା ଡାଗ୍‌ଟେ ବାସଙ୍ଗିଲା ଆଡେନ୍ ପେ ସାପାରେନେ ସାମୁଆଁ ମାନେଏ ।

ମୁଇଙ୍ଗ୍ ଗୁଡିରେନେ କାମ୍

୭ ଡେଲା ପେ ସାପାରେନେ ବିଡ୍ରେ ଦେକ୍‌ରକମ୍ ରେମୁଆଁ ଜାଣ୍ଟେ ଲେଃକେ, ଜାନେ ଚାକର୍ ଗିମି ାଃଇଂ ତୁର୍ତ୍ୟାଟେ ବା ଲିଜ ସିଟେ

☆ ୧୭:୩ ମାତିଉ ୧୮:୧୫.

ଲିଜବାନ ପାଇଁ, ମାଲିକ୍ ଆମେକେ ବାସଙ୍ଗ, ଚାପନା ପାଇଁତେ
ଚଙ୍ଗିଉଗ୍ କଲା ।

୮ ନାନେ ଯେ ଯେନେ ଚାକରକେ ଯେବାସଙ୍ଗ, ନେଙ୍ଗ ନ୍‌ସା
ଚଙ୍ଗନେ ଆମେତେ ବାରି ନେଙ୍ଗ ଚଙ୍ଗିଉଗ୍ ଡାଲା ଯେଇଁ ଯେଚଙ୍ଗ
ଆରି ଯେଉଗ୍ ।

୯ ଚାକର ସାମୁଆଁ ମାନେତେ କାମ୍ ତିଙ୍ଗବଲା ମେଁ ମେଁନେ
ଆମେକେ ଆସିବାଦ ବିଏ ?

୧୦ ଦେଡ଼ରକମ୍ ଯେ ସାପାରେ ତିଙ୍ଗ ସାମୁଆଁ ମାସାତେ ସାପା କାମ୍
ତିଙ୍ଗକ୍ଲେ ଇଡ଼ିଙ୍ଗ ବାସଙ୍ଗପା ନେ ସାପାରେ ଅଦରମ୍ ଗତିରେ ଆଣ୍ଟିନେ
ତିଙ୍ଗନେ ଦରକାର୍ ଆତେନ୍ ମାତର ନେଡ଼ିଙ୍ଗକେ ।

ଜିସୁ ଗୁଆକ୍ଲିଗ୍ କୁଷ୍ଟରଗ୍ ରେମୁଆଁକେ ନିମାଣ୍ଡା ଆଡ଼ିଙ୍ଗକେ

୧୧ ଜିସୁ ଯିରୁଶାଲମନ୍ନିଆ ଝେନେ ବେଲା ସମରିଆ ବାରି
ଗାଲିଲୀନେ ଗାଲି ବିଚେ ଝେଏ ଡ଼ିଙ୍ଗକେ ।

୧୨ ଆରି ଜିସୁ ମୁଇଙ୍ଗ ଇନିନିଆ ଝେଚାକ୍ଲେ ଦାପ୍ତେ ଗୁଆ ରେମୁଆଁ
କୁଷ୍ଟରଗିଇଁ ଜିସୁ ଏତେ ଅବାଆରକେ ।

୧୩ ମେଇଙ୍ଗ ସ୍ତବାନ୍ ତୁଆଁତେ ମ୍ନା କଣ୍ଟରେ ବାଃଲିରୁଆରକେ ଏ ଜିସୁ
! ଅ ଗୁରୁ ! ଆନେ ସାପାରେକେ ଲିବିସ ତିଙ୍ଗବିଲା ।

୧୪ ଆରି ମେଁ ଆମେଇଁକେ କେତେ ବାସଙ୍ଗକେ “ଯେଇଁ
ଝେଚେ ନିଜେ ନିଜକେ ପୁଜାରିଇଁକେ ଆସୁଏପା । ଆରି ମେଇଁ
ପୁଜାରିଇଁନିଆ ଝେନେ ବେଲା ନିମାନ୍ ତିଙ୍ଗ ଝେଆରକେ ।”

୧୫ ଡାବ୍ଲା ମେଇଙ୍ଗନେ ବିତ୍ତେ ମୁଇଙ୍ଗଜା ନିମାଣ୍ଡା ତିଙ୍ଗଲେଃକ୍ଲେ
କେତେ ମ୍ନା କଣ୍ଟରେ ଇସ୍ପରନେ ମଇମା ଅସ୍ମାର୍ ତିଙ୍ଗ ତିଙ୍ଗତେ
ଆଣ୍ଟେ ଝିଗ୍ତେ

୧୬ ଆରି ଜିସୁନେ ପାଦ୍ ଚୁନ୍ଦେ ତେଙ୍ଗତେ ସାର୍ଲକେ ବାରି
ଆମେକେ ଦନ୍ୟବାଦ୍ ବିକେ । ମେଁ ମୁଇଙ୍ଗଜା ଶମିରୋଣୀୟ ରେମୁଆଁ
ଲେଃକେ ।

୧୭ ଆଡ଼ବାନ୍ ଜିସୁ ଉତର୍ ବିକେ ଗୁଆକ୍ଲିଗ୍ ରେମୁଆଁ ମେଁନେ ନିମାଣ୍ଡା
ଆଡ଼ିଙ୍ଗଆରକେ ଶୁ । ତେଲା ଆରି ଗୋମ୍ନା ରେମୁଆଁ ଆଣ୍ଟି ଝେଆରଗେ
।

୧୮ ଇସ୍‌ପରନେ ଗୌରବ୍ ବିଷନ୍‌ସା ଆକେନ୍ ଶମିରୋଶୀୟ ରେମୁଆଁ ଆନ୍ତାର୍‌ତେ ମେଁନେ ଆରି ଜାଣ୍ଟେ ଜାଣ୍ଟେ ଆଉଗ୍‌ଆରକେ ।

୧୯ ବାରି ଜିସୁ ଆମେକେ ବାସଙ୍‌କେ ତଡ଼୍ୟା ବାରି ଝିଗ୍‌ଲା ନାଁନେ ବିସ୍‌ବାସ୍ ଆନାକେ ନିମାଣ୍ଡା ଆଡ଼ିଙ୍‌ ବିଷବକେ ।

**ପରମେସର୍‌ନେ ରାଇଜ୍ ପାଙ୍‌ ଡିଙ୍‌କେ
(ମାଡ଼ିଉ ୨୪:୨୩-୨୮, ୩୭-୪୧)**

୨୦ ଇସ୍‌ପରନେ ରାଇଜ୍ ଅଃନା ପାଙ୍‌ଡିଙ୍‌କେ ଏନ୍ ବିସ୍‌ୟରେ ପାରୁସିଙ୍‌ ଜିସୁକେ ସାଲିଆକୁ ଆରକେ ଜିସୁ ଆମେକ୍‌କେ ଉତର୍‌ ବିକେ ଇସ୍‌ପରନେ ରାଇଜ୍ ମୁଆଃନ୍‌ନିଆ ନାକେ ସୁଗୁଆ ଆପାଙ୍‌ ଶୁ ।

୨୧ କେଲାପା ଇସ୍‌ପରନେ ରାଇଜ୍ ଆଡ଼ଅରିଆ କି ଆକ୍‌ଅରିଆ ଡାଗ୍‌ରେ ରେମୁଆଁ ଆବାଲିରୁଆର୍ ଶୁ ଡାଗ୍‌ କେଲାପା ଇସ୍‌ପରନେ ରାଇଜ୍ ପେ ସାପାରେନେ ବିଡ୍ରେ ଲେଃକେ ।

୨୨ ଇଡ଼ିଙ୍‌ ଜିସୁ ସିସ୍‌କ୍‌କେ ବାସଙ୍‌କେ ଦେକ୍ ରକମ୍ ବେଲା ପାଙ୍‌ଏ ଉଡ଼ିବେଲା ପେଇଙ୍‌ ମାପରୁ ଉଙ୍‌ଡେ ସ୍ଥି ଆଣ୍ଟେଙ୍‌ ବିଡ୍ରେ ମୁଇଙ୍‌ ସ୍ଥି କେନ୍‌ସା ଇକ୍‌ରା ପେଡିଙ୍‌ଏ ଡାଗ୍‌ ପେକେ ଶୁ ।

୨୩ କେଲାପା ଆଡ଼ଅରିଆ କେଲାପା ଆକ୍‌ଅରିଆ ଡାଗ୍‌ରେ ରେମୁଆଁକ୍‌ ଆପେକେ ବାସଙ୍‌ଏ; ଡାଗ୍‌ ପେଇଙ୍‌ ଆଝେଗେପା ।

୨୪ ଡାଗ୍‌ ବିଜ୍‌ଲି ବଗ୍‌ରେ ଡିରକମ୍ କିତ୍‌ଅରିଆ ମୁଇଙ୍‌ ଡାଗ୍‌ବାନ୍ ଆରି ମୁଇଙ୍‌ ପାକା ଜାକ ଡାକ୍‌କିଗ୍ ବିଃଏ, ମାପରୁ ଉଙ୍‌ଡେ ପାଙ୍‌ନେ ସ୍ଥି ଦେଡ଼ ରକମ୍ ନା ଆଃରେ ।

୨୫ ଡାଗ୍‌ ସେନ୍‌ଗ୍ ଆମେକେ ଗୁଲେ ଦୁକ୍‌କସ୍ ଡିଙ୍‌ଏ ବାରି ଆକେନ୍ ଗାପ୍‌ନା ଜିର୍‌ବଏଙ୍‌ ବାନ୍ ଅମାନ୍ୟ ଡିଙ୍‌ନେ ପଡ଼ଏ ।

୨୬ ଆରି ନୋହ୍‌କ ବେଲା ଡିରକମ୍ ଗଟେ ଲେଃକେ ମାପରୁ ଉଙ୍‌ଡେ ପାଙ୍‌ନେ ବେଲା ଡିଗ୍‌ ଦେଡ଼ରକମ୍ ଗଟେଏ

୨୭ ତରାନିଆ ନୋହ୍‌କ ଗିଃଗାଃନେ ସ୍ଥି ଜାକ ରେମୁଆଁ ଚଙ୍‌ ଉଗ୍ ଆରି ବିହେ ଡିଙ୍‌ନେ ବାରି ବିହେ ବିନ୍ ଡିଙ୍‌ଆକେ ଇଡ଼ିଙ୍‌ ବୁରାଣ୍ଡ୍ୟାଃ ପାଙ୍‌ରେ ସାପାରେକେ ବାଗୁଏଃଏ ବିକେ ।

୨୮ ପର୍ଯ୍ୟନ୍ତ ଲୋଟନେ ବେଲା ଡିଗ୍ ସଦୋମ ନଗର ଦଂସ ଡିଙ୍ଗନେ ବେଲା ରେମୁଆଁଇଂ ଚଙ୍ଗଡଗ୍ ବିଆର୍ ସହାଃ ସ୍ଥ ଡଙ୍ଗନେ ବାରି ତୁଆ ଆଃରେ ଡିଙ୍ଗଆର୍ଏ

୨୯ ଡାଗ୍ଲା ଲୋଟ ସଦୋମବାନ୍ ତାର୍‌କ୍ଷେନେ ସ୍ଥି କିତଂବାନ୍ ସୁଆ ବାରି ବାସ୍ତା ଗୁରତେ ସାପାରେକେ ବାଗୁଏଃ ବିଃକେ ।

୩୦ ମାପରୁ ଡଙ୍ଗଡେ ପାଙ୍ଗନେ ସ୍ଥି ଦେଡରକମ୍ ଗଟେଏ ।

୩୧ ☆ଆଡେନ୍ ସ୍ଥି ଜାଣ୍ଡେ ନିଜର୍ ତୁଆନେ କ୍ଲେସାଂ ଆଡାଡା ଲେଃଏ ମେଁ ତୁଆ ବିଡ୍ରେ ଲେଃକ୍ଲେ ନିଜେନେ ଜିନିସ୍‌ପତର୍ ତୁଂଝିଗ୍ ନସା ଆପାଙ୍ଗଲେ । ଦେଡରକମ୍ ଜାଣ୍ଡେ ନିଜର୍ ଲିଜନ୍ନିଆ ଲେଃଏ ମେଁ ତୁଆ ଆପାଙ୍ଗଲେ ।

୩୨ ଲୋଟନେ କୁନେଡେନେ ସାମୁଆଁ ମନେକ୍ଲକ୍ କେଲାପା ।

୩୩ ☆ଜାଣ୍ଡେ କି ନିଜର୍ ପାରାନ୍‌କେ ଆମ୍ବ୍ ନସା ଚେସ୍‌ଟା ଡିଙ୍ଗଏ ମେଁ ଆଡେନ୍ ଆନ୍ତାର୍‌ଏ ଆରି ଜାଣ୍ଡେ କି ନିଜର୍ ପାରାନ୍‌କେ ଆନ୍ତାର୍‌ଏ ମେଁ ଆଡେନ୍ ଆଃମ୍ବ୍‌ଏ ।

୩୪ ନେଙ୍ଗ୍ ଆପେ ସାପାରେକେ ବାସଙ୍ଗ୍‌ଣିଂ ଆଡେନ୍ ମିଡିଗ୍ ମ୍ବାୟା ମୁଇଙ୍ଗ୍ ଅରିଆ ତୁଲେଗ୍ ଲେଃଆର୍‌ଏ, ମୁଇଙ୍ଗ୍‌ଜାକେ ତୁଂଝିଗ୍‌ଆର୍‌ଏ ବାରି ବିନ୍‌ରେକେ ଆନ୍ତାର୍‌ ବିଃଆର୍‌ଏ ।

୩୫ ମ୍ବାୟା ସେଲାମ୍‌ସୁ ମୁଇଂଅରିଆ ପ୍ରିଡିର୍ ଉଃଡିର୍ ଡିଂଲେଃଆର୍‌ଏ ମୁଇଙ୍ଗ୍‌ଜାକେ ତୁଂଝେଆର୍‌ଏ ବାରି ଆର୍‌ମୁଇଂଜାକେ ଆନ୍ତାର୍‌ ବିଃଆରେ ।

୩୬ ମ୍ବାୟା ଲିଜ ଅରିଆ ଲେଃଆର୍‌ଏ ମୁଇଙ୍ଗ୍‌ଜାକେ ତୁଂଝିଗ୍‌ଆର୍‌ଏ ବାରି ବିନ୍‌ନେ ମୁଇଙ୍ଗ୍‌ଜାକେ ଆନ୍ତାର୍‌ ବିଃ ଆରେ ।

୩୭ ଆଡବାନ୍ ସିସ୍‌ଇଙ୍ଗ୍ ଜିସୁକେ ସାଲିଆକୁ ଆର୍‌କେ ଅ ମାପୁ ଆଣ୍ଡିଅରିଆ ଆଡେନ୍ ଗଟେଏ ଜିସୁ ଆମେଇଂକେ ବାସଙ୍ଗ୍‌କେ ଆଣ୍ଡି ଅରିଆ ମଡା ଆଡଅରିଆ ରାବନ୍ ପିଗ୍‌ଇଂ ଡିଗ୍ ମୁଇଂଅରିଆ ଡିଙ୍ଗ୍‌ଆର୍‌ଏ ।

୧୮

ଗୁଣସାଙ୍ଗକୁଏ ଆରି ବିଚାର ଡିଙ୍ଗ୍ ରେମୁଆଁନେ ସାମୁଆଁ

☆ ୧୭:୩୧ ମାଡିଡ ୨୪:୧୭,୧୮; ମାର୍‌କ ୧୩:୧୫,୧୬.

☆ ୧୭:୩୩ ମାଡିଡ ୧୦:୩୯;

୧୭:୨୫; ମାର୍‌କ ୮:୩୫; ଲୁକ ୯:୨୪; ଜହନ୍ ୧୨:୨୫.

୧ ନିରାସ୍ତ୍ର ମାଡ଼ିଙ୍ଗରେ କାଲାଆଃ ପାରତନା ଡିଙ୍ଗନେ ଦରକାର ଆକେନ୍ ବିସୟରେ ଜିସୁ ସିସ୍‌ଇଂକେ ଉସ୍ତା ରକମ୍ ବୁଜେତେ ବାସଙ୍ଗକେ ।

୨ “ମୁଇଙ୍ଗ ଇନିନିଆ ମୁଇଙ୍ଗ ସାସନ୍ ଡିଙ୍ଗଣ୍ଡେ ଲେଃରେ ମେଁ ଇସ୍‌ପରକେ ବୁଟ ଆଡିଙ୍ଗରେ ରେମୁଆଁଇଂକେ ଡିଗ୍ ମାନେଃ ଆଡିଙ୍ଗରେ ।

୩ ଆତେନ୍ ଇନିଅରିଆ ମୁଇଙ୍ଗ ଗୁଏସାଙ୍ଗକୁଏ ଲେଃକେ ଆତେନ୍ ଗୁଏସାଙ୍ଗକୁଏ ପ୍ରେଗ୍ ପ୍ରେଗ୍ ବିଚାର ଡିଙ୍ଗନେ ରେମୁଆଁକେ ଖେତେ ବାସଙ୍ଗ ଡିଙ୍ଗକେ ମୁଇଙ୍ଗଜା ଆନେଙ୍ଗ ଅନ୍ୟାୟ ଡିଙ୍ଗଡିଙ୍ଗେ ଆତେନ୍ ଅନ୍ୟାୟନେ ବିଚାର ଡିଙ୍ଗ ବିଃଲା ।

୪ ଡାଗ୍ଲା ବିଚାର ଡିଙ୍ଗନେ ରେମୁଆଁ ଆତେନ୍ ସେଲାମ୍‌ସୁକେ ସାଇଜ ଡିଙ୍ଗନେ ଇକଟା ଆଡିଙ୍ଗକେ ଶୁ ଡାଗ୍ଲା ଇଡିଙ୍ଗ ମେଁ ମନେ ମନେ ବାସଙ୍ଗକେ ନେଙ୍ଗ ଇସ୍‌ପରକେ ନ୍ଡାବୁଟ ଶୁ କି ରେମୁଆଁଇଂକେ ନାମାନେ ଶୁ ।

୫ ଡାଗ୍ଲା ଆକେନ୍ ଗୁଏସାଙ୍ଗକୁଏ ସେଲାମ୍‌ସୁ ଆନେଙ୍ଗ କସ୍ ବିଡିଙ୍ଗେ, ନେଙ୍ଗ ମେଁନେ ଆଡାଡା ଅନ୍ୟାୟନେ ନ୍ୟାୟ ଅଦିକାର ବିଃଜଗନ୍‌ଝିଗ୍‌ଲା, ମେଁ ବାରି ନେଙ୍ଗନେ ପ୍ଲା ଆଡାର ବିଃଏ ଶୁଲା ଆନେଙ୍ଗ କାଲାଆଃ ପାଙ୍ଗତେ ଅର୍ବର ଆଃଡିଙ୍ଗବଏ ।”

୬ ଆଡବା ମାପୁ ବାସଙ୍ଗକେ “ଆକେନ୍ ଅଦାରମିକ୍ ବିଚାର ଡିଙ୍ଗଣ୍ଡେ ମେଁନେ ବାସଙ୍ଗଡିଙ୍ଗରେ ଆତେନ୍ ଅଁପା ।

୭ ତେଲା ଇସ୍‌ପର ଆଣ୍ଡିନେ ମନ୍ ରେମୁଆଁଇଂ ସ୍ତ୍ରି ମିଡିଗ୍ ଆମେକେ ଖାଡିଂଆରକେ, ମେଁଇଂନେ ଆଡାଡା ଅନ୍ୟାୟନେ ବିଚାର ଆଡିଙ୍ଗ ଶୁ ? ନିଜର୍ ରେମୁଆଁଇଂକେ ଉଡର୍ ବିଃନ୍‌ସା ପର୍‌ମେସର୍ ବିଲ୍‌କୁଲ୍ ନିଝାଲ୍ ଆଡିଙ୍ଗ ଶୁ ।

୮ ନେଙ୍ଗ ଆପେକେ ବାସଙ୍ଗଣ୍ଡିଂ, ମେଁ ମେଁଇଂନେ ଆଡାଡା ଅନ୍ୟାୟ ଡିଙ୍ଗଲେଃକେ ଦାପ୍ରେ ବିଚାର ଡିଙ୍ଗଏ । ଡାଗ୍ଲା ମାପୁର ଉଙ୍ଗଡେ ପାଙ୍ଗତେ ମଞ୍ଚପୁରନ୍ନିଆ ମେଁ ବିସ୍‌ବାସ୍ କେଏ ?”

ଫାରୁଶୀ ବାରି ଡାବୁ ସାଲିଆଣ୍ଡେନେ ବିସୟ

୯ ଉଡି ରେମୁଆଁ ବାବେ ଡିଙ୍ଗଆକେଁ ଜେ ମେଇଂ ଦରମ୍ ଲେଃଆରକେ । ମେଇଂ ନିଜେ ବିନ୍‌ଶ୍ଟେ_ଇଂ ଆଡାଡା ଜାବର୍

ନିମାଣ୍ଡା ଡିଙ୍ଗ ନ୍ଲେକେ ରକମ୍ ବେବଆର ଡିଙ୍ଗଆରଡ଼ିଂକେ । ଜିସୁ ଆମେଇଂକେ ନିମାଣ୍ଡା ସାମୁଆଁ ବାସଙ୍ଗ ବେଲା ବିକେଲା ଆକେନ୍ ଉଠସ୍ତା ବାସଙ୍ଗକେ ।

୧୦ ମୁଇଂଦିନା ମ୍ବାୟା ରେମୁଆଁ ପାରତନା ଡିଙ୍ଗ ନ୍ସା ମନ୍ଦିରନ୍ନିଆ ଝେଆରଗେ ମୁଇଂଜା ପାରୁସି ଆରି ବିନ୍ ମୁଇଂଜା ସିସୁ ସ୍ତାଲ୍ୟାଣ୍ଡେ ।

୧୧ ଫାରୁଣୀ ସାର୍ଲ ଡିଙ୍ଗରେ ନିଜେନେ ତାଗ୍ରା ଦେକ୍ ରକମ୍ ପାରତନା ଡିଙ୍ଗନେ ମୁଲେକେ ଏ ଇସ୍ପର ନେଙ୍ଗ୍ ଆନାକେ ଦନ୍ୟବାଦ୍ ବିଃ ଶ୍ରିଙ୍ଗ୍ ଜେ ନେଙ୍ଗ୍ ବିନ୍ନେ ସାପା ରେମୁଆଁ ରକମ୍ ବାଗୁଏଃଶ୍ଟେ_ ଅଦାର୍ମିକ୍ ଅଡ଼ାରେଗ୍ ଶୁଲା ଆକେନ୍ ସିସୁ ସ୍ତାଲ୍ୟାଣ୍ଡେ ରକମ୍ ଶୁ ।

୧୨ ନେଙ୍ଗ୍ ମୁଇଙ୍ଗ୍ ସାନ୍ତାକେ ମ୍ବାରତର୍ କେଡ଼େସଃ ତିଂମ୍ୟାକେ ଆରି ନେଙ୍ଗ୍ନେ ସାପା ଆଜେକ୍ସ୍ ଗୁଆକ୍ରିଗ୍ ବାଟାବାନ୍ ମୁଇଙ୍ଗ୍ ବାଗ୍ ଦାନ୍ ତିଂମ୍ୟାକେ ।

୧୩ ମାତର୍ ସିସୁ ସ୍ତାଲ୍ୟାଣ୍ଡେ_ ସ୍ତା ତୁଆଁରେ କିତଂ ପାକା ତିଗ୍ ଆକେକେ ଶୁ ମାତର୍ ମୈନେ ଗ୍ରିନିଆ ବଗରେ ବାସଙ୍ଗନେ ମୁଲେକେ ଏ ଇସ୍ପର ନେଙ୍ଗ୍ ପାପି ଆନେଙ୍ଗ୍ ଲିବିସ ଡିଙ୍ଗ୍ ।

୧୪ ✠ଜିସୁ ଆମେଇଂକେ ବାସଙ୍ଗକେ ତାରୁ ସାଲିଆଣ୍ଡେ ଇସ୍ପରନେ ମୁଆଃନ୍ନିଆ ଦରମ୍ ବାବେରେ ତୁଆ ଆଣ୍ଡେକେ ତାଗ୍ଲା ଫାରୁଣୀ ଶୁ । ତାଗ୍ଲା ଜାଣ୍ଡେ କି ନିଜେକେ ମ୍ବାଃରେ ତାଗ୍ରେ ଆସୁଏ ଆମେକେ ଇଙ୍ଗରେ ଆରଏ ତାଗ୍ଲା ଜାଣ୍ଡେ ନିଜେକେ ତାଆଁ ଆଃଡିଙ୍ଗ୍ଏ ଆମେକେ ମ୍ବା ଆଃଡିଙ୍ଗ୍ଆରଏ ।

ଜିସୁ ଗଡ଼େଅଇଂକେ ଆସିର୍ବାଦ୍ ଡିଙ୍ଗକେ

(ମାତିଉ ୧୯:୧୩-୧୫; ମାର୍କ ୧୦:୧୩-୧୬)

୧୫ ଜିସୁ ତିରକମ୍ ତାଆଁ ଗଡ଼େଇଙ୍ଗକେ ଲିଗ୍ଏ ଆଡେନ୍ସା ରେମୁଆଁଇଂ ତାଆଁ ଗଡ଼େଇଙ୍ଗକେ ଜିସୁନେ ତାଗ୍ରା ତୁଂପାଙ୍ଗଆରକେ ମାତର୍ ସିସଇଂ ଆଡେନ୍ କେରେ ରେମୁଆଁଇଂକେ ଝିଙ୍ଗନେ ମୁଲେ ଆରକେ ।

୧୬ ତାଗ୍ଲା ଜିସୁ ଆମେଇଂକେ ନିଜେନେ ତାଗ୍ରା ଝାରେ ବାସଙ୍ଗକେ ତାଆଁ ଗଡ଼େଇଂକେ ନେଙ୍ଗ୍ ତାଗ୍ରା ପାଙ୍ଗନ୍ସା ବିଃପା ଆରି

✠ ୧୮:୧୪ ମାତିଉ ୨୩:୧୨; ଲୁକ ୧୪:୧୧.

ଆମେଇଂକେ ମନା ଆଡ଼ିଙ୍ଗେପା ଡାଗ୍ଲା ଇସ୍‌ପରନେ ରାଇଜ୍ ଦେକରକମ୍ ଗଡ଼େଅଇଂନେ ।

୧୭ ନେଙ୍ଗ୍ ଆପେକେ ସଡ଼ ବାସଙ୍ଗ୍‌ଣ୍ଡିଂ, ଜାଣ୍ଡେ କି ତାଆଁ ଗଡ଼େଅ ରକମ୍ ଇସ୍‌ପରନେ ରାଇଜ୍ ବଲ୍ ଆବା ଶୁ ମେଁ ତିରକମ୍ ତିଙ୍ଗ୍‌ଲା ତିଗ୍ ଇସ୍‌ପରନେ ରାଇଜ୍ ଖେଟା ଆୟା ଶୁ ।

ମୁଇଙ୍ଗ୍ ସାଉକାର୍ ରେମୁଆଁ

(ମାତିଉ ୧୯:୧୭-୩୦; ମାର୍କ ୧୦:୧୭-୩୧)

୧୮ ମୁଇଙ୍ଗ୍‌ଜା ଜିଉଦି ନେତା ଜିସୁକେ ସାଲ୍ୟାକୁକେ, “ଏ ସଡ଼ ଗୁରୁ ମାତାନେ ଜିବନ୍‌ନେ ଅଦିକାର୍ ତିଙ୍ଗ୍ ନ୍ୟା ନେଙ୍ଗ୍ ମେଝନେ ଶ୍ରିଙ୍ଗ୍‌ଏ ?”

୧୯ ଆଡ଼ବାନ୍ ଜିସୁ ଆମେକେ ବାସଙ୍ଗ୍‌କେ ଆନେଙ୍ଗ୍ ସଡ଼ ଡାଗ୍‌ଚେ ମେସା ବାସଙ୍ଗ୍ ପେଡ଼ିଙ୍ଗ୍‌କେ ? ଇସ୍‌ପରକେ ଆନ୍ତାର୍ ବିଝଲା ବିନ୍ ଜାଣ୍ଡେ ସଡ଼ ଶୁ ।

୨୦ ଇସ୍‌ପରନେ ଆଦେସ୍‌ଇଂ ତ ପେ ମ୍ୟାଝପେଲେକେ । ଅଡ଼ାରେଗ୍ ଆଡ଼ିଙ୍ଗେପା, ରେମୁଆଁ ଆବାଗୁଏଝଗ୍‌ପା, ଆଡ଼ଙ୍ଗାଗେପା, ନାଲେ ସାକି ଆବିଝଗ୍‌ପା, ନିଜେନେ ଆବା ଇୟାଙ୍ଗ୍‌କେ ସନ୍‌ମାନ୍ ବିଝପା ।

୨୧ ଜିଉଦି ନେତା ବାସଙ୍ଗ୍‌କେ ଆକେନ୍ ସାପା ନେଙ୍ଗ୍ ଜିରେ ବାନ୍ ମାନେଚେ ପାଙ୍ଗ୍ ନ୍‌ଲେଝକେ ।

୨୨ ଜିସୁ ଆକେନ୍ ଅଁଚେ ଜିଉଦି ନେତାକେ ବାସଙ୍ଗ୍‌କେ ନାଁନେ ବାରି ମୁଇଙ୍ଗ୍ ବିସୟ୍ ଗଣ୍ଡା ଲେଝକେ ନାଁ ନିଜରନେ ଦନ୍ ସାପା ସ ବିଚେ ଗରିବ୍ ରେମୁଆଁକେ ବାଟାବି ଆରି ନାଁ କିତଂଙ୍ଗ୍‌ଇନି ଦନ୍ ନାବାଏ ବାରି ପାଙ୍ଗ୍‌ଚେ ନେଙ୍ଗ୍‌ନେ ପ୍ଲା ପାଙ୍ଗ୍‌ଲା ।

୨୩ ଡାଗ୍ଲା ଜିଉଦି ନେତା ଆକେନ୍ ସାପା ସାମୁଆଁ ଅଁଚେ ଜବର୍ ମୁରମୁରା ତିଙ୍ଗ୍‌କେ ଡାଗ୍ଲା ମେଁ ଜବର୍ ସାଉକାର୍ ଲେଝକେ ।

୨୪ ଆଡ଼ବାନ୍ ଜିସୁ ଆମେକେ ଦୁକ୍ ତିଙ୍ଗ୍‌କେ କେଚେ ବାସଙ୍ଗ୍‌କେ, ଜାଣ୍ଡେଇଂନେ ଦନ୍ ଲେଝକେ, ମେଇଙ୍ଗ୍ ଉଡ଼ି ଡ଼ଣ୍ଡିଆ ଇସ୍‌ପରନେ ରାଇଜ୍‌ନ୍ତିଆ ଖେଟାଆର୍‌ଏ ।

୨୫ ଇସ୍‌ପରନେ ରାଇଜ୍‌ନ୍ତିଆ ସାଉକାର୍ ରେମୁଆଁ ଖେନେ ବାଟା ମୁଇଙ୍ଗ୍ ସୁଜି ପ୍ଲଗ୍ ବିଝଚେ ଉର୍‌ନେ ଖେଟାନେ ସଅଜ୍ ।

୨୬ ଜାଣ୍ଡେଇଂ ଆକେନ୍ ସାମୁଆଁ ଅଁଆକେଁ ମେଇଙ୍ଗ୍ ବାସଙ୍ଗ୍‌ଆର୍‌କେ, “ତେଲା ଜାଣ୍ଡେ ଉଦାର୍ ବା ଯାଏ ?”

୨୭ ତାଗ୍ଲା ଜିସୁ ବାସଙ୍ଗକେ ଆଣ୍ଡିନେ କାମ୍ ରେମୁଆଁ ଡିଙ୍ଗ୍ ଆୟା ଶୁ ଆତେନ୍ ଇସପର୍ ଡିଙ୍ଗ୍ ଯାଏ ।

୨୮ ଆଡ୍‌ବାନ୍ ପିତର୍ ବାସଙ୍ଗକେ କେଲାପା ନେ ସାପାରେ ନିଜେ ନିଜେନେ ଦନ୍ ସାପା ଆନ୍ତାର୍‌ରେ ନାଁନେ ପ୍ଲା ପାଙ୍ଗ୍ ନେଡିଙ୍ଗ୍‌କେ ।

୨୯ ଜିସୁ ଆମେଇଂକେ ବାଲିରକେ, “ନେଙ୍ଗ୍ ଆପେକେ ସଡ୍ ବାସଙ୍ଗ୍ ଶ୍ରିଙ୍ଗ୍‌କେ ମୁଡି ରେମୁଆଁ ପର୍‌ମେସର୍‌ନେ ରାଇଜ୍ ନ୍‌ସା ତୁଆ କି କୁନେଡେ କି ବୟାଁ କି ଆବା ଇୟାଙ୍ଗ୍ କି ଗଡେଇଂକେ ଆନ୍ତାର୍‌ରେ

୩୦ ଆକେନ୍ କାଲେ ଜବର୍ ଗୁନ୍ ବାଏ ଆରି ଗୁଏଃଝେ ଇଡିଙ୍ଗ୍ ମାଡାନେ ପାରାନ୍ ବାଏ ଦେକ୍ ସୁଗୁଆ ରେମୁଆଁ ଜାଡିଗ୍ ଶୁ”

ଜିସୁ ଞ୍ଜିତର୍ ମେଁନେ ଗୁଏଝେ ସାମୁଆଁ ବାସଙ୍ଗକେ
(ମାଡିଡ ୨୦:୧୭-୧୯; ମାର୍କ ୧୦:୩୨-୩୪)

୩୧ ଇଡିଙ୍ଗ୍ ଜିସୁ ଗୋମ୍‌ରକ୍ଲିଗ୍ ସିସ୍‌ଇଂକେ ବିନେ ଆଡିଙ୍ଗ୍‌ରେ ବାସଙ୍ଗକେ କେଲାପା ନେ ସାପାରେ ଯିରୁଶାଲମ୍ ତାଗ୍ରା ଝେ ନେଡିଙ୍ଗ୍‌କେ ପର୍‌ମେସର୍ ବାବବାଦିଇଂକେ ମାପୁରୁ ଉଙ୍ଗ୍‌ଡେନେ ବିସୟରେ ଆଣ୍ଡିନେ ସାପା ଗୁଆର୍ ନ୍‌ସା ବାସଙ୍ଗ୍ ବକେ ଆତେନ୍ ସାପା ଗଟେଏ ।

୩୨ ତାଗ୍ଲା ମେଁ ବିଜାଡିଇଂନେ ଚ୍ରିନ୍ନିଆ ବିଃଜଗ୍‌କ୍ଲିଗ୍‌ଏ ବାରି ମେଇଙ୍ଗ୍ ଆମେକେ ଇଙ୍ଗ୍‌ରେ ଆର୍‌ଏ, ମେଇଂନେ ଆଡାଡ୍ରା ଅନ୍‌ଏୟା ଡିଙ୍ଗ୍‌ରେ ମେଁନେ ଆଡାଡ୍ରା ବିଃତୁର୍ ଆର୍‌ଏ ।

୩୩ ଆମେକେ କର୍‌ଡା ଆଃଡେ ବଗ୍‌ରେ ଆଗୁଏବି ଆଃରେ ମାଡର୍ ଜିର୍‌ସି ସ୍ଥି ମେଁ ଆରି ମୁଇଙ୍ଗ୍ ତର୍ ତଡିଆଏ ।

୩୪ ତାଗ୍ଲା ସିସ୍‌ଇଂ ଆତେନ୍ ସାପା ସାମୁଆଁ ବୁଜେ ଆୟାଆରକେ ଶୁ ଆକେନ୍ ସାମୁଆଁ ମେଇଙ୍ଗ୍ ଅରିଆ ବୁଂନା ତିଂରେ ଲେଃଝକେ ବାରି ଆଣ୍ଡିନେ ସାମୁଆଁ ବାସଙ୍ଗ୍‌ତିଂଗେ, ଆତେନ୍ ସାପା ମେଇଙ୍ଗ୍ ବୁଜେ ଆୟା ଆରକେ ଶୁ ।

ଜିସୁ ମୁଇଙ୍ଗ୍ କାନା ବିକାରିକେ ନିମାଣ୍ଡା ଆଡିଙ୍ଗ୍‌କେ
(ମାଡିଡ ୨୦:୨୯-୩୪; ମାର୍କ ୧୦:୪୭-୫୨)

୩୫ ଜିସୁ ଯିରୀହୋନେ ତାଗ୍ରା ପିଙ୍ଗ୍‌ଚାନେ ବେଲା ମୁଇଂ କାନା ଗାଲି ଆଃଡା କରେ ବିକ୍ ସାଲିଆ ଡିଙ୍ଗ୍‌କେ ।

୩୬ କାନା ଗୁଲୁଏ ରେମୁଆଁ ଝେଡ଼ିଙ୍ଗ୍‌କ୍ଲେ ସବ୍‌ଦ ଅଁରେ ସାମୁଆଁ ମେଃନେ ତାଗ୍‌ରେ ସାଲ୍ୟାକୁକେ ।

୩୭ ରେମୁଆଁଇଙ୍ଗ୍ କାନାକେ ବାସଙ୍ଗ୍‌ଆର୍କେ ନାଜରିଡ଼ିୟ ଜିସୁ ଆକେନ୍ ଗାଲି ବିରେ ଝେଡ଼ିଙ୍ଗ୍‌କେ ।

୩୮ ଆଡ଼ବାନ୍ କାନା ଜବର୍ କିରେ ବାଲିର୍କେ, “ଏ ଦାଉଦ୍ ଉଙ୍ଗ୍‌ଡେ ଜିସୁ ଆନେକେ ଦୟା ଡିଙ୍ଗ୍ ।”

୩୯ ମାତର ସେନୁଗ୍ ଝେଡ଼ିଙ୍ଗ୍‌କ୍ଲେ ରେମୁଆଁଇଙ୍ଗ୍ କାନା ବିକାରିକେ ବୁଙ୍ଗ୍ ଲେଃନସା ବାଃଟ ଡିଆର୍କେ ମେଃନସା ତାଗ୍‌ଲା କାନା ବିକାରି ଆରି ଜବର୍ ଝାସାର୍‌ରେ ବାସଙ୍ଗ୍‌କେ ଏ ଦାଉଦ୍ ଉଙ୍ଗ୍‌ଡେ ଆନେଙ୍ଗ୍ ଦୟା ଡିଙ୍ଗ୍ ।

୪୦ ଜିସୁ ଆଡ଼ବାନ୍ ତୁଆଁରେ କାନା ବିକାରିକେ ନେଙ୍ଗ୍ ତାଗ୍‌ରା ତୁଂପାଙ୍ଗ୍‌ଲାପା ତାଗ୍‌ରେ ବାସଙ୍ଗ୍‌କେ ବାରି କାନା ବିକାରିକେ ତାଗ୍‌ରା ପାଙ୍ଗ୍‌କ୍ଲେ ଇଡ଼ିଙ୍ଗ୍ ଜିସୁ କାନା ବିକାରିକେ ସାଲ୍ୟାକୁକେ

୪୧ ନେଙ୍ଗ୍ ନାଁ ନସା ମେଁନେ ଛିଏ ତାଗ୍‌ରେ ନାଁ ଇକ୍‌ଚା ଡିଙ୍ଗ୍ ନାଡ଼ିଙ୍ଗ୍‌କେ ? କାନା ବିକାରି ବାସଙ୍ଗ୍‌କେ ଅ ମାପୁ ନେଙ୍ଗ୍ ଡିରକମ୍ କିକେ ଇୟାଏ ।

୪୨ ଜିସୁ କାନା ବିକାରିକେ ବାସଙ୍ଗ୍‌କେ ତେଲା ନାଁନେ ମୁଆଃ ନାଲେ ନାଁନେ ବିସ୍‌ବାସ୍ ଆନାକେ ନିମାଣ୍ଡା ଆଃଡ଼ିଙ୍ଗ୍ ବିଃବକେ ।

୪୩ ଆତେନ୍ ଦାପ୍ରେ କାନା ବିକାରିନେ ମୁଆଃ ନାକେ ବାରି ଇସ୍‌ପରନେ ମଇମା କୀର୍ଡନ୍ ଡିଙ୍ଗ୍ ଡିଙ୍ଗ୍‌ରେ ମେଇଙ୍ଗ୍‌ନେ ପ୍ଲା ଅଲେଙ୍ଗ୍‌ନେ ମୁଲେକେ ଆରି ରେମୁଆଁ ସାପାରେ ଆତେନ୍ କେଚେ ଇସ୍‌ପରକେ ପ୍ରସଂସା ଡିଙ୍ଗ୍‌ଆର୍ଜେ ।

୧୯

ଜିସୁ ଆରି ଜଖ୍‌ୟ

୧ ଇଡ଼ିଙ୍ଗ୍ ଜିସୁ ଯିରୀହୋନ୍‌ନିଆ ଗାଚେ ଆତେନ୍ ଗାଲି ବିରେ ଝେଡ଼ିଙ୍ଗ୍‌ଗେ ।

୨ ଆରି କେଲା ଜଖ୍‌ୟ ମ୍ପିରେ ମୁଇଙ୍ଗ୍ ରେମୁଆଁ ଲେଃଗେ ମେଁ ମୁଇଙ୍ଗ୍ ମ୍ପା ସିସ୍ ସାଲ୍ୟାଣ୍ଡେ ଆରି ସାଉକାର ରେମୁଆଁ ।

୩ ଜିସୁ ଜାଣେ ଆତେନ୍ କେନ୍‌ସା ମେଁ ଚେସଟା ତିଙ୍ଗ୍ ତିଙ୍ଗ୍‌ଗେ ମାତର୍ ରେମୁଆଁକଂନେ ଜବର୍ ଗଅଲି ନ୍‌ସା କିକେ ଆୟାକେ ଶୁ ଡ୍ରାଗ୍ଲା ମେଁ ଦ୍ଲେଃଃ ଲେଃଃଗେ ।

୪ ଦେକ୍‌କେ ମେଁ ରେମୁଆଁକଂନେ ସେନ୍‌ଗ୍ ଝିର୍ ତୁଂଝେଚେ ଆମେକେ କେନ୍‌ସା ମୁଇଙ୍ଗ୍ ଲିଝା ସ୍ଲା ଡେଃଃକେ ଡାଗ୍‌ଲା ଆତେନ୍ ଗାଲି ବିଚେ ଜିସୁ ଝେନେ ଲେଃଃଗେ ।

୫ ଜିସୁ ଆଡ୍ ଜାଗାନ୍ନିଆ ପାଙ୍ଗ୍‌ଚେ ଆଡ୍‌ଡା କେଚେ ଆମେକେ ବାସଙ୍ଗ୍‌କେ, “ଜଖ୍‌ୟ ଦାପ୍‌ରେ ଜାର୍‌ଚେ ପାଙ୍ଗ୍‌ଲା ଡାଗ୍‌ଲା ଏଃକେ ଆନେଙ୍ଗ୍ ତିଲାଡିଗ୍ ପେ ତୁଆ ଲେଃଃପଡ଼େଏ ।”

୬ ଆଡ୍‌ବା ମେଁ ଦାପ୍‌ରେ ଜାର୍‌ଚେ ସାର୍‌ଦାରେ ଜିସୁନେ ଜଡନ୍ ତିଙ୍ଗ୍‌କେ ।

୭ ଆତେନ୍ କେଚେ ସାପାରେ କୁର୍ ତିଙ୍ଗ୍‌ନେସା ଲାଗେକେ, “ମେଁ ମୁଇଙ୍ଗ୍ ପାପି ରେମୁଆଁନେ ତୁଆ ଲେଃଃନସା ଝେଡିଙ୍ଗ୍‌କେ ।”

୮ ଜଖ୍‌ୟ ମାପୁକେ ବାସଙ୍ଗ୍‌କେ “ଏ ମାପୁ ଅଁ ନେଙ୍ଗ୍ ନେଙ୍ଗ୍‌ନେ ଦନ୍‌ସମ୍‌ତିନେ ମେଡାଃ ଗରିବ୍‌କଂକେ ଦାନ୍ ଶୁଙ୍ଗ୍‌ଏ ବାରି ଜଦି ନେଙ୍ଗ୍ ଜାଣେବାନ୍ ମେଃଡିଗ୍ ଜଚେମ୍‌ଏ ତେଲା ଅଁ ବାଗ୍‌ରେ ଆମେ ଆଆଣ୍ଡେ ମ୍‌ସ ।”

୯ ଆଡ୍‌ବା ଜିସୁ ମେଁନେ ସାମୁଆଁ ବାଲିରକେ, “ଏକେ ଆକେନ୍ ତୁଆ ଅରିଆ ଉଦାର୍ ପିଙ୍ଗ୍‌ଟା ଲେଃଃକେ ତେସା କିମେଡିଗ୍ ଅବ୍ରାହାମ୍‌ନେ ମୁଇଙ୍ଗ୍ ଉଙ୍ଗ୍‌ଡେ ।

୧୦ ମେଃନେ ବଃ ଲେଃଃକେ ଆତେନ୍ ତୁର୍‌ଚେ ରକ୍ୟା ତିଙ୍ଗ୍‌ସା ରେମୁଆଁ ଉଙ୍ଗ୍‌ଡେ ପାଙ୍ଗ୍‌ଲେକେ ।”

**ଦନ୍‌ସମ୍‌ତିକେ ନିମାଣ୍ଡା ବାବ୍‌ରେ ବେପା
(ମାଡିଡ ୨୫:୧୪-୩୦)**

୧୧ ରେମୁଆଁକଂ ଆକେନ୍ ସାମୁଆଁ ସାପା ଅଁନେ ବେଲା ମେଁ ଆର୍‌ମୁଇଂ ଉସା ବାସଙ୍ଗ୍‌କେ ମେଁ ଯିରୁସାଲାମ୍‌ନେ ଡାଗ୍ରା ତିଙ୍ଗ୍ ଲେଃଃଗେ ଆରି ଇସପର୍‌ନେ ରାଇଜ୍ ଦାପ୍‌ରେ ଉଡ୍ରା ତିଙ୍ଗ୍ ଡାଗ୍‌ଚେ ମେଇଂ ମନେ ବାବେ ତିଙ୍ଗ୍ ଆର୍‌ଗେ ।

୧୨ ଆଡେନ୍‌ସା ମେଁ ବାସଙ୍ଗକେ “ମୁଇଙ୍ଗ୍ ମ୍ମା ପଦବିନ୍ନିଆ ଲେଃକ୍ରେ ରେମୁଆଁ ମେଁ ନିଜେ ନ୍‌ସା ରାଇଜ୍ ପଦ୍ ବାନ୍ ବା ଆଡାତେ ଆଣ୍ଡେ ପାଙ୍ଗକେ ଆରି ମେଁ ସ୍ମ ଦେସ୍ ଝେକେ ।

୧୩ ମେଁ ନିଜେନେ ଗୁଆ ରେମୁଆଁ ଗଡିରେଇଂକେ ଝାତେ ମେଇଂକେ ମୁଇଂ ମୁଇଂ ସୁନା ତାରୁ ତାଲି ବିଚେ । ମେଁ ବାସଙ୍ଗକେ ନେଙ୍ଗ୍ ଆଣ୍ଡେ ଜାକ ଆକେନ୍ ତାରୁ ଏତେ ବେପାର୍ ତିଙ୍ଗ୍‌ପା ।

୧୪ ମାତରୁ ମେଁଇଙ୍ଗ୍‌ନେ ଦେସ୍ ଆମେଇଂକେ କୁର୍ ତିଙ୍ଗ୍‌କେ ଆରି ମେଇଙ୍ଗ୍ ମେଁଇଙ୍ଗ୍‌ନେ ପ୍ଲୁ ଦୁଡ୍ ବେଚେ ବାଃଲିରକେ ଏନ୍ ରେମୁଆଁ ଜେ ନେନେ ଆଡାତ୍ରା ଇଃସାଙ୍ଗ୍ ସାସନ୍ ତିଙ୍ଗ୍‌ଏ ଆକେନ୍ ନେନେ ଇକ୍‌ଟା ଶ୍ଟୁ”

୧୫ ଆତାନ୍ ରେମୁଆଁ ଇଃସାଙ୍ଗ୍ ପଦ୍ ବାଚେ ନିଜରୁ ଦେସ୍ ପାଙ୍ଗକେ । ମେଁନେ ଚାକରଇଂ ଉଡି ଆରଜେ ବଆରକେ ଆତାନ୍ ମ୍ୟାଃ ନ୍‌ସା ମେଁ ଆମେଇଂକେ ମେଁନେ ତାଗ୍ରା ପାଙ୍ଗ୍ ନ୍‌ସା ବାସଙ୍ଗକେ ।

୧୬ ଆଡବା ପର୍‌ଡୁମ୍ ରେମୁଆଁ ପାଙ୍ଗ୍‌ଚେ ବାସଙ୍ଗକେ, “ମାପୁ ନାନେ ବିନାବକ୍ରେ ସୁନା ତାରୁରେ ନାଆଡଲ୍‌ଆ ଆରି ନେଙ୍ଗ୍ ଆଡଲ୍‌ଆ ଗୁଆକ୍ଲିଗ୍ ଲାବ୍ ତିଙ୍ଗ୍ ମ୍ମକେ ।”

୧୭ ମେଁ ଆମେକେ ବାସଙ୍ଗକେ, “ବାସ୍ ନିମାଣ୍ଡା ଚାକର ନାନେ ଇଡୁଡା ସାମୁଆଁ ନ୍‌ସା ବିସ୍‌ବାସ୍ ତିଙ୍ଗ୍ ନାଲେଃରେସା ଗୁଆକ୍ଲିଗ୍ ମ୍ମାଇନି ଆଡାତ୍ରା ଅଦିକାର୍ ତିଙ୍ଗ୍ ।”

୧୮ ଆରି ବାର୍‌ମୁଇଂଜା ପାଙ୍ଗ୍‌ଚେ ବାସଙ୍ଗକେ, “ମାପୁ ନାନେ ନେଙ୍ଗ୍‌ନେ ମାଲିକ୍ଲିଗ୍ ତାରୁ ଲାବ୍ ତିଙ୍ଗ୍ ମ୍ମକେ ।”

୧୯ ମେଁ ଆମେକେ ତିଗ୍ ବାସଙ୍ଗକେ “ନାଡିଗ୍ ମାଲିକ୍ଲିଗ୍ ମ୍ମାଇନି ଆଡାତ୍ରା ଅଦିକାର୍ ତିଙ୍ଗ୍ ।”

୨୦ ବାର୍‌ମୁଇଂଜା ପାଙ୍ଗ୍‌ଚେ ବାସଙ୍ଗକେ, “ମାପୁ, କେଲା ନାଁନେ ସୁନା ତାରୁ ଆକ୍‌କେ ଲେଃକେ; ଆକେନ୍ ନାନେ ନେଙ୍ଗ୍‌ନେ ନେଙ୍ଗ୍ ଆକେନ୍‌କେ ଲୁଙ୍ଗିନ୍ନିଆ ଗାଗ୍‌ଚେ ମ୍ମକେ;

୨୧ ତାଗ୍ଲା ନେଙ୍ଗ୍ ଆନାକେ ମ୍ମଗୁକେ ନା ମୁଇଂ ନିଷ୍ଟରୁ ରେମୁଆଁ ଆଣ୍ଡିନେ ନାବ ଆଡେନ୍ ଆଡଡିଆ ତୁଂନାଡଏ ଆରି ଆଣ୍ଡିନେ ବିଗ୍ ନାବ ଆଡେନ୍‌କେ ନାଗୁଆଏ ।

୨୨ ଆମେକେ ମେଁ ବାଃଲିରକେ ଏ ଦୁସ୍‌ଟ ଚାକର ନାଁନେ ସାମୁଆଁ

ସାମୁଆଁରେ ନାନେ ବିଚାର ଶୁଣ । ନେଇଁ ମୁଇଁ ନିଷ୍ଠୁର ରେମୁଆଁ
ଆଣ୍ଡିନେ ଆବ ଶୁଆତେନ୍ ଆତଡ଼ିଆ ତୁଂତଏ ଆରି ଆଣ୍ଡିନେ ବିଗ୍
ନାବ ଆତେନ୍ ଛୁଆଃଏ ଆକେନ୍ ନାନେ ମେଁନେ ମ୍ୟା ନାଲେଃକେ

୨୩ ତେଲା ନା ନେଇଁନେ ତାରୁକେ ମେନ୍‌ସା ବେଇଁନିଆ ନ୍ନାବକେ ଶୁ
? ତେଲା ନେଇଁ ଆଣ୍ଡେକ୍ ଇଡ଼ିକ୍ ସୁଦ୍ ଏତେ ଆତାନ୍ ମାବା ।”

୨୪ “ଏନ୍ ଇଡ଼ିକ୍ ଇଃସାକ୍ ଆଡ଼ଅରିଆ ତୁଆଁଲେଃକେ
ରେମୁଆଁକେ ବାସକ୍‌କେ ମେଁବାନ୍ ସୁନା ତାରୁ ତୁଂଝିଗଲାପା
ବାରି ଆଣ୍ଡିନେ ଚାକରନେ ଗୁଆଟାଆଁ ଲେଃକେ ଆମେକେ ବିଃପା ।”

୨୫ ମାତର୍ ମେଇଁ ଆମେକେ ବାସକ୍‌ଆରକେ, “ମାପୁର, ମେଁନେ
ତ ଗୁଆ ଟାଆଁ ଲେଃକେ !”

୨୬ ନେଇଁ ଆପେକେ ବାସକ୍‌ଶ୍ରିକ୍‌କେ “ମୁଡ଼ି ରେମୁଆଁନେ ଲେଃକେ
ଆମେକେ ବିଏ ମାତର୍ ଜାନେ ଶୁ ଚୁମ୍ ନିଆ ମେଁନେ ଲଃକେ ଆତେନ୍
ଆଃ ମେବାନ୍ ତୁଇଁ ଝେଏ ।

୨୭ ☆ମାତର୍ ଏବେ ନେଇଁନେ ସତୁଇଁ ନେଇଁ ମେଁଇଁକ୍‌ନେ
ଇଃସାକ୍ ନାଡ଼ିକ୍ ତାଗରେ ଜାଣ୍ଡେଇଁ ଚାଏଁ ଡିକ୍ ଆରକେ । ମେଇଁକ୍
ଆଣ୍ଡିକା ? ନେଇଁ ସତୁଇଁ ଆକ୍‌ଅରିଆ ତୁଂପାକ୍‌ଲା । ଆମେଇଁକେ
ନେଇଁ ମୁଆଃ ସାମ୍‌ନେ ବାଗୁଏଃ ବିଃ ।”

ଜିସୁ ଯିରୁଶାଲାମ୍ ନସା ଜିତେନେ ଝେକେ
(ମାଡ଼ିତ ୨୧:୧-୧୧; ମାରକ ୧୧:୧-୧୧; ଜହନ୍ ୧୨:୧୨-୧୯)

୨୮ ଏନ୍ ସାପା ସାମୁଆଁ ବାସକ୍‌ ଆତାରେ ଯିରୁଶାଲାମ୍ ପାକା ଝେନେ
ମୁଲେକେ ।

୨୯ ଆରି ଉଡ଼ିବେଲା ମେଁ ଜିତକଣ୍ଡା ତାଗ୍ରା ବେଥ୍‌ଫାଗୀ ଆରି
ବେଥନୀ ତାଗ୍ରା ଝେଟାଆରଗେ ଆତେନ୍ ବେଲା ମେଁ ନିଜେ
ସିସକ୍‌ବାନ୍ ମ୍ୟାୟାକେ ଆକେନ୍ ସାମୁଆଁ ବାଲିର୍‌ରେ ବେବିଗେ

୩୦ “ସେନ୍‌ଗ୍ ଆଣ୍ଡିନେ ଇନି ନୂଡ଼ିକେ ଆଡ଼ଅରିଆ ଝେଲା
। ପେଇକ୍ ଇନିଅରିଆ ଗାକ୍ ଦାପ୍‌ରେ ଆଡ଼ଅରିଆ ମୁଇକ୍
ଉଁଗଦକେ ଗାଗ୍‌ବକ୍ ପେକେଏ । ଆତେନ୍ ଗଦ ଆଡ଼ାଡ଼ା ଅଃନା
ଜାଣ୍ଡେ ଡିଗ୍ ଏଃଜାକ କାରେ ତେଃ ଆମେକେ ତୁପିଗ୍‌ରେ ନେଇଁ ତାଗ୍ରା
ତୁଇଁପେପାକ୍‌ଏ ।

☆ ୧୯:୨୭ ମାଡ଼ିତ ୨୫:୧୪-୩୦.

୩୧ ଆରି ଜାଣ୍ଠେ ତିଗ୍ ଆପେକେ ମେଁନ୍‌ସା ତୁପିଗ୍ ପେଡ଼ିଙ୍ଗ୍‌କେ ଡାଗ୍‌ରେ ସାଲିଆକୁଏ ତେଲା ଦେକ୍‌ରକମ୍ ପେବାଲିର୍‌ଏ ଡାଗ୍‌ଲା ଆକ୍‌ମେନ୍‌ନିଆ ମାପୁନେ ଦରକାର୍ ଲେଃକେ ।”

୩୨ ମ୍ବାୟା ସିସ୍‌ଇଙ୍ଗ୍ ଆଡେନ୍ ଇନି ଝେରେ ମେଁ ଆମେଇଁକେ ଡିରକମ୍ ବାସଙ୍ଗ୍‌ବକେ ଦେଡ୍‌ରକମ୍ କେକେ ।

୩୩ ଆରି ସିସ୍‌ଇଁ ଗଦ ଉଙ୍ଗ୍‌ଡେକେ ତୁପିଗ୍‌ନେ ବେଲା ଗଦ ଉଁଡେନେ ମାଲିକ୍ ଡାଗ୍‌ରେ ପାଙ୍ଗ୍‌କେ । ମେଇଁ ସିସ୍‌ଇଁକେ ସାଲିଆକୁକେ “ପେଇଁ ଗଦ ଉଁଡେକେ ମେସା ତୁପିଗ୍ ପେଡ଼ିଙ୍ଗ୍‌କେ ?”

୩୪ ସିସ୍‌ଇଙ୍ଗ୍ ବାସଙ୍ଗ୍‌କେ “ଆକ୍‌ମେଁ ଅରିଆ ମାପୁନେ ଦରକାର୍ ଲେଃକେ ।”

୩୫ ମେଇଁ ଗଦ ଉଙ୍ଗ୍‌ଡେକେ ଜିସୁନେ ଡାଗ୍ରା ତୁଁଝେ ଆରକେ । ଏନ୍ ଇଡ଼ିଙ୍ଗ୍ ନିଜର୍ ନିଜର୍ ପାଟାଇ ବେରେ ଜିସୁକେ ଆଃକ ଆରକେ ।

୩୬ ଆରି ମେଁ ଗଦ ଆଡାଡ୍ରା କରେ ଯିରୁସାଲାମ୍ ପାକା ଝେନେ ବେଲା ରେମୁଆଁଇଁ ଗାଲିନିୟା ନିଜର୍ ନିଜର୍‌ନେ ପାଟାଇ ବେପା ବିକେ ।

୩୭ ଆରି ମେଁ ଯିରୁଶାଲାମ୍‌ନେ ଡାଗ୍ରା ବିଃରେ ପିଙ୍ଗ୍‌ଚାନେ ବେଲା ଜିତକଣ୍ଡାନ୍‌ନେ ଡାଗ୍ରା ଦେସ୍ ଅରିଆ ପିଙ୍ଗ୍‌ଚାଆରକେ । ଆଡେନ୍ ବେଲା ଜିସୁନେ ସାପା ସିସ୍ ଦଲ୍‌ଇଁ ସାଦ୍‌ନା ଲେଃଆରଗେ । ମେଇଙ୍ଗ୍ ମାଲେ ଝାସାର୍‌ରେ ପର୍‌ମେସର୍‌ନେ ମ୍ନିରେ ପ୍ରସଂସା ଅସ୍‌ମାର୍ ସାର୍‌ନେ ଆରାମ୍ ତିଙ୍ଗ୍ ଆରକେ । ଆଡେନ୍‌ସା ମେଇଁ ପର୍‌ମେସର୍‌ନେ ମ୍ନିରେ ଅସ୍‌ମାର୍ ସାର୍‌ଆରକେ । ମେଇଁ ବାସଙ୍ଗ୍ ଆରକେ:

୩୮ “ମାପୁନେ ମ୍ନିରେ ମୁଡ଼ି ଇଃସାଙ୍ଗ୍ ପାଙ୍ଗ୍‌ଡିଙ୍ଗ୍‌କେ ମେଁ ଦନ୍‌ଏ । କିତଙ୍ଗ୍‌ଇନି ସାନ୍ତି ଆରି ପର୍‌ମେସର୍‌ନେ ମଇମା ତିଙ୍ଗ୍‌ଲେ ।”

୩୯ ଆଡ୍‌ବା ରେମୁଆଁଇଁନେ ଗହଲିବାନ୍ ଉଡ଼ିରୁଆ ପାରୁସିଇଁ ଜିସୁକେ ବାସଙ୍ଗ୍ ଆରକେ “ଏ ଗୁରୁ ନାନେ ସିସ୍‌ଇଁକେ ଏନ୍ ସାପା ସାମୁଆଁ ମାବାଲିର୍ ନ୍‌ସା ଦମକ୍ ବିଃ ।”

୪୦ ମେଁ ଉଡର୍ ବିକେ, “ନେଙ୍ଗ୍ ଆପେକେ ବାସଙ୍ଗ୍‌ଣ୍ଡିଙ୍ଗ୍‌କେ ଜଦି ନେଙ୍ଗ୍‌ନେ ସିସ୍‌ଇଁ ବୁଙ୍ଗ୍‌ଲେଲା ବ୍ରିଙ୍ଗ୍ ଜାକ କିରଆର୍‌ଏ ।”

ଜିସୁ ଯିରୁଶାଲାମ୍ ନ୍‌ସା ଅଁ କିକେ

୪୧ ଜିସୁ ଯିରୁଶାଲାମ୍ ତାଗରା ପିଙ୍ଗାକେ । ଜିସୁ ଯିରୁଶାଲାମ୍ ଟାଉନକେ କେତେ ମେସା ଅଁ ଜଗ୍‌କ୍ରିଗ୍‌କେ ।

୪୨ ଯିରୁଶାଲାମକେ ବାଲିରକେ “ଆନାକେ ଡିରକମ୍ ସାନ୍ତି ମିଲେୟାଏ ଆଡେନ୍ ଜଦି ପେଇଁ ମ୍ୟା ପେପାଲେ ! ମାତର୍ ଆଡେନ୍ ପେ ମ୍ୟା ପେୟା ଶୁ ଡାଗ୍ଲା ଆଡେନ୍ ପେ ବାନ୍ ବୁଡିଚେ ଲେଖକେ ।

୪୩ ନାନେ ଆଡିଲା ଦେକ୍‌ରକମ୍ ବେଲା ପାଙ୍ଗ୍‌ଡିଙ୍ଗ୍‌କେ, ଉଡିବେଲା କି ନାନେ ସତୁଇଁ ନାନେ ପିତୁର୍ ପାକା ଗେରେ ବିଏ । ନାନେ ବିରଦ୍ ରେମୁଆଁଇଁ ଆଣ୍ଡେରେ ଆନାକେ ବାଗୁଏ୪ ବି୪ ଆରଏ ।

୪୪ ମେଇଁ ଆପେକେ ଆରି ପେ ରେମୁଆଁଇଁକେ ସାପା ଦଂସ ଆଡିଙ୍ଗ୍ ବିଏ । ମୁଇଁଡିଗ୍ ହି ଆରମୁଇଁ ହି ଆଡାଡା ମେଇଁ ଲେନ୍‌ସା ଆବି ଶୁ । ଦେକ୍‌ସୁଗୁଆ ବେଲା ପାଙ୍ଗ୍‌ଡିଙ୍ଗ୍‌କେ । ଡାଗ୍ଲା ଆପେକେ ରକ୍ୟା ଡିଙ୍ଗ୍‌ସା ପର୍‌ମେସର୍ ଉଡିବେଲା ପାଙ୍ଗ୍‌ଲେଗେ ଆଡେନ୍ ବେଲା ପେ ସାମୁଆଁ ପେୟାକେ ଶୁ ।”

ଜିସୁ ମନ୍ଦିରନ୍ଧିଆ ଝେକେ

(ମାତିଡ ୨୧:୧୨-୧୭; ମାର୍କ ୧୧:୧୫-୧୯; ଜହନ୍ ୨:୧୩-୨୨)

୪୫ ଜିସୁ ମନ୍ଦିର ବିତ୍ତେ ଝେକେ । ମେଁ ମନ୍ଦିରନେ ପ୍ଲେଡିଆ ନ୍ଧିଆ ବିଆର୍ ସମ୍ୟାକ୍ ରେମୁଆଁଇଁକେ ପାଦା ନୁଆଁ ଆୱତାରକେ ।

୪୬ ଜିସୁ ବାସଙ୍ଗକେ “ଦରମ୍ ସାସ୍ତ୍ରନ୍ଧିଆ ଗୁଆରବକେ: ସାମୁଆଁ ନେଙ୍ଗ୍ ତୁଆ ପାରତନା ତୁଆ ଡିଙ୍ଗ୍‌ଏ । ମାତର୍ ପେଇଁ ଆକ୍‌ମେକେ ଡଙ୍ଗାରେ ବାସାନେ ତୁଆ ସୁଗୁଆ ଆଡିଙ୍ଗ୍ ପେବକେ ।”

୪୭ ଜିସୁ ସାପାଦିନା ମନ୍ଦିର ନ୍ଧିଆ ବୁଦି ବି୪ ଡିଙ୍ଗ୍‌ଗେ । ମ୍ଲା ପୁଜାରି ଦରମ୍ ସାସ୍ତ୍ରିଇଁ ଆରି ଜିଉଦି ନେତାଇଁ ଜିସୁକେ ତାଡ୍‌ତେ ବାଗୁଏ୪ ବି୪ନ୍‌ସା ଚାଏଁ ଡିଙ୍ଗ୍ ଆରକେ ।

୪୮ ମାତର୍ ସାପା ରେମୁଆଁ ଜିସୁନେ ବୁଦି ମନ୍ ଦିଆନ୍ ବିଚେ ଅଁ ଡିଙ୍ଗ୍ ଆରଗେ । ଆଡେନ୍‌ସା ମ୍ଲା ପୁଜାରି ଦରମ୍ ସାସ୍ତ୍ରିଇଁ ଆରି ଜିଉଦି ନେତାଇଁ ମେଁ ଡିଙ୍ଗ୍ ଆରେ ତାଗ୍‌ଚେ ମେୱଡିଗ୍ ଉପାୟ୍ ତୁର୍ ଆୟାକେ ଶୁ ।

୨୦

ଜିସୁନେ ଅଦିକାର ବିସୟରେ ପ୍ରସ୍ନ

(ମାତିଉ ୨୧:୨୩-୨୭; ମାର୍କ ୧୧:୨୭-୩୩)

୧ ମୁଇଂଦିନା ଜିସୁ ମନ୍ଦିର ବିତ୍ତେ ଲେଖଗେ । ଆରି ପର୍ଯ୍ୟେସର୍ବନେ ରାଜଜ୍ ବିସୟରେ ମାପୁନେ ନିମାଣ୍ଡା ସାମୁଆଁ ବାସଙ୍ଗଡ଼ିଙ୍ଗରେ । ମ୍ନାଯାଜକ ଦରମ୍ କରମ୍ ରେମୁଆଁଇଂ ଆରି ଜିଉଦି ନେତାଇଂ ଜିସୁକେ ପ୍ରସ୍ନ ସାଲ୍ୟାକୁ ପାଙ୍ଗ୍ଆରକେ ।

୨ ମେଇଙ୍ଗ୍ ସାଲ୍ୟାକୁ ଆରକେ “ଆନେକେ ବାସଙ୍ଗ୍ ଆଣ୍ଡିନେ ଅଦିକାରରେ ନାନେ ଆକେନ୍ ସାପା କାମ୍ ଡିଙ୍ଗ୍ନାଡ଼ିଙ୍ଗ୍ ? ଆନାକେ ଆକେନ୍ ସାପା ଅଦିକାର୍ ଜାଣ୍ଡେ ବିକେ ?”

୩ ଜିସୁ ଉତ୍ତର ବିକେ “ନେଙ୍ଗ୍ ଡିଗ୍ ଆପେକେ ମୁଇଙ୍ଗ୍ ପ୍ରସ୍ନ ନ୍‌ସେଲ୍ୟାକୁଏ । ଆନେଙ୍ଗ୍ ବାସଙ୍ଗ୍,

୪ ଉଡ଼ିବେଲା ଜହନ୍ ରେମୁଆଁଇଂକେ ଦିକ୍ୟା ବିକେ ଆତେନ୍ ପର୍ଯ୍ୟେସର୍ବାନ ପାଙ୍ଗ୍ଲେକେଲେ ରେମୁଆଁବାନ୍ ପାଙ୍ଗ୍ଲେକେ ?”

୫ ମ୍ନାଯାଜକ ଦରମ୍ କରମ୍‌ଣ୍ଡେ ଆରି ଜିଉଦି ନେତାଇଂ ନିଜେ ନିଜେ ବିତ୍ତେ ଝିଙ୍ଗ୍‌ଆ ରିଙ୍ଗ୍‌ଆ ଡିଙ୍ଗ୍ ଆରକେ । “ନେନେ ଜଦି ନେବାସଙ୍ଗ୍‌ଏ ଜେ ଜହନ୍‌ନେ ତୁବନ୍ ପର୍ଯ୍ୟେସର୍ବାନ ପାଙ୍ଗ୍ଲେଗେ ତେଲା ମେଁ ସାଲିଆକୁଏ ପେଇଂ ଜହନ୍‌କେ ମେଁନ୍‌ସା ବିସ୍‌ବାସ୍ ପେଡ଼ିଙ୍ଗ୍‌କେ ?

୬ ମାତର୍ ନେନେ ଜଦି ନେବାଲିରଏ ଜହନ୍‌ନେ ତୁବନ୍ ରେମୁଆଁବାନ୍ ପାଙ୍ଗ୍ଲେଗେ ତେଲା ସାପା ରେମୁଆଁ ନେନେ ଆଡ଼ାତ୍ରା ବ୍ରି ଟୁଚେ ଆନେକେ ସର୍ତ୍ତେ ବାଗୁଏ୪ ବି୪ ଆରଏ । ଡାଗ୍‌ଲା ମେଇଙ୍ଗ୍ ଜହନ୍‌କେ ବାବବାଦି ଡାଗ୍‌ଚେ ବିସ୍‌ବାସ୍ ଡିଙ୍ଗ୍‌ଆରଡ଼ିଂଗେ ।”

୭ ଆତେନ୍‌ସା ମେଇଂ ବାଲିରକେ, “ନେ ନେମ୍ୟାକେ ଶ୍ଟୁ”

୮ ଜିସୁ ଆମେଇଂକେ ବାସଙ୍ଗ୍‌କେ “ନେଙ୍ଗ୍ ଡିଗ୍ ଆପେକେ ନାନେ ବାସଙ୍ଗ୍ ଶ୍ଟୁ ଜେ ନେଙ୍ଗ୍ ଡିଗ୍ ଆଣ୍ଡିନେ ଅଦିକାରରେ ଏନ୍ ସାପା କାମ୍ ଡିଙ୍ଗ୍ ଶ୍ଟିଙ୍ଗ୍‌କେ ।”

ଅଙ୍ଗୁର୍ ତୁଗ୍‌ଡ଼ିନ୍‌ଆ ବାଗ୍ ଚାସ୍ ଡିଙ୍ଗ୍‌ଣ୍ଡେ ଉସ୍ତା ସାମୁଆଁ

(ମାତିଉ ୨୧:୩୩-୪୬; ମାର୍କ ୧୨:୧-୧୨)

୯ ତେନ୍ ଇଡ଼ିଂ ଜିସୁ ରେମୁଆଁଇଂକେ ଏନ୍ ଉସ୍ତା ବାଲିରକେ: ମୁଇଙ୍ଗ୍ ରେମୁଆଁ ଉଡ଼ି ଲିଜ ଅରିଆ ଅଙ୍ଗୁର୍ ଚାସ୍ ଡିଙ୍ଗ୍‌କେ । ମେଁ ଆକେନ୍

ଲିଜକେ ସ୍ନେହେକେ ବାଟା ବିକେ । ତେନ୍‌ଇଡ଼ିଂ ମେଁ ଉଡ଼ି ଆକେଁ ସୁଗୁଆ ଆନ୍ତାର୍‌ତେ ବିଦେସ୍‌ ଲାଗଡକେ ।

୧୦ ଇଡ଼ିଙ୍ଗ୍‌ ଅଙ୍ଗୁର୍‌ ରୁଏନେ ବେଲା ପାଙ୍ଗକେ । ତେଲା ଆତେନ୍‌ ରେମୁଆଁ ମେଁନେ ମୁଇଙ୍ଗ୍‌ ଗତିରେକେ ଆତେନ୍‌ ସ୍ନେରେ ତାଗରା ବେକେ ଡିରକମ୍‌ ଡିଗ୍‌ ସ୍ନେରେଇଙ୍ଗ୍‌ ମେଁନେ ବାଟା ଅଙ୍ଗୁର୍‌ ଗତିରେନେ ଛି ଅରିଆ ଆସା ବିଆର୍‌ଏ । ମାତର୍‌ ସ୍ନେରେଇଙ୍ଗ୍‌ ଗତିରେକେ ବଗ୍‌ତେ ସରାଃନ୍ତି ବେଆର୍‌କେ ।

୧୧ ତେଲା ରେମୁଆଁ ମୁଇଙ୍ଗ୍‌ ଆରି ମୁଇଙ୍ଗ୍‌ଜା ଗତିରେକେ ବେକେ । ସ୍ନେରେଇଙ୍ଗ୍‌ ଏନ୍‌ ରେମୁଆଁ ବଗ୍‌ଆର୍‌କେ ଆରି ମେଁ ଆଡ଼ାଡ଼ା ଅସନ୍‌ମାନ୍‌ ବେବଆର୍‌ ଡିଙ୍ଗ୍‌ଆର୍‌କେ । ମେଇଙ୍ଗ୍‌ ଆମେକେ ମେଃଡ଼ିଗ୍‌ ମାବିତେ ବେବିଃଆର୍‌କେ ।

୧୨ ତେଲା ଲିଜ ସାକାର୍‌ ଆରି ମୁଇଙ୍ଗ୍‌ ଗତିରେକେ ବେକେ । ସ୍ନେରେଇଙ୍ଗ୍‌ ଆମେକେ ଡିଗ୍‌ ବୟ୍‌କାର୍‌ ଆଚିନା ଆବାନାତେ ଲିଜ ପାଦାପାକା ଜଗ୍‌ଡିଲିଗ୍‌ ବିଆର୍‌ଗେ ।

୧୩ ଲିଜନେ ସାକାର୍‌ ବାସଙ୍ଗକେ “ଏବେ ନେଙ୍ଗ୍‌ ମେଁ ଶ୍ରିଙ୍ଗ୍‌ଏ ? ନେଙ୍ଗ୍‌ ନେଙ୍ଗ୍‌ନେ ନିଜର୍‌ ଗଡ଼େଅକେ ମ୍ବେଏ । ଡିଲାଡିଗ୍‌ ନେଙ୍ଗ୍‌ ଗଡ଼େଅକେ ସ୍ନେରେଇଙ୍ଗ୍‌ ମାନେଃ ଆର୍‌ଏ ।

୧୪ ସ୍ନେରେଇଂ ସାଉକାର୍‌ ଉଙ୍ଗ୍‌ଡେକେ ସାମୁଆଁତେ ବାଲିର୍‌ବାତା ଆର୍‌କେ, ‘କିମେ ତ ଲିଜ ସାକାର୍‌ ଉଙ୍ଗ୍‌ଡେ । ନେନେ ଆମେକେ ବାଗୁଏଃ ବିଃଲା ଲିଜ ବ୍ରି ସାପା ନେନେ ଡିଙ୍ଗ୍‌ଝେଏ’ ।

୧୫ ତେଲା ସ୍ନେରେଇଂ ସାକାର୍‌ନେ ଉଙ୍ଗ୍‌ଡେକେ ତାଡ଼ତେ ବାଗୁଏଃ ବିଃ ଆର୍‌କେ ଆରି ତୁଗ୍‌ଡି ପାଦାପାକା ଜଗ୍‌ଲ୍ଲାଗ୍‌ ବିଆର୍‌ଗେ । ଜିସୁ ଆମେଇଂକେ ସାଲ୍ୟାକୁକେ ଏବେ ଲିଜ ସାଉକାର୍‌ ମେଁନେ ଡିଙ୍ଗ୍‌ଏ ?

୧୬ ମେଁ ପାଙ୍ଗ୍‌ତେ ଆତେନ୍‌ ସ୍ନେଲେଇଂକେ ତାଡ଼ତେ ବାଗୁଏଃ ବିଃଆରେ । ତେନ୍‌ ଇଡ଼ିଂ ଆତେନ୍‌ ଲିଜକେ ଆରି ଉଡ଼ି ସ୍ନେରେକେ ବାଟା ବିଏ ।” ରେମୁଆଁଇଂ ଆକେନ୍‌ ବ୍ଲାଲିର୍‌ ବାସଙ୍ଗ୍‌ ଆର୍‌ଏ ଜେ “ଏନ୍‌ ସାମୁଆଁ ଅଃନା ଡିଗ୍‌ ଆଡିଙ୍ଗ୍‌ଲେ ।”

୧୭ ଜିସୁ ଆମେଇଂକେ କେତେ ବାସଙ୍ଗକେ “ତେଲା ଦରମ୍‌ ପୁରାନ୍‌ନିଆ ଏନ୍‌ ପଦ୍‌ନେ ଅର୍‌ତ ମେଁନେ ଡିଙ୍ଗ୍‌ଏ:

ସାମୁଆଁ ମିସ୍‌ଡିରିଇଂ ଆଣ୍ଡିନେ ବ୍ରିକେ ମନ୍‌ ଆଡିଂଆର୍‌କେ

ଏକେ କନ୍‌ନେ ମୁଲ୍‌ ବ୍ରି ଡିଙ୍ଗ୍‌ଲେକେ ।

୧୮ ମୁଡ଼ି ରେମୁଆଁ ଆତେନ୍‌ ବ୍ରି ଆଡ଼ାତ୍ରା କସ୍ତେଚେ ଲ୪ଏ ମେଁନେ ଡି
 ଞ୍ଚ ପାକ୍‌ଚି ଝେଏ । ମାତର୍‌ ଆତେନ୍‌ ବ୍ରି ଜା ଆଡ଼ାତ୍ରା ଲ୪ଏ ଆତେନ୍‌
 ଆମେକେ ବାଲି ସୁଗୁଆ ଗୁଣ୍ଡ ଆଡ଼ିଙ୍ଗ୍‌ ବିଏ ।”

୧୯ “ଦର୍ମ ସାସ୍ତି ଆରି ମ୍ଲା ପୁଜାରିଇଂ ଜିସୁବାନ୍‌ ଏନ୍‌ ଉସ୍ରା ଅଁଆକେଁ ।
 ମେଇଙ୍ଗ୍‌ ମ୍ୟା ଆର୍‌କେ ଜେ ଆକେନ୍‌ ଉସ୍ରା ମେଁଇଙ୍ଗ୍‌ନେ ବିସଏରେ
 ବାଲିର୍‌ବକେ । ତେସା ମେଇଙ୍ଗ୍‌ ଜିସୁକେ ସମାନ୍‌ ବେଲା ବନ୍ଦି
 ଆଡ଼ିଙ୍ଗ୍‌ନେ ଚାଏଁଆର୍‌କେ । ମାତର୍‌ ରେମୁଆଁଇଂ ମାରିୟାଃ ମେଃନେ
 ଡିଙ୍ଗ୍‌ବିଆର୍‌ଏ ଆତେନ୍‌ସା ମେଇଂ ବୁଟ ଡିଙ୍ଗ୍‌ଗେ ।”

ସିସ୍ତୁ ବ୍ରିନେ ସାମୁଆଁରେ ପ୍ରସନ୍
 (ମାତିଉ ୨୨:୧୫-୨୨; ମାର୍କ ୧୨:୧୩-୧୭)

୨୦ ତେସା ମେଇଂ ସୁଜଗ୍‌ ତୁର୍‌ଆର୍‌କେ । ଜିସୁକେ ରୋମାୟ ସାସନ୍‌
 ଡିଙ୍ଗ୍‌ଣ୍ଡେ ଡାଗ୍ରା ଆସା ବିନ୍‌ସା ନିଜେକେ ଦରମ୍‌ ଆଃସୁଏମ୍ୟାକ୍‌
 ଉଡ଼ିକ୍‌ଗ୍‌ ଗୁପ୍ତତ୍ତଙ୍ଗାରେକେ ମେଇଂ ବେଆର୍‌କେ ।

୨୧ ଆତେନ୍‌ ରେମୁଆଁଇଂ ଜିସୁକେ ବାସଙ୍ଗ୍‌ ଆର୍‌କେ “ଗୁରୁ ନେନେ
 ମ୍ୟା ନେଲେକେ ଜେ ପେ ମେଁନେ ବାସଙ୍ଗ୍‌ପେଡ଼ିଂ ଆରି ବ୍ଲାଲିର୍‌ ବିଃ
 ନାଡ଼ିଙ୍ଗ୍‌କେ ଆତେନ୍‌ ସାପା ଟିକ୍ । ନାନେ ଜା ଆଡ଼ାତ୍ରା ଡିଗ୍‌ ନାବୁଟ ଶୁ
 । ମାତର୍‌ ରେମୁଆଁଇଂନେ ଆଡ଼ାତ୍ରା ଇସ୍‌ପର୍‌ନେ ଇକ୍‌ଚା ବିସୟରେ
 ସଡ଼ ବୁଦି ବିଃ ନାମ୍ୟାଃକେ ।

୨୨ ଆନେକେ ବାସଙ୍ଗ୍‌ । କାଇସର୍‌କେ ସିସ୍ତୁ ବ୍ରିନେ ନିଅମ୍‌ ଲେଃ ଶୁ
 ?”

୨୩ ମାତର୍‌ ଜିସୁ ମେଁଇଙ୍ଗ୍‌ନେ ଚାଲାକି ମ୍ୟାଚେ ଆମେଇଂକେ
 ବାସଙ୍ଗ୍‌କେ

୨୪ “ମୁଇଙ୍ଗ୍‌ ରୁପା ଡାବୁ ଆଃକେଲା । ଆକେନ୍‌ ଆଡ଼ାତ୍ରା ଜାନେ ଚିତ୍ର
 ଆରି ମ୍ଲି ଲେଃକେ ?” ମେଇଙ୍ଗ୍‌ ଉତର୍‌ ବିଃଆର୍‌କେ “କାଇସରନେ ।”

୨୫ ଜିସୁ ଆମେଇଂକେ ବାସଙ୍ଗ୍‌କେ “ତେଲା ଆଣ୍ଡିନେ କାଇସର୍‌ନେ
 ଆତେନ୍‌ କାଇସର୍‌କେ ବିଃପା ଆଣ୍ଡିନେ ପର୍‌ମେସର୍‌ନେ ଆତେନ୍‌
 ପର୍‌ମେସର୍‌କେ ବିଃପା ।”

୨୭ ଆଡ଼ବା ମେଇଁ ଜିସୁନେ ବୁଲ୍ ସାମୁଆଁ ସା ମାୟାରେ । ଆରି ରେମୁଆଁଇଁ ଜିସୁନେ ଏନ୍ ବୁଦି ସୁଗୁଆ ଉତର୍ ଅଁରେ କାବା ତିଙ୍ଗ୍ ଖେ ଆର୍ଗେ । ମେଇଁ ମେଠଡ଼ିଗ୍ ବାସଙ୍ଗ୍ ଆୟାଆକେ ଶୁ ।

ଗୁଏରେ ତଡ଼ିଆ ବିସୟରେ ପ୍ରସ୍ତନ
(ମାତିଉ ୨୨:୨୩-୩୩; ମାର୍କ ୧୨:୧୮-୨୭)

୨୭ ତେନ୍‌ଇଡ଼ିଁ ରେମୁଆଁଇଁନେ ଗୁଏରେ ମୁଁନେଲେଃକେ ତାଗ୍‌ରେ ବିସବାସ୍ ତିଙ୍ଗ୍ ଆଃମ୍ୟାଃକେ ଉଡ଼ି ସାଦୁକୀଇଁ ଜିସୁନେ ତାଗ୍ରା ପାଙ୍ଗ୍‌ରେ ସାଲିଆକୁ ସାମୁଆଁକେ

୨୮ “ଗୁରୁ ମୋଶା ନେନେ ସା ଗୁଆର୍ ବଗେ ଜେ ଜଦି ମୁଇଁ ବିହେ ତିଙ୍ଗ୍‌ଲେଃକେ ଜିରେ ମେଁ ତିଗ୍ ଗୋ ଗିସିଆ ମାକେରେ ଗୁଏ ଖେଏ ତେଲା ମେଁ ବୟାଁ ତିଲାତିଗ୍ ଆତେନ୍ ଗୁଏକେ ବୟାଁନେ କୁନେଡ଼େକେ ବିହେ ତିଙ୍ଗ୍ । ତେଲା ସିନା ମେଁ ଆତେନ୍ ଗୁଏ ଖେକେ ବୟାଁ ନ୍‌ସା ଆତେନ୍ ସେଲାମ୍‌ସୁ ବାନ୍ ଗୋ ଗିସିଆ ବସ୍‌କୁଲ୍ ଆମ୍ଲା ଯାଏ ।

୨୯ ମୁଇଁ ଜାଗାନ୍ତିଆ ଗୁ ବୟାଁ ଲେଃଆରକେ । ମ୍ଲା ବୟାଁ ବିହେ ତିଙ୍ଗ୍‌ଲେଃକେ । ମୁଇଁ ତିଗ୍ ଗିସିଆ ମାକେରେ ଗୁଏଖେକେ ।

୩୦ ତେନ୍ ଇଡ଼ିଁ ଆତେନ୍ ସେଲାମ୍‌ସୁଃକେ ଆରି ମୁଇଁଜା ବିହେ ତିଙ୍ଗ୍‌କେ । ମାତର୍ ମେଁ ତିଗ୍ ଗୁଏ ଖେକେ ।

୩୧ ତେନ୍ ଇଡ଼ିଁ ବାରି ମୁଇଁଜା ବୟାଁ ଆତେନ୍ ସେଲାମ୍‌ସୁଃକେ ବିହେ ତିଙ୍ଗ୍‌କେ ଆରି ଗୁଏ ଖେକେ । ବିନ୍ ବୟାଁଇଁନ୍ତିଆ ତିଗ୍ ତେଡ଼ରକମ୍ ଗଟେକେ । ମେଇଁ ସାପାରେ ଗୁଏ ଖେକେ ଆରି ଜାନେ ତିଗ୍ ଗିସିଆ ଜନମ୍ ତିଙ୍ଗ୍ ଆଲେଃକେ ଶୁ ।

୩୨ ସାରାସାରି ବେଲା ଆତେନ୍ ସେଲାମ୍‌ସୁ ତିଗ୍ ଗୁଏ ଖେକେ ।

୩୩ ଗୁଲ୍ଲିଗ୍ ବୟାଁ ଜାକ ଆମେକେ ବିହେ ତିଙ୍ଗ୍ ଲେଃକେ । ତେଲା ଉଡ଼ିବେଲା ରେମୁଆଁ ଗୁଏରେ ଜିବନ୍ ଆବାରେ ତଡ଼ିଆଏ ଆତେନ୍ ବେଲା ଏନ୍ ସେଲାମ୍‌ସୁ ଜାନେ କୁନ୍‌ଏଡ଼େ ତିଙ୍ଗ୍‌ଏ ?”

୩୪ ଜିସୁ ସାଦୁକୀଇଁକେ ବାଲିରକେ, “ସଂସାରନେ ରେମୁଆଁଇଁ ନିଜେ ନିଜେ ବିଡ୍ରେ ବିହେ ତିଙ୍ଗ୍‌ମ୍ୟାଆରକେ, ବିହେ ତିଙ୍ଗ୍‌ନ୍‌ସା ବିଃମ୍ୟାକେ ।

୩୫ ମାତର ଉଡ଼ିରୁଆ ଗୁଏରେ ଆରି ତଡ଼ିଆନ୍‌ସା ରେସ୍‌ଟା ଡିଙ୍ଗ୍ ଆରଏ ଆରି ମେଇଂ ଏନ୍ ଜିବନ୍ ଇଡ଼ିଙ୍ଗ୍ ଡିଗ୍ ଆରି ମୁଇଂତର୍ ଜିବନ୍ ଲେ୪ ଆରଏ । ଆତେନ୍ ଜିବନ୍‌ରେ ମେଇଂ ବିହେ ଆଡ଼ିଙ୍ଗ୍‌ଆର୍ ଶୁ ଲେ୪ ବିହେ ଆବିଆର୍ ଶୁ ?

୩୬ କିତଂନ୍ନିଆ ରେମୁଆଁଇଂ କିତଂନେ ଦୁଡ଼ଇଂ ସୁଗୁଆ ଡିଙ୍ଗ୍‌ଆରଏ ଆରି ମେଇଙ୍ଗ୍ ଅ୪ନାଡ଼ିଗ୍ ଆଗୁଏଆର୍ ଶୁ । ମେଇଙ୍ଗ୍ ପର୍ମେସର୍‌ନେ ଗରିସିଆ ଡାଗଲା ଗୁଏକ୍ଲେବାନ୍ ଆରି ମୁଇଙ୍ଗ୍‌ତର୍ ମ୍‌ରେ ମେଇଂ ତଡ଼ିଆ ଆରଏ ।

୩୭ ମୋଶା ନିମାଣ୍ଡା ବାବ୍‌ରେ ଆକେ ବଗେ ଜେ ରେମୁଆଁଇଙ୍ଗ୍ ଗୁଏରେ ଆର୍ମୁଇଂତର୍ ମ୍‌ଆରଏ । ତୁଆନେ ଲାଟା ବିସ୍‌ୟରେ ଗୁଆର୍‌ବକ୍ଲେ ସାସ୍‌ରନ୍ନିଆ ମୋଶା ମାପୁକେ ବାସ୍‌ବକେ, ନେ ଅରୁହାମନେ ପର୍ମେସର୍ ଇସାକ୍‌ନେ ପର୍ମେସର୍ ଜାକୁବ୍‌ନେ ପର୍ମେସର୍ ଡାଗ୍‌ରେ ଗୁଆର୍ ବକେ ।

୩୮ ଜଦି ପର୍ମେସର୍ ବାସ୍‌କ୍‌ବକେ ଜେ ମେଁ ମେଁଇଙ୍ଗ୍‌ନେ ପର୍ମେସର୍ ତେଲା ଏନ୍ ରେମୁଆଁଇଂ ସଡ଼ରେ ଆଗୁଏ ଆର୍‌କେ ଶୁ । ମେଁ ମାତର୍ ଜିବନ୍ ରେମୁଆଁଇଂନେ ପର୍ମେସର୍ । ଜାଣ୍ଡେଇଂ ପର୍ମେସର୍‌ନେ ରେମୁଆଁଇଂ ମେଇଂ ସାପାରେ ଜିବନ୍ ଲେ୪ ଆର୍‌କେ ।”

୩୯ ଦର୍ମସାସ୍ତ୍ରିଇଂ ବାସ୍‌କ୍ ଆର୍‌କେ “ଗୁରୁ ନାନେ ଉତର୍ ନିମାଣ୍ଡା ଲେ୪ଗେ ।”

୪୦ ଜିସୁକେ ଆରି ମାଲେ ପ୍ରସ୍‌ନ୍ ସାଲ୍ୟାକୁନେ ଜା ଡିଗ୍ ସାହାସ୍ ଆଡ଼ିଙ୍ଗ୍‌ଆର୍‌କେ ।

କିସ୍‌ଟ ମେଁନେ ଦାଉଦ୍‌ନେ ଉଙ୍ଗ୍‌ଡେ ?
(ମାତିଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ତେନ୍‌ଇଡ଼ିଂ ଜିସୁ ବାସ୍‌କ୍‌କେ, “ରେମୁଆଁ ମେସା ବାଲିରୁଆର୍‌ଡ଼ିଂକେ ଜେ କିସ୍‌ଟ ଦାଉଦ୍‌ନେ ଉଙ୍ଗ୍‌ଡେ ?

୪୨ ଗୀତସଂହିତାନ୍ନିଆ ଦାଉଦ୍ ମେଁ ନିଜେ ବାଲିର୍ ବକେ:
ସାମୁଆଁ ମାପୁ ପର୍ମେସର୍ ନେଙ୍ଗ୍‌ନେ ମାପୁ କ୍ରିସ୍‌ଟେ ବାସ୍‌କ୍‌କେ:
ନେଙ୍ଗ୍‌ନେ ୱଙ୍ଗ୍‌ତି ପାକା ନେଙ୍ଗ୍ ଡାଗ୍ରା କଲା ।

୪୩ ନେନେ ଉଡ଼ିବେଲା ଜାକ ପେନେ ସତୁଇଂକେ ନାଁନେ ଥ୍ର
 ବୁନ୍ଦେ ତୁଂପାଙ୍ଗ ଜାକ ଆଡେନ୍ ବେଲା ଜାକ ନେଁନେ ଥ୍ରଙ୍ଗତି
 ପାକା କଲାଃଲା ।

୪୪ ଦାଉଦ୍ ମସିହକେ ନେଙ୍ଗ୍‌ନେ ମାପୁ ଡାଗ୍‌ରେ ବାସଙ୍ଗ୍ ଡିଙ୍ଗ୍‌କେ
 ତେଲା ମସିହ ଡିରକମ୍ ଦାଉଦ୍‌ନେ ଉଙ୍ଗ୍‌ଡେ ଡିଙ୍ଗ୍‌ୟାଏ ? ଏନ୍
 ମାୟାନେ ସାମୁଆଁ ଡିରକମ୍ ସଡ଼ ଡିଙ୍ଗ୍‌ୟାଏ ?”

ଜିସୁ ଦରମ୍ ଗୁରୁଇଂ ବିସୟରେ ତରକ୍ ଆଡ଼ିଙ୍ଗ୍‌କେ
 (ମାଡ଼ିଉ ୨୩:୧-୩୭; ମାର୍କ ୧୨:୩୮-୪୦)

୪୫ ସାପା ରେମୁଆଁ ଜିସୁନେ ସାମୁଆଁ ଥ୍ର ଆଡ଼ିଙ୍ଗ୍‌କେ । ଜିସୁ
 ସିସଇଂକେ ବାସଙ୍ଗ୍‌କେ

୪୬ “ଦର୍ମ ସାସ୍ତିଇଂବାନ୍ ତରକ୍ ଲାଃଲାପା ! ଚ୍ଲେ ପାଟାଈ ସଃତେ
 ଅଲେଙ୍ଗ୍‌ନ୍‌ସାଃ, ବାରି ସାନ୍ତାନ୍ନିଆ ସାର୍ଲ, କୁକପାର୍ ତୁଆନ୍ନିଆ ମ୍ଲାଃ
 କୁର୍ ଆରି ବଜିନ୍ନିଆ ମ୍ଲାଃ ଜାଗା ବଲ୍ ବାଆର୍‌ଏ ।

୪୭ ମେଇଂ ଗୁଏସାଙ୍ଗ୍‌କୁଏଇଂନେ ତୁଆ ବାଜାର୍ ନାଲେଚେ ତୁଂଡ
 ମ୍ୟାକେ । ମେଇଂ ଚ୍ଲେ ପାର୍‌ତନା ଡିଙ୍ଗ୍‌ଚେ ନିଜକେ ନିମାଣ୍ଡା ଆସୁଏ
 ନ୍‌ସା ଚେସଟା ଡିଙ୍ଗ୍ ମ୍ୟା ଆର୍‌କେ । ପର୍‌ମେସର୍ ଦେଃକେନ୍
 ରେମୁଆଁଇଂକେ ବୟ୍‌କାର୍ ଡଣ୍ଡ ବିଏ ।”

୨୧

ଗୁଏସାଙ୍ଗ୍‌କୁଏ ସେଲାମ୍‌ସୁନେ ସଡ଼ରେ ଦାନ୍
 (ମାର୍କ ୧୨:୪୧-୪୪)

୧ ଜିସୁ ପିତୁର୍ ପାକା କେକେ ଜେ ଉଡ଼ି ସାଉକାର୍ ରେମୁଆଁ
 ମନ୍ଦିର୍‌ନେ ଦାନ୍ ବିଃକ୍ଲେ ବୁବନେ ପିଡ଼ିନିଆ ପର୍‌ମେସର୍ ନ୍‌ସା ଦାନ୍
 ବିବକେ ।

୨ ଜିସୁ ମୁଇଙ୍ଗ୍ ଗରିବ୍ ଗଏସାଙ୍ଗ୍‌କୁଏକେ କେକେ । ଆଡେନ୍
 ଗୁଏସାଙ୍ଗ୍‌କୁଏ ରେମୁଆଁ ମୁଇଙ୍ଗ୍ ଦାନ୍ ବିଃକ୍ଲେ ତାବୁ ବୁବନେ ପିଡ଼ିନିଆ
 ମ୍ଲାକିଲିଗ୍ କସ୍‌ନେ ତାବୁ ତାଲାଗ୍‌କେ ।

୩ ଜିସୁ ବାସଙ୍ଗ୍‌କେ “ନେଙ୍ଗ୍ ଆପେକେ ସଡ଼ ବାସଙ୍ଗ୍ ଶ୍ରିଙ୍ଗ୍, ଆକେନ୍
 ଗରିବ୍ ଗୁଏସାଙ୍ଗ୍‌କୁଏ ମୁଇଙ୍ଗ୍ ଆକେନ୍ ଦନି ରେମୁଆଁଇଂନେବାନ୍
 ଜାବର୍ ଅଦିକା ବିକେ ।

୪ ତାହା ବିନ୍ଦରେଇଁ ମେଁଇଁନେ ଦନ୍ଦେ ଉଡ଼ି ଦାନ ବିଠବକେ, ମାତର୍ ଗୁଏସାଙ୍ଗକୁଏ ମୁଇଁ ଗରିବ୍ ତିଙ୍ଗଲା ତିଗ୍ ମେଁନେ ବୁଆନ୍‌ସା ଉଡ଼ି ଲେଃଗେ ସାପା ମେଁ ବିଠବକେ ।”

ଜିସୁ ମନ୍ଦିରନେ ଦଂସ ବିସୟରେ ବାସଙ୍ଗକେ

(ମାତିଉ ୨୪:୧-୨; ମାର୍କ ୧୩:୩-୧୩)

୫ ଉଡ଼ିକ୍ଲିଗ୍ ସିସ୍ ମନ୍ଦିର ବିସୟରେ ବାଲିରବାତା ତିଙ୍ଗଆରତିଂଗେ । ମେଇଁ ବାସଙ୍ଗକେ “ଆକେନ୍ ମୁଇଙ୍ଗ୍ ସୁନ୍ଦର୍ ମନ୍ଦିର । ଆକେନ୍ ସାପାବାନ୍ ନିମାଣ୍ଡା ବ୍ରି ଏତେ ଆରେ ବକେ । କେଲା ପର୍ମେସର୍‌କେ ତିରକମ୍ ନିମାଣ୍ଡା ନିମାଣ୍ଡା ଦାନ ବିବ ଆରକେ !”

୬ ମାତର୍ ଜିସୁ ବାସଙ୍ଗକେ “ଏବେ ପେଇଁ ଆକ୍‌ଅରିଆ ମେଃନେ ସାପା କେପେଡ଼ିଙ୍ଗକେ ବେଲା ପାଙ୍ଗକେ ଉଡ଼ିବେଲା ଆକେନ୍ ସାପା ଦଂସ ତିଙ୍ଗେଏ । ଆକେନ୍ ଦରତନିନେ ସାପା ବ୍ରି ତୁବଃ ଅରିଆ କୁଡ଼େଃଚେ ଲଃଏ । ମୁଇଁତିଗ୍ ବ୍ରି ବିନ୍‌ମୁଇଙ୍ଗ୍ ବ୍ରି ଆଡ଼ାତ୍ରା ଲେଃ ଆୟାଆର ଶ୍ଟୁ”

ଦୁକ୍ ଆରି ତାଡ଼ନା

(ମାତିଉ ୨୪:୩-୧୪; ମାର୍କ ୧୩:୩-୧୩)

୭ ଉଡ଼ିକ୍ଲିଗ୍ ସିସ୍ ଜିସୁକେ ସାଲିଆକୁକେ “ଗୁରୁ ! ଆକେନ୍ ସାପା ଗର୍ନା ଅଃନା ଗଟେଏ ? ତିରକମ୍‌ନେ ଚିନା ତିଙ୍ଗନେ ସୁଗୁଆ ତିଙ୍ଗଏ ଜେ ଆକେନ୍ ସାପା ଗର୍ନା ଗଟେନେ ବେଲା ପାଙ୍ଗତିଙ୍ଗକେ ?”

୮ ଜିସୁ ବାସଙ୍ଗକେ “ଜାଗ୍ରତ୍ ! ତାହା ଆଡ଼ିଙ୍ଗେପା । ନେଙ୍ଗ୍ ମ୍ରି ସାଚେ ଗୁଲେ ରେମୁଆଁ ପାଙ୍ଗଆରଏ । ମେଇଙ୍ଗ୍ ବାସଙ୍ଗଏ ସାମୁଆଁ ନେଙ୍ଗ୍ କିସ୍ତ ଆରି ସାମୁଆଁ ଚିକ୍ ବେଲା ପିଙ୍ଗଟା ଲେଃକେ । ମାତର୍ ପେଇଁ ମେଁଇଙ୍ଗ୍‌ନେ ସାମୁଆଁ ଦ୍ରିଗ୍‌ଚେ ପ୍ଲାପ୍ଲା ଆଞ୍ଜେଗେପା ।

୯ ପେଇଁ ଉଡ଼ିବେଲା ଜୁଦ୍ ଆରି ରିଙ୍ଗ୍‌ଆଃ ତିଙ୍ଗନେ ରେମୁଆଁଇଁନେ ପେଅଁଏ ତେଲା ପେ ପେଚୁଟ୍ ଶ୍ଟୁ ଏନ୍ ସାପା ଗର୍ନା ସତେଆ ପର୍‌ଚୁମ୍ ଗଟେଏ । ମାତର୍ ସଂସାର୍ ତାନେ ବେଲା ପାଙ୍ଗନେ ତଙ୍ଗାର୍ ତିଙ୍ଗଏ ।”

୧୦ ଜିସୁ ଆମେଇଁକେ ଆରି ବାସଙ୍ଗକେ “ଦେସ୍ ଦେସ୍ ବିତ୍ରେ ରିଙ୍ଗ୍‌ଆଃ ଆରଏ । ରାଇଜ୍ ରାଇଜ୍ ବିରଦ୍‌ରେ ରିଙ୍ଗ୍‌ଆଃ ଆରଏ ।

୧୧ ବୁଟମେଗ୍‌ନେ ବୁଫିକମ୍ପ ରଗ୍ ଆରି ଅସାନ୍ତିନେ ସାମୁଆଁ ସାପା ଜାଗାନ୍ନିଆ ଗଟେଏ । ଉଡ଼ି ଜାଗାନ୍ନିଆ ମୁରଡ଼ି ତିଙ୍ଗଏ ରେମୁଆଁଇଂକେ ଚଙ୍ଗନେ ଆମିଲେ ଶୁ ୍ୁ ବୟଙ୍କାର୍ ଗର୍ନାଇଂ ଗଟେଏ । ରେମୁଆଁଇଂକେ ଆଚେତାନ୍‌ସା କିତଙ୍ଗଇନି ଅରିଆ ଗୁଲେ ପାରାନ୍ ଦାଡ଼କେକେ ସୁଗୁଆ ସାମୁଆଁ ଆନ୍‌ଏ ।

୧୨ ମାତର୍ ଆକେନ୍ ସାପା ଗର୍ନା ଗଟେନେ ସେନୁଗ୍ ରେମୁଆଁ ଆପେକେ ବନ୍ଦି ଆଡ଼ିଙ୍ଗରେ ଡୁଂଝେଏ ଆରଏ ଆରି ଆପେକେ କଷ୍ଟ ବିଏ । ରେମୁଆଁଇଂ ମେଇଙ୍ଗନେ ପାରତନା ତୁଆ ଅରିଆ ଆପେକେ ବିଗାର୍ ତିଙ୍ଗଏ ଆରି ଆପେକେ କଏଦ୍ ତୁଆ ଅରିଆ ବନ୍ଦି ଆଡ଼ିଙ୍ଗ ଆରଏ । ଇଃସାଙ୍ଗ୍ ଆରି ସାସନ୍ ତିଙ୍ଗ୍‌ଶ୍ଟେ ସାମ୍‌ନାରେ ଆପେକେ ଆଡୁଆଁଏ । ପେଇଂ ନେଙ୍ଗନେ ପ୍ଲାଃ ପାଙ୍ଗ୍ ପେଲେକେସା ରେମୁଆଁଇଙ୍ଗ୍ ପେ ଆଡ଼ାଡ଼ା ଦେକ୍ ରକମ୍ ବେବଆର୍ ଆଃସୁଏ ଆରଏ ।

୧୩ ମାତର୍ ଏନ୍ ଆପେକେ ନେଙ୍ଗ ବିସୟରେ ବାଲିର୍ ନସା ବେଲା ବିଆରଏ ।

୧୪ ☆ପେଇଙ୍ଗ୍ ନିଜ୍‌କେ ଆଃମ୍‌ ନସା ମେଁନେ ପେବାସଙ୍ଗଏ ଆଡେନ୍‌ସା ଅଃନା ଚିନ୍ତା ଆଡ଼ିଙ୍ଗପା ।

୧୫ ନେଙ୍ଗ୍ ଆପେକେ ଦେକ୍ ସୁଗା ବାଲିର୍ ନସା ଗିଆନ୍ ମିଏ । ପେଇଂ ମେଁନେ ପେବାସଙ୍ଗଏ ପେନେ ଜା ତିଗ୍ ବିରଦ୍ ରେମୁଆଁ ଆଡେନ୍ ଉତର୍ ବିଃଆୟା ଶୁ ୍ୁ ।

୧୬ ଦେକ୍‌ରକମ୍‌କି ପେନେ ଆବା ଇୟାଙ୍ଗ୍ ବୟାଁ ସାଙ୍ଗ୍ ଆରି କୁଟୁମ୍‌ଶ୍ଟେଇଂ ପେନେ ବିରଦ୍ ତିଙ୍ଗ୍ ଆରଏ । ମେଇଙ୍ଗ୍ ପେନେବାନ୍ ଉଡ଼ି ରୁଆକେ ବାଗୁଏଃ ବିଃଆରଏ ।

୧୭ ପେଇଙ୍ଗ୍ ନେଙ୍ଗନେ ପ୍ଲାପ୍ଲା ପାଙ୍ଗ୍‌ପେଲେକେସା ସାପାରେ ଆପେକେ ଗୁର୍ନା ତିଙ୍ଗ୍‌ଆରଏ ।

୧୮ ମାତର୍ ସତେଆ ଅଃକେନ୍ ବିତ୍ରେବାନ୍ ଜା ବାନ୍ ତିଗ୍ ଆପେକେ ମୁଇଙ୍ଗ୍ ତିଙ୍ଗ୍ ବାଆଃନେ ଉଗ୍‌ବ ନଷ୍ଟ ଆଡ଼ିଙ୍ଗ୍ ଶୁ ୍ୁ ।

୧୯ ସାହାସ୍ ବାନ୍ ପେଇଂ ନିଜର୍ ନିଜର୍ ଜିବନ୍ ଆମ୍‌ ପେୟାଏ ।”

ଜିସୁ ଜିରୁଶାଲାମ୍ ନସ୍ତୁ ବିସୟରେ ବାସଙ୍ଗକେ
(ମାତିଉ ୨୪:୧୫; ମାର୍କ ୧୩:୧୪-୧୯)

୨୦ ପେଇଙ୍ଗ୍ ଯିରୁଶାଲାମ୍ ପିତୁରପାକା ସନ୍ୟଇଙ୍ଗ୍ ଗେରେତେ ଲେଃକ୍ନେ ପେକେଏ । ତେଲା ପେଇଂ ମ୍ୟାପେୟାଏ ଜେ ଯିରୁଶାଲାମ୍ ଦଂସ ଡିଙ୍ଗ୍ନେ ବେଲା ପିଙ୍ଗ୍ଟା ଡିଙ୍ଗ୍କେ ।

୨୧ ଆତେନ୍ ବେଲା ଜିଉଦାନେ ରେମୁଆଁଇଙ୍ଗ୍ କଣ୍ଡା ଆଃଡ଼ାପାକା ଲେଃଆରଏ ମେଇଂ କଣ୍ଡା ପାକା ଝିର୍ ତୁଂଝେଲେ ଜାଣ୍ଡେ ଇନି ଆରଏ ମେଇଂ ବିନ୍ ପାକା ଝେଆରଲେ ଆରି ଜାଣ୍ଡେଇଂ ପଲି ଇନିନ୍ନିଆ ଲେଃଆରଏ ବାରି ଦେସନିଆ ଆଣ୍ଡେ ଆପାଙ୍ଗଲେ ।

୨୨ ପରମେସର୍ ଉଡ଼ିବେଲା ମେଁନେ ରେମୁଆଁଇଂକେ ଦନ୍ ବିଏ ଆତେନ୍ ବିସୟରେ ଅସେନେ ବଲ୍ଲାଇଂ ଗୁଲ୍ଲୁଏ ସାମୁଆଁ ଗୁଆର୍ ବଆରକେ । ନେଙ୍ଗ୍ ଆପେକେ ଆତେନ୍ ବିସୟରେ ବାସଙ୍ଗଣ୍ଡିଂ ଉଡ଼ିବେଲା ସାପା ଗର୍ନା ସତ୍ ବାବ୍ରେ ଗଟେଏ ।

୨୩ ଆତେନ୍ ବେଲା ଗାଗଡ଼େ ଲେଃକ୍ନେ ସେଲାମ୍ବୁ ଆରି ବିନ୍ ତାଆଁନେ ଗଡ଼େଅ ଲେଃନେ ସେଲାମ୍ବୁଇଙ୍ଗ୍ନେ ମାଲେ କଷ୍ଟ ଡିଙ୍ଗ୍ଏ । ତାଗ୍ଲା ଆତେନ୍ ଦିନାଇଂକେ ଆକେନ୍ ଦେସ୍ ଆଡ଼ାତ୍ରା ମାଲେ କଷ୍ଟ ଲିଗ୍ ତୁଂପାଙ୍ଗ୍ଏ । ଆରି ଏନ୍ ରେମୁଆଁ ଆଡ଼ାତ୍ରା ପରମେସର୍ନେ ତଣ୍ଡ ପାଙ୍ଗ୍ଏ ।

୨୪ ଉଡ଼ିରୁଆକେ ସନ୍ୟଇଙ୍ଗ୍ ବାଗୁଏ ଆରଏ । ବିନେ ଉଡ଼ିରେକେ ଗାଗଟେ ବିନ୍ ସାପା ଦେସ୍ପାକା ବେବିଃଆରଏ । ଅବିସ୍ବାସି ଜିଉଦି ରେମୁଆଁଇଂନେ ମେଁଇଙ୍ଗ୍ନେ ବେଲା ମାଡାନେ ଜାକ ପବିତ୍ର ମ୍ଲାଇନି ଯିରୁଶାଲାମ୍କେ ୱ ଆଲନେ ଦୁଲି ତିଂଚେ ଲେଃଆରଏ ।

ରେମୁଆଁ ଉଙ୍ଗ୍ଡେ ଜାର୍ନେ ପେକେଏ
(ମାତିଉ ୨୪:୨୯-୩୧; ମାର୍କ ୧୩:୨୪-୨୭)

୨୫ ✨“ସ୍ମି ଆକେଁ ବାରି ଚାଙ୍ଗୁଆଇଂ ତାଗ୍ରା ଇରିୟାତୁଗ୍ନେ ଚିନା ନ୍ଯଏ । ସାପା ଦେସନେ ରେମୁଆଁଇଂ ନିରାସ୍ ଡିଙ୍ଗ୍ଆରଏ ବାରି କେଣ୍ଡିଆନେ ଗରଜନ୍ ବାରି ବୟାଙ୍ଗାର୍ ଲଅଡ଼ି ସାପାରେକେ ବାଃଟଏ ।

☆ ୨୧:୨୫ ପ୍ରକାସିତ୍ ୬:୧୨,୧୩.

୨୭ ସଂସାରକେ ଚାପେ ପାଙ୍କନେ ବିପଦକେ ଚିନ୍ତା ତିଙ୍କରେ ରେମୁଆଁଇଙ୍କୁ ବୁଟରେ ମୁରଚା ତିଙ୍କଝେଆରଏ । କିତଙ୍କଇନିନେ ସାପା ଗୁଅ ବଦଲେ ଝେ ଆରଏ ।

୨୭ ଆତେନ୍ ବେଲା ରେମୁଆଁଇଙ୍କୁ ରେମୁଆଁ ଉଠେକେ ବପୁ ଆରି ମ୍ନା ଗୌରବ ଏତେ ତ୍ରିଗ୍ତିଆ ଆଡ଼ାତ୍ରା ବାନ୍ ପାଙ୍କନେ ପେକେଏ ।

୨୮ ଉଡ଼ିବେଲା ଆକେନ୍ ଗର୍ନା ଗଟେନେ ଆରାମ୍ ତିଙ୍କୁ ଝେଏ ଆଡ଼ାତ୍ରା ତାଣ୍ଡେରେ ସାର୍ଦା ପେଡ଼ିଙ୍କଏ ତାଗ୍ଲା ପେଇଂନେ ମୁକ୍ତିନେ ବେଲା ତାଗ୍ରା ତିଙ୍କଝେଡ଼ିଜେ ତାଗ୍ରେ ଆକ୍‌ବାନ୍ ପେମ୍ୟାଏ ।

ଲିଖା ସ୍ନାନେ ବୁଦି

(ମାତିଉ ୨୪:୩୨-୩୫; ମାର୍କ ୧୩:୨୮-୩୧)

୨୯ ତେନ୍‌ଇଡ଼ିଂ ଜିସୁ ମୁଇଙ୍କୁ ଉସ୍ରା ବାସଙ୍କକେ ଲିଖା ସ୍ନାଃ ଆରି ବିନ୍ ସ୍ନାଃଇଂନେ ସାମୁଆଁ ଏତେ କେଲାପା ।”

୩୦ ଲିଉଆଁ ସ୍ନାଃନେ କେନ୍ଦା ଅରିଆ ଉଡ଼ିବେଲା ମ୍ନି ଉଲିଆଃ ପଃଏ ପେଇଙ୍କୁ ମ୍ୟାପେୟାଏ ଜେ ବୁନସେଙ୍କୁ ପିଙ୍କଟା ତିଂକେ ।

୩୧ ଦେଡ଼ ରକମ୍ ନେଙ୍କୁ ଆପେକେ ମେଁନେ ବାସଙ୍କୁଣ୍ଡିଙ୍କକେ ଆତେନ୍ ସାପା ଗଟେଏ । ଏନ୍ ସାପା ଗର୍ନା ଗଟେନେ କେଲା ପେଇଂ ମ୍ୟାପେୟାଏ ଜେ ପର୍ମେସର୍‌ନେ ରାଇଜ୍ ତାଗ୍ରା ପିଙ୍କଟା ଝେଗେ ।

୩୨ “ନେଙ୍କୁ ଆପେକେ ସଡ଼ ବାସଙ୍କୁଣ୍ଡିଂ ଏଃକେନେ ରେମୁଆଁଇଂ ଗୁଏନେ ସେନ୍‌ଗ୍ ଏନ୍ ସାପା ଗଟେଏ ।

୩୩ ମଞ୍ଚୁପୁର୍ ଆରି କିତଙ୍କଇନି ଲପ୍ ତିଙ୍କଏ । ମାତର୍ ନେଙ୍କନେ ସାମୁଆଁ ଅଃନାତିଗ୍ ଲପ୍ ଆଡ଼ିଙ୍କ ଶୁ”

ଜାଗ୍ରତ୍ ତିଙ୍କରେ ଲାଃଲାପା

୩୪ “ସାବ୍‌ଦାନ୍ ଲାଲାପା ! ପେଇଙ୍କୁ ସାଗ୍ରା ଉଗ୍ରେ ବୁସାଃତେ ନିଜେନେ ବେଲା ନଷ୍ଟୁ ଆରାଡ଼ିଙ୍କପା । ସାଂସାରିକ୍ ଜିନିସ୍‌ଇଂ ବିସୟରେ ଜାବର୍ ଚିନ୍ତା ଆଡ଼ିଙ୍କପା । ଆରି ପେଇଂ ତିଆର୍ ତିଙ୍କପେଲେଃକ୍ଟେ ବେଲା ଉଲୁସ୍ତେ ସାରାସାରି ବେଲା ପାଙ୍କଏ ।

୩୫ ମଞ୍ଚୁପୁର୍ ଲେଃମ୍ୟାକ୍ଟେ ସାପା ରେମୁଆଁଇଂ ତାଗ୍‌ରା ଆକେନ୍ ମୁଇଙ୍କୁ ପାନ୍ ସୁଗୁଆ ପାଙ୍କଏ ।

୩୬ ତେସା ସାପାବେଲା ତରକ୍‌ରେ ଲାଲାପା । ଜା ସାପା ଗର୍ନା ଗଟେନେ ଝେଡ଼ିଙ୍କକେ ଆତେନ୍ ବିଡ୍ରେ ବିରେ ଟିକ୍ ଗାଲି ଝେନ୍‌ସା ବପୁ

ବାନ୍ଧା ପାରତନା ଡିଙ୍ଗାପା । ପେଇଁ ଆମ୍ଭାରେ ବିସ୍‌ବାସ୍‌ରେ ରେମୁଆଁ ଉଙ୍ଗୁଡେନେ ସେନୁଗ୍ ତୁଆଁ ନସା ପାରତନା ଡିଙ୍ଗାପା ।”

୩୭ ଆଡେନ୍ ଦିନାଇଁ ଜିସୁ ରେମୁଆଁଇଁକେ ମନ୍ଦିରନ୍ନିଆ ସାମୁଆଁ ବିଡିଙ୍ଗେ । ମିଡିଗ୍ ବେଲା ମେଁ ମ୍ଲାଇନି ପାଦାପାକା ତାଡ଼େରେ ଆରି ପ୍ରାମିଡିଗ୍ ଜିତକଣ୍ଡା ଆଡାଡା କଟେକେ ।

୩୮ ରେମୁଆଁଇଁ ମନ୍ଦିରନ୍ନିଆ ଖେଚେ ଜିସୁନେ ହ୍ଲାଇର୍ ଅନ୍‌ସା ସାପା ଦିନା ଞ୍ଜିର୍ ତଡ଼ିଆଚେ ଖେଆରଡିଙ୍ଗେ ।

୨୨

ଜିଉଦି ନେତାଇଙ୍ଗ୍ ଜିସୁକେ ବାଗୁଏ୪ ନସା ଚାଏଁଆରକେ
(ମାଡିଉ ୨୭:୧-୫; ମାର୍କ ୧୪:୧-୨; ଜହନ୍ ୧୧:୪୫-୫୩)

୧ ଖମୀର ଶୁନ୍‌ଏ ରୁଟି ପାଣ୍ଡୁ ଆଜା କି ଉଦାର ପାଣ୍ଡୁ ଡିଗ୍ ବାସଙ୍ଗମ୍ୟା୪କେ ଆଡେନ୍ ବେଲା ତାଗରା ପିଙ୍ଗାଡିଙ୍ଗେ ।

୨ ମ୍ଲ ପୁଜାରି ଆରି ଦରମ୍ ସାସ୍ତିଇଁ ରେମୁଆଁଇଁକେ ବୁଟ ଡିଙ୍ଗିଆରକେ । ମାତର୍ ମେଇଁ ଜିସୁକେ ତାଡ଼େତେ ବାଗୁଏ୪ ନସା ଉପାୟ୍ ତୁରଡିଙ୍ଗି ଆରକେ ।

ଜିଉଦା ଜିସୁକେ ବିସ୍‌ବାସ୍‌ଗାଡ଼ ଡିଙ୍ଗକେ
(ମାଡିଉ ୨୭:୧୪-୧୬; ମାର୍କ ୧୪:୧୦-୧୧)

୩ ଜିସୁନେ ଗମ୍ବାରୁକ୍ଲିଗ୍ ସିସ୍‌ଇଁବାନ୍ ମୁଇଁଜାନେ ମ୍ଲି ଲେ୪ରେ ଇଷ୍ଟ୍ରିୟ୍ ଜିଉଦାନ୍ନିଆ ସଏତାନ୍ ଗାକେ ।

୪ ଆରି ଜିଉଦା ଖେଚେ ମ୍ଲ ପୁଜାରି ଆରି ମନ୍ଦିରନେ ସେନାପଡିଇଁ ଏଡେ ବାଲିରବାତା ଡିଙ୍ଗକେ । ଜିସୁକେ ମେଁଇଙ୍ଗେନେ କ୍ରିନିଆ ଆସା ବିନ୍‌ସା ଜିଉଦା ମେଇଁ ଏଡେ ମୁଇଙ୍ଗ୍ ଉପାୟ୍ ଡିଙ୍ଗକେ ।

୫ ଆଡ଼ବା ପୁଜାରିଇଁ ସାର୍ଦାଡିଙ୍ଗି ଆରକେ । ଜିସୁକେ ମେଁଇଙ୍ଗେନେ କ୍ରିନିଆ ବି୪ ବି୪କେ ମେଇଁ ଜିଉଦାକେ ତାବୁ ବି୪ନ୍‌ସା ବାସଙ୍ଗ ବଗେ ।

୬ ଜିଉଦା ରାଜି ଡିଙ୍ଗକେ । ମେଁ ଜିସୁକେ ପୁଜାରିଇଁନେ କ୍ରିନିଆ ଆସା ବି୪ନ୍‌ସା ମୁଇଙ୍ଗ୍ ଉପାୟ୍‌ରେ ଲେ୪ ଆରକେ । ଜିଉଦା ଇକଟା ଡିଙ୍ଗିଡିଙ୍ଗେ ଜେ ଉଡିବେଲା ମେ୪ଡିଗ୍ ରେମୁଆଁ ଆଡ଼ଅରିଆ ପାଙ୍ଗିଆଲେ ମେଁ ଆଡେନ୍ ବେଲା ଏନ୍ କାମ୍ ଡିଙ୍ଗଏ ।

ଜିସୁ ନିସ୍ୱାର ପାଣ୍ଡେ ଚଙ୍ଗନେ ନସା ତିଆର୍ ତିଙ୍ଗକେ
(ମାତିଉ ୨୬:୧୭-୨୫; ମାର୍କ ୧୪:୧୨-୨୧; ଜହନ୍ ୧୩:୨୧-୩୦)

୭ କମିର ଶୂନ୍ୟ ରୁଟି ପାଣ୍ଡୁ ଦିନ୍ ପିଙ୍ଗାଗେ । ଆକେନ୍ ଦିନା ଜିଉଦିଇଙ୍ଗ ଉଦାର ପାଣ୍ଡୁନ୍ନିଆ ତାଆଁ ମେଣ୍ଡାଲକେ ପୁଜା ବିଆର୍ସ ।

୮ ଜିସୁ ପିତରକେ ଆରି ଜହନ୍‌କେ ବାଲିରକେ “ପେଇଂ ଖେତେ ନସା ଚଙ୍ଗନସା ଉଦାର ପାଣ୍ଡୁନେ କାଦି ତିଆର୍ ତିଙ୍ଗପା ।”

୯ ପିତର ଆରି ଜହନ୍ ଜିସୁକେ ସାଲିଆକୁକେ “ଏନ୍ କାଦି ଆଣ୍ଡିନ୍ନିଆ ନେନେ ତିଆର୍ ନେତିଙ୍ଗ୍ୟ ତାଗ୍‌ତେ ନାନେ ଇକ୍‌ଚା ତିଙ୍ଗ ନାତିଙ୍ଗକେ ?”

୧୦ ଜିସୁ ଆମେଇକେ ବାସଙ୍ଗକେ “ଅଁପା ! ପେଇଂ ସହର୍ ବିତ୍ତେ ଖେକ୍‌କେ ଇଡିଙ୍ଗ ମୁଇଙ୍ଗ ରେମୁଆଁ କ୍ଳୁଇନିଆ ଶ୍ରିଆ ହୁଂଝିଗ୍‌ନେ ପେକେସ । ପେଇଂ ମେଁ ପ୍ଲା ପେଖେସ । ମେଁ ମୁଇଙ୍ଗ ହୁଆ ବିତ୍ତେ ଗାସ । ପେଇଂ ମେଁ ଏତେ ପେଖେସ ।

୧୧ ପେଇଂ ହୁଆନେ ସାକାରକେ ପେସାଲ୍ୟାକୁସ ଗୁରୁ ସାଲ୍ୟାକୁତିକେ ଜେ ମେଁ ଆରି ମେଁନେ ସିସ୍‌ଇଂ ଉଦାର ପାଣ୍ଡୁନେ ବଲେ ଆଣ୍ଡିଅରିଆ ଚଙ୍ଗଆର୍ସ ଆତେନ୍ ଆନେକେ ଆଃସୁସ ବିଲା ।

୧୨ ତେନ୍ ଇଡିଂ ହୁଆ ସାଉକାର ଆଡାତ୍ରା ମହଲାନେ ମ୍ଲାନେ ବାକ୍‌ରା ଆସୁସ ବିସ । ଆତେନ୍ ବାକ୍‌ରା ନ୍ନିଆ ପେଇଂନସା ଆମେତେ ବକେ । ଆଡୁଅରିଆ ପେଇଂ ଉଦାର ପାଣ୍ଡୁନେ କାଦି ପେରାରେସ ।”

୧୩ ପିତର ଆରି ଜହନ୍ ଖେଆରକେ । ଜିସୁ ତିରକମ୍ ବାସଙ୍ଗବଗେ ସାପା ଗର୍‌ନା ଦେଡରକମ୍ ଗଟେକେ । ମେଇଂ ଆଡୁଅରିଆ ଉଦାର ପାଣ୍ଡୁନେ କାଦି ଆଃରେ ଆରକେ ।

ମାପୁ ବଜି

(ମାତିଉ ୨୬:୨୬-୩୦; ମାର୍କ ୧୪:୨୨-୨୬; ୧ କରିନ୍‌ତିୟ ୧୧:୨୩-୨୫)

୧୪ ମେଇଂ ଉଦାର ପାଣ୍ଡୁନେ ବଲେ ଚଙ୍ଗନେ ବେଲା ତିଙ୍ଗାଗେ । ଜିସୁ ଆରି ସିସ୍‌ଇଂ ଚଙ୍ଗନେ କଆରକେ ।

୧୫ ଜିସୁ ଆମେଇକେ ବାସଙ୍ଗକେ “ନେଙ୍ଗ ନେଙ୍ଗନେ ଗୁଏନେ ସେନୁଗ୍ ପେଇଂ ଏତେ ଆକେନ୍ ଉଦାର ପାଣ୍ଡୁନେ ବଲେ ଚଙ୍ଗନେସା ନେଙ୍ଗ ଜାବର୍ ଇକ୍‌ଚା ଶ୍ରିଂକେ ।

୧୭ ନେଇଁ ଆପେକେ ବାସଙ୍ଗଣ୍ଡିଂ ପର୍ମେସରନେ ରାଇଜ୍ ନ୍ନିଆ ଏନ୍ ଅରତ୍ ମାନା ଜାକ ନେଇଁ ଅଃନାଡିଗ୍ ଉଦାର୍ ପାଣ୍ଡୁଧୁନେ କାଦି ନାଚଙ୍ଗ୍ ଶୁ”

୧୮ ତେନ୍ ଇଡିଂ ଜିସୁ ମୁଇଙ୍ଗ୍ ଗିନାନ୍ନିଆ ଅଙ୍ଗୁର୍ ରସ୍ ତୁଂଝେକେ । ଆକେନ୍ସା ମେଁ ପର୍ମେସରକେ ଦନ୍ୟବାଦ୍ ବିକେ । ମେଁ ବାସଙ୍ଗ୍‌କେ, “ଆକେନ୍ ଗିନା ତୁଂଝେଲା ଆକ୍‌ଅରିଆ ଲେଃଝେ ଅଙ୍ଗୁର୍ ରସ୍ ସାପାରେ ବାଟା ଉର୍ପା ।

୧୯ ନେଇଁ ଆପେକେ ବାସଙ୍ଗଣ୍ଡିଙ୍ଗ୍‌କେ ପର୍ମେସରନେ ରାଇଜ୍ ଆପାଙ୍ଗ୍ ଜାକ ନେଇଁ ଆରି ଅଙ୍ଗୁର୍ ରସ୍ ନ୍ନାଉଗ୍ ଶୁ”

୨୦ ବାରି, ମେଁ ରୁଟି ସାଃଚେ ଦନ୍ୟବାଦ୍ ବିଃକେ ବାରି ଆତେନ୍ ପାକଚିଚେ ଆମେଇଂକେ ବିଃଚେ ବାସଙ୍ଗ୍‌କେ, ପେ ଆଡୁଲା ବିଃବକ୍ସେ ଆକେନ୍ ଗାଗ୍‌ଡେ ଇର୍, ଆନେଂ ମନେ ଲ୍ଲାଗ୍‌ସାଃ ଆକେନ୍ ଡିଂପା ।

୨୧ ଦେଡରକମ୍ ମିଡିଗ୍ ବଜିନେ ଇଡିଙ୍ଗ୍ ଜିସୁ ଅଙ୍ଗୁର୍ ରସ୍‌ନେ ଗିନାକେ ସାଚେ ବାସଙ୍ଗ୍‌କେ “ଆକେନ୍ ଅଙ୍ଗୁର୍ ରସ୍ ଆଡୁଗ୍‌କେ ଜେ ପର୍ମେସର୍ ମେଁନେ ରେମୁଆଁଇଂ ଏତେ ମୁଇଙ୍ଗ୍ ମିକ୍ସେ ନିଅମ୍ ଡିଙ୍ଗ୍‌ବକେ । ନେଇଁ ଆପେକେ ବିଃଣ୍ଡିଂକ୍ସେ ନେଇଁ ମ୍ୟାନେ ଆକେନ୍ ମି ନିଅମ୍ ଆରାମ୍ ଡିଙ୍ଗ୍‌ଏ ।”

୨୨ ଜିସୁ ବାସଙ୍ଗ୍‌କେ, “ପେଇଂ ବିତ୍ରେ ମୁଇଂଜା ନେଇଁ ଆଡାଡ୍ରା ବିସ୍‌ବାସ୍ ଗାଡ଼ ଡିଙ୍ଗ୍‌ଏ । ମେଁନେ ତ୍ରି ନେଇଁ ତ୍ରି ଡାଗ୍‌ରା ଆକେନ୍ ଟିରୁଲ୍ ଆଡାଡ୍ରା ଲେଃକେ ।

୨୩ ପର୍ମେସର୍ ଡିରକମ୍ ଆଃରେ ବକେ ରେମୁଆଁ ଉଙ୍ଗ୍‌ଡେ ଦେଡରକମ୍ ଡିଙ୍ଗ୍‌ଚେ ଗୁଏଃଏ । ମାତର୍ ରେମୁଆଁ ଉଂଡେକେ ମୁଡି ରେମୁଆଁ କୁରୁସ୍ ନ୍ନିଆ ଗୁଏନ୍‌ସା ବିରଦ୍ ରେମୁଆଁଇଂନେ ତ୍ରିନିଆ ବିଃଏ ଆତେନ୍ ରେମୁଆଁ ଜାବର୍ ଡଣ୍ଡ ବାଏ ।”

୨୪ ତେନ୍ ଇଡିଂ ସିସ୍‌ଇଂ ମେଇଂମେଇଂ ବିତ୍ରେ ବାଲିର୍‌ବାତା ଡିଙ୍ଗ୍‌ଆରକେ “ନେ ବିଡ୍‌ରେ ଜାଣ୍ଡେ ଜିସୁ ଆଡାଡ୍ରା ଦେକ୍‌ରକମ୍ ବେବଆର୍ ଡିଙ୍ଗ୍‌ଏ ?”

ପେଇଂ ଗତିରେ ସୁଗୁଆ ଡିଙ୍ଗ୍‌ପା

୨୪ ☆ମେଇଙ୍କ୍‌ନେ ବିତ୍ତେବାନ୍ ସାପାବାନ୍ ଜାଣ୍ଟେ ମ୍ବା ସିସ୍‌ଇଂ ଆଡେନ୍ ବିସୟରେ ମେଇଂନେ ବିତ୍ତେ ବାଲିର୍‌ବାତା ତିଙ୍କ୍‌ନେ ଲାଗେଆରକେ ।

୨୫ ଆଡ଼ବାନ୍ ମେଁ ଆମେଇଂକେ ବାସଙ୍କ୍‌କେ, ଅବିସ୍‌ବାସି ରେମୁଆଁଇଂନେ ଇଃସାଙ୍କ୍‌ଇଂ ନିଜେନେ ରେମୁଆଁ ଆଡ଼ାତ୍ରା ସାସନ୍ ତିଙ୍କ୍‌ଏ ଆରି ଜାଣ୍ଟେ ମେଁଇଙ୍କ୍‌ନେ ଆଡ଼ାତ୍ରା ସାସନ୍ ତିଙ୍କ୍‌ଆରଏ ମେଇଂ ଦେସ୍‌ନେ କୁଟୁମ୍‌ ତାଗଚେ ଦାବି ତିଙ୍କ୍‌ଆରଏ ।

୨୬ ☆ମାତର୍ ପେଇଂ ଦେଡ଼ରକମ୍ ଆଡ଼ିଙ୍କ୍‌ପା ମାତର୍ ପେଇଂ ବାନ୍ ଜାଣ୍ଟେ ମ୍ବା ମେଁ ତାଆଁ ସୁଗୁଆ ତିଙ୍କ୍‌ଲେ । ଆରି ଜାଣ୍ଟେ ନେତା ମେଁ ସେବା ତିଙ୍କ୍‌ଣ୍ଟେ ସୁଗୁଆ ତିଙ୍କ୍‌ଲେ ।

୨୭ ସାପାବାନ୍ ମ୍ବା ରେମୁଆଁ ଜାଣ୍ଟେ ? ଟିବୁଲ୍ ନ୍ଠିଆ ରଙ୍‌ନ୍‌ସା କଲେଃକ୍‌କ୍‌ ରେମୁଆଁ ଆମେକେ ସେବା ତିଙ୍କ୍‌ଣ୍ଟେ ରେମୁଆଁ ରଙ୍‌ନେ କଲେଃକ୍‌କ୍‌ ରେମୁଆଁ ସାପାବାନ୍ ମ୍ବା । ମାତର୍ ପେଇଂବାନ୍ ନେଙ୍‌ ମୁଇଙ୍କ୍‌ ସେବା ତିଙ୍କ୍‌ଣ୍ଟେ ସୁଗୁଆ ନ୍ଲେକେ ।

୨୮ ମାତର୍ ପେଇଙ୍କ୍‌ ନେଙ୍‌ନେ ସାପା ପରିକ୍ୟାନ୍‌ନିଆ ନେଙ୍‌ ଏଡେ ଲେଃଚେ ପାଙ୍‌ ପେଲେକେ ।

୨୯ ନେଙ୍‌ନେ ଆବା ଆନେଙ୍କ୍‌କେ ତିରକମ୍ ସାସନ୍ ତିଙ୍କ୍‌ନେ ଅଦିକାର୍ ବିବକେ ଦେଡ଼ସୁଗୁଆ ନେଙ୍‌ ତିର୍ ସାସନ୍ ତିଙ୍କ୍‌ନ୍‌ସା ଆପେକେ ଅଦିକାର୍ ସିଏ ।

୩୦ ତିରକମ୍ ପେଇଙ୍କ୍‌ ନେଙ୍‌ନେ ରାଇଜ୍ ନ୍ଠିଆ ନେଙ୍‌ ଟିବୁଲ୍ ଆଡ଼ାତ୍ରା ପେଇଂ ପେଚଙ୍‌ ଉର୍ଏ । ପେଇଂ ସିଂଆସନ୍ ଆଡ଼ାତ୍ରା କଚେ ଇଣ୍ଡାୟେଲନେ ଗମ୍ବାର୍ ଜାକ କୁଲ୍‌କେ ବିଚାର୍ ପେଡ଼ିଙ୍କ୍‌ଏ ।

ପିତର୍ ଜିସୁକେ ନ୍ଠାମ୍ୟାକେ ତାଗଚେ ବାସଙ୍କ୍‌କେ

(ମାତିଉ ୨୬:୩୧-୩୫; ମାରକ ୧୪:୨୭-୩୧; ଜହନ୍ ୧୩:୩୬-୩୮)

୩୧ “ଶିମୋନ୍ ! ଅ ଶିମୋନ୍ ସ୍ଲେରେଇଂ ମେଁଇଙ୍କ୍‌ନେ ଗହମ୍‌ବାନ୍ ଗୁଡ଼ିଇଂକେ ବିନେ ଆଡ଼ିଙ୍କ୍‌ସା ଗ୍ଲେଞ୍ଜାନିଆ ତିରକମ୍ ଗେଞ୍ଜାଏ ଦେଡ଼ରକମ୍ ସୟତାନ୍ ତିର୍ ଆପେକେ ଡେରେପେଡେ ତିଙ୍କ୍‌ନ୍‌ସା ବାସା ମ୍ୟାଃଲେକେ !

☆ ୨୨:୨୪ ମାତିଉ ୧୮:୧; ମାରକ ୯:୩୪; ଲୁକ ୯:୪୭. ☆ ୨୨:୨୬ ମାତିଉ ୨୩:୧୧; ମାରକ ୯:୩୫. ☆ ୨୨:୨୭ ମାତିଉ ୨୦:୨୫-୨୭; ମାରକ ୧୦:୪୨-୪୪.

୩୨ ନେଙ୍କ ପାରତନା ଡିଙ୍ଗଣ୍ଡିଙ୍ଗକେ ଜେ ପେନେ ବିସବାସ୍ ଜେନ୍ତ୍ରିକି ଆଆନ୍ତାନ୍ତାରେପା ନାମଃ । ପେ ନେଙ୍କ୍ ତାଗ୍ରା ଆଣ୍ଡେ ପାଙ୍ଗନେ ବେଲା ପେନେ ବୟାଁଇଂକେ ବିସବାସ୍ରେ ତାଟ୍ ଲେନ୍‌ସା ସାଇଜ୍ୟ ଡିଙ୍ଗପା ।”

୩୩ ମାତର୍ ପିତର୍ ବାସଙ୍ଗକେ “ମାପୁ ନେଙ୍କ୍ ନାନେ ଏତେ ଜେଲ୍‌କାନା ଗିଗାନ୍‌ସା ଆର୍ମେ ନ୍ଲେକେ । ଦେକ୍‌ରକମ୍‌କି ନେଙ୍କ୍ ନାନେ ଏତେ ଗୁଏନ୍‌ସା ଡିଗ୍ ଆର୍ମେ ନ୍ଲେ କିକେ ।”

୩୪ ତେଲା ଜିସୁ ବାସଙ୍ଗକେ “ପିତର୍ ଏ ମିଡିଗ୍ ଗିସେଙ୍ଗ୍ ସନେ ସେନ୍ତୁଗ୍ ନାନେ ଆନେଙ୍ଗ୍ ନ୍ନାମ୍ୟାକେ ତାଗ୍‌ରେ ଝିତର୍ ନାବାଃଲିର୍ୟ୍ ।”

ତାରୁ ମୁନା ବାରି କାଣ୍ଡା

୩୫ ଇଡିଙ୍ଗ୍ ଜିସୁ ସିସ୍‌ଇଂକେ ବାଲିରକେ, “ନେଙ୍କ୍ ଆପେକେ ତାରୁ, ମୁନା ଆରି ଜୁତା ମାବିତେ ବେମ୍‌ଗେ । ପେଇଂନେ ମେଃଡିଗ୍ ଅବାବ୍ ଲେଃଗେ ଲେଃ ?” ସିସ୍‌ଇଂ ବାସଙ୍ଗକେ “ଣ୍ଡୁ”

୩୬ ଜିସୁ ଆମେଇଂକେ ବାସଙ୍ଗକେ, “ମାତର୍ ଏବେ ଜଦି ପେଇଂନ୍ନିଆ ତାରୁ କି ମୁନା ଲେଃଏ ତେଲା ଆତେନ୍ ପେଇଂ ଏତେ ତୁଂଝେଲାପା । ଦେକ୍‌ରକମ୍ ଜଲି ଡିଗ୍ ତୁଂଝେଲାପା ଜାନେ କାଣ୍ଡା ଣ୍ଡୁ ମେଁ ନିଜେନେ ସାଲ୍ ସତେ କାଣ୍ଡା ବିଆରଲେ ।

୩୭ ତାଗ୍ ନେଙ୍କ୍ ଆପେକେ ବାସଙ୍ଗଣ୍ଡିଂକେ ସାସ୍ତର୍ ବାସଙ୍ଗଡିଙ୍ଗକେ” ଜେ “ମେଁ ଅପରାଦି ରେମ୍‌ଆଁଇଂ ଏତେ ତଣ୍ଡ୍ ବଗ୍ ଡିଙ୍ଗକେ । ଏନ୍ ସାସ୍ତର୍‌ନେ ବ୍ନାଲିର୍ ସତେଆ ଗଟେଏ ଆକେନ୍ ନେଙ୍କ୍ ବିସୟରେ ଗୁଆର୍ ବଗେ ଆରି ଏନ୍ ଏବେ ଗଟେ ଡିଙ୍ଗକେ ।”

୩୮ ସିସ୍‌ଇଂ ବାସଙ୍ଗକେ କେଲା ମାପୁ ଆକ୍‌ଅରିଆ ମ୍ବାକ୍‌କିଗ୍ କାଣ୍ଡା ଲେଃକେ ଜିସୁ ବାସଙ୍ଗକେ “ମ୍ବାକ୍‌କିଗ୍ କାଣ୍ଡା ଡିଙ୍ଗଏ ।”

**ଜିସୁ ପାରତନା ଡିଙ୍ଗନ୍‌ସା ଜିତ କଣ୍ଡାନ୍‌ଆ ଝେକେ
(ମାତିଡ ୨୬:୩୬-୪୬; ମାର୍କ ୧୪:୩୨-୪୨)**

୩୯ ଜିସୁ ଯିରୁଶାଲାମ୍ ମ୍ବାଇନି ବାନ୍ ତାର୍‌ରେ ନିଜର୍ ନିଅମ୍‌ରେ ଜିତକଣ୍ଡା ଆଡାତ୍ରା ଝେକେ । ଆରି ସିସ୍‌ଇଂ ଡିଗ୍ ମେଁନେ ପ୍ଲା ଝେ ଆରକେ ।

୪୦ ଆଡ୍‌ଅରିଆ ପାଙ୍ଗରେ ଜିସୁ ସିସ୍‌ଇଂକେ ବାସଙ୍ଗକେ, “ପେଇଂ ଜେନ୍ତ୍ରିକି ପରିକ୍ୟାନ୍ନିଆ ପେଲଃ ଆତେନ୍‌ସା ପାରତନା ଡିଙ୍ଗପା ।”

୪୧ ଇଡ଼ିଙ୍ଗ ଜିସୁ ମେଇଂନେବାନ୍ ଉଲୁପ୍ ସ୍ଥୁ ଝେଗେ । ମେଁ ତେଙ୍ଗରେ କଚେ ପାରତନା ଡିଙ୍ଗକେ

୪୨ ଏ ମ୍ବାଃ ଆବା ଜଦି ଡିଙ୍ଗଏ ତେଲା ନାନେ ଇକ୍ଚା ତେଲା ଦୁକ୍ ସୁକ୍ ବେଲା ଏନ୍ ଉଗ୍ଡିଆଃ ମୁତା ନେଙ୍ଗବାନ୍ ସ୍ଥୁ ଆଡିଙ୍ଗ । ନେଙ୍ଗନେ ଇକ୍ଚା ଶ୍ଟୁ ମ୍ବାତର ନାନେ ଇକ୍ଚା ପୁରନ୍ ଡିଙ୍ଗଲେ ।

୪୩ ଇଡ଼ିଙ୍ଗ କିତଂବାନ୍ ମୁଇଙ୍ଗ ଦୁଡ୍ ଜାର୍ଚେ ଦର୍ସନ୍ ବିକେ । ଆତେନ୍ କିତଂ ଦୁଡ୍ ଜିସୁକେ ସାଇଜ୍ୟ ଡିଙ୍ଗନ୍ସା ବେ ବଗେ ।

୪୪ ଜିସୁ ଜାବର୍ ଦୁକ୍ରେ ପାରତନା ଡିଙ୍ଗନେ ମୁଲେକେ ମେଁନେ ସାର୍ମୁଆଁବାନ୍ ମିଆଁ ଚୁପା ସୁଗୁଆ ସଲେ ତାର୍ଚେ ତୁବନ୍ନିଆ ଲଃକେ ।

୪୫ ଜିସୁ ପାରତନା ଡିଙ୍ଗ ଆଃତାଚେ ସିସ୍ଇଂ ତାଗ୍ରା ଆଣ୍ଡେ ଝେକେ । ଆତେନ୍ ବେଲା ମେଇଂ ସାପାରେ ତୁଲେଗ୍ ଝେଲେଃଆରଗେ ମେଁନେ ଦୁକ୍ ସିସ୍ଇଂକେ ଜାବର୍ ଆଲିଆ ଆଡିଙ୍ଗବଗେ ।

୪୬ ଜିସୁ ଆମେଇଂକେ ବାସଙ୍ଗକେ “ପେଇଂ ମେଁନ୍ସା ତୁଲେଗ୍ ପେଲେକେ ? ତଡ଼ିଆ ଆରି ପରିକ୍ୟାନ୍ନିଆ ଡିରକମ୍ କି ପେଲଃ ଆତେନ୍ସା ଉରଲେଚେ ପାରତନା ଡିଙ୍ଗପା ।”

ଜିସୁକେ ଗିରପ୍ ଆଡିଙ୍ଗ ଆରକେ

(ମାଡିଉ ୨୬:୪୭-୫୬; ମାର୍କ ୧୪:୪୩-୫୦; ଜହନ୍ ୧୮:୩-୧୧)

୪୭ ମେଁ ସାମୁଆଁ ବାଲିରନେ ବେଲା କେଲା ମୁଇଙ୍ଗ ମାନ୍ଦା ରେମୁଆଁ ଆଡନ୍ନିୟା ପାଙ୍ଗଆରକେ । ଗମ୍ବାର୍ଲିଗ୍ ସିସ୍ଇଂବାନ୍ ଜିଉଦା ମିନେ ମୁଇଙ୍ଗ ସିସ୍ ମେଁଇଙ୍ଗନେ ସେନ୍ଦୁଗ୍ ପାଙ୍ଗଚେ ଜିସୁକେ ବୈନ୍ତା ନ୍ସା ମେଁନେ ତାଗ୍ ଝେକେ ।

୪୮ ତେସା ଜିସୁ ଆମେକେ ବାସଙ୍ଗକେ “ଏ ଜିଉଦା ବୈନ୍ତାଚେ ନାଁ କି ରେମୁଆଁ ଉଙ୍ଗଡେକେ ବିରଦ୍ ରେମୁଆଁଇଂନେ ତ୍ରିନିଆ ଆସା ବନାଡିଙ୍ଗକେ ?”

୪୯ ଜିସୁନେ ସିସ୍ଇଂ ଆଡ଼ଅରିଆ ତୁଆଁ ଲେଃଆରଗେ । ମେଃନେ ଗଚେ ଡିଙ୍ଗକେ ମେଇଂ ଆତେନ୍ ସାପା କିକେ ଲେଃଆରଗେ ମେଇଂ ଜିସୁକେ ବାଲିରକେ “ମାପୁ ନେ ମେଃନେ କାଣ୍ଡା ନେରାତାର୍ଏ ?”

୫୦ ତେସା ମୁଇଙ୍ଗ୍ ସିସ୍ କାଣ୍ଡା ଆଃତାର୍ଚେ ମ୍ବା ପୁଜାରିନେ ଚାକରକେ ଞ୍ଚଙ୍ଗି ପାକାନେ ଲୁଗକେ ସିତଗ୍ ବିକେ ।

୫୧ ଜିସୁ ବାସଙ୍ଗକେ “ଜୀବର ଡିଙ୍ଗେ !” ଇଡ଼ିଙ୍ଗ ଜିସୁ ଆତେନ୍ ଗତିରେନେ ହୁଗ୍‌କେ ଲିଗ୍‌ତେ ନିମାଣ୍ଡା ଆଡ଼ିଙ୍ଗ ବିକେ ।

୫୨ ତେଲା ଜିସୁ ମୈନେ ବିରଦ୍‌ରେ ପାଙ୍ଗ୍ ଲେଃକ୍‌କେ ମ୍ବା ପୁଜାରି ମନ୍ଦିରନେ ସେନାପତି ଆରି ମ୍ବାଃ ରେମୁଆଁଇଁକେ ବାସଙ୍ଗକେ, “ଡ଼ଙ୍ଗାରେକେ ସାଃନେ ସୁଗୁଆ କାଣ୍ଡା ଆରି ଟେଙ୍ଗ୍ ସାଃତେ ପେଇଁ ମେଃନସା ଆନେଙ୍ଗ୍‌କେ ସାଃନସା ପାଙ୍ଗ୍ ପେଲେକେ ?

୫୩ ☆ନେଙ୍ଗ୍ କାଲାଆଃ ପେଇଁ ଏତେ ମନ୍ଦିରନ୍ତିଆ ହ୍ଲେଗେ ମାତର ପେଇଁ ଅଃତେନ୍ ବେଲା ଆନେଙ୍ଗ୍‌କେ ପେସାକେ ଶ୍ଟୁ ଏକ୍ରେ ପେଇଁନେ ବେଲା ପାଙ୍ଗ୍ ଲେଃକେ ଡାଗ୍ଲା ଏକ୍ରେ ଡାକିଗ୍‌ନେ ବେଲା ।”

ପିତର ଜିସୁକେ ନ୍ନାମ୍ୟାକେ ଡାଗ୍‌ତେ ବାସଙ୍ଗକେ

(ମାତିଡ ୨୬:୫୭-୫୮; ୨୬:୬୯-୭୫; ମାର୍କ ୧୪:୫୩-୫୪; ୧୪:୬୭-୭୨; ଜହନ୍ ୧୮:୧୨-୧୮; ୧୮:୨୫-୨୭)

୫୪ ମେଇଙ୍ଗ୍ ଜିସୁକେ ବନ୍ଦି ଆଡ଼ିଙ୍ଗ୍‌ତେ ମ୍ବା ପୁଜାରିନେ ତୁଆ ବିତ୍ରେ ତୁଂଝେ ଆରକେ । ପିତର ଇକ୍‌ଡ଼ା ସ୍ଲଲେତେ ମୈଇଙ୍ଗ୍‌ନେ ପ୍ଲା ଝେଡ଼ିଙ୍ଗ୍‌ଗେ ।

୫୫ ମେଇଁ ବାଜାରନ୍ତିଆ ମଜେ ସୁଆ ଆଃତୁଆତେ ମୁଇଁତୁଗ୍ କ ଆରକେ । ପିତର ଡିଗ୍ ମୈ ଏତେ କକେ ।

୫୬ ମୁଇଙ୍ଗ୍ ଚାକରବଏଃ ପିତରକେ ଆଡ଼ଅରିଆ କଲେଃକ୍‌କେ କେକେ । ଚାକରବଏଃ ମୁଇଙ୍ଗ୍ ମନ୍ ଦିଆନ୍ ବିତେ ପିତରନେ ସାମ୍‌ମୁଆଁନ୍ତିଆ କେକେ । ଇଡ଼ିଙ୍ଗ୍ ମୈ ବାସଙ୍ଗକେ “ଏନ୍ ରେମୁଆଁ ଡିଗ୍ ମେଇଁ ଏତେ ଲେଃଗେ ।”

୫୭ ମାତର ପିତର ବାସଙ୍ଗକେ “ଶ୍ଟୁ ହେନଙ୍ଗ୍ ଆମେକେ ନ୍ନାମ୍ୟାକେ ଶ୍ଟୁ ।”

୫୮ ଇଡ଼ିଙ୍ଗ ବେଲା ଇଡ଼ିଙ୍ଗ୍ ଆରି ମୁଇଁଜା ପିତରକେ କେତେ ବାସଙ୍ଗକେ “ଜିସୁନେ ପ୍ଲା ଝେଡ଼ିଙ୍ଗ୍‌କ୍‌କେ ରେମୁଆଁଇଁବାନ୍ ନାଡ଼ିଗ୍ ମୈଇଙ୍ଗ୍‌ନେ ବାନ୍ ମୁଇଁଜା ।” ମାତର ପିତର ବାସଙ୍ଗକେ “ଶ୍ଟୁ ହେନଙ୍ଗ୍ ଶ୍ଟୁ ।”

୫୯ ଇଡ଼ିଙ୍ଗ୍ ମୁଇଙ୍ଗ୍ ଗଣ୍ଟା ଇଡ଼ି ଆରଏ ମୁଇଁଜା ରେମୁଆଁ ଡାଗାମ୍ ବାବ୍‌ରେ ବାସଙ୍ଗକେ “ଆକେନ୍ ସଡ଼ । ଏନ୍ ରେମୁଆଁ ସତେଆ ମେଇଁ ଏତେ ଲେଃଗେ । ଡାଗ୍‌ଲା ମୈ ତ ଗାଲିଲାୟ ।”

☆ ୨୨:୫୩ ଲୁକ ୧୯:୪୭; ୨୧:୩୭.

୬୦ ମାତର ପିତର ବାସଙ୍ଗକେ “ପେ ମୈନେ ବାସଙ୍ଗ ପେଡ଼ିଙ୍ଗକେ ନେଙ୍ଗ ମେଠଡ଼ିଗ୍ ବୁଜେ ନାୟା ଶୁ” ସମାନ୍ ଆତେନ୍ ବେଲା ଗିସେଙ୍ଗ ସକେ ।

୬୧ ମାପୁ ପ୍ଲେଗ୍‌ରେ ମୁଇଙ୍ଗ ଲୟରେ କେକେ ବାରି ପିତରକେ ମୈନେ ବାସଙ୍ଗବକେ, ଆତାନ୍ ପିତରକେ ମୈନେ ପଡ଼େକେ । “ଏ ମିଡ଼ିଗ୍ ଗିସେଙ୍ଗ ସନେ ସେନୁଗ୍ ନା ଆନେଙ୍ଗ ଙ୍ଵି ତର୍ ନ୍ନାମ୍ୟାକେ ତାଗରେ ନାବାସଙ୍ଗ୍ୟ ।”

୬୨ ପିତର ବାଏରେ ଝେରେ କାକୁରତି ତିଙ୍ଗରେ ଅଃକେ ।

ଜିସୁକେ ଇଙ୍ଗରେ ଆରକେ ବାରି ବଗ୍‌ନେ ସାମାଲେକେ

(ମାତିଉ ୨୬:୬୭-୬୮; ମାରକ ୧୪:୬୫)

୬୩ ଉଡ଼ିରୁଆ ଜିସୁକେ ଉର୍ ଲେଃଆରଗେ । ମେଇଁ ଜିସୁକେ ବଗ୍ ବଗ୍‌ରେ ପରିହାସ୍ ତିଙ୍ଗ ଆରକେ ।

୬୪ ବାରି ମୈନେ ସାମ୍‌ଆଁନିଆ ତାରେ ଆମେକେ ସାଲିଆକୁ ଆରକେ । ନା ତିଏଃ ବାବବାଦି ବକ୍ତା ବାସଙ୍ଗ କେଲା ଜାଣେ ଆନାକେ ବଗ୍‌କେ ?

୬୫ ଆରି ମେଇଁ ଗୁଲୁଏ ସାମ୍‌ଆଁ ମୈନେ ବିରଦ୍‌ରେ ବାସଙ୍ଗରେ ମୈନେ ନିନ୍ଦା ଆଡ଼ିଙ୍ଗନେ ଲାଗେକେ ।

ଜିସୁକେ ମ୍ନା ବିଚାରନ୍ନିଆ ତୁଂପାଙ୍ଗଆରକେ

(ମାତିଉ ୨୬:୫୯-୬୬; ମାରକ ୧୪:୫୫-୬୪; ଜହନ୍ ୧୮:୧୯-୨୪)

୬୬ ଆରଏ ମୁଇଁଦିନା ଙ୍ଵିର ଦର୍ମ ନେତା ଜିଉଦି ନେତାଇଁ ମ୍ନା ପୁଜାରିଇଁ ଆରି ଦରମ୍ ଗୁରୁଇଁ ମୁଇଁତୁଗ୍ ରିସିଙ୍ଗ ଆରକେ । ମେଇଙ୍ଗ ଜିସୁକେ ମୈଇଙ୍ଗନେ ସାପାବାନ୍ ମ୍ନା ସବା ଅରିଆ ତୁଂଝେ ଆରକେ । ମେଇଙ୍ଗ ବାସଙ୍ଗ ଆରକେ “ନାନେ ଜଦି କିସ୍‌ଟ ତେଲା ଆନେ ସାପାରେକେ ବାସଙ୍ଗ ।”

୬୭ ମେଇଁ ବାସଙ୍ଗଆରକେ “ଆନେକେ ବାସଙ୍ଗ ନାଁ ମେଠନେ କିସ୍‌ଟ ?” ଜିସୁ ଆମେଇଁକେ ଉତ୍ତର୍ ବିକେ “ନେଙ୍ଗ ଜଦି ମ୍ନାସଙ୍ଗ୍ୟ ପେଇଁ ଆନେଙ୍ଗକେ ବିସ୍‌ବାସ୍ ପେଡ଼ିଙ୍ଗ ଶୁ ।

୬୮ ଆରି ନେଙ୍ଗ ଜଦି ଆପେକେ ପ୍ରସନ୍ ନ୍‌ସାଲ୍ୟାକୁଏ ତେଲା ପେଇଁ ମୈନେ ଉତ୍ତର୍ ପେବି ଶୁ ।

୬୯ ଏଠକେବାନ୍ ରେମୁଆଁ ଉଠ୍ତେ ପରଫେସରନେ ସିଂଆସନନେ
 ଞ୍ଚୁଡ଼ି ପାକା କଏ ।”

୭୦ ଫେଇଂ ସାପାରେ ବାସଙ୍ଗକେ “ତେଲା ମେଁନେ ପେ
 ପରଫେସରନେ ଉଠ୍ତେ ?” ଜିସୁ ଆମେଇଂକେ ବାସଙ୍ଗକେ
 “ପେ ମେଁନେ ବାସଙ୍ଗ ପେଡ଼ିଙ୍ଗ୍ ଆଡେନ୍‌ଆ ।”

୭୧ ଫେଇଂ ବାସଙ୍ଗ ଆରକେ “ତେଲା ନେଁନେ ଏବେ ସାକି ମେଁନେ
 ଦରକାର ? ନେନେ ତ ନିଜେ ମେଁନେ ସାମ୍‌ଆଃବାନ୍ ଆକେନ୍
 ନେଅଁକେ ।”

୨୩

ଜିସୁକେ ପିଲାତ ଡାଗ୍ରା ତୁଙ୍ଗପାଙ୍ଗ୍‌ଆରକେ

(ମାତିଡ ୨୭:୧-୨, ୧୧-୧୪; ମାରକ ୧୫:୧-୫; ଜହନ୍ ୧୮:୨୮-୩୮)

୧ ଇଡ଼ିଙ୍ଗ୍ କୁକପାରନେ ସାପାରେ ତଡ଼ିଆରେ ତୁଆଁଆରକେ ।
 ମେଇଙ୍ଗ୍ ଜିସୁକେ ପିଲାତ ଡାଗ୍ରା ତୁଂଝେଆରକେ

୨ ଫେଇଂ ଜିସୁକେ ଦସ୍ ବିଃନେ ଲାଗେକେ । ଫେଇଂ ପିଲାତକେ
 ବାସଙ୍ଗକେ “ନେନେ ରେମୁଆଁକେ ରାଇଜ୍ ବିରଦ୍‌ରେ ବାସଙ୍ଗନେ
 ବେଲା ନେ ଆକ୍‌ମେକେ ସାଃନେବକେ । ମେଁ ରେମୁଆଁକେ
 ବାସଙ୍ଗଡ଼ିଙ୍ଗ୍‌କେ ଜେ କାଇସରକେ ସିସ୍ତ୍ରିଃନ୍‌ସା ଦରକାର ଶୁ ମେଁ
 ନିଜକେ କିସ୍‌ଟ ଆରି ଇଃସାଙ୍ଗ୍ ଡାଗ୍ରାରେ ବାସଙ୍ଗ୍ ଡିଙ୍ଗ୍‌କେ ।”

୩ ପିଲାତ ଜିସୁକେ ସାଲ୍ୟାକୁକେ “ନାନେ ମେଁନେ ଜିଉଦିଇଂନେ
 ଇଃସାଙ୍ଗ୍ ?” ଜିସୁ ଉତ୍ତର୍ ବିକେ “ନାନେ ତ ବାସଙ୍ଗ୍ ନାଡ଼ିଙ୍ଗ୍ ।”

୪ ପିଲାତ ମ୍ଲା ପୁଜାରି ଆରି ରେମୁଆଁକେ ବାଲିରକେ “ଏନ୍
 ରେମୁଆଁନେ ନେଙ୍ଗ୍ ମେଃଡ଼ିଗ୍ ଦସ୍ ନାକେକେ ।”

୫ ଫେଇଂ ମାତର୍ ପ୍ରେଗ୍‌ପ୍ରେଗ୍ ବାଲିରକେ “ମେଁନେ ଗିଆନ୍ ବାନ୍
 ମେଁ ଜିଉଦାନେ ଅଁପାକା ମେଁ ରେମୁଆଁକେ ଆଞ୍ଜିଡ଼ିଙ୍ଗ୍‌କେ ।
 ସାମୁଆଁ ବିଡ଼ିଙ୍ଗ୍‌କେ । ମେଁ ଆକେନ୍ ଗାଲିଲୀନ୍ନିଆ ପାକା ମୁଲେ ବକେ
 । ଏବେ ମେଁ ଆକ୍‌ଅରିଆ ପାଙ୍ଗ୍ ଲେଃକେ ।”

ପିଲାତ ଜିସୁକେ ହେରୋଦ ଇଃସାଙ୍ଗ୍ ଡାଗ୍ରା ବେକେ

୬ ପିଲାତ ଏନ୍ ଅଁରେ ସାଲ୍ୟାକୁକେ ଏନ୍ ରେମୁଆଁ ମେଁନେ
 ଗାଲିଲୀନେ ?

୭ ପିଲାତ ମଧ୍ୟାହ୍ନେ ଜେ ଜିସୁ ହେରୋଦନେ ଅଦିକାର ଜାଗାନେ ରେମୁଆଁ । ତେସା ପିଲାତ ଜିସୁକେ ମେଁନେ ଡାଗରା ବେବିକେ । ହେରୋଦ ତିଗ୍ ଆତେନ୍ ବେଲା ଜିରୁସାଲାମନ୍ନିଆ ଲେଖଗେ ।

୮ ହେରୋଦ ଜିସୁକେ କେତେ ଜବର୍ ସାଦା ଡିଙ୍ଗକେ । ହେରୋଦ ଜିସୁନେ ବିସୟରେ ସାପା ସାମୁଆଁ ଅଁ ଆଡା ବଗେ । ଅସେବାନ୍ ଜିସୁକେ କେନ୍ସା ମେଁ ଇକଟା ଡିଙ୍ଗ ଲେଖଗେ । ହେରୋଦ ଜିସୁନେ ମୁଇଙ୍ଗ କାବା ସୁଗୁଆ କାମ୍ ମୁଆଃ କିକେନେ ଚାଏଁ ଡିଙ୍ଗଗେ ।

୯ ହେରୋଦ ଜିସୁକେ ଗୁଲେ ପ୍ରସ୍ତନ ସାଲ୍ୟାକୁକେ । ମାତର୍ ଜିସୁ ଆମେଇଁକେ ମେଃଡିଗ୍ ଉତର୍ ଆବିକେ ଶୁ ।

୧୦ ବାରି ମ୍ନା ପୁଜାରି ବାରି ଦରମ୍ ଗୁରୁଇଁ ସେନୁଗ୍ ପାଙ୍ଗ୍ତେ ଜିସୁନେ ବିରଦ୍ରେ ଗୁଲୁଏ ସାମୁଆଁରେ ନିନ୍ଦା ଡିଙ୍ଗିଆରକେ ।

୧୧ ତେନ୍ ଇଡିଁ ହେରୋଦ ଆରି ମେଁଇଙ୍ଗନେ ସନ୍ୟଇଁ ଜିସୁକେ ଇଙ୍ଗ୍ତେ ଆରକେ । ଆମେକେ ଇଃସାଙ୍ଗନେ ସକା ଆସ ଆରକେ ମେଇଙ୍ଗ୍ ଜିସୁକେ ଆଗିଆସ ଆରକେ । ତେନ୍ ଇଡିଁ ହେରୋଦ ପିଲାତ ଡାଗରା ଜିସୁକେ ବେବିକେ ।

୧୨ ଅସେବାନ୍ ପିଲାତ ଆରି ହେରୋଦ ଏତେ ପୁରାପୁରି ସତୁ ଲାଗେ ଲେଖଗେ ମାତର୍ମ୍ ଆତେନ୍ ଦିନ୍‌ବାନ୍ ମେଁ ମ୍ନାୟା ସାଙ୍ଗ ଡିଙ୍ଗ୍‌ଖେଗେ ।

ଜିସୁକେ ଗୁଏନେ ତଣ୍ଡ ବାନ୍‌ସା ଆଦେସ୍ ବିକେ

(ମାତିଡ ୨୭:୧୫-୨୬; ମାର୍କ ୧୫:୬-୧୫; ଜହନ୍ ୧୮:୩୯; ୧୯:୧୬)

୧୩ ପିଲାତ ମ୍ନା ପୁଜାରି ଆରି ଜିଉଦି ନେତାଇଁ ଏତେ ସାପା ରେମୁଆଁକେ ମୁଇଁନୁଗ୍ ଖାତେ ସେଲିଆକୁକେ ।

୧୪ ପିଲାତ ଆମେଇଁକେ ବାଲିରକେ “ପେଇଁ ଜିସୁକେ ନେଙ୍ଗ୍‌ଅରିଆ ତୁଙ୍ଗ୍‌ପାଙ୍ଗ୍‌ପେବକେ । ପେ ବାସଙ୍ଗ୍ ପେଡିଙ୍ଗ୍ ଜେ ମେଁ ରେମୁଆଁ ଏତେ ରିଙ୍ଗ୍‌ୟା ଡିଙ୍ଗକେ । ମାତର୍ମ୍ ନେଙ୍ଗ୍ ପେନେ ସାପା ରେମୁଆଁ ତୁଆଁଲେଖକ୍ ଡାଗରା ଆମେକେ ପ୍ରସ୍ତନ ମିତାରେକେ । ମେଁନ୍ନିଆ ମେଃଡିଗ୍ ଦସ୍ ନେବାକେ । ପେଇଁ ଜା ବାସଙ୍ଗ୍ ପେଡିଙ୍ଗ୍ ଜିସୁ ଦସି ଶୁ ।

୧୫ ଆମେ ଆନତାରରେ ହେରୋଦ ଡିଗ୍ ମେଁନ୍ନିଆ ମେଠଡିଗ୍ ଦସ୍ ନାବାକେ । ହେରୋଦ ନେନ୍ନିଆ ଜିସୁକେ ବେବକେ । କେଲା ଜିସୁ ମେଠଡିଗ୍ ବୁଲ୍ କାମ୍ ଆଡିଙ୍ଗକେ ଶୁ ୍ୁ ତେସା ଆମେକେ ବାଗୁଏଠନେ ଚିକ୍ ଶୁ ୍ୁ

୧୬ ତେସା ଆମେକେ ଡଣ୍ଟ ବିଚେ ଆନତାରରେ ଝେନେ ଆଦେସ୍ ମିଏ ।”

୧୭ ପାଣ୍ଟସୁ ବେଲା ମେଇଁ ଆଡିଲା ମୁଇଁଜା ବନ୍ଦିକେ ଆତାର୍ ବିଠନ୍ସା ନିଅମ୍ ଲେଠଗେ ।

୧୮ ମାଡରମ୍ ସାପାରେ ଅଠଗିଆଚେ ତଡିଆ ଆରକେ “ଆମେକେ ବାଗୁଏ ବିଠ । ବାରବା କିକେ ଆନତାର ବିଠପା ।”

୧୯ ବାରବା ମ୍ଲାଇନିନିଆ ଗଚେଲେଠକ୍ ମେଠଡିଗ୍ କିରମର ନସା ଆରି ରେମୁଆଁ ବାଗୁଏଠ ବଗେସାଠ ଆମେକେ କଏଦ୍ ତୁଆନିଆ ଗାଗ୍ଚେ ବ ଆରଗେ ।

୨୦ ପିଲାତ ଜିସୁକେ ଆନତାର ବିଠନ୍ସା ଚାଏଁଡିଙ୍ଗେ । ତେସା ଆରି ମୁଇଙ୍ଗ୍ ତର୍ ଆମେଇଁକେ ବାଲିରକେ ଜେ ମେଁ ଜିସୁକେ ଆନତାର ବିଏ ।

୨୧ ମାଡରମ୍ ରେମୁଆଁଇଁ କିରଚେ ବାସଙ୍ଗକେ “ଆମେକେ ବାଗୁଏ ବିଠ । ଆମେକେ କୁରୁସ୍ନିଆ ଆଡେପା କୁରୁସ୍ନିଆ ଆଡେପା ।”

୨୨ ଙ୍ଡିତର୍ ନସା ପିଲାତ ଆମେଇଁକେ ବାସଙ୍ଗକେ “ମେଁନ୍ସା ମେଁ ମନେ ଦସ୍ କାମ୍ ଡିଙ୍ଗବକେ ? ମେଁ ଦସି ଶୁ ୍ୁ ଆମେକେ ଗୁଏନେ ସାସ୍ତ୍ରି ବିଠନ୍ସା ନେଙ୍ଗ୍ ମେଠଡିଗ୍ ଦସ୍ ବାନାଡିଙ୍ଗକେ । ତେସା ନେନେ ଆମେ କିକେ ସାସ୍ତ୍ରି ବିଚେ ନେଙ୍ଗ୍ ଆମେକେ ଆନତାର ମିଏ ।”

୨୩ ମାଡରମ୍ ରେମୁଆଁଇଁ ଝାସାରଚେ ବାଲିରକେ ମୁଲେକେ । ଜେ ଜିସୁକେ କୁରୁସ୍ନିଆ ଆଡେଚେ ବାଗୁଏ ବିଠପା । ମେଁଇଙ୍ଗ୍ନେ ଦାବି ଜିଡେ ଆରକେ

୨୪ ପିଲାତ ରେମୁଆଁଇଁନେ ଇକ୍ଚାରେ ଆଦେସ୍ ବିଆରକେ ।

୨୫ ରେମୁଆଁଇଁ ବାରବାକେ ବନ୍ଦି କଏଦ୍ ତୁଆବାନ୍ ଆତାରନ୍ସା ରାଜି ଡିଙ୍ଗ୍ ଆରଡିଙ୍ଗ୍ଗେ । ବାରବା ରେମୁଆଁ ବାଗୁଏବଗେ ଆରି ଝିଙ୍ଗ୍ ଆ ରିଙ୍ଗ୍ ଆ ଡିଙ୍ଗ୍ ଡିଙ୍ଗ୍ଲା ଆମେକେ ଦସି ଆଡିଙ୍ଗ୍ଚେ କଏଦ୍ ତୁଆନିଆ ବାଆରଗେ । ପିଲାତ ବାରବାକେ ଆନ୍ତାରବିକେ । ଆରି

ପିଲାତ ଜିସୁକେ ବାଗୁଏ ବିଃନ୍‌ସା ରେମୁଆଁଇଂନେ ତ୍ରିନିଆ ଅପେଃ ବିକେ ।

ଜିସୁକେ କୁରୁସନ୍ନିଆ ବାଗୁଏଃ ଆରକେ

(ମାତିତ୍ ୨୭:୩୨-୪୪; ମାର୍କ ୧୫:୨୧-୩୨; ଜହନ୍ ୧୯:୧୭-୨୭)

୨୭ ସନ୍‌ସଇଙ୍ଗ୍ ଜିସୁକେ ବାଗୁଏଃ ନ୍‌ସା ନ୍‌ସା ତୁଂ‌ଝେଆରଗେ । ମେଇଂ ଝେନେ ବେଲା ଇନିବାନ୍ ପାଙ୍ଗ୍ ତିଙ୍ଗ୍‌କ୍ଳେ କୁରୁଣୀନେ ଶିମୋନକେ ଅବାଆରକେ । ମେଇଂ ଆମେକେ ତାଝିଂରେ ମେଁନେ ଆଡାଡା କୁରୁସ୍ ଆଡୁଙ୍ଗ୍ ଆରକେ ବାରି ଜିସୁନେ ପ୍ଲା ଝେନ୍‌ସା ଜବଡ୍‌ଜସ୍ତି ତିଙ୍ଗ୍‌ଆରକେ ।

୨୭ ଆରି ଜାବର୍ ରେମୁଆଁ ଗ୍ରିନିଆ ବଗ୍‌ରେ ଅଃଡିଙ୍ଗ୍‌କ୍ଳେ ସେଲାମ୍‌ସୁ ରେମୁଆଁଇଂ ମେଁନେ ପ୍ଲା ଝେଏ ତିଙ୍ଗ୍‌ଗେ ।

୨୮ ମାଡରମ୍ ଜିସୁ ପୁଏରେଃ ଆଡେନ୍ ସେଲାମ୍‌ସୁଃ ରେମୁଆଁଇଂକେ ବାସଙ୍ଗ୍‌କେ “ଏ ଜିରୁସାଲାମ୍‌ନେ ସେଲାମ୍‌ସୁଇଂ ! ନେଙ୍ଗ୍ ନ୍‌ସା ଆଅଃଗେପା । ପେଇଂ ନିଜେ ନ୍‌ସା ଆରି ନିଜେନେ ଗଡେଇଙ୍ଗ୍ ନ୍‌ସା ଅଁପା ।

୨୯ ଏବେ ବେଲା ପାଙ୍ଗ୍‌ତିଙ୍ଗ୍‌କେ ଉଡିବେଲା ରେମୁଆଁଇଂ ବାସଙ୍ଗ୍ ଆର୍‌ଏ ସାମୁଆଁ ମୁଡି ସେଲାମ୍‌ସୁଇଙ୍ଗ୍‌ନେ ଗୋ ଗିସିଆ ଶ୍ଟୁ ମୁଡି ସେଲାମ୍‌ସୁଃ ଆଗାଗଡେ ଆରକେ, ମେଇଂ ଦନ୍‌ଏ । ମୁଡି ସେଲାମ୍‌ସୁଃନେ ଗୋ ଗିସିଆ ଜନମ୍ ଆଡିଙ୍ଗ୍‌କେ ଶ୍ଟୁ ଆରି ମେଇଂନେ ଜତନ୍ ଆଡିଙ୍ଗ୍‌କେ ଶ୍ଟୁ ଚୁମଇଂ ଦନ୍‌ଏ ।

୩୦ ତେନ୍ ଇଡିଂ ରେମୁଆଁଇଂ କାଣ୍ଡାକେ ବାସଙ୍ଗ୍‌ଏ ନେନେ ଆଡାଡା ରେଃସ ଲଃ ରେମୁଆଁ ତାଆଁ କାଣ୍ଡାକେ ବାସଙ୍ଗ୍‌ଏ ଆନେକେ ତା ବିଃ ।

୩୧ ତାଗ୍ଲା ସ୍ଲା ସୁନ୍‌ର ନାକ୍ଳେ ବେଲା ଜଦି ମୁଇଙ୍ଗ୍ ଦେକ୍‌ରକମ୍ ଗଟେନେ ସାପା ଗଟେଏ ଆଡେନ୍ ନ୍‌ସୁଆର୍ ଝେଲା ମେଁନେ ଆଡିଙ୍ଗ୍ ଶ୍ଟୁ”

୩୨ ଜିସୁ ଏଡେ ଗୁଏରେ ତଣ୍ଡ ବିଃନ୍‌ସା ଆରି ମ୍ବାୟା ତଙ୍ଗାରେକେ ତିଗ୍ ତୁଙ୍ଗାବଆରକେ ।

୩୩ ସାମୁଆଁ କପାଲ ମିକ୍ଳେ ଜାଗାନ୍ନିଆ ଜିସୁକେ ଆରି ମ୍ବାୟା ତଙ୍ଗାରେକେ ତିଗ୍ ତୁଂ‌ଝେ ଆରକେ । ଆଡନିୟା ସନ୍‌ସଇଂ ଜିସୁକେ କୁରୁସ୍ ନିଆ ବାଗୁଏଃ ଆରକେ । ମେଇଂ ଆଡେନ୍ ତଙ୍ଗାରେ

ମ୍ୟାୟାବାନ୍ ମୁଇଁଜାକେ ଷ୍ଟାକ୍ତି ପାକା ବାରି ମୁଇଁଜାକେ ବେସ୍ୟାୱତି ପାକା ଆୱଡେଆକେ ।

୩୪ ଜିସୁ ବାସଙ୍ଗକେ “ଏ ମ୍ଲାୱ ଆବା ଜାଣ୍ଡେ ରେମୁଆଁଇଁ ଆନେଙ୍ଗ ବାଗୁଏ ଆର୍ଏ ଡିଙ୍ଗକେ ଆମେଇଁକେ କେମା ଡିଗ୍ । ମାଡ୍‌ରମ୍‌ମେଇଁ ମେଁନେ ଡିଙ୍ଗଆର୍ଡିକେ ଆତେନ୍ ମେଇଁ ଆମ୍ୟାକେ ଶ୍ଟୁ” ସନ୍ୟଇଙ୍ଗ ଲେଟ୍‌ରିକ୍ ଲାଗ୍‌ତେ ଜିସୁନେ ସକା ବାଟା ଆରକେ ।

୩୫ ରେମୁଆଁଇଁ ଆଡ୍‌ଅରିଆ ତଡ୍‌ଆଚେ ଜିସୁକେ କେଡିଁଆରଗେ । ଜିଉଦି ନେତାଇଙ୍ଗ ଜିସୁକେ ଆୱଗ୍ୟାସ ଡିଙ୍ଗଆର୍ଡିଁଗେ । ମେଇଙ୍ଗ ବାସଙ୍ଗଡିଙ୍ଗଗେ “ଜଦି ମେଁ ପର୍‌ମେସର୍‌ନେବାନ୍ ଜାର୍‌ଲେୱକ୍ କିସ୍‌ଟ ତେଲା ମେଁ ନିଜକେ ରକ୍ୟା ଡିଙ୍ଗଲେ ।”

୩୬ ସନ୍ୟଇଙ୍ଗ ଜିସୁ ଆଡାଡା ଆୱଗ୍ୟାସ ଡିଙ୍ଗଆରକେ ଆରି ଆମେକେ ଇଙ୍ଗଟେ ଆରକେ । ମେଇଁ ଜିସୁ ଡାଗ୍‌ରା ପାଙ୍ଗକେ ଆରି ଆମେକେ ବୁଟେଲେକ୍ ରସ୍ ଆଜାଚେଆରକେ ।

୩୭ ସନ୍ୟଇଁ ବାସଙ୍ଗଆରକେ “ନାନେ ଜଦି ଜିଉଦିଇଁନେ ଇୱସାଙ୍ଗ ତେଲା ନାନେ ନିଜେନେ ରକ୍ୟା ଡିଙ୍ଗ ।”

୩୮ ମେଁନେ କୁରୁସ୍ ଆଡାଡା ଗୁଆର୍ ବ ଆରଗେ: “ଏ ଜିଉଦିଇଁନେ ଇୱସାଙ୍ଗ ।”

୩୯ ଝେଡିଁକ୍ ଦସି ମ୍ୟାୟା ବିଡ୍ରେ ମୁଇଜା ଜିସୁକେ ନିୟା ଆଡିଙ୍ଗଟେ ବାଲିରଟେ ଲାଗେକେ “ନାନେ ମେଁନେ କିସ୍‌ଟ ଶ୍ଟୁ? ତେଲା ନାନେ ନିଜକେ ରକ୍ୟା ଡିଙ୍ଗ ଆରି ଆନେକେ ଡିଗ୍ ରକ୍ୟା ଡିଙ୍ଗ ।”

୪୦ ମାଡ୍‌ରମ୍ ବିନ୍ ଦସି ମୁଇଁ ଆମେକେ ଝିଙ୍ଗଟେ ବାସଙ୍ଗକେ “ନାନେ ମେଁନେ ପର୍‌ମେସର୍‌କେ ଡିଗ୍ ନାବୁଟକେ ଶ୍ଟୁ? ନାଁ ତ ସମାନ୍ ଡଶ୍ଟ ବାନାଲେୱକେ ।

୪୧ ନାନେ ଆରି ନେଙ୍ଗ ମ୍ୟାୟା ଡଙ୍ଗାରେ । ନେନେ ଦସ୍ ଡିଙ୍ଗ ନେବଗେ । ତେସା ନେନେ ଜା ବାନେ ଡଶ୍ଟ ନେନେ ଆତେନ୍ ବା ନେଲେକେ । ମାଡ୍‌ର ଏନ୍ ରେମୁଆଁ ତ ମେୱଡିଗ୍ ଦସ୍ ଆଡିଙ୍ଗକେ ଶ୍ଟୁ”

୪୨ ତେନ୍ ଇଡିଁ ଆତେନ୍ ଦସି ମୁଇଙ୍ଗ ଜିସୁକେ ବାସଙ୍ଗକେ “ଜିସୁ ନାଁ ଉଡିବେଲା ଇୱସାଙ୍ଗ ବାବ୍‌ରେ ଆଣ୍ଡେ ପାଙ୍ଗଲା ଆତେନ୍ ବେଲା ଆନେଙ୍ଗ ମନେ ନାଲ୍‌ଗ୍‌ଏ ।”

୪୩ ଜିସୁ ଆମେଇଂକେ ବାସଙ୍ଗକେ “ଅଁପା ନେଙ୍ଗ୍ ମେଁନେ ବାସଙ୍ଗଣ୍ଡିଆ
ଆତାନ୍ ସତ୍ । ଏଃକ୍ଷୁଆ ପେ ନେଙ୍ଗ୍ ଏତେ କିତଂ ତୁଗ୍ଡିନିଆ ନ୍ନିଆ
ପେଞ୍ଜେଟାଏ ।”

ଜିସୁ ଗୁଏନେ

(ମାତିଉ ୨୭:୪୫-୫୬; ମାର୍କ ୧୫:୩୩-୪୧; ଜହନ୍ ୧୯:୨୮-୩୦)

୪୪ ଆତେନ୍ ବେଲା ମୁଣ୍ଡେବେଲା ଡିଙ୍ଗ୍ଲେଗେ । ଆରି ସ୍ତ୍ରୀ
ଆତାରକିଗ୍‌କେ ଶୁ ମାଡ଼ରମ୍ ସ୍ତ୍ରୀ ଙ୍ଗି ଗଣ୍ଡା ଜାକ ସାପା ଏରିଆ ତାକିଗ୍
ଡିଙ୍ଗ୍‌ଞ୍ଜେଗେ ।

୪୫ ଆରି ମନ୍ଦିରନେ ପର୍ଦା ଆଡାଡା ବାନ୍ ବୁନ୍ଦେ ଜାକ ମ୍ପାର୍‌ବାଗ୍
ଡିଙ୍ଗ୍‌ରେ ସ୍ୟାଃ ଞ୍ଜେଗେ ।

୪୬ ଜିସୁ କିରଚେ ବାସଙ୍ଗକେ “ଅ ମ୍ପାଃ ଆବା ନେଙ୍ଗ୍ ନେଙ୍ଗ୍‌ନେ ଆମ୍ପା
ଆନାକେ ବିଶ୍ତିଂକେ । ଏନ୍ ବାସଙ୍ଗ୍‌ନେ ଇଡିଙ୍ଗ୍ ଜିସୁ ଗୁଏ ଞ୍ଜେଗେ !”

୪୭ ସେନା ନେଡା ଆଡ଼ନିୟା ମେଁନେ ଗଚେକେ ଆତେନ୍ କେକେ
ସିସେ ଏନ୍ ସାମୁଆଁ ବାସଙ୍ଗ୍‌ରେ ପର୍‌ମେସର୍‌କେ ପ୍ରସଂସା ଡିଙ୍ଗ୍‌କେ
“ସତେଆ ଏନ୍ ରେମୁଆଁ ମୁଇଙ୍ଗ୍ ନିମାଣ୍ଡା ରେମୁଆଁ ଲେଃଗେ !”

୪୮ ଗୁଲେ ରେମୁଆଁ ଆକେନ୍ ଗଚ୍‌ନା କେନ୍‌ସା ଦେସ୍‌ବାନ୍ ତାର୍
ପାଙ୍ଗ୍‌ଲେ ଆର୍‌ଗେ । ଆକେନ୍ ସାପା କେଚେ ମେଇଂ ଜାବର୍ ଦୁକ୍
ଡିଙ୍ଗ୍ ଆରକେ ଆରି ଇଡିଙ୍ଗ୍ ମେଇଙ୍ଗ୍ ଗ୍ରିନିଆ ବଗ୍ ବଗ୍‌ଚେ ତୁଆ ଙ୍ଗି
ଆରକେ ।

୪୯ ✠ଜିସୁନେ ମ୍ୟାଲେକ୍ସେ ରେମୁଆଁଇଂ ଆରି ଆମେକେ
ଗାଲିଲୀବାନ୍ ତୁର୍ ପାଙ୍ଗ୍‌ଆର୍‌ଡିଙ୍ଗ୍‌କ୍ସେ ଗୁଲେ ସେଲାମ୍‌ସୁଇଂ
ଆଡ଼ଅରିଆ ଲେଃଗେ । ମେଇଂ କୁରୁସ୍‌ବାନ୍ ସୁ ତୁଆଁଚେ ଆକେନ୍
ସାପା କେଆର୍‌ଡିଙ୍ଗେ ।

୫୦ ଜିଉଦିଇଂନେ ଆରାମାଡିଆନେ ମ୍ପାଙ୍ଗନିବାନ୍ ମୁଇଙ୍ଗ୍ ରେମୁଆଁ
ଆଡ଼ଅରିଆ ଲେଃଗେ । ମେଁନେ ମ୍ପି ଯୋସେଫ୍ । ମେଁ ଦରମ୍ ଆରି
ଜିଉଦି ମ୍ପା ସବାନେ ମୁଇଙ୍ଗ୍ ମ୍ପାଃ ଲେଃଗେ । ମେଁ ପର୍‌ମେସର୍‌ନେ
ରାଇଜକେ ଉର୍ ଡିଙ୍ଗ୍‌ଗେ ।

୫୧ ଯିହୁଦାନେ ଆରମାଥୁଆ ମ୍ପିକ୍ସେ ଇନିନେ ଯୋଷେଫ୍ ଡାଗ୍‌ଚେ
ମୁଇଂ ରେମୁଆଁ ଲେଃଗେ । ମେଁ ମୁଇଂ ଦରମ୍ ଆରି ସନ୍‌ମାନ୍ ବ୍‌ବାଣ୍ଡେ

✠ ୨୩:୪୯ ଲୁକ ୮:୨,୩.

ଲେଖଣେ ଆରି ଇସ୍‌ପରନେ ରାଜ୍ୟ ପାଞ୍ଚନେକେ ଉର୍ ଡିଂଗେ । ମ୍ଲଃ କୁକପାରନେ ମୁଇଂ ନେତା ଲେଖଲା ଡିଗ୍, ମେଁ ମେଇଂନେ ନିସ୍ତତି ଆରି କାମ୍ ଏଃତେ ରାଜି ଡିଂ ଆଲେଖଣେ ଶୁ ।

ଜିସୁକେ ଗୁଡ଼ମୁନିଆ ଆଡିବଆରକେ

(ମାତିଉ ୨୭:୫୭-୬୧; ମାର୍କ ୧୫:୪୨-୪୭; ଜହନ୍ ୧୯:୩୮-୪୨)

୫୨ ଯୋସେଫ୍ ପିଲାତ ଡାଗ୍ରା ଝେରେ ଜିସୁନେ ଗାଗଡ଼େ ସାଲ୍ୟାକେ ।

୫୩ ତେସା ଯୋସେଫ୍ ଜିସୁନେ ଗାଗଡ଼େକେ କୁରୁସ୍ ଆଡାଡ୍ରା ବାନ୍ ବୁନ୍ଦେ ଆଜାରକେ । ଆତେନ୍ ମୁଇଞ୍ ପାଟାଇ ଏତେ ଆକୁଇ ବିଃକେ । ମେଁ ଜିସୁନେ ଗାଗଡ଼େକେ ତୁଂଝେରେ କଣ୍ଟାନେ ବ୍ରି ଏତେ ଗଃବକ୍ଲେ ଅସେବାନ୍ ବେବଆର୍ ଆଃଡିଞ୍କ୍ଲେ ଗୁଡ଼ମୁନିଆ ବଆରକେ ।

୫୪ ଆତେନ୍ ଦିନ୍ ସୁକ୍ରା ଦିନ୍ ଲେଖଣେ, ପୁଣ୍ଟେନେ ଦିନା ଡାଗ୍ରା ପିଞ୍ଚା ଡିଞ୍ଚାଗେ ।

୫୫ ମୁଡ଼ି ସେଲ୍ୟାମ୍‌ସୁ ରେମୁଆଁଇଂ ଜିସୁକେ ତୁରରେ ମେଇଂ ଏତେ ଗାଲିଲୀବାନ୍ ପାଞ୍ଚଲେଗେ ମେଇଂ ଯୋସେଫ୍‌ନେ ପ୍ଲୁମ୍ ଝେଗେ । ମେଇଂ ଝେରେ ଗୁଡ଼ମୁ କେଆରକେ । ବିତ୍ରେ ଆଣ୍ଟିନେ ଜାଗାନ୍ନିଆ ଗାଗଡ଼େ ବଆରକେ ଆତେନ୍ ଜାଗା ଡିଗ୍ ମେଇଂ କେଆରକେ ।

୫୬ ତେନ୍ ଇଡ଼ିଂ ଆତେନ୍ ସେଲ୍ୟାମ୍‌ସୁ ରେମୁଆଁଇଂ ଜିସୁନେ ଗାଗଡ଼େନ୍ନିଆ ଲାଗେ ବିଃନ୍‌ସା ବାସ୍‌ନାତୁ ଆର୍ମେ ନ୍‌ସା ଆଡ଼ବାନ୍ ଡାଗ୍ ଝେଗେ । ଆରି ମେଇଂ ନିୟମ୍ ଇସାବ୍‌ରେ ପୁଣ୍ଟେନେ ଦିନା ମେଇଂ ପୁଣ୍ଟେଆର୍କେ ।

୨୪

ଜିସୁ ଗୁଏରେ ତଡ଼ିଆନେ କବର୍

(ମାତିଉ ୨୮:୧-୧୦; ମାର୍କ ୧୬:୧-୮; ଜହନ୍ ୨୦:୧-୧୦)

୧ ସାନ୍ତାନେ ପରତୁମ୍ ଦିନ୍ ଝିର୍ନୁଗ୍ ଆତେନ୍ ସେଲ୍ୟାମ୍‌ସୁ ରେମୁଆଁଇଞ୍ ଆଣ୍ଟିଅରିଆ ଜିସୁନେ ଗାଗଡ଼େକେ ବଆରଗେ ଆତେନ୍ ଜାଗାନ୍ନିଆ ପାଞ୍ଚଆରକେ । ମେଇଞ୍ ନିଜେ ଆରେ ବକ୍ଲେ ବାସ୍‌ନାତୁ ସାଙ୍ଗେ ଆଃ ତୁଞ୍ପାଞ୍ ବଆରଗେ ।

୨ ଗୁଡ଼ମୁନିଆ ତାନେସା ମେଁନେ ଗିଃଗାଃନେ ଗାଲିଅରିଆ ମୁଇଙ୍ଗ ମ୍ବାନେ ବି ତା ବ ଆରଗେ । ସେଲାମ୍ବୁ ରେମୁଆଁଇଁ କେକେ ଜେ ବି ଗୁଣ୍ଡଲେ ଖେଲେକେ ।

୩ ତେସା ମେଇଙ୍ଗ ବିତ୍ରେ ଖେକେ । ମାତର୍ ମେଇଙ୍ଗ ଆଡ଼ଅରିଆ ମାପୁ ଜିସୁନେ ଗାଗ୍ଡେକେ ଆଅବାଆକେ ଶୁ ।

୪ ସେଲାମ୍ବୁଃ ରେମୁଆଁଇଙ୍ଗ ଆକେନ୍ ଗର୍ନା ବିସୟରେ ମେଃଡ଼ିଗ ବୁଜେ ଆୟା ଆରକେ ଶୁ । ଏନ୍ ଗର୍ନାରେ ମେଇଙ୍ଗ କାବା ଡିଙ୍ଗ୍‌ଖେଲେଃଆରକେ ବେଲା ତାରକିଗ୍‌କେ ସକା ସତେ ମ୍ବାୟା କିତଂ ଦୁଡ଼ ମେଇଁ ତାଗ୍‌ରା ତୁଆଁକେ ।

୫ ସେଲାମ୍ବୁଃ ରେମୁଆଁଇଁ ଜାବର୍ ବୁଟ ଆରକେ । ମେଇଙ୍ଗ ମେଁଇଙ୍ଗନେ ବାଆଃ ଆବିଙ୍ଗ୍ ଲେଃଗେ । ଆତେନ୍ ମ୍ବାୟା ଦୁଡ଼ ଆମେଇଁକେ ସାଲ୍ୟାକୁ ଆରକେ “ପେଇଙ୍ଗ୍ ମୁଇଙ୍ଗ୍ ମ୍ବାଲେଃକେ ରେମୁଆଁକେ ଆକ୍‌ଅରିଆ ମେଁନ୍‌ସା ତୁରପେଡିଙ୍ଗ୍‌କେ ? ଆକେନ୍ ତ ଗୁଏକେ ରେମୁଆଁଇଁନେ ଜାଗା ।

୬ ଜିସୁ ଆକ୍‌ଅରିଆ ଶୁ ମେଁ ଗୁଏତେ ଆରି ମୁଇଙ୍ଗ୍ ତର୍ ଜିବନ୍ ଡିଙ୍ଗ୍‌ରେ ତଡ଼ିଆଲେକେ । ମେଁ ଗାଲିଲୀଅରିଆ ଲେଃକେ ବେଲା ଆପେକେ ମେଁନେ ବାସଙ୍ଗ୍ ବକେ ଆତେନ୍ ପେଇଁନେ ମନେ ଲ୍ଲାଗ୍ କେଲାପା ?

୭ ଜିସୁ ବାସଙ୍ଗ୍‌ବକେ ଜେ ରେମୁଆଁ ଉଙ୍ଗ୍‌ଡେକେ ଦଦ୍ୟା ରେମୁଆଁଇଁନେ ତ୍ରିବାନ୍ କୁରୁସ୍‌ନିଆ ବାଗୁଏଃ ନ୍‌ସା ସତେଆ ଆଃସାଃ ବିଃଆର୍ଏ । ମାତର୍ ଆରି ଗୁଏତେ ଜିରସି ଦିନା ଇଡିଙ୍ଗ୍ ମ୍ବାଟେ ତଃଡିଆଏ ।”

୮ ତେନ୍ ଇଡିଁ ଜିସୁ ମେଁନେ ବାସଙ୍ଗ୍ ବକେ ଆତେନ୍ ସାମୁଆଁ ସେଲାମ୍ବୁ ରେମୁଆଁଇଁ ଏତେ ଆରକେ ।

୯ ଆତେନ୍ ସେଲାମ୍ବୁଇଁ ରାଃଚ୍ୟା ଜାଗା ଆନ୍ତାର୍‌ତେ ଗୋମୁଇଁରୁଆ ସିସ୍ ଆରି ସାପାରେ ବିନ୍ ସାପାରେକେ ରାଃଚ୍ୟା ତାଗ୍ରା ମେଃଃନେ ଗଟେଲେକେ, ଆତେନ୍ ସାପା ମୁଇଁ ମୁଇଙ୍ଗ୍ ଇସାବ୍ ଡିଙ୍ଗ୍‌ରେ ଆମେଇଁକେ ବାସଙ୍ଗ୍‌କେ ।

୧୦ ଆତେନ୍ ସେଲାମ୍ବୁଇଁବାନ୍ ମଗ୍‌ଦଲାନି ମରିୟମ୍, ଯୋହାନା, ଜାକୁବନେ ଇୟାଙ୍ଗ୍‌ଡେ ମରିୟମ୍ ଆରି ବିନ୍‌ରେ ଲେଃଗେ । ଆକ୍‌କେଇଁ ତାଗ୍‌ରା ଖେକେ । ସିସ୍‌କେ ସାପା ବିସୟ ଆମ୍ୟା ବିଆରକେ ।

୧୧ ମାତର ବେବକ୍ଲେ ସିସ୍‌ଲଂ ବାବେକେ ଜେ ଏନ୍ ସାପା ସେଲାନୁସୁ ରେମୁଆଁଲଂନେ ମନେ ବାବେକ୍ଲେ ସାମୁଆଁ ତେସା ମେଲଂ ଅବିସ୍‌ବାସ୍ ଡିଙ୍ଗକେ ।

୧୨ ମାତର ପିତର ତଡ଼ିଆକେ । ଏନ୍ ସାମୁଆଁ ସଡ଼ ଲେଃ ଶୁ ଆତେନ୍ କେନ୍‌ସା ମେଁ ଗୁଡ଼ମୁ ଡାଗରା ଝିର୍ ହୁଂଖେକେ । ମେଁ ବିତ୍ରେ କେକେ । ମାତର ମେଁ କେବଲ୍ ଜିସୁ ଆଡାଡା ଆଃକୁଇ ବିବକ୍ଲେ ସକା ସେକ୍‌ପୁଆଃ ଆଡ଼ ଅରିଆ କେକେ । ଜିସୁନେ ଗାଗଡ଼େ ଆଡ଼ଅରିଆ ଆଲେଃକେ । ଜା ଗଟେ ଝେଲେକେ ଆଡ଼ବାନ୍ ମେଁ କାବା ଡିଙ୍ଗଟେ ନିଜେନେ ହୁଆ ଝିଗକେ ।

ମ୍ବାୟା ସିସ୍ ଇମ୍ମାୟୁ ଇନି ଝେ ଆରକେ
(ମାରକ ୧୭:୧୨-୧୩)

୧୩ ଆତେନ୍ ଦିନା ଜିସୁନେ ମ୍ବାୟା ସିସ୍ ଇମ୍ମାୟୁ ମିନେ ଇନି ଝେଡିଙ୍ଗ ଆରଗେ । ଏନ୍ ଜାଗା ଯିରୁଶାଲାମ୍ ବାନ୍ ପ୍ରାୟ ଗୋମୁଇଁ କିଲମିଟର୍ ମୁ ।

୧୪ ଜା ସାପା ଗଟେଲେଃଗେ ମେଲଂ ଆତେନ୍ ବିସୟରେ ବାଲିରବାତା ଡିଂଆରଡିଂଗେ ।

୧୫ ଆତେନ୍ ସାପା ବିସୟ ମେଲଂ ବାଲିର ବାତାକ୍ଲେ ବେଲା ନିଜେ ଜିସୁ ମେଁଇଙ୍ଗନେ ଡାଗରା ପାଙ୍ଗକେ ଆରି ମେଁ ଏତେ ଅଲେଙ୍ଗନେ ମୁଲେକେ ।

୧୬ ମାତର ଆତେନ୍ ମ୍ବାୟାକେ ଆତେନ୍ ବେଲା ଜିସୁକେ ମେଁ ସାମୁଆଁ ରକମ୍ ଡିଗ୍ ସାମୁଆଃ ଆୟା ଆରକେ ଶୁ ।

୧୭ ତେନ୍ ଇଡିଂ ଜିସୁକେ ସାଲ୍ୟାକୁକେ “ପେଇଙ୍ଗ୍ ଝେନେ ବେଲା ଜା ବିସୟରେ ବାଲିରବାତା ଡିଙ୍ଗପେଡିଙ୍ଗକେ ?” ମ୍ବାୟା ଜାକ ଅଟକେ ଝେ ଆରଗେ । ମେଁଇଙ୍ଗନେ ସାମୁଆଁ ଜାବର ଦୁକ୍ ନାଡିଙ୍ଗେ ।

୧୮ ମେଁଇଙ୍ଗନେ ବାନ୍ କ୍ଲିୟପା ମିକ୍ଲେ ରେମୁଆଁ ମୁଇଙ୍ଗ୍ ଉତର ବିକେ, “ପେ ଯିରୁଶାଲାମ୍ ନିଆ ଲେଃମ୍ୟାକ୍ଲେ ମୁଇଙ୍ଗ୍ ମାତର ରେମୁଆଁ ଜାଣ୍ଡେ କି ଜିରସି ଦିନା ବିତ୍ରେ ଗଟେ ଝେଲେଃକ୍ଲେ ଗଟନାଲଂ ବିସୟରେ ମେଃଡିଗ୍ ଆମ୍ୟାକେ ଶୁ ।”

୧୯ ଜିସୁ ଆମେଲଂକେ ସାଲ୍ୟାକୁକେ “ପେଇଙ୍ଗ୍ ଆଣ୍ଡିନେ ଗଟନା ବିସୟରେ ବାସଙ୍ଗ ପେଡିଙ୍ଗ୍ ?” ରେମୁଆଁଇଙ୍ଗ୍ ଜିସୁକେ ବାଲିରକେ

“ନାଜରିତୀୟ ଜିସୁସ୍‌ଙ୍କ ଦିନରେ । ମୋଁ ପରମେସ୍‌ବର ଆରି ରେମୁଆଁଙ୍କଂ ନିଆ ମୁଇଙ୍କ୍ ମାନେ ବାବବାଦି ଲେଖିଲେ । ମୋଁ ଗୁଲୁଏନେ ବପୁ କାମ୍ ଡିଙ୍କ୍ ବଗେ ଆରି ବାସଙ୍କ୍ ବଗେ ।

୨୦ ମାତର୍ ନେନେ ମାନେ ପୁଜାରି ଆରି ସାସନ୍ ତିଂଶ୍ଟେ ଆମେକେ ଗୁଏନେ ଡଣ୍ଟ ବିନ୍‌ସା ସର୍ପେ ବିଆରଗେ ଆରି ଆମେକେ କୁରୁସନ୍ନିଆ ବାଗୁଏ ଆରକେ ।

୨୧ ମୋଁ ଜାଣ୍ଟେ ଇଶ୍ରାୟେଲକେ ଆନ୍ତାର୍ ବିଏ ତାଗ୍‌ତେ ନେଇଙ୍କ୍ ଆସା ଡିଙ୍କ୍‌ନେବଗେ । ମାତର୍ ଆତେନ୍ ବେଲା ଆକେନ୍ ସାପା ଗର୍ନା ଗଟେ ଝେଗେ । ଆକେନ୍ ସାପା ଆନ୍ତାର୍‌ତେ ଏବେ ଜିସୁକେ ବାଗୁଏତେ ଜିର୍ସି ଦିନ୍ ବିତେ ଝେଗେ ।

୨୨ ମାତର୍ ଏକେ ନେନେ ଦଲ୍‌ନେ ଉଡ଼ିରୁଆ ସେଲାମ୍‌ସୁଏକ୍ ଆନେକେ ମୁଇଙ୍କ୍ କାବା ସୁଗୁଆ ସାମୁଆଁ ବାଲିରକେ । ଆଣ୍ଟିନେ ଗୁଡ଼ମୁନିଆ ଜିସୁସ୍‌ଙ୍କେ ଗାଗ୍‌ଡେକେ ବ ଆରଗେ ଆତେନ୍ ଜାଗାନ୍ନିଆ ମେଇଙ୍କ୍ ଏକେ ବର୍ ଝିରନ୍‌ଗ୍ ଝେଲେ ଆରଗେ ।

୨୩ ମାତର୍ ମେଇଙ୍କ୍ ଆଡ଼ଅରିଆ ଜିସୁସ୍‌ଙ୍କେ ଗାଗ୍‌ଡେକେ ଆଅବା ଆରକେ । ମେଇଙ୍କ୍ ଆଡ଼ଅରିଆ କିତଂ ଦୁଡ଼କେ ଦର୍ସନ୍ ଡିଙ୍କ୍ ବକ୍ସେ ସାମୁଆଁ ତିଗ୍ ଆନେକେ ଆଣ୍ଟେଆରତେ ବାସଙ୍କ୍‌କେ । କିତଂ ଦୁଡ଼କଂ ଆମେଇଂକେ ଜିସୁ ଜିବନ୍ ଲେଖକ୍ ସାମୁଆଁ ତିଗ୍ ବାଲିର୍ ବଗେ ।

୨୪ ତେନ୍ ଇଡ଼ିଂ ନେନେ ଦଲ୍ ବିଡ୍ରେ ବାନ୍ ଉଡ଼ିରୁଆ ତିଗ୍ ଗୁଡ଼ମୁ ତାଗ୍‌ରା ଝେକେ । ସେଲାମ୍‌ସୁ ରେମୁଆଁଙ୍କଂ ବାଲିର୍ ସାମୁଆଁରେ ଗୁଡ଼ମୁ ତିଗ୍ ମେଲା ଲେଖିଲେ ମେଇଙ୍କ୍ ବିଡ୍ରେ କେକେ ମାତର୍ ମେଇଙ୍କ୍ ଜିସୁକେ ଆଡ଼ଅରିଆ ଆଃଅଁ ବଆରକେ ଶୁ ।”

୨୫ ତେନ୍ ଇଡ଼ିଂ ଜିସୁ ଆତେନ୍ ମ୍ଲାୟାକେ ବାସଙ୍କ୍‌କେ “ପେଇଂ ଉଡ଼ି ବକୁଆ । ବାବବାଦିଇଂ ଜା ସାପା ବାସଙ୍କ୍‌ବଗେ ଆତେନ୍ ସଡ଼କେ ବିସ୍‌ବାସ୍ ଡିଙ୍କ୍‌ପା ପେଇଂ ଉଡ଼ି ଅବିସ୍‌ବାସି ।

୨୬ ଆକେନ୍ ସାପା ଦୁକ୍ ବାକ୍ସେ ଇଡ଼ିଂ ମୋଁନେ ଗୋରବନ୍ନିଆ ଗିଃଗାଃନେ ମେଃନେ ମସୀହାନ୍‌ନେ ଦରକାର୍ ଲେଖିଲେ ?

୨୭ ତେନ୍ ଇଡ଼ିଂ ଜିସୁ ସାସ୍‌ରକ୍‌ନିଆ ମୋଁନେ ବିସ୍‌ୟରେ ମେଃନେ ସାପା ଗୁଆର୍ ବ ଆରକେ ଆତେନିଂ ସାପା ମୁଇଂ ମୁଇଂ ଆଡ଼ିଙ୍କ୍‌ତେ ବୁଜେନେ ଲାଗେକେ । ଜିସୁ ମୋଶାନ୍‌ନେ ପୁସ୍‌ତକ୍‌ବାନ୍ ମୁଲେତେ

ବିନ୍ ବାବବାଦିଇଂ ଜାକ ସାପାରେ ମେଁନେ ବିସୟରେ ମେଃନେ ସାପା ବାଲିର୍ ବଗେ ଆତେନ୍ ସାପା ବୁଜେ ବିକେ ।”

୨୮ ଆଣ୍ଡିନେ ଇନି ମେଇଂ ୱେନେ ଲେଃନେ ମେଇଙ୍ଗ୍ ଆତେନ୍ ଇନି ତାଗ୍ରା ୱେଟାଆରକେ । ଜିସୁ ମେଇଂ ଏତେ ଦେକ୍‌ରକମ୍ ବେବଆର୍ ଡିଙ୍ଗ୍‌କେ ପକ୍‌ରୁଡ୍‌ରେ ଡିରକମ୍ ମେଁନେ ସେନ୍‌ଗ୍ ୱେନେ ସୁଗୁଆ ବଡିଙ୍ଗ୍‌କେ ।

୨୯ ମାତର୍ ମେଇଂ ଜାବର୍ ଇକ୍‌ତାରେ ଜିସୁକେ ବିକ୍ୟା ସାଲିଆ ଆରକେ “ନେନେ ଏତେ ଲେଃଝେଲା । ସ୍ଥି ଡିଙ୍ଗ୍‌ଡିଙ୍ଗ୍‌କେ ଦିନ୍ ଇର୍ଏଁ ତାନେ ବେଲା ତିଂଝେତିଂକେ ।” ତେସା ଜିସୁ ମେଇଂ ଏତେ ଲେନେସା ତୁଆ ବିତ୍ରେ ୱେକେ ।

୩୦ ଜିସୁ ମେଁ ଏତେ ଚଙ୍ଗନ୍‌ସା କକେ । ମେଁ ତ୍ରିନିଆ ରୁଟି ସାକେ । ମେଁ ରୁଟି ଆଡ୍‌ଲା ଦନ୍‌ସବାଦ୍ ବିକେ ଆରି ରୁଟିକେ ଟିକ୍‌ଟି ଟିକ୍‌ଟିତେ ଆମେଇଂକେ ବିକେ ।

୩୧ ଆତେନ୍ ବେଲା ଆତେନ୍ ମ୍ୟାୟାନେ ମ୍‌ମୁଆଃ ରଃଝେକେ ଆରି ମେଇଂ ଜିସୁକେ ସାମୁଆଁ ଆରକେ । ମାତର୍ ଜିସୁ ମେଇଙ୍ଗ୍‌ନେ ସାମ୍‌ନାବାନ୍‌ଆ ମାୟା ଡିଙ୍ଗ୍‌ଝେକେ ।

୩୨ ତେନ୍‌ଇଡିଂ ମେଇଂ ମେଇଂମେଇଂ ବିତ୍ରେ ବାଲିର୍‌ବାତା ଡିଙ୍ଗ୍‌ଆରକେ, “ଉଡିବେଲା ଜିସୁ ନେନେ ଏତେ ଗାଲିନିୟା ବାଲିର୍‌ବାତା ତିଂଡିଙ୍ଗ୍‌ଗେ ଆରି ସାସ୍ତ୍ରନେ ସଂସାରନେ ନିମାଣ୍ଡା ଅର୍ତ୍ତ ଆବୁଜେ ଡିଙ୍ଗ୍‌ଗେ ଆତେନ୍ ବେଲା ନେନେ ମନ୍ ବିତ୍ରେ ସୁଆ ତୁଆଚେ ତଡିଆକେ ସୁଗୁଆ ମନେ ଡିଙ୍ଗ୍ ଡିଙ୍ଗ୍‌ଆଡିଙ୍ଗ୍‌ ?”

୩୩ ତେନ୍ ଇଡିଂ ମେଇଙ୍ଗ୍ ତଡିଆ ଆରକେ ଆରି ଯିରୁଶାଲାମ୍ ପାକା ଆଣ୍ଡେ ୱେକେ । ଯିରୁଶାଲାମ୍‌ନିଆ ମେଇଙ୍ଗ୍ ଜିସୁନେ ଗୋମୁଇଂ ରୁଆ ସିସ୍‌ଇଂକେ ଆରି ବିନ୍ ସିସ୍‌ଇଂକେ ମୁଇଂନ୍‌ଗ୍ ରିସିଙ୍ଗ୍ ଲେଃନେ କେକେ ।

୩୪ ସିସ୍‌ଇଂ ଆରି ବିନ୍ ସିସ୍‌ଇଂ ବାସଙ୍ଗ୍‌ଡିଙ୍ଗ୍‌ଗେ “ପକ୍‌ଡ୍‌ରେ ମାପୁ ଗୁଏଚେ ତଡିଆ ଲେଃକେ । ମେଁ ଶିମୋନକେ ଆଃସୁଏ ବକେ ।”

୩୫ ତେନ୍ ଇଡିଂ ଏନ୍ ମ୍ୟାୟା ରେମୁଆଁ ଗାଲିନିୟା ଜା ସାପା ଗଚେ ଲେଃନେ ଆତେନ୍ ସାପା ମେଁ ସେନ୍‌ଗ୍ ବାସଙ୍ଗ୍‌ନେ ମୁଲେକେ । ମେଇଂ

ବାସଙ୍ଗୁଆରକେ, ଜିସୁ ରୁଟି ବୁଟନେ ବେଲା ମେଇଁ ତିରକମ୍ ଜିସୁକେ ସାମୁଆଁ ଯାଆରକେ ।

ଜିସୁ ନିଜର୍ ସିସ୍ତାକେ ଦର୍ସନ୍ ବିକେ

(ମାତିତ୍ ୨୮:୧୭-୨୦; ମାର୍କ ୧୬:୧୪-୧୮; ଜହନ୍ ୨୦:୧୯-୨୩; ପ୍ରେରିତ୍ ୧:୭-୮)

୩୭ ଏନ୍ ମାୟା ଏନ୍ ସାପା ସାମୁଆଁକେ ବାସଙ୍ଗୁନେ ବେଲା ନିଜେ ଜିସୁ ସିସ୍ତାକେ ମଜେ ତୁଆଁ ଲେଖେ । ଜିସୁ ଆମେଇଁକେ ବାସଙ୍ଗୁକେ “ପେଇଁ ଆଡ଼ାତ୍ରା ସାନ୍ତି ତିଙ୍ଗିଲେ ।”

୩୮ ଆଡ଼ବାନ୍ ସିସ୍ତାକେ ଇରିଆତୁଗ୍ ଖେଆରୁଗେ । ମେଇଁ ବୁଟୁଆରକେ । ମେଇଙ୍ଗ୍ ବାବେଆରକେ ଜେ ମେଇଁ ମୁଇଙ୍ଗ୍ ସେଆଁରେ କେଆରୁତିଙ୍ଗେ ।

୩୯ ମାତର୍ ଜିସୁ ବାସଙ୍ଗୁକେ “ପେଇଁ ମେଁନ୍ସା ତାୟା ତିଙ୍ଗିରେ ଲଖପେଲେ ? ଜା କେପେତିଙ୍ଗ୍ ଆଡ଼ବା ମେଁନ୍ସା ସନ୍ଦେଅ ତିଙ୍ଗିପେତିଙ୍ଗ୍ ?”

୪୦ ନେଙ୍ଗ୍ ତ୍ରିନିଆ କେଲା । ନେଙ୍ଗ୍ ଖିନିଆ କେଲା । ଏନ୍ ନେଙ୍ଗ୍ ! ଆନେଙ୍ଗ୍ ଲିଗ୍ ପେଇଁ କେଲାପା ଜେ ନେଙ୍ଗ୍ନେ ଏନ୍ ଜିବନ୍ନେ ଗାଗ୍ଡେ । ପେଇଙ୍ଗ୍ ଆନେଙ୍ଗ୍କେ ତିରକମ୍ କେପେତିଙ୍ଗ୍ ମୁଇଙ୍ଗ୍ ବୁଟୁନେ ତିଲି ଆରି ଖିୟା ଦେଡ଼ ରକମ୍ ଗାଗ୍ଡେ ଆତେନ୍ ଶୁ ।”

୪୧ ଜିସୁ ଆମେଇଁକେ ଏନ୍ ସାମୁଆଁ ବାଲିର୍ ମେଁନେ ତ୍ରି ଆରି ଖିନେ ଚିନା ସାପା ଆସୁଏକେ ।

୪୨ ସିସ୍ତାକେ ବକ୍ସୁଆ ତିଙ୍ଗିଖେଗେ । ମେଇଁ ଜିସୁନେ ଗାଗ୍ଡେକେ କେରେ ଜାବର୍ ସାଦା ତିଙ୍ଗିଆରୁଗେ । ତେଲାତିଗ୍ ମେଇଁ ଜା କେଆରକେ ଆତେନ୍ ଅବିସ୍ବାସ୍ ତିଆରକେ । ଜିସୁ ଆମେଇଁକେ ବାସଙ୍ଗୁକେ “ପେଇଙ୍ଗ୍ ତାଗ୍ରା ମେଠତିଗ୍ ଚଙ୍ଗୁନେ କାଦି ଲେଖକେ କି ?”

୪୩ ମେଇଁ ଜିସୁକେ ତୁଏକ୍ସେ ଆଡ଼ ବିକେ ।

୪୪ ସିସ୍ତାକେ କିକେନେ ବେଲା ଜିସୁ ଆଡ଼ ତୁଏକ୍ସେରେ ଚଙ୍ଗୁକେ ।

୪୫ ବାରି ମୋଗା ଆରି ସର୍ଡେ ବାବବାଦିଙ୍ଗ୍ନେବାନ୍ ଆରାମ୍ ତିରେ ସାପା ସାସ୍ତୁରନେ ବିସ୍ତାରେ ବୁଜେ ବିକେ । ମେଁନେ ବିସ୍ତାରେ ଜା ସାପା ଗୁଆର୍ ବକେ ଜିସୁ ଆମେଇଁକେ ସାପା ବୁଜେ ବିକେ ।

୪୫ ତେଜସ୍ଵୀ ଜିସୁ ସିଦ୍ଧାନ୍ତରେ ସାପା ଦରମ୍ ସାସ୍ତ୍ରରେ ସାମୁଆଁ ବୁଦ୍ଧି ଯାଆନ୍ତେ ଆତେନ୍‌ସା ମେଁଲକ୍‌ନେ ବୁଦ୍ଧି ସୁଗୁଆ କାପାଟ୍ ରୱାବିକେ ।

୪୬ ଜିସୁ ଆମେଲକ୍‌ନେ ବାସକ୍‌କେ “କିସଟକେ ବାଗୁଏ୪ ବିଆରଏ ଆରି ଗୁଏକ୍‌କେ ଜିରୁସି ଦିନା ଇଡିକ୍‌ ଆରି ମେଁ ଜିବନ୍ ଡିକ୍‌ରେ ତଡିଆନେ ସାମୁଆଁ ଗୁଆର ବକେ ।

୪୭ ଆରି ଯିରୁଶାଲାମବାନ୍ ଆରାମ୍ ଡିକ୍‌ରେ ସାପା ଜାତି ଡାଗ୍ରା ମେଁନେ ମ୍ରି ସାଚେ ପାପ୍‌ବାନ୍ ଉଦାର ବାନ୍‌ସା ମନ୍‌କେ ଆୱବଲ୍ଲେ ନ୍‌ସା ମାପୁନେ ସାମୁଆଁ ବାଲିର୍ ଅଲେକ୍‌ ଆରଏ ।

୪୮ ପେଇ ଏନ୍ ସାପା ବିସୟରେ ସାକି ପେଲେ ।

୪୯ ଅଁପା ନେକ୍‌ନେ ଆବା ଆପେକେ ମେଁନେ ବିୱନ୍‌ସା ପାରମାନ୍ ଡିବକେ, ସାପା ଗଟେକ୍‌କେ ଗଟ୍‌ନାଲ୍ ମନେ ଆଲ୍ଲଗ୍ ବିୱନ୍‌ସା ବିୱକେ, ନେକ୍‌ ଆତେନ୍ ପେନ୍‌ନିଆ ମ୍‌ସେ । ମାତର୍ କିତ୍‌ବାନ୍ ଆତେନ୍ ବପୁ ଆପାକ୍ ଜାକ ଆକେନ୍ ଇନିନ୍‌ନିଆ ପେ ଉର୍‌ରେ ଲାୱଲାପା ।”

ଜିସୁ କିତ୍‌ଇନିନ୍‌ନିଆ ଆଣ୍ଡେ ୱେକେ

(ମାର୍‌କ ୧୬:୧୯-୨୦; ପ୍ରେରିଡ୍ ୧:୯-୧୧)

୫୦ ✨ଜିସୁ ମେଁନେ ସିଦ୍ଧାନ୍ତରେ ଯିରୁଶାଲାମବାନ୍ ବେଅନିନ୍‌ନିଆ ୱେନେ ଗାଲି ଜାକ ଆୱଅଲେକ୍‌କ୍ ଡୁକ୍‌ଝେକେ । ଜିସୁ ମେଁନେ ତ୍ରି ଟେକେରେ ସିଦ୍ଧାନ୍ତରେ ଆସିର୍ବାଦ୍ ବିକେ ।

୫୧ ଜିସୁ ଆମେଲକ୍‌ନେ ଆସିର୍ବାଦ୍ ବିୱନେ ବେଲା ମେଁ ସିଦ୍ଧାନ୍ତେ ଡାଗ୍ରାବାନ୍ ବିନେ ଡିକ୍‌ଝେଗେ ଆରି ଆମେକେ କିତ୍‌ ଡୁଂଝେକେ ।

୫୨ ସିଦ୍ଧାନ୍ତ ଆଡ୍‌ଅରିଆ ଆମେକେ ପୁଜା ଡିକ୍‌ଆରକେ ଆରି ମେଇ ଜାବର୍ ସାଦ୍‌ରେ ଯିରୁଶାଲାମବାନ୍‌ନିଆ ଆଣ୍ଡେ ୱେଗେ ।

୫୩ ମେଇ କାଲାଆୱ ମନ୍‌ିର୍‌ନିଆ ଲେୱରେ ପର୍‌ମେସ୍‌ରେନେ ପ୍ରସଂସା ଡିକ୍‌ଆରକେ ।

cxxxviii

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାପୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c